

Абдуҳамид ПАРДА

ТАНЛАНГАН АСАРЛАР

III ЖИЛД

ТАРЖИМАЛАР

«OYDIN» нашриёти
Тошкент
2021

УЎК: 821.512.133-1

КБК: 84-5(5Ўзб)

П 21

Пардаев, Абдуҳамид

«Танланган асарлар» III жилд [Матн]: назм ва наср /
А.Пардаев. – Тошкент: «OYDIN», 2021. – 304 6.

*Таниқли шоир Абдуҳамид Парда Танланган асарлари учинчи жилдидан
асосан жаҳон шеъриятидан қилган таржималари жой олган. Шунингдек,
мазкур тўпламдан машхур адибларнинг эссе, мақола ва ҳатлари ҳамда
улар билан адабий сухбатлар таржималари ҳам ўрин олган.*

ISBN 978-9943-6338-9-6

© Абдуҳамид Пардаев

«Танланган асарлар» III жилд.

© «OYDIN» нашриёти, 2021

ШАРҚ ШЕЪРИЯТИДАН

ФОНИЙ

Рубоийлар

- 1 То дилимда бор тобу тавон,
То танимда бор руҳи равон.
Дил моили ҳусни дилистон,
Жон волаи ошуби жаҳон.
- 2 Ҳуснинг билан одоб гулшани чашмим,
Равшан нури билан маскани чашмим.
Бахра олмаса гар равзани чашмим,
Зулмат ичра қолар равшани чашмим.
- 3 Сенсиз сабру тоқат даргумон,
Сенсиз бағрим ўрттар, ёр, хижрон.
Сенсиз, эвоҳ, жони жонажон,
На сабр бор, на дил ва на жон.
- 4 Ҳар нафас дегаймиз минг ҳамду сано,
Минг ҳамду санодан Ўзинг истиғно.
Фаришталар такбир айтар: «Тасанно –
Илмингдай илм йўқ бизда, Раббано!»
- 5 Том узра нозланар моҳ малаксиймо,
Ҳатто ою офтоб маҳлиё сиймо.
Икки қошинг акси тушиб, санам-о,
Икки чашмим баайни қибланамо.
- 6 Лабларинг шароби маст қилар, эй ёр,
Сарбаланд бўй-бастинг паст қилар, эй ёр.
Хаёлинг ҳамроҳ-ҳамдаст қилар, эй ёр,
Йўқса, дарди ҳажринг қасд қилар, эй ёр!
- 7 Тонг ели келтирап гар бўйинг, эй ёр,
Бог ичра жилвагар гар кўйинг, эй ёр.
Ҳар гул ёдга солар гар рўйинг, эй ёр,
Ва лекин ноаён феъл-хўйинг, эй ёр.
- 8 Тун бўйи то сахар зорман-интизор,
Яккаман-ёлғизман, хастадил бемор.
Ҳажринг ичра омон қолмогим душвор,
«Ёрингман!» деганинг қайда қолди, ёр?!
- 9 Жонбахш лабларингга минг жоним фидо,
Атрингга, ёр, руҳи равоним фидо.

Нозингга ошкору ниҳоним фидо,
Хоки пойингга бор жаҳоним фидо!

- 10 Мафтун-маҳлиёман то сенга, жонон,
Кўзим ёши дарё, жигар-бағрим қон.
Во дариг, афтода ҳолимга ҳар он,
Ҳатто қуш-балиқлар йиғлагай гирён.
- 11 Ҳажрингда қисматим изтироб бу тун,
Жонимни олгудай зўр шитоб бу тун.
Ҳажринг бағрим ўртар бир итоб бу тун,
Ҳолимга раҳм қил, моҳитоб бу тун!
- 12 Юлдузлар сиришким баҳрида ҳубоб,
Йўқ-йўқ, бундайин ҳол биз учун нобоп.
Юлдузлардан ашк дарёси шуълатоб,
Жамолинг яширди мисоли гирдоб.
- 13 Ҳиммат қаҳат худбин кабир-киборда,
Ҳиммат бисёр мазлум – беэътиборда.
Ҳиммат нетар зоҳид сур риёкорда,
Ҳиммат ҳар жўмарду ҳам ишқи борда!
- 14 Ғурбат ичра солди ҳажринг, эй ҳабиб,
Ўлар бўлдим, ё Раб, минг дардан қариб.
Ёр қайда, чорласа хастага табиб,
Кафан ҳозирласа гар ўлса ғариб.
- 15 Минг жафо ёғдирса гар чархи фалак,
Золим замон зулми гар қилса ҳалак,
Вафо ваъда қилса малика-малак,
Бошим зулфи каби пойида палак!
- 16 Токай минг ситаму фироку ҳижрон,
Токай сенсиз ғариб бу байтул-аҳzon.
Токай висолингга ташна дил вайрон,
Қачон дил мулкига бахш этарсан жон?
- 17 Дил борми, ёр, зулфингга банд бўлмағай,
Ё жон ҳажрингда кишанбанд бўлмағай.
Дилинг маним, сенинг ҳарчанд бўлмағай,
Ҳеч жон йўқ ишқингга пайванд бўлмағай!
- 18 Жоми Жам гар топсам ногаҳон,
Қўлдан кўймай ичай беармон.
Токай кўхна бепоён осмон,
Ақлу ҳушим айлар лол-ҳайрон.

- 19 Танг қиласар ақволим хипчабел ниҳол,
Қаро зулфинг айлар хастадил, беҳол.
Қоматинг қасд қиласар умримга алҳол,
Лабларинг болидан жонда йўқ ҳеч ҳол.
- 20 Кўзингдан минг афсун топар минг ривож,
Бобибу Каширидан олар минг бир бож.
Айёр бошдан олиб тож қилса торож,
Тандан бош оларсан бамисоли тож.
- 21 Эй соқий, бағрим қон, қадаҳ тут, қадаҳ,
Гар йирик минг чандон қадаҳ тут, қадаҳ.
Гар мисли ос(и)мон – қадаҳ тут, қадаҳ,
Ичарман бегумон қадаҳ тут, қадаҳ!
- 22 Ҳеч саркашлиқ қилма жононга,
Тик қарамас банда сultonга.
Жон баҳш айла сен ёрижонга,
Телбалик хос ошиқ нодонга.
- 23 Үл ошиқ ишқи мулки обод бўлгай,
Ақлу ҳұшдан буткул гар озод бўлгай.
Манманлик қилган ҳар кас барбод бўлгай,
Яхшилик дъявоси рад, ношод бўлгай.
- 24 Тонг отди, то ҳануз сендан йўқ нишон,
Сен кетдинг, самода хуршид нурафшон.
Қон қиласар юрагим бу ҳолат, ишон,
Кеч келиб, тез кетиб қолишинг, жонон!
- 25 Мен хастага келди дилбардан нома,
Мехр-муҳаббатга тўла дилнома.
Йиглатди, ҳайҳот, бу мактуб раҳнамо,
Тўкилдим номага ёш бўлиб тома.
- 26 Бўстон ичра кезар боди навбаҳор,
Нофаи Чин сархуш қиласар беғубор.
Наргис кўзларида изингдан губор,
Ғунчага шодлигин айлар у изҳор.
- 27 Жонон, бўйнимдан кўл олмагин бир дам,
Додимга ет ахир, бўл менга ҳамдам.
Юзларинг юзимга суриб дамодам,
Руху ақлу ҳұшга бермагин барҳам.
- 28 Ташнаман, соқиё, майи нобдан қуй,
Минг бир дардга дармон-даво обдан қуй.

- Тавба қилсам гар боз шаробдан қуй,
Бошу оёғимдан минг бор обдон қуй!
- 29 Эй соқий, узаттин майи тарабнок,
Жамолинг нуридан бўлгай яна пок.
Минг дарду аламга ташна бу бебок,
Пайдар-пай қадаҳ тут, титрагай афлок.
- 30 Сен кетган лаҳзадан бетобман, бетоб,
Фикру хаёлингда кўз ёшим, ҳубоб.
Дарди ишқинг билан жисму жон кабоб,
Кел, эй ёр, бутунлай этмагин хароб.
- 31 Кетдингу дардингда фигорман, фигор,
Кўзларим йўлингда нигорон, нигор.
Хаста не, ҳажрингда ногирон-низор,
Кел, эй ёр, ғарибинг қилмай интизор.
- 32 Во дариф, токай ул пари ёр бўлмас,
Ҳажрида оҳимдай оташ-нор бўлмас.
Тобакай инону ихтиёр бўлмас,
Токай хаста кўнглим баҳтиёр бўлмас?!
- 33 Во дариф, паришон, паришон кўнгил,
Ҳар бир амалидан пушаймон кўнгил.
Ақлу хуш бегона нотавон кўнгил,
Нотавонлигидан лол-ҳайрон кўнгил.
- 34 Жамолинг, жонона, жаннат жилвагоҳ,
Қаро зулфингдан, ёр, узолмам нигоҳ,
Ҳусни жамолингга гувоҳман, гувоҳ,
Тенг кела олмагай на офтоб, на моҳ!
- 35 Рўшнолик истасанг, феълинг соз айла,
Фақат дилда борни тилда роз айла.
Бебош оломондан эҳтиroz айла,
Тангри фикри зикрин ёр, ҳамроz айла!
- 36 Одамлар жавр этса, қилма ҳеч исён,
Тақдирга тан бериб шукур қил ҳар он.
Бемаъни сўзлама токи бор имкон,
Тинглама bemayaни гап ҳам ҳеч қачон.
- 37 Истасанг бўлмоқни гар аҳли хавос,
Ҳар битта жоҳилдан халос бўл, халос.
Не ажаб, ёр бўлса эътиқод-ихлос,
Мақоминг айласа хос аҳлига мос!

- 38 Эй дарвеш аҳлидан ҳиммат кутган зот,
Аввало уларга қилгин илтифот.
Фарид күнгилларни обод этсанг бот,
Не ажаб, сенга ҳам бўлса қўш қанот.
- 39 Юзида минг парда, минг ҳижоб бу хат,
Дема ҳеч: муаттар мушки ноб бу хат.
Оқшомдан офтобга бир нидо бу хат,
Гўё қиёси йўқ нақши об бу хат!
- 40 Сен боис зор жисми нотавоним шод,
Жамолингдан чашми хунфишоним шод.
Қоматингдан руҳим ҳам равоним шод,
Жонбахш лабларингдан, эй ёр, жоним шод!
- 41 Минг алам, минг қайғу жудолик дарди,
Багрим ёқар, ёху, жудолик дарди.
Захар заққум оғу жудолик дарди,
Бошимга етар бу жудолик дарди.
- 42 Во дариг, оташи ҳижрон ичраман,
Бошдан-оёқ ашки ғалтон ичраман.
Гар чора ахтардим имкон ичра ман,
То ҳануз оташу уммон ичраман.
- 43 Дилда дарди ишқнинг минг бир доғи бор,
Минг доғдан иборат минг бир боби бор.
Минг доғ билан маъмур сўлу соғи бор,
Яна минг битта доғ қўйиш чоғи бор.
- 44 Мижгонларинг қатлдим учун саф-басаф,
Ки ҳар бир ўқига жон нишон-хадаф.
Қисматим, во дариг, талофат-талаф,
Эвоҳ, қочиб бўлмас бирон-бир тараф.
- 45 Дўйстлар фасли баҳор ичса майи соғ,
«Ичмайман ортиқ!» деб урсам ҳамки лоғ,
Ёлғон даъволарим айлангу маоф,
Пайдар-пай май тутиңг, эй аҳли инсоғ.
- 46 Офат жонга, эй ёр, доми фироқнинг,
Мисли заҳар-заққум жоми фироқнинг,
Васлингга етказса шоми фироқнинг,
Дилдан ўчар мангуб номи фироқнинг.
- 47 Бошим узра, эй ёр, афсари ишқинг,
Қалбим ичра пинҳон гавҳари ишқинг.

Афсари ишқ берган кишвари ишқинг,
Ёндирап жавоҳир ахгари ишқинг!

- 48 Мутбачалар дайри мұғ ичра чолок,
Қилдилар майи ноб билан маст-бебок.
Гаров бўлди майга ҳирқам чоку чок,
Шароб сўнмадилар ортиқ, ё афлок!
- 49 Соқийи башанг, сун шароб оташранг,
Томчисидан эриб оқсин ҳатто санг.
Минг дарду ғам билан дилтангман, дилтанг,
Яйрайман, эй сатанг, майи ноб тутсанг!
- 50 Дарди ишқ ою йил ягона аъмол,
Ишқинг ила қалбим топади камол.
Ҳажрингдан дўзах ҳам зиёда, алҳол,
Яйрасам, не ажаб, топгандек висол.
- 51 Ҳар зуҳду зоҳиддан уз кўнгил, эй дил,
Дайри фано ичра туз манзил, эй дил.
Май-най билан мақсад боз ҳосил, эй дил,
Мақсадга салосил бўл восил, эй дил.
- 52 Кимлигим ҳеч билолмай зорман,
Неман, недан, не учун борман.
Одамманми ё хок-ғуборман,
Била олмай аслим бедорман.
- 53 Ошиги ранжуру ранжонман, нетай,
Телбаю расвои жаҳонман, нетай.
Ёлғиз тоқат билан омонман, нетай,
Бетоқат бир ранги сомонман, нетай!
- 54 Ғуборинг безагай султонлар тожин,
Ожизман васфига ҳуснинг ривожин.
Ҳуснинг торож айлар жаҳон хирожин,
Ҳолим танг қиласанг бирон иложин.
- 55 Дилинг хира қилса аҳли замона,
Кунинг гар тун каби зулмат вайронা,
Жабр қилса даҳри дун золимона,
Омонлик истасант, май ич мастрона.
- 56 Эй пари, ҳажрингда танда жон нетар,
Оламни фарёдим, не тонг, маҳв этар.
То пари пайкарим олислаб кетар,
Кулфати ҳижрони бошимга етар.

- 57 Хўтан шамъи айлар ҳар кечанг гулшан,
Кун бўйи бош узра порлар офтоб шаън.
Шом чўкса моҳитоб машъала-маъшан,
Умринг, ё Раб, бўлгай шу асно равшан!
- 58 Бир оқшом висоли жаннат жонона,
Майи ноб узатса яна мастона,
Саҳар май хумори қилса ранжона,
Жону жомам гаров қиласай мардона.
- 59 Май жоми тубида қуйқаси чунон,
Ошиқи шайдони қиласар нотавон.
Не фам, гар ҳатто жон олса ногаҳон,
Майи ноб қатраси ато айлар жон.
- 60 Баланд тоғ этагин макон тутарман,
Эрта-кеч гар заҳар-зақкум ютарман.
Бахрингдан, жаҳону жонон, ўтарман,
Тоғ пойида дилим комин кутарман.
- 61 Фақру фано синов, бардош бер, бардош,
Ҳиммат қил, бор будинг ҳадя эт, қардош,
Алқаса шу икки ишинг қари-ёш,
Чикора бошингга ёғса ҳам минг тош.
- 62 Ҳамхона бўларми дея жонона,
Хомтама бўлма, эй, дили девона.
Девона дилингдай кулбанг вайронга,
Нетиб пари пайкар бўлар ҳамхона?!
- 63 Ой юзинг мисоли кавкаби жаҳон,
Муаттар атринг, ёр, жамбилу райҳон.
Ошиқлар оҳидай сим-сиёҳ, жонон,
Сочи сунбулингсиз ҳолим танг чунон.
- 64 Гар заҳри фам қилса ҳалок, эй соқий,
Даф қилса майи ноб не бок, эй соқий?
Дилим минг гуноҳдан фамнок, эй соқий,
Майи ноб билан тез қил пок, эй соқий!
- 65 Фано дайри ичра тиласанг гар май,
Тинглайин десанг гар дафу чангуй най,
Токи дайр пири ҳиммат қилмагай,
Армон бу баҳт ҳатто бўлсанг Жаму Кай.
- 66 Парвона гар минг бир шўх жонон, соқий,
Кўзларим йўлингда ниғорон, соқий.

Пайдар-пай жоми май тут чунон, соқий,
Сармаст бўлай мен ҳам беармон, соқий.

- 67 Майкада риндларга макон, эй соқий,
Мени ҳам элтдилар у ён, эй соқий.
Кўнглимда қолмасин армон, эй соқий,
Май узат ҳар лаҳза, ҳар он, эй соқий.
- 68 Заъфарон баргрезон – хазон, эй соқий,
Хазондай ранг рўйим сомон, эй соқий.
Баргрезон майда ҳам аён, эй соқий,
Ичарман ҳамон ҳар замон, эй соқий.
- 69 Мансаб, жаҳон жоҳи, эй, айлаган ром,
Бу дарду ғам боис бегона ором;
Қайда Искандару Жамдан зиёд ком,
Кўлингда бўлмаса ойнаи Жом.
- 70 Ёр кўйида бўлмай беному нишон,
Аён бўлмас минг бир сир-асрор, ишон.
Макону замонда бўлмай ломакон,
Ҳаёти жовидон армон бегумон.
- 71 Ўтар дунё дарду ғами билан банд,
Бақо ганжин кўзга илмас худписанд.
Бевафо жоҳ билан ҳамиша хурсанд
Шоҳ бўлсанг-да сен ҳам Ҳақга ҳожатманд.
- 72 Олимлик даъвосин қиласар ҳар нодон,
Илми камлигини билган – билимдон.
Манманлик бошингга бало, эй инсон,
Камтарлик қилсанг, бас, олам гулистон.

Қатъалардан

- 1 Эй булбул, гул ишқи қилмагай шайдо,
Ёдингдан чиқмагай нори фироқнинг.
Гул умри беш кунлик, сўнгра йил бўйи
Бағрингни ўртагай нори фироқнинг.
- 2 Эй бадбин, ўртадинг элу юрт бағрин,
Зулмингдан диёр не, вайронা очун.
Борни барбод қиласар сен каби оташ,
Оташни ўчирмок зарур инчунун.
- 3 Гар шеъру ашъорим бамисли фарзанд,
Ўзгаларнинг дилбар абёти маҳбуб.

Махбуб бўлган каби уларнинг шеъри,
Не тонг, шеърим бўлса уларга марғуб.

- 4 Бевафо бу даҳри дун ичра,
Ҳеч ким билан бўлса ёр иноқ,
Ёринг агар бўлса замонсоз,
Ўртар бағринг ҳар нафас нифоқ.
Гар ёр топсанг дилингга манзур,
Хатар солар бошингга фироқ.
- 5 Мукаммал бўлиши даргумон шеърнинг,
Муяссар бўлмаган бунга ҳеч бир кас.
Баробар бўлса бас фазлу нуқсони,
Қай бир шоир буни қилмагай ҳавас.
Фазилати бисёр шеъру ашъорни
Юздан бир шоир ҳам ҳеч битган эмас.
Ранго ранг ҳаттоки Оллоҳ қаломи,
Нетиб ҳавас қилгай биздай хору хас.
- 6 То тилло-зар тоғ-тош конида,
Ниш-тикандан токи унар гул.
Қай бир бадфеъл хонадонида
Не ажаб, гар туғилса булбул.
- 7 Одам зотин назарга илмас,
Дард аҳлига бўлолмас дардманд.
Аҳли элни ким писанд қилмас
Бундай хор кас худбин-худписанд.
- 8 Даҳри дун аҳлидан ким узиб кўнгил,
Танҳо яшамоқни гар қиласа одат.
Ёлизилик ярашса ҳамки Худога,
Узлат бандага ҳам баҳту саодат.
- 9 Холи бўлай десанг заҳматдан,
Юҳо элдан узоқ бўл ҳамон.
Шакарга ўч ғужғон пашшадай,
Улардан наф кўрмоғинг гумон.
- 10 Ошиқ бамисоли қурбака,
Маъшуқаси мисоли оташ.
Ошиқ хору забун-афтода,
Маъшуқаси юксак ой саркаш.
- 11 Давлати камаймас жавонмарднинг ҳеч,
Ҳимматдан сахийнинг буришмас афти.

- Дарё суви олган билан камаймас,
Қуёш гар нур сочар, камаймас тафти.
- 12 Тўқ бўлсанг, нафсингни тийганинг маъқул,
Кўп емоқ келтирап минг ранжу фасод.
Даррандалар ичра баднафси агар
Беармон еб-ичиб топса ҳам мурод,
Ҳалқумига оҳу тираганда шох
Тили ҳам айланмас сўрашга имдод.
Сен ахир инсонсан соҳиби ҳикмат –
Молдай еб шаъннингга келтирма иснод.
- 13 Ҳар мажлисда тўрдан жой кўзлар олим,
Раққос ўйинчидан асло қилмас фарқ.
Олим дема уни, жоҳилу золим,
Гўзал қаддан ўзга барига бефарқ.
- 14 Муҳтасиб бўлишдан олдин бу кимса
Майхона кунжидан чиқмасди мудом.
Бу айём туз солиб май тўла хумга
Айшу ишратимиз айлади ҳаром.
- 15 Моҳиён ҳовузи балифи талон,
Овлоқ жойдалиги бунга баҳона.
Кимки бу ҳовузни қўриқласа гар.
Маош тайинлайман, бас, моҳиёна.
- 16 Эй улуғ зот, қай бир ҳамдаминг,
Пора бўлса эгнида лиbos.
Унга ҳадя айладинг мато,
Кўйлак учун мақомига мос.
Менга ҳам мато бер бир пора,
Либос тикай мен ўзимга мос.
- 17 Дўстим деганинг гоҳ бағринг поралаб,
Етказар жафокаш жонга талофат.
Куйдирар бағрим ким билан бўлсан дўст,
Дўст эмас аслида балойи офат.
- 18 Нокас аҳли дилга отмаса ҳеч тош,
Қадамин босмаса ҳеч хонадонга.
Дарёга тумшуғин тиқмаса кўппак,
Пашша қўнимаса ҳеч бир дастурхонга.
- 19 Ё Раб! Ё Раб! Бу не муҳташам бино,
Тўққиз фалакдан ҳам юксак ралоқи.

Гумбази уммони ҳилолга пайванд,
Шу жуфт нова билан сарбаланд тоқи.

- 20 Сафар дар Ватан деб отланган йўлга,
Кимсага эргашиш эмас гар осон,
Сафар қилмаган кас бамисли сахро,
Сахро ичра йўлдан бўймас ҳеч нишон.

Алишер НАВОИЙ

СОҚИЙНОМА

I

Соқиё, кел, қадаҳ тутгин шоҳона,
Қатраси лаъл каби vale яқдона.

Лаъл кони кеби хумдин чиқибон,
Лаъли яқдона ўзумдин чиқибон.

Рангиг олов ичра қизғин наъл¹ каби,
Шуъласи шоҳ тожи узра лаъл каби.

Ёғдусидан руҳга ҳам нурү сафо,
Яширина олмас ҳурлар ҳам ҳатто.

Қўлидаги жоми қадаҳи ҳуршид,
Ҳуршид дема асло, бу – жоми Жамшид.

Базм ичра бўлса Жамшиди замон,
Заррин таҳт устида Ҳуршиди макон.

Шоҳлар ҳам қошида човуш мисоли,
Ақл англай олмай бехуш мисоли.

Ҳукму фармонида жамики хонлар,
Амрига бўйсинар барча султонлар.

Самодан ҳам юксак таҳти дунёда,
Беадад юлдуздан халқи зиёда.

Таҳт узра шафакранг тутса майи ноб,
Мовий қадаҳ тўла бир лаъли мизоб².

Ушбу майким, уни то таъриф этдим,
Таъриф қилиб ногоҳ ўзимдан кетдим.

¹Наъл – нагал, тақа.

²Лаъли музоб – лаъл каби алвон май.

Султон уни Хизр сувидек ютса,
Дурди жомин менга ҳам лутфан тутса.

Шоҳ билан биз бода ичгач дўстона,
Арз айласам сўзларимни мастона.

К-эй улус хони, шаҳи чарх жаноб,
Хотиринг баҳру кафинг мисли саҳоб.

Бевафодур фалак ки буқаламун,
Ишларида йўқ ҳеч тартибу қонун.

Йўқ бақо жоҳ билан шавкатга яна,
Йўқ вафо умр ва давлатга яна.

Тангрига шукурки, сени шоҳ қилди,
Бир йўла ҳар сирдан ҳам огоҳ қилди.

Фикр қилгин, шоҳлар забт этган жаҳон,
Ҳеч бири йўқ, қора ер ичра ниҳон.

Қаюмарс қайдао ҳам Ҳушанг қани,
Иккисида тожу ҳам авранг¹ қани!

Қани Жамшид билан Фаридун охир,
Бирин қолдирдими даҳридун охир!

Не Каёни бору ва не Сосоний,
Не Искандар бору ва не Ашконий.

Қолмади Рустаму султон Сом яна,
Язди Журд ўттию хон Баҳром яна.

Қани, айтгин, хонлар хони Чингизхон,
Ўқдой қани, эвоҳ, забардаст хоқон.

Қани Темур — шоҳи исломпаноҳ у.
Жаҳон олган, тортиб хайли сипоҳ у.

Бобокалон олис аждодинг қани,
Оға-ини билан авлодинг қани.

Адоват хунари фалак қай бир пайт,
Берганин олмаган қай биридан, айт!

Кимни юксалтирса қўёшдай сарбаст,
Ким яна қилмади замин узра паст.

Лутифидан ким олган бўлса бир баҳр,
Ким яна тутмади юз согари заҳр.

¹ Авранг – тахт.

Азал бу иш оид жоҳил донога,
Бу баҳс оид Хизр ҳам Масиҳога.

Азалдан бу қисмат барчагараво
Бу дунёда шоҳ боқий, на гадо.

Зотан, Тангри ёдин унутма бир дам,
Ўзинг дунё билан овутма бир дам.

Тангри раҳматидан бўлма умидсиз,
Мангур ғазабидан ҳам ҳам кўркқин ҳаргиз.

Юрту юрт халқнинг кўнглини шод қил,
Иккисин ҳам адлинг билан обод қил.

Тангри ёди бўлгач сен учун ҳисор,
Адолатни қилгин халқ учун шиор.

Сен ўзингни булар билан хуш тутгин,
Ҳар баҳона билан кўнглинг овутгин.

Айшу ишрат билан ҳеч бўлма ғофил,
Жаҳон мулки азал-абад беҳосил.

Бир нафас ҳам бўлмас ҳеч ғафлат билан,
Адл қилгин, ўйқса бўл ишрат билан.

Ҳар бир онни таъриф этиб бўлмас ҳеч,
Фурсатни бой бергач этиб бўлмас ҳеч.

Фалак бир фамхона, шоду хуш бўлгин,
Сийму зар улашиб ҳам сархуш бўлгин.

Сен туфайли юрт тинч бўлса, халқ омон,
Тангридан марҳамат кутгин бегумон.

Лутфин дариг тутмай ки ҳайи ғафур¹,
Ҳар икки оламда айлагай маъмур.

II

Соқиё, тут манга жоми майи ноб,
Жоми май демаки, бир лаъли сероб.

Ранги гўё ёқут сувидан тимсол,
Ёқут не, эриган бир лаъл мисол.

Исо нафасидай кайфияти бор,
Оби ҳайвон каби хосияти бор.

¹ Ҳайи ғафур – гуноҳларни кечирувчи ягона Павардигори олам.

Уни менга тутсанг гар нўш этайин,
Сармаст бўлиб ҳам ўзимдан кетайин.

Багрим айни шоҳи замон ҳижрони,
Шунчалар ўртамиш айтотмам уни.

Шоҳи Жам замонда қиммати баланд,
Эзгуликда макон ичра сарбаланд.

«Хамса»да ҳар бир ҳарф гўёки уммон,
Замирида юзлаб дур бор бегумон.

Достонларки, ёздим шитоб бирма-бир,
Бағишладим сўёзиз шаърига кабир.

Зора топса дея беҳисоб фойда,
Насиҳат ҳам қилдим керакли жойда.

Ёд олган эди шаҳзода барин,
Билган эди шоҳи озода борин.

Ҳолбуки шарт эмас насиҳат нақл,
Ақли кулл¹га ҳеч ким ўргатмас ақл.

Қайдা бўлса ҳамки Худо ёр бўлсин,
Авалиёлар руҳи мададкор бўлсин.

Кошки насиб айлаб висолин кўрсам,
Яна бир бор унинг жамолин кўрсам.

III

Соқиё, маст қилар шароб келтиргин,
Дайрдан мастона шитоб келтиргин.

Шундай майки кўриб ҳар бодапараст,
Ичмай туриб бўлгай атридан сармаст.

Завқ бахш этгай гўё оҳанги «Ироқ»,
Аччиқ бўлсин гўё хуноби фироқ.

Созанда, созингни сайрат дўстона,
Ҳусайнин куйини чалгин мастона.

Ҳусайнин сўзларин куйга соглайсан,
Байтларидан куйлаб кўнглим олгайсан.

Куй ва қўшиқ билан мени шод айланг,
Бир нафас қайғудан ҳам озод айланг.

¹ Ақли кулл – энг етук баркамол ақл

Шоҳларнинг нодири ҳулқу атворда,
Нуқтаю диққату шеърй ашъорда.

Тангри қилди токи мулойим уни,
Саломат асрасин ҳар доим уни.

Руҳпарвар сўзи бўлсин ўзидек,
Руҳгустар¹ ўзи бўлсин сўзидек.

IV

Соқиё, тут қадаҳ тўла ва ҳалол,
Ранги қонли кўзим ёши каби ол.

Поклар ишқи каби завқи зиёда,
Шўхлар хусни каби шавқи зиёда!

Қатраси лаъл vale ғоят руммони,
Наинки руммой, де ардистони.

Менга берки, токи уни қилсан нўш,
Тарк айласин ақлу дониш билан хуш.

Сўнгра тутай кони латофатга ҳам,
Кўзлар нури шоҳи хилофат²га ҳам.

Ул доғи ичтику ҳушхол ўлдик,
Ғаму меҳнат анга помол ўлдик.

Иккимиз ҳам ичиб ҳушҳол бўлайлик,
Фами меҳнат ичра поймол бўлайлик.

Токи ўша бода билан топгач ком,
Қайси томон қилса ҳамки гар хиром,

Барча ниятлари мұяссар бўлсин,
Ёвлари устидан музaffer бўлсин.

V

Соқий, май келтир мисоли ёқут,
Ҳам руҳнинг қуввати, ҳам жонларга қут.

Таъми бўлсин гўё шарбати ҳижрон,
Ранги бўлсин гўё лаъли Бадахшон.

Ложуварди қадаҳ ичра уни сол,
Мовий само ичра шафақ қил хаёл.

¹ Руҳгустар – руҳ берувчи, руҳлантирувчи.

² Шоҳи хилофат – шоҳнинг ўринбосари, шаҳзода

Армон билан боқиб Балх шаҳри томон,
Айни ғам шомида ичсин беармон.

Улки, оти Ҳайдар, ҳулқи ҳам гўзал,
Қилган ҳар иши ҳам ёқимли азал.

Шавкату шон топсин, топсин эзгу ком,
Мулки ислом ичра у аҳли ислом.

VI

Соқиё, кел, жоми лабо-лаб тутгил,
Одоб билан жуда боадаб тутгил.

Ҳар бодаки қанча қилса ҳам сархуш,
Эҳтироми ортар, ортар ақлу хуш.

То Марв томон боқиб мен бош урайин,
Само манзаридан бош оширайин.

Санжар давлатига у ворис бўлган,
Санжари сонию ҳам солис бўлган¹.

Ёди билан тутай ўзимни бир дам,
Бу ғамбода жаҳон ичида хуррам.

Шоҳи Абулмуҳсин, муборак дийдор,
Умру давлат билан иқболи пойдор.

VII

Соқиё, бодай гулфом² келтиргин,
Майи гулранг солиб, бир жом келтиргин.

Бодаки, руҳ деди уни ҳакимлар,
Руҳ қути атади таъби салимлар.

Машриқнинг лоласи қаби олтин жом,
Олтин жомга тушса бу майи гулфом,

Жамоли гўёки сурайё бўлгай,
Шаҳзода ичса гар муҳайё бўлгай.

То қиёмат жоми лабо-лаб бўлсин,
Сипқоргани сайин яна ҳам тўлсин.

¹ Сатр маъноси – у наинки иккинчи, балки учинчи Санжар ҳам бўлган.

² Гулфом - гул ранг, қизил гулранг.

VIII

Соқиё, тутгайсан қадаҳ шавқангез,
Зилол сувдай тиниқ, олов каби тез.

Суви жонбахш кавсар оби мисоли,
Үти дўзах оташ-тоби мисоли.

Ичиб шавқу завқнинг бобин очайин,
Инъом ариғидек борим сочайин.

Нўш этайнинг чархнинг имдоди билан,
Нимрӯз аҳли шоҳин ҳуш ёди билан.

Унинг учун барча ниҳонлар маълум,
Гарчи май ичса ҳам атвори маъсум.

Зобил қўйл остида, событ фармони,
Рустами Зол¹ мудом унинг дарбони.

IX

Соқиё, кел, жоми ҳилоли тутгин,
Бода алвон хуршид мисоли тутгин.

Рангли бўлсин лаъли Бадаҳшон янглиғ,
Ёлқини хуршиди дураҳшон янглиғ.

Ҳар қатраси юлдуз мисоли порлоқ,
Томчиси гўёки ялтироқ чақмоқ.

Тутгин уни жоми ҳилоли билан,
Ҳам Боҳтар шоҳининг хаёли билан.

Ақли ғоят расо таъби ҳам салим,
Кимлигин сўрасанг Ҳусайн Иброҳим.

Одил адли билан юрт бўлсин бўстон,
Чегара дош унга мулки Ҳиндистон.

X

Соқиё, баҳт майин тутгин бўлсанг ёр,
Олтин қадаҳ тутиб қилгин баҳтиёр.

Ичган одам қилиб тарки ақлу хуш,
Булбулдай сайрасин дафъатан сархуш.

Камгап одамни ҳам суханвар қилгай,
Ҳар сўзин бамисли дур-гавҳар қилгай.

¹ Рустами Зол – Золнинг ўғли Рустам.

Уни ичгач бўлсин шоҳи музaffer,
Қўллари зар сочсин, забони гавҳар

Коми андоқки, керактур ҳосил,
Шоҳ иқболидин ўлсун юз йил.

XI

Соқиё, шубҳасиз гўзал жом яхши,
Гўзал жомнинг бўлар майи ноб нақши.

Жоми поку майи ноб ундин ҳам пок,
Күёшу чашмаи ҳайвондин ҳам пок.

Уни ичиш учун то қилса ҳавас,
Салтанат боғида шаҳзода сарбаст,

Унинг базмига ҳам, бас, лойиқ бўлсин,
Покиза табъига мувофиқ бўлсин.

Шоҳга мақбул, элу юртга зебу зайн,
Сўзи ҳам ўзидек манзур ибн Ҳусайн.

XII

Соқиё, тут манга гулбўй қадаҳ,
Халқ қўнглидин аламшўй¹ қадаҳ.

Кўнгил уйи ичра шундай ёқса нур,
Тийраликни қилса дафъ шамъи суур.

Токи берай, кўнглим бўлиб гулшанвор,
Кўзимга шаҳзода юзидан анвор².

Ё Раббано, унга берсин тоабад,
Қосим Анвар рухи имдоду мадад.

Чун сўзи хуштур, ўзи хушҳаракот,
То абад бўлсун анга умру ҳаёт.

XIII

Соқиё, жоми фарибона кетур,
Мен фариб ичсам ани, яна кетур.

Кўз олдимдан кетмас ҳеч икки фариб,
Иккиси ҳам бўлди юртдан бенасиб.

¹ Аламшўй – алмаларни ювадиган, ғам-ғуссалардан поклайдиган.

² Анвор – нур, зиё, ёғду.

Жудо отасидан - султони марддан,
Ниятларин раво қилар жўмарддан.
Не экин ҳоллари гурбат аро,
Бошқа гурбатда келур шиддат аро.
Бахту толедан ҳам жудо бир даштда,
Антиқа бир қавм аро саргашта.
Ўзга мулк, ўзга диёр, ўзга даман¹,
Ўзга халқ, ўзга макон, ўзга ватан.
Тушда кўрамикан улар шоҳни ҳеч,
Ватану маскану бунгоҳ²ни ҳеч.
Иккисини эслаб бир жуфт қадаҳ тут,
Иккисин ҳам қила олмасман унут.
Бағрикенглик қилса зора шаҳаншох,
Юртга қайтсин иков ҳам иншооллоҳ.

XIV

Соқиё, қил тўла жоми заркор,
Бир ғазал бошлагин Фаридун осор³.
Орзу бодаси яна ҳам рангин,
Назмнинг шеваси яна ҳам ширин.
Назмнинг сўнгида бағоят мамнун,
Шоири замонга сен қадаҳни сун.
Ул иков ёди била ичсун қўш,
Сўнгра қору санга қилдирсун нўш.
Ўша иков ёди билан ичсин қўш,
Сўнгра қору санга қилдирсин у нўш.
Жомин дурдин яна каминага тут,
Жуфт қадаҳ баҳш этсин яна ҳам сарқут⁴.

XV

Соқиё, тутгайсан қадаҳи мовий,
Халқнинг ақлин қилсин ногоҳ шайдойи.

¹Даман – вайронса, саҳро, дашт.

²Бунгоҳ – жой, турар жой.

³Фаридун осор – Фаридун, Пешодийлар сулоласига мансуб олтинчи ҳукмдор. Фаридун осор – Фаридун сингари.

⁴Сарқут – кайф, шароб кайфи.

Мовий қадаҳ ичра ўша майи ноб,
Феруза жом ичра ёқути мизоб¹.

Бода учун бўлсин бу базм аро
Шоҳу султон Вайс ибни Бойқаро.

Унга шавқу завқим сен батафсил айт,
Шеъримдан ҳам ўқиб бергайсан бир байт.

То жаҳон бор экан ҳар коминг бўлсин,
Айш базми ичра мақоминг бўлсин.

Жаннат ичра бўлсин Тангридан мағфур²,
Отаси Бойқаро ибн Мансур.

XVI

Соқиё, жоми жаҳонбин³ олғил,
Ичига бодаи рангин солғил.

Жоми Жам ҳайъатин сен мазҳари бўл,
Балки ойинаи Искандари бўл.

Қайғу қилса жумла жаҳонни зулмат,
Ҳар қултуми бўлсин, бас, оби ҳаёт.

Хизр суви билан тўлсин бу жоминг,
Унга оби ҳаёт бўлсин бу жоминг.

Отаю оғасиға ҳайи мубин⁴,
Равзай хулд⁵ аро берсин таскин.

XVII

Соқиё тут қадаҳи ақлзудо⁶,
Унга юз идроку ҳам ақл фидо.

Кекса ҳам бир томчи ичса ногаҳон,
Ногоҳ бўлсин қони қайноқ навжувон.

Ўшал зотта тутгин ҳар иш огоҳи,
Ғурурли ҳам қадрли Мироншоҳи.

Унга айтай, аё, шоҳи басавлат,
На салтанат қолар, қолар на шавкат.

¹ Ёқути музоб – эритилган ёқутдайд.

² Мағфур – мағфират қилинган, яъни гуноҳлари кечирилган.

³ Жоми жаҳонбин – жаҳонни кўрсатувчи, жаҳон акс этувчи қадаҳ.

⁴ Ҳайи мубин – Парвардигори олам.

⁵ Равзай хулд – доимий жаннат, ҳазон бўлмайдиган, боқий жаннат.

⁶ Ақлзудо – ақлдан айиравчичи.

Шаҳри Ҳай ҳам юрту шавкатни кўрдинг,
Юрту шону шавкат яна кўп сўрдинг.

Англадинг шоҳлиғ аҳволини ҳам,
Кўрагон тахтию иқболини ҳам.

Барча шоҳлар учун гўё отасан,
Аждодидай қиласан кўп атосан.

Сенда юксак боридан мартаба ҳам,
Яна қўпроқ баридан тажриба ҳам.

Айта олмам сенга, аё донишвар
Шоҳи билан эди ҳар юрту кишвар.

Айт, ул шоҳи фалак жоҳ қани?!
Йўқса Баҳман¹ у фалон шоҳ қани?!

Лекин дерман қани у кўзингга нур,
Жисмингга куввату кўнглингга сурур.

Салтанат боғида сарви гулчехр,
Бағоят қимматли рахшона меҳр.

Илм осмонида бир жис маҳал,
Барча шакллар ўлим олдида ҳал.

Назму насриға Уторуд мафтун,
Ҳар савол этса, жавобида забун.

Шоҳлиғу илму йигитлик чоги,
Фонию сўфию солик доғи.

Фазилатин айтсан ҳар сондан ортиқ,
Ҳар не десам ҳатто ондан ҳам ортиқ.

Жаҳон аҳлин шу каби нодирасин,
Илму факр аҳли шарифу сарасин,

Ё Раб, фалак ғоят ки ганим пеша,
Чархи бадмехр, билмас андиша,

Қора тупроқ ичра то қилди ниҳон,
Қорайди ҳажрида мен учун жаҳон.

Қани ул меҳри жаҳонтоб² охир!
Қани ул гавҳари ноёб охир!

¹ Баҳман – Кайёнийлар сулоласига мансуб бўлган Эрон шоҳларидан бири.

² Меҳри жаҳонтоб – оламни ёрувчи кўёш.

Чархдин кўп киши жафо кўрган бот,
Эслай олмас бундай жафони ҳеч зот.

Давру даврон қанча қиласа ҳам вафо,
Сенга ҳам охири қиласар у жафо.

Беш кунлик дунёда ўйна-кул доим,
Бебақо дунёда фоний бўл доим.

Ўзгалар пандига ҳам қулоқ солгин,
Ё шу воқеадан зарур панд олгин.

XVIII

Соқиё, май туту қўйгил ҳар сўзни,
Хоннинг кенгашига етказгин ўзни.

Майи соф жом аро гарчи дилкашdir,
Заранг коса тўла қимиз ҳам хушdir.

Аё бахши, сен ҳам ҳунаринг кўргуз,
Дўмбирангда гўзал куй чал шубҳасиз.

Дўмбирачи, бахши бирга тузгач ун,
Сен қадаҳни олу тўққиз бор юкун.

Одат билан бошинг эгиб тут хонга,
Қолганини бергин мен бесомон¹га.

Борин шитоб ичиб ўзим маст қилай,
Хон базмида сўзни, бас, пайваст қилай.

Тўрт улусга бўлар у асил ворис,
Наслинг билан этар фахр рухи Ёфас.

Аслу гавҳар билан хонлар хони ҳам,
Жавҳари зот ила жонлар жони ҳам.

Шаҳаншоҳга меҳмон, азизу дилбанд,
Ҳам қариндош, яна ҳам унга фарзанд.

Кўрки, сен кимсену қайдин келасен,
Қайси мулк ичра сену ким биласен.

Ҳеч бир шоҳ кўрмаган бир хон сен каби,
Ҳеч улус кўрмаган меҳмон сен каби.

Шу менинг умидим, шоҳ давлатидан,
Эътибори буюк бор ҳимматидан,

¹ Бесомон – иложсиз, чорасиз.

Барча ниятингга сўзсиз еткайсан,
Ўз юртингга ғолиб азм этгайсан.

Отангнинг тахтида топиб баҳт-иқбол,
Ёвларингни қилгин мағлуб пойимол.

Таомилга кўра ҳар азиз меҳмон,
Ўт юритига ногоҳ отлангани он,

Мезбонларга сўзсиз келади малол,
Яхши сўзлар билан эслашар ҳалол.

Шукур, беҳад бисёр бор яхшилигинг,
Ундан ҳам зиёда яхши қилигинг.

Ҳожати йўқ сенга бундай бериш панд,
Асли панд аҳли ҳам сенга ҳожатманд.

Яхшиликни токи шиор билгансан,
Ҳулқинг билан халқни мафтун қилгансан.

Тангри қилсин сенга тафиқни рафиқ,
Ҳар бир ишда қилсин рафиқинг тафиқ.

Шаҳаншоҳга ўзинг дўстсан қадрдон,
Бир-бировга лойиқ бўлинг бегумон.

XIX

Соқиё, кел, қадаҳ тутгин султоний,
Қадаҳ тўла шароб бўлсинрайҳоний.

Бу шаробни ичса гадойи муҳтоҷ,
Унга гадо бўлсин ҳар соҳиби тоҷ.

У маствинг олдида гар афлок¹ бўлгай,
Нихоятда факир бир хошорк бўлгай.

Қадаҳни унга тут ҳар иши тамкин,
Оти султон, ўзи бир дарвишойин².

Ҳиммати сарбаланд осмон мисоли,
Феъли камтар хоксор ултон мисоли.

Барча забардастга забардаст доим,
Ғарилар қошида лекин паст доим.

Ниятга етказиб уни бу қадаҳ,
Сармасст қилиб яна баҳш этсин фараҳ.

¹ Афлок – фалак.

² Дарвешойин – дарвешфеъл.

Зотан, шукронага доим бўл мойил,
Тангридан бир нафас бўлмагин ғофил.

Ким, сени фақирга мойил айлаган,
Фақирлик феълига қобил айлаган.

Феъли дарвеш каби шоҳ асил шоҳдир,
Шоҳу дарвешлардан мудом огоҳдир.

Бу бобда ҳар шоҳнинг азиз устози,
Шаҳаншоҳлар шоҳи шоҳ Абулғози!

Бу шоҳни қилгандир хос тақдир сенга,
Ҳам шоҳу ҳам ота ҳамда пир сенга.

Ҳам отаю пириңг шу шоҳи замон,
Оғаю қардошу маҳдумларинг хон.

Иккисига хизмат қилиб хурсанд бўл,
Тангрига етказар бу хизмату йўл.

XX

Аё, соқий жоми Каёний келтири,
Қути арбобий ҳам маоний келтири.

Алвон бода гўё ой каби равшан,
Кўнглим хужрасини қилсин у ватан.

Қанча яшинмасин хаёл нигори,
Офтобдай кўринсин гўзал рухсори.

Қайдা ул шоҳвани равшан рой
Ки, бўлуб давлат ила базморой.

Унинг хизматида ҳурмат билан бўл,
Бу арз билан сўнгра хизмат билан бўл.

Шавкати сарбаланд, ёр баҳту иқбол,
Боги давлат ичра баҳтиёр ниҳол.

Шоҳлик Одамгача¹ зотингга насаб,
Одам авлодида йўқ сендай ҳасаб².

Тангри сенга берган бетимсол камол,
Бу камолга лойик бўлгин баркамол.

Комилу баркамол бўлгин баймкон,
Комилман деб даъво қилма ҳеч қачон.

¹ Одамгача – Одам Атогача.

² Ҳасаб – шону шавкат.

Тангри қилди сени то гавҳари пок,
Поклар сұхбатидан қилмагин ҳеч бок¹.

Поклар доим сенинг ҳамроҳинг бўлсин,
Қодири пок – Худо паноҳинг бўлсин!

Мўмин деган сени токи ал-Мўмин,
Берилма ҳеч бода куфрига, Мўмин.

XXI

Соқиё, базмда тут жоми висол,
Ким келур ёдима айёми висол.

Ўтиб бўлди даврон, ҳижрон аромен,
Васл айёмиға армон аромен.

Мехрибонлар қани, аҳбоблар қани!
Ҳамнишинлар қани, асҳоблар қани!

Барча у дунёга хиром айлади,
Жанннат боғларини мақом айлади.

Ҳар бири ҳажрида жуда ўртандим,
Кўплар фироқига, ё Раб, ўргандим.

Бири ҳамон ҳаёт, басе кўп қолсин,
Ҳаётдан беармон баҳралар олсин.

Ўз вафоси билан то бўлди машҳур,
Вафо билан қилисин умри ҳам зуҳур.

Кўнгли токи топти вафода сафо,
Азал шундай дегай бор ахли вафо.

Вафо соғаридан агар олсанг ком,
Вафо аҳлини ёд айлаб ичгин жом.

Қачонки мен ҳажр камитин сўрдум,
Бир-икки ёримни сенга топшурдум.

Бири ҳам ёр менга, ҳам эди фарзанд,
Жонимга орому юракка пайванд.

Бири ҳамсуҳбату, ҳамдарду рафиқ,
Туққанимдин яна юз қатла шафиқ.

Гулшани умримда бири бир тазарв,
Боги ҳаётимда бу бошқаси сарв.

¹ Бок – ўзингни четтга тортма.

Йигитлар сафининг зебоси бири,
Йигитлик фанининг доноси бири.

Жаҳоннинг нодири бири ҳар фанда,
Бири қилар ҳар фан элин шарманда.

Улардан биттаси бамисоли ҳур,
Мирзобек деб бўлди эл ичра машхур.

Бошқасин исмими қиларда хитоб,
Мир Дарвеш деб атар кексаю шабоб.

Мирзобек фурқати куйдирди мени,
Мир Дарвеш ҳасрати ўлтириди мени.

Икковин хабарин топа олмай ҳеч,
Хижронда тўлганар жоним мисли печ.

Сенга аён бўлса, баён қилгайсан,
Барча билганларинг аён қилгайсан.

Жаннатда бўлсалар гўё офтоб-ой,
Вой ҳижронларидин, оҳ, юз мингвой!

Ҳақ сени даҳрда боқий тутсин, бас,
Шодлик согарини соқий тутсун, бас.

Сен сипқориб мудом тириклик жомин,
Фанимат билгайсан ҳаёт айёмин.

Бу умр ҳеч кимга қилдими вафо,
Барчага қилгани тек жабру жафо!

Бу оламда қолди на шоҳу на бек,
Шоҳи мағфурдегу ҳам бекларидек.

Қани султон билан шаҳиду хайли,
Барчасини ёпти ажалнинг зайли.

Қани Қанбар Алию, қани Мазид?!
Қани Султон, қани у Нури Сайд?!

Ҳар бири ўзни тутиб олий шон,
Биридан қолмади оламда нишон.

Барчаси гар кетди, сен бўлгин ҳаёт,
Ноумид бўлмагин мудом барҳаёт.

Мақсад майи билан қадаҳинг тўлсин,
Тенгридан оғият ва хайр бўлсин.

XXII

Соқиё, жомға қўйгин майдан сайл,
Хуршид каби майю жоми суҳайл.

Наинки суҳайлӣ, бўяр хорони,
Гулдай қизил қилар ҳар бир сиймони.

Зотан, Суҳайлӣга бу он зор қўнгул,
Суҳбатига муштоқ интизор кўнгул.

Топмасам ўзини висоли билан,
Шаробни ичайнин хаёли билан.

Очмасам жамолин шами билан кўз,
Ҳам хаёли билан айтай неча сўз.

Жаҳон ҳалқи аро, эй, зоти нафис,
Сенга фазлу адаб икки ёр анис.

Дурри назминг оби ул асно равон
Тешигидан оқар, бас, оби ҳайвон.

Топилмас бу олам ичра сендей зот,
Маъно ганжи билан баҳтиёрсан бот.

Сени қилди чархи фалак гарданда¹
Даҳр аро гўё гарди арзандা.

Сен ҳамиша менинг дамсозим эдинг,
Нозик ҳар бир ишда ҳамрозим эдинг.

Зулмларким, менга бу чархи дани²
Қилди, қайдин топай айтурга сани.

Бири буки, сени айлади йироқ
Бағрим ичра кўйиб кўп доғи фироқ.

Мендада рдуҳасрат анбуҳ³ бўлди, оҳ,
Қисматим ғуссаю андуҳ бўлди, оҳ!

Заҳмат тортмай мудом сен шод бўлгайсан,
Дунё азобидан озод бўлгайсан.

Ғусали оламда бўлмагин ғамда,
Шоду хуррам яша айни оламда.

¹ Гарданда – айланувчи.

² Чархи дани – разил, ярамас дунё.

³ Анбуҳ – бисёр, кўп, зиёда.

Назм ичра кимки гавҳардай ҳалол,
Шоҳ байтлари қиласи мўъжизадай лол.
Лафзлари жонбахшу нафис нафаси,
Марҳумга жон ҳам баҳш этар ҳар саси.
Саъдию Хусраву Салмону Камол
Ҳар биттаси эди сўзсиз бетимсол.
Ударни маҳв этди қисмат беомон,
Уларнинг ўрнида ўзингсан бу он.
Қайсининг ўрнига токи сен кирдинг,
Жонин олдинг демам асло, жон бердинг.
Ҳар биридан илҳом олиб ўзинг бот,
Ҳар бирининг қилдинг руҳларини шод.
Шодлигинг таркини ҳеч тутма охир,
Ҳамда бу ғамингни унутма охир.
Бу тарафга кимки келса, ёд айла,
Ширина сўзлаб уни фақат шод айла.

XXIII

Соқиё, тут қадаҳ Жонбахш жуда ҳам,
Унинг завқи билан ҳеч қолмасин ғам.
Бу шаробни кимки олса қўлига,
Жонини баҳш этсин соқий йўлига.
Кўнглимдаги барча ғамни кетказай,
Бир неча сўзимни унга етказай.
Айтайнин, эй назм элида моҳир,
Ашъоринг сеҳрли, хаёлинг соҳир.
Шеър баҳри аро ғаввоси шигарф¹,
Дурри аъло шеъринг ичра ҳар бир ҳарф.
Токи сурдунг варақ бўйлаб сен хома,
Назм аҳли ичра ажиб ҳангома.
Анварий бўлсину ёхуд Хоқоний,
Форёбий бўлсину ё Исфаҳоний.
Токи сен сўз оби ҳаётин суздинг,
Барчасининг руҳин ногоҳ тиргуздинг.

¹ Шигарф – камёб, кудратли.

Қасида услуби эди беравнақ,
Унutilган эди ҳаттоки мутлақ.

Ҳар қасида, ўзинг биттан мардана,
Бир-биридан аъло, ғоят дурдана.

Теран маъно билан ҳар бири олам,
Наинки бир олам, олами аъзам.

Ҳар қаламки, гавҳар сочар боякбор,
Увол, ҳасад боис бўлса гар бекор.

Санъатдир қисқалик ашъорда мудом,
Ва лекин сен учун бу айбидир тамом.

XXIV

Соқиё, тут қадаҳ ки ойинаранг
Кўнгул кўзгусида қолдирмасин занг.

Бода гулдай алвон, жом ойинафом,
Сув ва май тотини фаҳм айлагай ком.

Токим, ўша жоми маоний билан
Ҳарфлар битай мен ҳам баёни билан.

Эй Баёний, бил ўз олдингда аён,
Ҳар сўзки, айлагум олдингда баён.

Шуни яхши билки, азалда маъбуд
Ҳеч вақони ҳали қилмасдан мавжуд.

Ҳеч бир танга руҳдан хабар йўқ эди,
Оламу одамдан асар йўқ эди.

Етти иқлим билан ҳам тўқкуз гардун,
Бир оғиз сўз билан пайдо бўлган кун,

Барчасидан мақсад сен эдинг танҳо,
Ҳеч вақо йўқ инсон каби бебаҳо.

Тангри омонати, еру само, тоғ
Зинҳор чидамади арз айлаган чоғ.

Айни оғир юкка сен бўлдинг ҳомил,
Сиррию розига амину комил.

Шу боис ҳам басе бор диққат аро,
Мушкил аҳвол, ажиб бир ҳолат аро.

Сен каби дўстларим нечалар ҳам бор,
Суҳбатимда узун кечалар ҳам бор.

Фалаку юлдузлар аро солиб кўз,
Агар васфин қилсан чўзилади сўз.

Фалаку юлдузлар бемехру дани,
Улардан айирди, оҳ, сену мани.

«Мен ғаниматман!» деб даъво қилмам,
Сени, бас, сира ғанимат билмам.

Мени шод қил демам мисоли сархуш,
Бир нафасга қилгин, бас, ўзингни хуш.

XXV

Соқиё, жом келтири менга дарёваш¹,
Бир нафас бўлайин мен ҳам дарёкаш².

Беш кунлик дунёга шайдо қулмасман,
Хизр умрин асло ҳавас қилмасман.

Сипқориб сен тутган жомни беармон,
Дурӯжавоҳирлар сочай ҳар томон.

Шароб ҳар қатраси дури пок бўлсин,
Оташин лаъл каби нури пок бўлсин.

Мен бу лаълни юлдуз каби дурафшон,
Эл кўксидা қиласай юлдузли нишон.

Мотам тутиб кўксим юз пора қиласай,
Хаста кўнглим юз бор садпора қиласай.

Телбалардай минг бора дод солайин,
Бор дунёни бузиб фарёд солайин.

Доду фарёд тортай тинмайин сира,
Офтоб жамоли ҳам, бас, тортсин хира.

Жомийдан айрилиб маҳзун бўлдим мен,
Жудолик дардида мажнун бўлдим мен.

Ўн саккиз минг олам гирён бошида,
Бош эгарди арзу само қошида.

Топиларми кезиб бор олам аро,
Ахтарсангиз ундей зот одам аро.

То бор жаҳону бор аҳли жаҳон,
Бундай зотни топилмас ортиқ бегумон.

¹ Дарёваш – дарёдай.

² Дарёкаш – дарёда сузувчи.

Тафаккур аҳлининг имоми аъло,
Мусулмон аҳлининг имони аъло.

Амрига мунтазир тариқат аҳли,
Фармонидан чиқмас ҳақиқат аҳли.

Багри юз минг олам каби жуда кенг,
Азим қалби Арши аъзам билан teng.

Мартабаси ғоят баланддан-баланд,
Хаёл чақин каби учса ҳам ҳарчанд,

Қанот қоқиб гарчи толмагай зинҳор,
Яқинига ета олмагай зинҳор.

Бағоят баркамол фазлу фунунда,
Фарҳоду Мажнундай ишқу жунунда.

Ҳар таърифдан зиёд, бас, таърифи Жом,
Азал жоми билан масти орифи Жом.

Мендай бир ғарибни бор меҳри билан,
Наинки бор меҳри, бор сеҳри билан,

Фоят азиз билиб эъзоз айлади,
Таърифим оламга оғоз айлади.

Қачонки олса гар қўлига хома,
Қайд этарди исмим ҳам бу аллома.

Шаънимга неча бор олқишилар айта,
Номим тилга олган қайтава қайта.

Асилизода дея алқаб зотимни,
Дўстим дея тилга олган отимни.

Тақдир жудо айлаб бағрим хун қилди,
Бошим узра мудом қаро тун қилди.

Дуч қилдинг жудолик каби балога,
Раҳм қилгин, Тангirim, мен мубталога!

Зора, эс-хушимдан айирса бу жом,
Дардларим унугтиб олсан мен ором.

XXVI

Соқиё, тут менга бир жоми фано,
То кўрайким, недур анжоми фано.

Фано жомин мен ҳам тез сипқорайин,
Дайри фанога масти бўлиб борайин.

Фано аҳли сари тез азм айлайин,
Улар билан ичиб май базм айлайин.

Фано жоми билан жоним пок қилай,
Аҳли фано каби хирқам чок қилай.

Фано аҳли ичра ғоят забардаст,
Фано тупроғидай забун, камтар паст.

Хокисор тутса ҳам ўзини мудом,
Беназир зот эди у олиймақом.

Фонийи мутлақ, яна озода ҳам,
Фариштадай аъло ҳам афтода ҳам.

Фано дайри ичра сўзин унугтган,
Тангри ёди билан ўзин унугтган.

Отамдай устозим ҳар ишда омил,
Раҳбару раҳнамо ҳам пири комил.

Унга банда бўлиб мен жуда хурсанд,
У мени ҳам дўстим, ҳам дерди фарзанд.

Қай бир ғамга дучор айласа даврон,
Нажот топар эдим ундан бетумон.

Бошимга бир мушкул тушса қай маҳал,
Барчасин қиласарди Ҳотам каби ҳал.

Тахаллуси Саййид, Ҳасандир оти,
Таҳсинга сазовор сарбаланд зоти.

Унга ҳам бу гардун мисли ёв бўлди,
Ёв сингари ғоят беаёв бўлди.

Жаннат боғи томон бошлади равон,
Ҳажрин дўзахида қолдим беомон.

Айрildим отамдай азиз Ҳотамдан,
Юрагим қон бўлди аза, мотамдан.

Яқинидан жудо бўлса қай одам,
Нетар доду фарёд солмай дам-бадам.

Ғуссаю ҳасратим, ё Раб, беадад,
Барҳаёт руҳидан тиларман мадад.

Во дариг, асло йўқ поён дардимга,
Бодадир ягона дармон дардимга.

XXVII

Соқиё, паҳлавий монанд шароб тут,
Паҳлавий куй билан, кел, кўнглим овут.

Бисёр қадаҳ тутгин ғоят паҳлавон,
Май билан лиммо-лим лоладай алвон.

Сипқориб мен тарки ақлу хуш қилай,
Паҳлавон ёди билан мен нўш қилай.

Тариқат аҳлининг шоҳу сорбони,
Эргашар тариқат барча карвони.

Хилват ичра офтоб каби сочар нур,
Сира ҳам тенги йўқ бамисоли ҳур.

Паҳлавонки, гўё ўнта филдай зўр,
Камтарлик бобида бамисоли мўр.

Дастурхони тўла дўстлар учун боз,
Ҳимматидан мамнун бор дўсту ҳамроҳ.

Гадоларга берар борин бу адo,
Ва лекин атвори бамисли гадо.

Нозу неъмат қасрин бунёд айлаган,
Фариблар кўнглини обод айлаган.

Гадолар қўлида у берган патир,
Офтоб каби жумла жаҳонга татир.

Бағоят билимдон ҳар фан бобида,
Ҳар бир фаннинг боби ҳам авбобида.

Илму фанда сеҳри ғоят дилпазир,
Шеъру ашъор ичра ҳам у беназир.

Полвонлар ичида паҳлавон марди,
Лекин дард аҳлининг ҳам мард ҳамдарди.

Шикаста кўнгиллар малҳами аъло,
Мен фарид қирқ йиллик ҳамдами аъло.

Юрагимга яқин қурдошим менинг,
Ҳамиша ҳасратдош сирдошим менинг.

Ҳамдамларим аро ягона мардим,
Ёриму ҳамнафас, ҳамроҳ, ҳамдардим.

Даҳри дун ундан ҳам айирди, нетай,
Қасдан қанотимни қайирди, нетай!

Нетай, ҳажрида йўқ сабру қарорим,
Бағримни куйдирап нолаю зорим.

Дарду ҳам боиси азал ақлу хуш,
Сармаст бўлиб бўлай бир нафас бехуш.

XXVIII

Соқиё, кел менга тут бодаи ишқ
Жону таним бўлди афтодаи ишқ.

Бодаки, ҳар ошиқ қўлига олгай,
Ошиқ дили ичра олов-ўт солгай.

Токи ишқ ўтига ташлай ўзимни,
Ишқ ўтида ёниб бошлай сўзимни.

Оҳ, нелар қилмади мендай хорга ишқ,
Жони зору тани хор беморга ишқ.

Шайдо қилди мени бир гўзал ногоҳ,
Ишқида ўртаниб тортдим оҳу воҳ.

Хаёлан бошида парвона бўлдим,
Мажнун каби телба-девона бўлдим.

Мажнун каби ошиқ то асир бўлар,
Дарди ишқин нетиб пинҳон сир бўлар.

Мен уни сирдошу чин дилдор дедим,
Ишқ дардидан кўнгли хабардор дедим.

Ишқин азобида танг бўлди ҳолим,
Чидай олмай унга айтдим аҳволим.

Ё Раб, нечун ишқим баён айладим,
Ўз бағримни ўзим вайрон айладим.

Зор жисмимга дўлу жалолар тушди,
Телба бошимга ҳам балолар тушди.

Жафолар ёғдирди бошимга фалак,
Даврон, аҳли даврон ҳам қилди халак.

Жону дилим каби ишонган ёрим,
Жонимга қасд қилди мисли афёrim.

Дўсту душман заҳар қўшиб ошимга,
Тошлар отди еру само бошимга.

Жафо тифин санчиб хешу акрабо,
Разиллар чанг солди бамисли вабо.

Оби оши бўлди уларнинг қоним,
Чиқар бўлди минг бир дард билан жоним.

Дарду ҳасрат ҳолим ғоят танг қилди,
Хасталиклар оёқ-қўлим ланг қилди.

Тани хорим қора уқубат билан,
Жони зорим пора ғам-турбат билан.

Дардимга ҳеч даво топмай табиблар,
Умид узди ҳатто содик ҳабиблар.

Умид уздим ҳаёт, жонимдан такрор,
Ва лекин шоҳ мени қилди умидвор.

Султон сўзи бўлди яна дармоним,
Омон қолди яна ўлмаган жоним.

Агар сизга айтсам сўзнинг аслини,
Орзу қилолмасдим ҳатто васлини.

Дўйстларим ҳеч ёрдам кўлин чўзмади,
Ҳеч бири пинагин ҳатто бузмади.

Ҳажрида танг бўлди бағоят ҳолим,
Оҳлар урдим етган каби заволим.

Пари ҳам мен каби бемори ишқнинг,
Мен каби бемори ҳам зори ишқнинг.

Бир вайрона ичра хору зор бўлди,
Ҳажримда қон ютиб интизор бўлди.

Дедим: хабар олиб кўнглини шод этай,
Кўнглини шод этиб ҳам обод этай.

Дарду ҳасрат билан ўтди икки йил,
Икки йил ҳар онин икки йил деб бил.

Во дариг, ўзгача бу кун жамоли,
Гулларин тўккандай йиллар шамоли.

Гоҳо-гоҳо ташлар мен томон назар,
Танг ҳолим томоша айлар, алҳазар.

Билмадим ким билан дўсту ёр бу кун,
Қай ошиқни қилас бахтиёр бу кун?

Ким билан мастона сарбаст кун бўйи,
Қай базмда яйрар сармас тун бўйи?

Қай ошиқ бошига тушса бу бало,
Маст бўлиб барчасин унугтан аъло¹!

XXIX

Аё соқий, кўнглим тилар майи ноб,
Лутф қил, ёлғизлик айлади хуноб.

Кел, бир нафас ҳамдард бўлгин мен билан,
Енгил тортай улфат бўлиб сен билан.

Тобакай бағримни ахир тиғлайман,
Дардларимни айтай йиғлай-йиғлай ман.

Кездим мен ҳам турфа хил хоналарда,
Гоҳи масжид, гоҳо майхоналарда.

Гоҳо тақвадорлар билан оҳ урдим,
Гоҳо мастаналар билан от сурдим.

Гоҳо кимлар билан заҳматда бўлдим,
Гоҳо кимлар билан меҳнатда бўлдим.

Шавкату шон, юксак мартаба, иқбол,
Молу мулку давлат ҳам топдим ҳалол.

Элга фидо қилдим жону сўзимни,
Ниҳоят хилватта олдим ўзимни.

Мен етмаган мақсад гарчи қолмади,
Фақат меҳру вафо ҳеч топилмади.

Қайси бир одамга қилсан ҳам вафо,
Мендай вафодорга қилди юз жафо.

Йўлига кўз тиксам кимнинг мубтало,
Кўзимга санчилди юз битта бало.

Таъзим билан кимга агар эгсам бош,
Бошим уриб ёрди отиб қора тош.

Мадҳ айласа кимни гар бийрон тилим,
Тилим қовун каби қилди минг тилим.

Кимники мадҳ этиб шеър битса қўлим,
Қўлим кесиб, тўсар бўлдилар йўлим.

¹ Академик Иzzат Султоннинг ёзишича, бу сатрлар «мазмуну уни Навоий Астрободдан қайтгандан кейин ёзганига шубҳа қолдирмайди. Бунда «ёр», «маҳбуб» деганда Ҳусайн Бойқаро назарда тутилган.

Мехрим бериб, жафо ичра толдим мен,
Жоним бериб дарду ғамга қолдим мен.

Оlam аҳли ичра йўқ аҳли вафо,
Ўз жонимга, ё Раб, қиларман жафо.

Мехру вафо азал бу оламда йўқ,
Оlam дема, бирор-бир одамда йўқ.

Вафосизлар билан ҳеч қотилмадим,
Имонимдан кечиб ҳеч сотилмадим.

Гоҳида тўн кийдириб ҳар сўзимга,
Туҳмат қиларман, ё Раб, ўзимга.

Бир вафодор гарчи ҳеч даҳрда йўқ,
Дашту водий, овул ҳам шаҳрда йўқ.

Вафо қилмоқликдан лекин кечмасман,
Зотан, вафосизлар каби эмасман.

Кошки бу сўздан ҳам бутунлай кечсам,
Ўзим қадаҳ тутиб ҳам ўзим ичсам.

Кошки қилмай сира юз жабру жафо,
Бир вафодор тутса бир жоми вафо.

Шароб билан ўзни ўзим маст қилай,
Субҳи машҳаргача, бас, сармаст қилай.

XXX

Соқиё, тутгайсан маstona қадаҳ,
Маstona тутгайсан дўстона қадаҳ.

Дўстларим ёдимга тушиб ҳар бора,
Ўртанган юрагим қилар минг пора.

Булут тўйсан каби офтоб жамолин,
Кўп кўрди бу тақдир улар висолин.

Пири Муаммоий дўстларим бири,
Бири демайин ҳеч дўстларим пири.

Бири созандалар ичра баркамол,
Муаммоий билан дўст Хожай Камол.

Мир Садр ўзин яқин оларди,
Даъфатан ғаним ҳам бўлиб қоларди.

Ёр Танбал сухбати қиларди беҳуш,
Зоти хуш, ҳаёту такаллуми хуш.

Яна бири олим Сабзорий доно,
Вазмин ҳар сўзида юз битта маъно.

Бари ўз ишида бор сирдан огох,
Бош олиб кетдилар нетайин, эвоҳ!

Уларни ёд этиб бўлай мастона,
Ортиқ ҳеч кимга дил бермай дўстона.

XXXI

Соқиё, тўлдиргин яна паймона,
Ниҳоят қадаҳи туттин шукронга.

Шиква-шикоятдан кечиб ниҳоят,
Шукроналар айтай мен ҳам бағоят.

Гар дилимда бисёр шикоятим бор,
Шукр қилишнинг ҳам савоби бисёр.

Бу дунёдан қанча арбоблар кетди,
Қанча дўсту ёру ахбоблар кетди.

Бошин олиб кетди Амир Атойи,
Тарк айлади яна дарвеш Фанойи.

Бири эди илм аҳлининг боши,
Бири фазилатнинг порлоқ қуёши.

Ихтиёр ҳам аҳли мардлар дулдули,
Лутф гулзорининг бийрон булбули.

Осафий ҳам қилган ашъорлар тортиқ,
Қиймати Сулаймон мулкидан ортиқ.

Биноий ҳам – бири фунун аҳлини,
Қай иши эслатар жунун аҳлини.

У ҳам барча дарду ғамим огоҳи,
Азиздан ҳам азиз зиёратгоҳи.

Машҳадий ҳам даҳр бўстонида тоқ,
Ашъори беғубор, ғоят хушаҳлоқ.

Бири кўқси қалқон, атвори тоза,
Муаммо¹ бобида бўлган овоза.

Теран тадқиқодчи қай дўсти шафик,
Мунису раҳбару ғамхору рафиқ.

¹ Муаммо – шеърий санъат тури.

Девона Котибий ҳам улфат рово,
Дилдаги ҳар малолга топар даво.

Яна қанча шоир бу зот ҳамрози,
Парвардигор бўлсин улардан рози.

Қолганлар ҳам жондай пайваста дилга,
«Мажолис»¹да барин олганман тилга.

Бу олам ичра йўқ кимлар айни дам,
Қай бирлари, шукур, мен билан ҳамдам.

Улар билан ҳамроҳ, ҳамдаст бўлайин,
Шукур жомин ичиб сармаст бўлайин.

Гоҳи дарди ҳижрон, гоҳ завқи висол
Билан, ё Раб, ўзинг қилгайсан беҳол.

XXXII

Соқиё, биз базм қилдик беармон,
Энди видо жомин туттгин хиромон.

Бода билан мени сафарга шайла,
Маст қилиб мастона қанот баҳш айла.

Сен билан сўнгги бор қўл олайин мен,
Фано дайри сари йўл олайин мен.

Фано фазосида азм айлайин,
Барча риндлар билан базм айлайин.

Улар хизматини қилиб мастона,
Барига жом тутай бўлиб парвона.

Ўзим ҳам сипқориб шаробни ҳалол,
Ўзим ҳам бўлайин улардай хушҳол.

Токи бўлиб дайри фано аҳли маст,
Мену мендек яна юз бодапараст.

Шоҳаншоҳлар шоҳи сарафрозини,
Дарвешларнинг шоҳи Абулғозини,

Майхона аҳлининг гадойи бошлиқ,
Яъни бу ошуфта Навоий бошлиқ,

Барчамиз астойдил наво қиласлиқ,
Барчамиз чин дилдан дуо қиласлиқ:

¹ Мажолис – Навоийнинг «Мажолис ул-нафоис» асари назарда тутилган.

Токи айланар бу фалак беором,
Токи қўлма-қўлдир шароб тўла жом,

Умри шоҳлик билан боқий ҳам бўлсин,
Ўзга шоҳлар унга соқий ҳам бўлсин.

Ёр бўлсин сарбаланд хуршид мақоми,
Қўлидан тушмасин Жамшиднинг жоми.

Токи замин узра гуллагай ҳаёт,
Давру даврон суриб, куйлагай баёт.

Дуо қилгай азиз бор аҳли яқийн¹,
Фаришталар мудом дегайлар омин.

ТОЖИК ШЕЪРИЯТИДАН

ЛОЙИҚ ШЕРАЛИ

Тўртликлар

На даркор бемаврид шухрат-шон,
Кетма-кет чоп этиш шеър-достон?
Шоир қалби мисли она ер
Мехнат, меҳр тилар ҳар бир он.

* * *

Дуч келган ҳар тоғда зар кони бўлмас,
Ҳар уммон туби дур макони бўлмас.
Янги ёрдан кўнглинг қолса, айрилган
Чин дилдоринг топиш имкони бўлмас.

* * *

Қабул айла меҳрим пайваста сўзим,
Асло узолмасман йўлингдан кўзим.
Мусофиরман олис сафарга чиқсан,
Ой жамолинг, эй ёр, йўлчи юлдузим.

* * *

Бир замон қалбимда минг орзу-ҳавас,
Олис юлдузларга ҳамроҳ, ҳамнафас.
Бу айём юрагим ўртанса, не ғам,
Ойдек жамолинг, ёр, кўриб турсам бас!

¹ Аҳли яқийн – Худонинг суйган бандалари, яъни азиз-авлиёлар.

* * *

Кибру ҳавога сотилдилар,
Ўзларини азиз билдилар.
«Худо йўқ!» деб айтганлар ўзин
«Тангри!» дея эълон қилдилар.

* * *

Ишқим ила баҳор лаҳза-дақойик,
Садоқатимга ҳам гувоҳ ҳалойик,
Кўнглим тўқ, бош олиб кетсан дегайлар:
Яшаган заминда мардона Лойик,

* * *

Ким ғофил, қай зотлар ҳушёр то ҳамон,
Золиму фидокор бисёр то ҳамон.
Шоҳларни тож-тахтдан айирдик, бироқ
Фақирлар қатору қатор то ҳамон.

* * *

Қучоғингда кездим даҳри дун йироқ,
Гоҳ яйраб, гоҳ бағрим қон қилди фироқ.
Муҳаббат роҳидек равон шоҳироҳ
Тополмадим дунё саҳнида бироқ.

* * *

Дили беморимда ёдинг яшар, ёр,
Дару деворимда ёдинг яшар, ёр.
Қалбинг кўзи билан гар солсанг назар,
Шеъру ашъоримда ёдинг яшар, ёр.

* * *

Ҳамон оташ ишқинг дилим баҳти, ёр,
Жумлаи жаҳонда ёлғиз нақди, ёр.
Ишқим номаларин асрар оловдан,
Улар лахта бағрим алвон лахти, ёр.

* * *

Қўлингда қирқ ҳунар, қирқ амал бўлгай,
Ҳар илму аъмолинг мукаммал бўлгай.
Саноқли беш қунлик умринг ҳосили
Тахти баҳтинг учун тош-тамал бўлгай.

* * *

Бамисли об-оташ башар – муҳаббат,
Гар қайноқ қонингда тошар муҳаббат.
Марҳабо, малагим, шоир қалбимга,
Фақат шоир дилда яшар муҳаббат.

* * *

Фарибмиз, vale сиз хос билинг, эй дўст,
Ашкимиз ихлоси рост билинг, эй дўст.
Имкон қадар битган ҳар бир байтимиз,
Хароб ҳолимизга мос билинг, эй дўст.

* * *

Шоирлар гуноҳи савобдан аъло,
Тахир-талх кўз ёши шаробдан аъло.
Айрилманг аҳли шеър сухбатидан ҳеч,
Додин дуд-тутуни кабобдан аъло.

* * *

Табибим йўқ ўзимдан ўзга,
Ҳабибим йўқ ўзимдан ўзга.
То бой бердим аксар ҳаётим,
Рақибим йўқ ўзимдан ўзга.

* * *

Чикора минг жафо қилса гар даврон,
Кимга вафо қилган чархи саргардон.
Гар умрим тенг ярми ўтса не армон,
Барҳаёт ҳаётим роҳи бепоён.

* * *

Ишқим ёрқин офтоб ва ё моҳ айла,
Маккорлар мақридан ё паноҳ айла.
Фарҳоду Мажнундай элда афсона
Муҳаббат аҳлига шоҳаншоҳ айла.

* * *

Ишқ дарди кўзимиз ҳар он нам қилар,
Ризқу насибамиз дарду ғам қилар.
Адл қоматимиз шафқат қилмай ҳеч
Минг маломат билан долу хам қилар.

* * *

Гар заминда кечар ҳаётим,
Само бўйлаб янграр баётим.
Лочиндан ҳам парвозим юксак,
Кўш қанотим – ашъор-абётим!

Битиклар

Минбарга

Гоҳ кулинг, майлига гоҳида бўзланг,
Цицерондан баланд мартаба кўзланг.
Пеш қилмай дуч келган донишманд фикрин
Ўз бисотингиздан бир ҳикмат сўзланг.

Хайём китобига

Барча ошиқ, vale Мажнун-Лайло йўқ,
Барча доно, бироқ ибн Сино йўқ.
Барча маст бу дунё майхонасида
Ва лекин сен каби бир ринд сиймо йўқ.

Қадаҳга

Бу жаҳон саҳнида умри боқий йўқ,
Ҳаёт жомин таクロр тутар соқий йўқ.

Асога

Ўтқазган ниҳолинг расо бу айём,
Бир шохи дастингда асо бу айём.

Самарқанд нонига

Ҳар қанча хоҳласант, совға учун ол,
Ҳар қанча хоҳласант, совға қилиб қол.
Ягона донасин тахмонга қўйиб
Қуёшга бокқандек ҳар кун назар сол.

Ногорага

«Ногора!» деб отар ким таъна тошин,
Додлагай мендай минг зарб ёрса бошин.

Абдулло СУБҲОН

Дунё – дарё, башар аҳли – мавжимиз,
Турнадай тизилар завжа-завжимиз.
Бағрида чикора гирдобу тӯфон,
Вале гар айрилсак сўнар авжимиз.

* * *

Бисёр шоху султон, қаландар-гадо,
Бисёр шоду хандон, қайғули садо.
Шукур қил тақдирга, ҳар бир ҳолатда
Мавжудсан – кўярарсан не қилса ато.

* * *

Ўзингдан ўзга йўқ ёримиз,
Ёлғиз ўзинг мададкоримиз.
То бор олам бизга бегона
Бегоналик касбу коримиз.

* * *

Ота-боболаринг ёд айла, ёд қил,
Барҳаёт руҳларин шод айла, шод қил.
Ялов айла ғолиб номусу оринг,
Ҳар икки оламинг жаннат-обод қил!

* * *

Яшнатар оламни субҳидам нури,
Денгизни тубида жавоҳир-дuri.
Бухоро шуҳратин бор олам билар
Ибн Сино каби то бор машҳури.

* * *

Пул, эй пул, мансабу жоҳсан пул, эй пул,
Худпастга офтоб-моҳсан пул, эй пул.
Ҳамон амри вожиб шоҳсан пул, эй пул,
Гар асли бир сариқ коҳсан пул, эй пул!

* * *

Гар бегуноҳ кимдир тўқса қон,
Одил жазо олар бегумон.
Қай тил тиғдан бўлса ҳам ёмон,
Аксар жазо олмоги гумон.

* * *

Қўшиқ-кўй она юрт бўйлаб таралар,
Шош-Самарқанд, Термиз – эл-юрт оралар.
Юксалиш даврони бошланган гўё
Гўё олам бошдан қайта яралар.

* * *

Шеърият парисин гар нози бисёр,
Шеърият аҳлига дил рози бисёр.
Офтобдай очилар чиройи чандон,
Заргардай сайқал бер, пардози бисёр!

ПАЙМОН

Тўртликлар

Қай зот ганжи жаҳон истар, бас,
Ким умри жовидон истар, бас.
На ганжу на умри жовидон,
Қалбим шеъру достон истар, бас.

* * *

Кел, эй соқий, май ичайлик, май,
Кел, эй мутриб, най янграсин, най.
Қувончимиз, оҳ-ноламиздан
Тирилгай гоҳ ҳатто Ковус-Кай.

* * *

Фикру хаёлимиз қилмас ҳеч фалак,
Орзу-истагимиз билмас ҳеч фалак.
Токи юксалмасак то фалак қадар,
Бизни назарига илмас ҳеч фалак!

* * *

Биз учун безавол баҳори ишқнинг,
Биз учун кетмас ҳеч оҳори ишқнинг.
Даврони навқирон ўтса не армон,
Биз билан навбаҳор, наҳори ишқнинг.

* * *

Файзу тароватсиз чамани чаман?!
Ҳикмат ҳароратсиз сухани-сухан?!
То Ватан бамисли меҳрибон она,
Мехру муҳаббатсиз Ватанми Ватан?!

* * *

Наинки баҳти бут ҳар бир эл комил,
Комиллик билан боз топар такомил.
Дориломон даврон сурар беармон
Топар минг мушкулга минг чора, омил.

* * *

Тонгим офтобисан, шукр, минг шукр,
Шомим моҳтобисан шукр, минг шукр.
Минг дарду аlamга минг битта шифо
Паймон гулобисан, шукр, минг шукр!

* * *

Ҳикмат қўш қаноти сухану сўзнинг,
Қалб қўри, сурори, зиёси кўзнинг.
Жаҳолат зулматга қасдма-қасд ғолиб
Музаффар машъали ҳар кун, ҳар рўзнинг.

* * *

Ҳар сўзинг ҳар дилни шод қилгай,
Жаннат каби ҳам обод қилгай.
Тортма калом тобу танобин,
Минг мушкулни ҳал-кушод қилгай.

* * *

Фикру хаёлимиз дояси кўнгил,
Доя не, асоси мояси кўнгил.
Минг битта лашкарим минг калом, минг сўз
Музаффар ялови – гояси кўнгил.

Жаъфар МУҲАММАД

Тўртликлар

Ҳар чоҳни роҳ деган ғофилмиз,
Дурни икроҳ деган ғофилмиз.
Қонга ташна қаттол қисматни
Пушти паноҳ деган ғофилмиз.

* * *

Сиримиз йўқ дўйсту бегоналардан,
Баҳт уйи зиёда кошоналардан.
Фарҳод дод-фарёдин эшигтан Ширин
Шитоб етиб келар афсоналардан.

* * *

Сен учун бағримда минг сир яширин,
Кечалар сўйлайман ой-юлдуз сирин.
Шириндан-ширин тоғ асали бўлиб,
Захар тилларингни қиласарман ширин.

* * *

Сени ҳар чамандан ахтардик, эй дўст,
Чаман не, Ватандан ахтардик, эй дўст.
Тополмай шоҳ-гадо орасидан ҳам,
Сени жону тандан ахтардик, эй дўст.

* * *

Дунёга келганман чекиб минг фарёд,
Мисоли тун бағрин пора қилган дод.
Дунёга келишдан то кетиш мурод,
Не боис, ё Раббим, айладинг бунёд?!

* * *

Ўтар баҳоримиз кўзимиз ёшлаб,
Ўтар ёшлигимиз дилимиз ғашлаб.
Гар ҳамон ҳаётмиз, вале, во дариг,
Муҳаббат кўнглимиз кетмоқда ташлаб.

* * *

Даркор эмас Сулаймон бахти,
Даркор эмас Сулаймон рапти.
Ёрим билан кулба ҳам қаср,
Даркор эмас Сулаймон тахти.

* * *

Дунёларга қуш сингари шошарман,
Бу жойлардан йирок, нари шошарман.
Саҳро сари шошиб оқар дарёлар,
Мен саҳродан дарё сари шошарман.

ҚОЗОҚ ШЕЪРИЯТИДАН

Турмагамбет ИЗТИЛЕУЛИ

Хикматлар

Түн олсанг – түзар,
От олсанг – озар.
Фақат күй-күшик
Баридан ўзар.

* * *

Түн кийган түнгмайды,
Лаънат олган ўнгмайды.

* * *

Қорни очга қора толқон мой,
Тул эркакка пучуқ жувон ой.

* * *

Оз битар, күп ҳам битар,
Тотувликка не етар.

* * *

Қум тош бўлмас, қул бош бўлмас.

* * *

Икки яхши қўшилса – бир-бирин кўзи қиймас,
Икки ёмон қўшилса – ҳатто бир уйга сифмас.

* * *

Эшак минганга от керак эмас,
Балиқ еганга эт керак эмас.

* * *

Отинг ёмон бўлса, армонинг кетар,
Боланг ёмон бўлса, дарвонинг кетар.
Хотин ёмон бўлса, меҳмонинг кетар,
Феълинг ёмон бўлса, имонинг кетар.

* * *

Хўжа, мулла бошидагидан аён,
Ҳоким, тўра қошидагидан аён.

* * *

Яхшининг кун сайин зиёда моли,
Ёмоннинг кун сайин яқин заволи.

* * *

Ютуғи тирикликтининг
Шарофати бирликнинг.

* * *

Меҳнатсиз уруғ чиқмас,
Заҳматсиз билим юқмас.

* * *

Ақлсиз зот
Югансиз от.

* * *

Юрагимда кўп дардим,
Тинглайдиган йўқ мардим.

* * *

Мен тортмаган дард қани,
Даво топар мард қани?!

* * *

Илм ёритар ичингни,
Хунар оширап кучингни.

* * *

Аёл ердан чиқмаган
У ҳам эркак боласи.
Эркак кўқдан тушмаган
Аёл унинг онаси.

* * *

Одам бўладиган одам
Очдан ўлса ҳам ошалаб емайди.
Одам бўлмайдиган одам
Ёрилиб ўлса ҳам «ол» демайди.

* * *

Қариндош – қориндаги ош.

* * *

Тўн жигасиз бўлмас,
Эл оғасиз бўлмас.

* * *

Тўқлик яраштирап,
Йўқлик талаштирап.

* * *

Тойчоқ отга етказар,
От муродга етказар.

* * *

Бебош бўлсанг осарлар,
Юввош бўлсанг босарлар.
Ўртача бўлсанг, хон ясарлар.

* * *

Ош қадрин билмаган
Очлик азобин ортар.
От қадрини билмаган
Ўзи арава тортар

* * *

Ёмон текни билмас, яхши кекни билмас.

* * *

Яхши Оллоҳдан кўрар,
Ёмон ҳамроҳдан кўрар.

* * *

Юрти ёмоннинг бийи куяр,
Хотини ёмоннинг уйи куяр.

* * *

Ёмонга ишинг тушмасин,
Тузоққа қушинг тушмасин.

* * *

Бой бой билан қуда бўлса, ўртада йўрга қатнар,
Йўқ йўқ билан қуда бўлса, ўртада тўрва қатнар.
Бой йўқ билан қуда бўлса, ўзаро зўрга қатнар.

* * *

Оғзин катта оч,
Тиши бўлса – қоч.

* * *

Ўғрилар топишганда
Бир-бирини ялайди.
Айрилгандагон қопағон
Кўппак каби талайди.

* * *

Тошганлар – тўқилади,
Қазиган – йиқилади.

* * *

Бош бошлайди, оёқ ташлайди.

* * *

Ёлғон сўз балои жон,
Ўткир пичоқ тўкар қон.

* * *

Олтиннинг тоти бўлмас,
Яхшининг ёти бўлмас.

* * *

Қаноат қоринни тўйдирап,
Қаноатсиз отни сўйдирап.

* * *

Тўқлар нелар демас,
Очлар нелар емас.

* * *

Уста билан дўст бўлсанг, ишинг битар,
Мулла билан дўст бўлсанг, боринг кетар.
Миршаб билан дўст бўлсанг, бошинг кетар.

* * *

Олов ёқсанг – пишарсан,
Чоҳ қазисанг – тушарсан.

* * *

Гўшт есанг, тишингга кирап,
Емасанг, тушингга кирап.

* * *

Маъраган ҳар такани
Қиши тушганда кўрарсан.
Кеккайган ҳар йигитни
Иш тушганда кўрарсан.

* * *

Үйнинг иссиқ-совуғи
Қиши тушганда билинар.
Кимнинг қандай экани
Иш тушганда билинар.

* * *

Этнинг бари қази бўлмайди,
Итнинг бари този бўлмайди.

* * *

От югурса – айиради,
Тил югурса – қайиради.

* * *

Ақллига айтсанг билади,
Ақлсизга айтсанг кулади.

* * *

Билимли аёл бошигтга қарар,
Билимсиз аёл ёшингтга қарар.

* * *

Тентакнинг оёғи саккизта,
Семизнинг таёғи саккизта.

* * *

Зулматда қалтирайсан,
Ёруғда ялтирайсан.

* * *

Сигири бор уйда айрон бўлар,
Сигири йўқ ҳар уй вайрон бўлар.

* * *

Хон эли билан,
Аёл эри билан.

* * *

Пичоқ берсанг, чини билан бер,
Гар чин берсанг, қини билан бер.

* * *

Яхши меҳмон келса, қўйинг эгиз тугади,
Ёмон меҳмон келса, қўйинг қашқир буғади.

* * *

Оқсоқнинг йўлига тушма,
Сўқирнинг қўлига тушма.

* * *

Кўхна калом – янги калом қозиги,
Ҳар яхшию ҳар ёмоннинг озиги.

* * *

Қозон тошар,
Нодон шошар.

* * *

Кўйнинг нияти омонлик,
Бўри нияти ёмонлик.

* * *

Азалдан бой ошиб борар,
Ҳар янги бой шошиб борар.

* * *

Белига айил ботганни
Эгаси эмас, оти билар.
Эр йигитнинг қадрини,
Дўст-ёр эмас, ёт билар.

* * *

Тоғига мос тулки,
Замонга мос кулги.

* * *

Яхшилик терак устида,
Ёмонлик оёқ остида.

* * *

Ёмонликни кўп қувган, бир балога йўлиқар.
Яхшилик йўлин тутган мол-давлатга тўлиқар.

* * *

Икки яхшини қўшганинг савоби бор,
Икки ёмонни қўшганинг жавоби бор.

* * *

Эл ичидা оз бўлсанг,
Ҳар фикр келар ўйингга.
Юрт ичидা йўқ бўлсанг,
Лаънат илинار бўйнингга.

* * *

Оёғи ёмон кўлни булғайди,
Оғзи ёмон элни булғайди.

* * *

Мард берганин айтмайди,
Айтганидан қайтмайди.

* * *

Бор бўлсанг тошма,
Йўқ бўлсанг шошма.

* * *

Нодон-ношуд жовдирайди,
Сўз тополмай довдирайди.

* * *

Жаҳл чиқса, ақл кетар,
Ақллида жаҳл нетар.

* * *

Ёмонни яхши десанг
Ёмонлиги қолади.
Яхшини ёмон десанг
Хушфеъли йўқолади.

* * *

Навкар бекнинг қошида,
Деҳқон ернинг бошида.

* * *

Қашшоқлигин яширган эл бой бўлмас,
Ёлғизлигин яширган бағри тўлмас.

* * *

Овни эринмаган отади,
Ёки кўринмаган отади.

* * *

Ориятли эр
Ору номус дер.
Ориятсиз эр
Ўз бошини ер.

ОЗАРБАЙЖОН ШЕЪРИЯТИДАН

Мулла Паноҳ Вокиф

Ман жаҳон мулкида мутлоқ тўғри ҳолат кўрмадим,
Ҳар не кўрдим айри кўрдим, собит сабот кўрмадим,
Ошинолар ихтилотинда садоқат кўрмадим,
Бегубор иқрору имону диёнат кўрмадим,
Бевафодан ложарам таҳлиси ҳожат кўрмадим.

Хоҳ султон, хоҳ дарвешу гадо билиттифоқ,
Ўзларин қилмиш гирифтори ғаму дарду фироқ,
Жафои дунёгадир ҳар эҳтиёжу иштиёқ,
Мунча ким этдим томоша, сўзларга осдим қулоқ,
Кизбу бўхтондан сувою бир ҳикоят кўрмадим.

Ҳар садову сас ки, дунёга тўлиб аксар ақал,
Жумла макру али фанну фитнадир, жангу жадал,
Дирҳаму динор учундир ҳар нега чанг солса ал,
Муқтадирларда итоат, муқтадоларда амал,
Бандаларда сийму, бойлардаadolat кўрмадим.

Халқи олам бир ажаб дастур тутмуш ҳар замон,
Қайси ғамли жонни ким, сан этар ўлсанг шодумон,
У сана албатта ки бадфеъллик айлар аён,
Ҳар каса ҳар кас ки этса яхшилик, бўлур ёмон,
Топмадим бир дўст ки, ундан адоват кўрмадим.

Олимни жоҳил, муриду мурдиши шогирду пир,
Нафси аммора қўлингда сарбасар ўлмиш асир,
Ҳаққи ботил айламишлар, қилмиши журми кабир,
Шайхлар шайёд, обидлар абусен қамтарир,
Ҳеч касда Ҳаққа лойиқ бир ибодат кўрмадим.

Ҳар киши ҳар не ки севди, они беҳтар истади,
Кими тахту, кими тожу, кими афсар истади,
Подишоҳлар дамба-дам тахсири кишвар истади,
Ишқа ҳам чўх кимса тушди васли – дилбар истади,
Ҳеч бирида оқибат ҳам завқу роҳат кўрмадим.

Мен ўзим чўх кўзагори кимиёғар айладим,
Жидду жаҳд қилдим губори тийрани зар айладим,
Қора тошни дўндириб ёқуту аҳмар айладим,

Донаи ҳармуҳрани дурга баробар айладим,
Қадру қиймат ахтариб, хайри ҳасорат кўрмадим.

Найлайин вайронна Жамишду Жамин айвонини,
Йўла солмиш бил ки базму ишрати чандонини,
Ким қолибдир ки унинг ғам тўқмамишdir қонини,
Қайта-қайта имтиҳон этдим фалак давронини,
Унда мен терс аксликдан ўзга одат курмадим.

Кун кими бир шахса кунда хайр берсанг сад ҳазор,
Заррача этмас адойи шукри неъмат ошикор,
Қолмаюбдир ғайрату шарму ҳаё, номусу ор,
Дедилар ки, эътибору эъдиқот оламда бор,
Унда гарчи мен да чўх кездим, ниҳоят, кўрмадим.

Мухтасар ки, бўйла дунёдан керак этмоқ ҳазар,
Ундан ўтру ким, дейилдик ўз еринда хайру шар,
Олимлар хоки мазаллатда, данийлар мўътабар,
Соҳиби зарда карам йўқдир, карам аҳлинда зар,
Ишланган ишларда аҳкому лаёқат кўрмадим.

Давлату иқболу молин охирин кўрдим тамом,
Ҳашмату жоҳу жалолин охирин кўрдим тамом,
Зулфу рўйю хатту холин охирин кўрдим тамом,
Ҳамдаму соҳибжамолин охирин кўрдим тамом,
Бегубор бир ҳусну сурат, қадду қомат кўрдим.

Йа имам-ал-инсу валжинну шоҳаншоҳи умр,
Кетди дин қўлдан, бу кундан бўйла сен айла зухур,
Қўйма ким, шайтони малъун айлагай имону зўр,
Шуълайи ҳуснун-ла баҳш эт тоза бир дунёга нур,
Ким, шариат машъалинда истиқомат кўрмадим.

Бош оқарди, рўзигорим бўлди кун-кундан сиёҳ,
Этмадим, сад ҳайф ким, бир моҳи руҳсора нигоҳ,
Қадр билмас ҳамдам ила айладим умрим табоҳ,
Вақифга, ё Раббано, ўз лутфинги айла паноҳ,
Сендан ўзга кимсада лутфи иноят кўрмадим!

ГРУЗИН ШЕЪРИЯТИДАН

Николоз БАРАТАШВИЛИ

МЕРАНИ

Дала-даштлар узра қүшдай учар Мерани тулпор,
Қора қарға қағиллады, тезроқ учгин, учақол!
Ҳасратзада юрагимда зарра қолмасин губор,
Бахту иқбол диёрини шиддат билан қу чақол!

Шамолларнинг бағрин тилиб, чўққилардан ошиб ўт,
Толиқсам ҳам парво қилма, ярим йўлдан қайтмагин.
Саҳролару довоңлардан бўрон каби шошиб ўт,
Ташна қалбим пора қилиб армон сўзин айтмагин.

Қолса қолсин она диёр, дўсту биродарлар ҳам,
Оға-иним, ҳатто севган ёримни ҳам унутай.
Пойим етган макон бўлар мангум азиз бошпанам,
Юлдузларга бор муҳаббат-мехрим қўшқўллаб тутай.

Муҳаббату бор нафратим бўлсин сенга қўш қанот,
О, Мерани, бургутлардан ҳатто баланд учақол.
Ташнаю зор юрагимга ўзинг бўлгайсан нажот,
Бахту иқбол диёрини шиддат билан қу чақол!

Боболарим диёrimда, майли, қолмасин хоким,
Ёrim аза тутмасин ҳеч бағри бўлиб вайрона.
Кенг далада қолса-қолсин фариб қабрим ҳаттоким,
Алвидолар айтсин бошим узра шамол парвона.

Қабрим ювсин кўз ёш эмас, тонг шабнами беғубор,
Қузғунлар чарх урсин қабрим узра мисоли наслим.
Мени олиб уч, Мерани, парвоз айла боякбор,
То тирикман бўлмасман ҳеч қисмат ҳукмига таслим!

Тақдир мендан юз ўғирса, ўлсам ўларман бироқ,
Жанг қиласман эртаю кеч, жон, Мерани, учақол!
Уч, Мерани, чорлар бахту иқбол диёри йироқ,
Бахту иқбол диёрини шиддат билан қу чақол!

Қайноқ қалбим кўрини совуқ шамоллар совурмасин,
Ҳатто хаёл етмас олис юртларни забт этармиз.
Ортимиздан йўл олганлар сира ҳам оҳ урмасин,
Биз барчасин мардонавор олға бошлаб кетармиз!

Дала-даштлар узра қүшдай учар Мерани тулпор,
Қора қарға қағиллады, тезроқ учгин, учақол!
Ҳасратзада юрагимда зарра қолмасин губор,
Бахту иқбол диёрини шиддат билан қу чақол.

АРМАН ШЕЪРИЯТИДАН

Наапет КҮЧАК

(XV-XVI асрлар)

* * *

Севаман деганларинг қуруқ сўзмиди, эй ёр,
Шойи деб тутқазғанинг оддий бўзмиди, эй ёр?
Ваъдаларинг унутиб, наҳот ташлаб кетарсан,
Топганинг мендан аъло қора кўзмиди, эй ёр?!

* * *

«Бир бўсанг нархин айт менга, нигоро?»
Ишва билан деди: «Боймисан ортиқ,
Барча молу мулкинг менга чикора,
Севсанг, бас, бор меҳрим қиласман тортиқ».

* * *

Ўғлини бешафқат қарғади она:
«Тентира бяшагин мисли девона.
Саҳроларда сарсон кезиб бегона,
Жаннатдай юртингни соғин ягона».

САЯТ-НОВА

Сира ҳам жоним демасман, жонона, жонимсан менинг,
Оби ҳаёт тўлиб-тошган олтин финжонимсан менинг,
Бошим узра соя солмас яйдоқ шийпонимсан менинг,
Севдим сени, ўлдир мени, золим султонимсан менинг!

Қадди-бастинг сарви равон, гул юзинг мастона аъло,
Сўзларинг қанд, лабларинг бол тишларинг дурдона аъло,
Нигоҳингда ақлу ҳушим олар минг бир маъно аъло,
Бебаҳо дуру жавоҳир, лаъли раҳшонимсан менинг!

Дарди ҳажринг ичра минг бир дардга дучор бошим, эй ёр,
Кўзларимдан оқар ё Раб, мудом қонли ёшим, эй ёр,
Қолмади ҳеч танда ортиқ зарра ҳам бардошим, эй ёр,
Кўйинг ичра яйрай, жаннат каби бўстонимсан менинг!

Хушторингман, бедорингман, борми мендай гадо бўлган,
Наинки мен, жумла жаҳон ой юзингга шайдо бўлган,

Неларга, айт, қиёс айлай, бор ташбехлар адо бўлган,
Шамолдай ҳеч тутқич бермас гўзал жайронимсан менинг!

Дариф тутмай ширин сўзинг Саят-Нова ёри бўлгин,
Ёри неки, бор давлати, номуси ва ори бўлгин,
Қалби ичра оташ ишқи, алангаю нори бўлгин,
Чинни гул ҳам атиргул ҳам тоза райхонимсан менинг!

* * *

Мен – булбулни олтин қафас ичра тутар бўлдинг ўзинг,
Юрагимни шафқат қилмай топтаб кетар бўлдинг ўзинг,
Гарчи қалбим жаннат каби обод этар бўлдинг ўзинг,
Ёлворсам ҳам шоҳдай сукут сақлаб ўтар бўлдинг ўзинг!

Гулзор аро гулларни ҳам кўзга илмай ёндирасан,
Оташ-олов нигоҳ билан парво қилмай ёндирасан,
Мени ҳам, оҳ, мурувват нелигин билмай ёндирасан,
Барчани қул қилиб боши узра етар бўлдинг ўзинг!

Ошиқларинг ичра, эй ёр, мен ҳам сенинг бир қулингман,
Ҳажкинг зиндонида мудом қон ютар бир мақтулингман,
Отимдан ҳам, зотимдан ҳам кечдим, шайдо булбулингман,
Дарё каби тўлгонарман, бағрим ўртар бўлдинг ўзинг!

Дурдона бир ҳолинг билан элни асир қиласан, ёр,
Менга ҳам минг жоду билан, эвоҳ, таъсир қиласан, ёр,
Жондан буткул умид узган кўру басир қиласан, ёр,
Эй маликам, содик қулинг ногоҳ нетар бўлдинг ўзинг?!

Саят-Нова кўзида ёш: «Йигларман дер то имкон бор,
Дардларимни достон қилмам мисли мард эр то имкон бор,
Ва лекин наъра тортарман бамисли шер то имкон бор,
Химмат қилиб олтин созим, не баҳт, тутар бўлдинг ўзинг!»

РУС ШЕЪРИЯТИДАН

Александр ПУШКИН

ПАЙГАМБАР

Ташналиқдан озурда рухим,
Тентирадим даштда зим-зиё, –
Ва дафъатан қодир илоҳим,
Айро йўлда намоён, пайдо.
Мехр билан кўзларим, ё Раб,
Сийлапади, ногоҳ ярақлаб,
Гўё ёвқур бургутнинг олов –
Нигоҳидай порлади лов-лов.
Гумбурлаган қасирға-сурон,
Хушёр айлаб ногоҳ бегумон;
Само титраб ларзага келди,
Хур-парилар айлади парвоз.
Даррандалар қайгадир елди,
Самбиттоллар тебранди ҳамроз.
Оғзимга у чапдаст қўлини,
Солди шитоб, қилиб йўлини,
Манфур тилим олдию юлиб,
Маддоҳ, каззоб забондан жудо –
Даҳанимга энг аъло билиб,
Ништар илон тилин этди жо.
Ва қиличин сермаб беаёв,
Титрок қалбим сугуриб олди.
Лангиллаган лахча чўғ-олов,
Оташни шаън кўксимга солди.
Ётарканман даштда чалажон,
Тангри ҳукми янгради шоён:
«Фурсат етди, қўзгал, пайғамбар,
Жо эт амрим ҳам жону танга.
Ва элма-эл кезиб сарбасар –
Юракларга ёққил алантга!»

* * *

Роҳиб-роҳибалар ҳаётдан безиб,
Хаёлан минг битта оламни кезиб,
Дардига ахтариб таскин-тасалли,
Илоҳий дуолар битганлар, балли!

Бебаҳо бир дуо азиз мен учун,
Моҳи Рамазонда кўрсатар кучин;
Ё Раббим! Шаънингга шукронга айта,
Уни тақрорлайман қайта ва қайта.

Эй фикру зикримни банд этган оят,
Ялқов-танбалликдан асрасанг шояд;
Маддоҳлик, такаббур ҳар не даъводан,
Ҳам ўзинг сақлагил кибру ҳаводан.

Вале ҳар нуқсоним қилгайсан аён,
Ва мендан ҳеч кимга етмагай зиён.
Ато эт итоат, севги саодат,
Илоҳий покликни одат қил, одат!

1836 йил.

* * *

На юксак мартаба, на зарур давлат,
На унвон, на шуҳрат, на кўрку савлат;
Қаршимдан чиқди гар пешвоз шайланиб,
Турфа савдолардан ўтдим айланиб.
Ёвлашган шоҳки бор навбатма-навбат,
Сулҳу омонликка қилмадим даъват.
Асири жумла эл ва ё кўр-басир,
Чикора мен учун, қилмас ҳеч таъсир.
Мен булар баридан безган бандаман,
Эзгу ҳикматларга кўйдим танда ман:
Шоҳлар амри билан яшаш эрта-кеч,
Фарқ қилмас оммага қарамликдан ҳеч.
Ҳеч кимга эгмасман мағрур бу бошим,
Озод қалбим амри ёлғиз йўлдошим.
Сарбасту ҳам сармаст булбулдай гүё,
Чаманзор боғларга мафтун-маҳлиё;
Энг сара асарлар сехри қилса лол,
Мен учун энг олий илоҳий иқбол!

БУЛБУЛ ВА КАККУ

Гулга тўлган баҳор чоғида,
Чаманзорда тун қучоғида,
Бийрон булбул куйлар ранг-баранг.

Бироқ турқи совуқ какку қуш,
Какулайди нохушдан-нохуш.
Асабларни қилади таранг.

Совуқдан ҳам совуқ нафаси,
Бизни баҳтдан қилгудай жудо.
Үртамасин бағримиз саси,
Үзинг асра бизни, эй Худо!

Михаил ЛЕРМОНТОВ

Башпорат

Россия! Қисматинг оғирдан оғир,
Тож-тахтдан мосуво шоҳлар қон бағир;
Қон ичиб, қон кечиб, қонда тайрилиб,
Эл ҳатто уларга боқмас қайрилиб;
На қонун-қоида, тартиб-интизом,
Хеч кимни ҳимоя қилмас ҳеч Низом;
Хароба, ағор юрт бўйлаб беомон,
Ўлат-вафо кезиб, қашшоқ, чалажон,
Жумла элни ёппа бирма-бир қириб,
Ялмоғиз бўрондай ямлар қутуриб;
Уфқ бўялган кун қоп-қора қонга,
Забардаст бир баттол тушар майдонга.
Дастига не учун олганин қурол,
Маънисин сен англаб етарсан дарҳол;
Во дариг, бошингга тушган балолар,
На бағрин ўртар, на қайғуга солар;
Бағрингда улғайган бу қаттол, эвоҳ,
Қонли қўли билан қазир сенга чоҳ!..

1830

1831 йил 14 июнь

1

Фаройиб минг сиру асрорни ечиб
Шуҳрат орзусида хаёллар сурдим.
Кибор давраларнинг баҳридан кечиб,
Ўзимни долгалар бағрига урдим.
Шоҳона давралар ким учун роҳат,
Ташна юрагимга солди жаҳорат.
Ва лекин зиёда орзу ҳам, дард ҳам,
Кўнглимга инмади ҳаттоки гард ҳам.

2

Бегубор хаёллар оғушида маст
Тамом унтардим замонни бебош.

Бағрим ўртаганда ўйларим сарбаст
Маржондай тизилар эди күзда ёш.
Ва лекин жамики ғазаб-ғаразим,
Фикру зикрим, ҳатто сароб фаразим
Ақл бовар қилмас, ё Раб, сира ҳам,
Бамисли жаннат ё даҳшат жаҳннам.

3

Ўйларим шиддатли, бор сўзлар ожиз,
Шиддатин ҳеч бири аён қилолмас.
Гўзал ташбеҳ билан ҳаттоки жоиз,
Энг бийрон шоир ҳам баён қилолмас.
Қучарман самони бамисоли қуш,
Лолман маст қилгандай бироқ сирли туш.
Элни лол қиласин деб айни ҳаяжон
Ҳаттоки тайёрман бўлгани қурбон.

4

Гар шуҳрат мен учун эмас муддао
Бироқ фикру зикрим банд этган тамом.
Жонинг фидо қил деб қилар иддао,
Қисматим изтироб-азоб беором.
Ғанимлар қасдлашар қилгудай ғарот,
Бироқ қанот менга қодир башорат:
Тангри мангаликни айлагай тортиқ,
Ўзга ҳадялардан кечарман ортиқ.

5

Самовий руҳларга завол бегона,
Куним битар, эзгу ниятим аммо
Англамаса ҳамки замон мастана
Шубҳасиз шарафлар, йўқ ҳеч муаммо.
Сенга ҳам азизим, мисоли баёт,
Ишқим баҳш айлагай янги ҳур ҳаёт.
Олам номимизни бирга ёд этгай,
Ахир марҳумларни айриб нетгай.

6

Марҳумларга омма ҳамиша холис,
Ота фикрин ўғил ҳеч матьқул демас.
Буни англаш учун кун кўриб олис
Токи қартайгунча яшаш шарт эмас.

Мангулик қошида лаҳзалик фоний,
Гул каби одамзот умри ҳам оний.
Беш кунлик бу дунё ғам, ҳасрат, ҳузн,
Рұхнинг умри бироқ узундан-узун.

7

Азал қонуни бу. Соҳилда гоҳо¹
Якка-ёлғиз оғир ўйларга толиб
Тұлқинлар мавжига боқарман танҳо
Дарё қайнаб тошар зобитдай ғолиб.
Тұлқинлардан күзим узмасман сира,
Асрий құшиғин ҳам бузмасман сира.
Тошқин дарё бироқ күнглим гаштайди,
Теран хаёлларим бўлиб ташлайди.

8

Бир пайт маст айлаган шароби ишқнинг,
Афсунгар нигоҳлар бағрим қилган хун.
Дарду ҳасратлари, азоби ишқнинг,
Үзга бир инсоннинг ёри у бу кун.
Мен ҳам үзга қизни севарман чунон,
Майли, ишқ ўтида ёнай беомон.
Бироқ бағрим ҳамон ўртар алқисса,
Ўша илк ишқ дарди, армонли қисса.

9

Во дариг, бирон-бир меҳрибоним йўқ,
Ўзим ҳам ўзимдан безорман, безор.
Хұзур-ҳаловатли бирон оним йўқ,
Элнинг назидда мен ёвуз дилозор.
Катта ҳам кичик ҳам қилиб лол-ҳайрон,
Дарбозасиз қалбим қиласлар вайрон.
Күнглимда қувончми ё ҳоким кулфат,
Қизиқмас ҳаттоки бирон дўст-улфат.

10

Булутлар карвони сузар қоп-қора,
Бағрида шубҳасиз оташ ва олов.
Самовот бағрини қилиб минг пора
Фойиб бўлар яшин машъали дарров;
Булутлар бағрига сингар у ногоҳ,
Бунинг асроридан ким қилас огоҳ?
Ким ҳам назар солиб булут қаърига,
Таъриф бера олар булар барига?

11

Ё Rab, насиб этар қандайин исмат,
Қай жойда топарман то абад ором.
Кулиб боқарми ҳеч менга ҳам қисмат,
Ё рухим тентирап мангу беором?
«Севарман!» деб ёрга қылсам гар нидо
Мен учун қиласми жонини фидо?
Дерлар: Бошингни ер дарди муҳаббат,
Мен дейман: Бўлсан бас марди муҳаббат!

12

Кўплар муҳаббатга ишонмас асло
Ишқ бир афсона деб топарлар таскин.
Девоналик дейди, дер бошга бало,
Ишқ ахли наздида мискиндан-мискин.
Мен учун ҳам бу сир, мавхум бир бало,
Бироқ ишқ дардидай дард бўлмас аъло.
Ё Rab, бор дунёдан батамом тониб,
Бутун қалбим билан севганман ёниб.

13

Чикора ҳаттоки хиёнат, армон,
Багрим қон қиласа ҳам аламли оҳим,
Қалбимнинг қаърида дардимга дармон
Оташ муҳаббатим, ёлғиз Оллоҳим;
Ҳатто харсанг узра қад ростлаб алҳол
Баногоҳ юксалар баъзан навниҳол,
Қоронғу кечани безагандай ой
Қора тошларга ҳам бахш этар чирой.

14

Йўловчи ниҳолга ачинар ғоят,
Қоя узра аранг турганин кўриб.
Бўрону сувсизлик боис ниҳоят
Бир куни дафъатан қолади қуриб.
Ва лекин қалбимда ишқим барқарор,
Чикора бўрону чикора шарор.
Ишқ дарди қиёмат қадар ҳаттоким
Вайрона қалбимда ягона ҳоким.

15

Бешафқат бўлса ҳам қисмат зарбаси,
Мағлуб қила олмас мардни ҳеч қачон.
Оlamни титратиб ғолиб наъраси,
Қалбида ловуллар қасоскор исён.

Қиличини сермаб ҳар тўрт томонга,
Ғанимлар ерини ботирар қонга.
Бир зарб билан қилган барчасин барбод
Ё қодир Тангри у ё қонхўр жаллод...

16

Дашту саҳроларга мөхрим зиёда,
Шамоллар бағрида алқар адирда.
Лочин парвоз қиласар юксак самода,
Булутлар сояси судралар қирда.
Озод ҳамда эркин отлар уюри,
Бургутлару барча тайру туюри.
Булутлар ложувард самода аста
Ром қиласар мунаввар нурга пайваста.

17

Уфқларга туташ чексиз биёбон
Пайваста қиларкан еру осмонни.
Қаршимда паридай бўлиб намоён
Мангалик орзуси ўртайди жонни.
Турфа хаёлларнинг бўлиб асири,
Аён бўлар жумла жаҳоннинг сири.
Ҳаётим тизгини қўлимда гўё,
Бахту иқболим ҳам йўлимда гўё.

18

Сиз ҳам ҳайрат билан оқшом ҷофида,
Офтоб ботишини кузатганимисиз.
Тунни кутиб олиб ҳайрат тоғида,
Кунни сўнги йўлга узатганимисиз?
Қўйида дов-дараҳт, шарпа соялар,
Атрофда кўкрагин керган қоялар.
Булутлар ҳам сирли сукунатга ғарқ,
Чўққилар бошида алангали барқ.

19

Хотиралар менга бахш этар қувонч,
Шавқу завқим булоқ мисоли тошар.
Яна юрагимга қўш қанот ишонч,
Яна қалбим баҳтли кунларга шошар.
Гар бу кун аламли армон ҳасмимиз,
Бизларни ром қиласар эски расмимиз.
Такрор унга боқиб султондай таҳтли,
Яна ўзимизни сезармиз баҳтли.

20

Бекиёс оппоқ қор қоплаган тоғлар,
Сарбаланд қоялар сирли жамоли.
Уларга чикора турфа хил choғлар -
Салтанатлар шони, ҳатто заволи.
Чақинлар бошида гүё олтин тож,
Булутлар бағрини тилар яланғоч;
Бас кела олмас ҳеч бирон-бир толиб,
Самога ҳамроҳ ким – ҳамиша ғолиб.

21

Фарибдан ҳам ғарип яланг дашт-дала,
Фарибдан ҳам ғарип саҳро-биёбон.
Йўлни чангитгандай пода бир гала,
Гоҳо қанот қоқар шамолу тўзон.
Қанча тикилсанг ҳам бутадан ўзга,
Дашт узра ҳеч вақо кўринмас қўзга;
Шом ҷоғи кўнглингга солар ваҳима,
Дашт ичра топилмас бўлак ҳеч нима.

22

Курашсиз ҳаёт ҳам дашт каби ғарип,
Сарҳисоб палласи келганда бир кун
Шавкатли бирон иш топмай ахтариб,
Армон билан бағрим бўлмасин ҳеч хун.
Курашмогим зарур, зарур зўр ғоя,
Ҳар бир куним бўлсин мангуллик қоя.
Роҳатдан асло сўз очманг ордона,
Курашгум мардлардай тинмай мардона.

23

Ҳамиша безовта фикру хаёлим,
Умид билан армон исканжасида.
Наздимда ёшлиқда етар заволим
Бешафқат қисматнинг дастпанжасида.
Наҳот омонлик йўқ асло ўлимдан,
Наҳот ҳеч шонли иш келмас қўлимдан?!
Ўзга қисматлардан қилсан ҳам ҳазар
Ишқим азоблардан устун, алҳазар!

24

Баъзида тош қотар ақлу идроким,
Кўнглимни ёритмас ҳаттоки чироқ.

Қора умидсизлик қалбимга ҳоким,
Орзулар юлдуздай туюлар йироқ.
Аросат choхида саргардон фаҳм,
Хаёт жирканч, бироқ ўлим ҳам ваҳм,
Ва лекин сабабчи ўзимман якка,
Таъна қилолмасман қодир фалакка.

25

Бунга кўннекканман мен кўпдан буён,
Лекин на фаришта, на шайтон бадном,
Бу ҳолатни асло қилолмас баён,
Улар учун бу ҳол бегона тамом.
Бири ёвуз, бири нурдир ораста,
Фақат одамзотда мангу пайваста
Яхшилик-ёмонлик – азалий улфат,
Бошидан шу боис аrimас кулфат.

26

Гумон топилмоғи беармон одам,
Тангри ёрлақаган зотлар ҳам ғоят,
Ўтган ҳаётига боқиб дам-бадам
Аlam билан гоҳо қилас шикоят:
«Қисмат юрагимни қилмаганда қон,
Дунёда яшардим мен ҳам беармон!»
Тақдиргага тан бермас шукронга айтиб.
Кетган тўлқин янга келарми қайтиб.

27

Тўлқинни қувлагай бўронлар чунон,
Денгиз узра тинмай чопиб толади.
Бағрида яйраган ғоят қадрдон
Қамишзор кўрфазни эсга олади.
Ўзга соҳилларга бош урап йироқ
Ортиқ ҳеч ҳаловат тополмас бироқ.
Денгизда бўрондай учган мард одам,
Салқин соҳилларда ётолмас бегам.

28

Бешафқат заволим - маълум бегумон,
Азалий ҳамроҳим минг дарду алам.
Дардларим ягона Тангрига аён,
Ҳеч қачон билмагай лоқайд бу олам.
Мен ўларман, бироқ шоним безавол,
Ёт эллар ҳайратга тушиб бўлар лол.

Ўз юртимда оми омма аломат,
Шаъним булғаб отар санги маломат.

29

Тамомми? Йўқ, ахир бир малика бор,
Мени севмас, бироқ ишқи зиёда.
Гарчи севгимга у ишонмас зинҳор,
Оташин қалбидай қалб йўқ дунёда.
Бир кун бўлар барча сирлардан огоҳ,
Қодир башоратим эслаб баногоҳ,
Кўзига ёш олар ўқсиб ҳар жойда,
Бироқ пушаймони бермас ҳеч фойда.

30

Тошқин дарё, овлоқ олис бир мозор,
Лак-лак қора булат... бадқовоқ осмон.
Эвоҳ, қонли қабрим мангут хору зор,
На бирон-бир оят, на бирон нишон.
Тақдир жиловини чиқарип қўлдан,
Мен каби адашиб ҳақ-равон йўлдан,
Навқирон ажнабий баъзан лол-ҳайрон,
Қабримга бош эгар юраги вайрон.

31

Ва дер: «Буюк бу зот топмаган қиммат,
Наҳотки дўсти ҳам бўлмаган сира?!
Унга камлик қиласар ҳар қанча ҳиммат,
Унга муносибдири мангут хотира!»
Алам билан дея: «Ё Раб, алҳазар!»
Олис-олисларга ташлайди назар;
Эътиборин торттар булатлар улкан,
Қушдай учар қайик, қордай оқ елкан!

32

Ва қабримни кўрар! – Шу янглиғ азиз
Эзгу орзуларим. Шириндан-ширин
Рўёбга чиқмаган умидлар лазиз
Йиллар чоҳи ичра мангут яширин;
Гўё эркин қушлар сарбаст парвози,
Гўё тунда янграп найнинг дил рози –
Забардаст ҳикматли ҳар теран фикр,
Қилинмасдан олдин сўз билан зикр!

1831 йил 11 июнь.

ФАРИШТА

Фаришта самовот ичра парвона,
Куйлар алёр, тарона;
Булутлар, ой, юлдуз терилиб,
Тинглар бари берилиб.

Жаннат ичра ҳурлар ҳаёти –
Сир-синоат баёти;
Ҳамду сано такбирлар айта,
Тангрини алқар қайта.

Жавон қалбни босиб бағрига,
Элтар замин қаърига;
Ёш қалб ичра йўқолиб сўзи,
Қолар бир куйнинг ўзи.

То заминда чекди кўп озор,
Гарчи мудом умид ёр;
Куй-кўшиғи бу ернинг қора,
Бағрин қилди садпора.

ШОИРНИНГ ЎЛИМИ

Шоир шаҳид! Шаън, олиймақом,
Номусига тегдилар унинг.
Қонли қалби тўла интиқом,
Мағрур бошин эгдилар унинг.

Маломатлар оташ юракка,
Қилич каби қаттиқ санчилди.
Бош кўтарди мардана якка,
Ва оқибат шоир янчилди.

Шоир ўлди! Фарёд на даркор,
Ҳамду сано, олқишлиар нечун?!
Қилмишингиз оқламанг бекор,
Қаттол қисмат кўрсатар кучин!

Сиз эмасми дарғазаб, қистаб,
Ўз шоирин юртидан қувган.
Ҳамда текин томоша истаб,
Ўчай деган ўтга ёғ қуйган.

Яйранг... сўнгги зарба, истибодд,
Ва янчилди шоирнинг боши.

Завол топди даҳо истеъдод,
Шеъриятнинг сўнди қўёши!

Манфур қаттол бефарқ, бепарво,
Зарба берди – зарба беаёв:
Қаҳри қаттиқ қаттол бедаво,
Қилт этмади дасти ҳам бирров.

Бу не қисмат, омад-саодат,
Мартабалар истаган ботил,
Юртимизга келган беадад,
Келгиндилар бири у қотил.

Шарму ҳаё бегона манфур,
Шон-шарафдан бехабар бу гўл,
Бор-будимиз топтади бир йўл,
Қай бир зотга қўтарганин қўл,
Қила олмас ҳатто тасавбур.

Ва ўлди у – макон ер қаъри,
Жаҳонгашта шоир сингари,
Шаънига шеър-ашъорлар битган,
Воҳ, уни ҳам телба-сарсари,
Қасоскор рашк бошига етган.

Нечун тарк айлади меҳр боғларин,
Нечун макон этди жафо тоғларин.
Оташ қалби учун мангут тор зиндон?!
Тубан бандаларга алданди нечун,
Нечун енголмади бўхтонлар кучин,
Билса-да одамзот авторин обдон?..

Сохта шуҳрат тожин кийдириб,
Гўё яқин маҳрам қилдилар, –
Асли шоир қалбин куйдириб,
Тиг-яроғсиз қийнаб тилдилар;

Жоҳил қавмин фиску фасоди,
Захарлади сўнгти онларин,
Юрагида қасос фарёди,
Олиб кетди бор армонларин.

Афсунгар алёрлар жаранги тинди,
Афсунгар алёрлар... қалбим яраси!
Олтин сози шоирнинг синди,
Янграмас ҳеч даъват, наъраси.

Сиз қилмиши тилларда достон,
Киборларнинг арзандалари,
Дастингиздан кутилмас омон,
Яратганинг хор бандалари.

Ялтоқилар тож-тахт пойида,
Эрк, Буюклиқ, Шон кушандаси.
Измингизда қонун-қоида,
Бас келолмас сизга бандаси.

Вале Аллоҳ шоҳид, алҳазар,
Дўзах сизни кутар беомон.
На мансабу ва на тилло-зар,
Бу балодан сақлолмас омон.

Ва қанчалар солманг дод-фарёд,
Нафи бўлмас ҳеч оҳингизни.
Юволмайсиз мангут тоабад,
Кечирилмас гуноҳингизни!

* * *

Биз айрилдик; жамолинг бироқ
Эъзозлайман қалбимда, жонон;
Мунаввар ишқ фаслидай йироқ
Шайдо қалбим маст қилар ҳамон.

Гар ўзгалар қилса ҳамки ром,
Сендан кеча олмадим, эвоҳ.
Зотан, азиз кўхна ҳар эхром,
Кўхна маъбуд ҳамон илоҳ!

Фёдор ТЮТЧЕВ

БАҲОР

Қисмат бўлса ҳамки ғоят бешафқат,
Безор қилса ҳамки хийлаю найранг,
Манглайда ажинлар қатланиб қат-қат,
Минг бир ғам ҳолимиз қилса ҳамки танг;
Баҳор келар бўлса тутиб гул-райхон,
Баҳор келар бўлса алёрлар айта: -
Товусдай товланиб бу кўхна жаҳон,
Нурафшон дунёга келармиз қайта.
О, баҳор, фасллар малаги баҳор,
Дарду ғам, изтироб-алам бегона.

Бағрингда безавол ҳаёт мұхри бор,
Мангулик құшиғин күйлар ягона.
Ваъдага вафодор жаннатий фасл,
Қиш ўтиб келарсан йўқлаб шубҳасиз.
Тангридай бокира беғубор асл,
Тангридай ҳиммати бепоён, чексиз.

Боз рўйи заминни буркагай гулга,
Гулларки турфа ранг, анвойи алвон.
Зеб берар ҳаттоки бепоён чўлга,
Ва беҳишт боғига дўнар тўрт томон.
Булутлар карвонин келар боз бошлаб,
Бағрида қиличдай ярқирап яшин.
Шукроналар айта, кўзларинг ёшлиб,
Алқайсан хотамтой кўклам қўёшин.

Гўшанга сингари безаниб олам,
Мұхаббат алёрин куйлагай булбул.
Қиш каби чекинар барча дарду ғам,
Баҳор осмонидай ёришар кўнгул.
Кундан-кун ўзгача боғлар чиройи,
Кундан-кун бу дунё навқирон ва ёш.
Яшиллик гўёки ҳамроҳ киройи,
Яшиллик гўёки то абад йўлдош!

Эй ҳиммат бобида бағри кенг ҳотам,
Ки аҳли башарни ўзинг оқил эт.
Тарқ этиб заминни дарду ғам, мотам,
Бизларни толега мангу доҳил эт.
Қутлуг ташрифингдан яйрадик, баҳор,
Қутлуг бўлгай сенинг ташрифинг, қутлуг.
Булбулдай бағрингда сайрадик, баҳор,
Ҳам завқу шавқ билан кўнгуллар тўлуг.

1838.

* * *

Қачон озод бўлгай бу Ватан,
Қачон элга ёр бўлар замон.
Эрк қуёши балқиб дафъатан,
Қачон обод бўлар тўрт томон.

Не тонг, келса шундай вазият,
Не тонг, балқса ҳуррият кулиб.
Бироқ улус чеккан азият,
Кетармикан ҳеч унут бўлиб.

Жабру зулм, ҳақорат-хўрлик,
Хотирадан кетарми ўчиб.
Ё барчасин такрор эл шўрлик,
Ўтарми зор кўксида кучиб?!

* * *

Ёлғиз нодон билмагай тиним,
Ёлғиз нодон бесар, бетоқат.
Толдингми, бас, ором ол, иним,
Тақдирингга тан бергил фақат.

Беҳаловат бу кўҳна очун,
Ғам-аламдан эшилган жуфт байт.
Афсус, армон, надомат нечун,
Шукронা айт, фақат шукр айт!

* * *

Лаҳзалар бор – файзиёб фоят,
Ҳар не таъбир, таърифдан ортиқ.
Бамисоли муқаддас оят,
Суралардай илоҳий тортиқ.

Бошим узра юксак аргувон,
Япроқлари куйлар тарона.
Қувноқ қушлар - булбули бийрон,
Онам каби бўлар парвона.

Дарду ғамлар бағримни бузган,
Бадар кетган алвидо айтиб.
Мен бутунлай умидим узган,
Бахтим гўё келгандай қайтиб.

Юрагимда ҳаловат, хузур,
Юрагимда меҳрим зиёда!
Ё Раб, ё Раб! Минг бора узр,
Наҳот шундай баҳт бор дунёда!

* * *

Не бир замонларни кўрган бу макон,
Не азиз зотларга мангу бошпана.
Улардан хотира қадимий кўрғон,
Улардан ривоят сўйлагай, мана...

Боши узра не бир ҳукмрон замон,
Пойида ким мангу уйқу ичра гарқ, -
Эманзор шовуллар боз дориломон,
Мангулик қўшиғин куйлагай бефарқ.

Уфққа бош қўйиб ётар қир-адир,
Йиллар ҳисобини олмагай сира.
Табият қошида одамзот надир,
Табият қошида банди-асира.

То бизлар барҳаёт муқаддас макон,
То бизлар барҳаёт мудом парвона.
Алвидо айтсак гар, ҳайқот, ногаҳон,
Бағрига олар ул меҳрибон она.

* * *

Эсингдами, дастлабки висол,
Қалтис-қаҳҳор висол айёми.
Сирли нигоҳ гўзал, бетимсол,
Ваъда қилган севги пәёми.

Муҳаббатинг даҳшатли тақдир –
Ҳукми янглиғ гарданга илди.
Тавқи лаънат ҳақдир-ноҳақдир,
Манглайига мангу босилди!

Тарки дунё! Азоб-уқубат,
Юрак-бағрин ўртади ғашлаб.
Хотиралар охир-оқибат -
Қиё боқмай кетдилар ташлаб.

Гўё дўзах қаърида чалқиб,
Беҳуда бош урди тўрт томон.
Қалбидаги чечакни юлқиб,
Оёқ ости қилди оломон.

Минг бир азоб ичра имконсиз,
Фам-ғуссалар ичра йўқолди.
Ҳаммасидан ҳайкалдай жонсиз,
Тирик мурда жуссаси қолди.

* * *

Хўрладилар сени, қилдилар таҳқир,
Менинг она тилим, жонажон тилим.
Замона бунча ўч зулмга ахир,
Балою оғатга макон бу иқлим...

Хукмронлик қилар қабоҳат, бўхтон,
Ҳақсизлик, қаллоблик боз дароз дasti.
Хезланар қошингда қай каслар чунон,
Билмадим сенда бор қандайин қасди.

Жамики шаккоклар худобехабар,
Жамики эътиқод ҳамда имон ёт,
Бандалар дастида қонли тош-табар,
Чоҳ қазир сен учун, чоҳ қазир, ҳайҳот!

Ёвуз ниятлари уларнинг аён,
Бағрига ёқар ўт адоват ва кин.
Эй менинг илоҳий қаломим шоён,
Ҳам шонли тарихим, иқболим некбин.

Ҳаёт-мамот жангি сенга мунтазир,
Келди ҳал қилувчи сен учун фурсат,
Муқаддас қаломим дилбар, дилпазир,
Парвардигор шоҳид! Кудратинг кўрсат!

1854 йил 24 октябрь

Александр БЛОК

Чарчадим мен. Ўлим ҳам яқин,
Остонамга судралиб келар.
Талаб айлаб ҳаққоний ҳақин,
Эшигим боз очмоқчи бўлар.

Ярим кеча босиб дафъатан,
Қалбимга чанг солар беомон.
Ва шарпаси мисли оқ кафан,
Кўз ўнгимда аён, намоён.

Ва кетарман мен бу дунёдан,
Не тонг, яна келарман қайтиб.
Аламдийда кўҳна қалб билан,
Яна сарсон-саргардон, дайдиб.

Жудоликлар ўртаб бағримни,
Яна кенг бу дунё тангу тор.
Мехрим бериб, сочиб қаҳримни,
Яна бари бўларми такрор?

Нечун ахир? Жавоб йўқ бироқ.
Ё Раб! Васлинг айлади ташна.
Бу дунёга Аршингдан йироқ,
Бўлолмасман ортиқ ҳеч ошна!

29 январь 1899 й.

ОНАМГА

Бандаман мен, нотавон банда,
Шеърларимда на қудрат, суурп.
На шавқу завқ, на заҳарханда,
Тополмасман на илоҳий нур.

На маҳорат, на буюклик бор,
Бамисоли саҳрои сароб.
Не тонг, бир кун қилиб хору зор,
Не тонг, ҳатто айласа хароб.

Доҳиёна даъватим билан,
Эзгуликка қилсайдим ошна!..
Ожиз қалам-доворим билан,
Ўзим буюк ҳисларга ташна.

Оташ-олов шеъру ашъори –
Аҳли элга муқаддас фармон,
Шоир, ялов номуси, ори,
Бу дунёдан кетар беармон!

18 июль 1899 й.

* * *

Чорлама, бас, дилором,
Кўзга ёш олиб.
Бу гўшадан батамом,
Кетгум бош олиб.

Оташ ишқим алана,
Ўзга ёр учун.
Зарра мекрим йўқ санга,
Надомат нечун?

Сенга бегона юлдуз,
Чарақлаб порлар.
Чарақлаб кеча-кундуз,
Бағрига чорлар.

16 марта 1902 й.

* * *

Қўлларингдан тутарман аста,
Ёри жоним! Бизлар пайваста!..
Кутар гарчи айрилик, фироқ,
Меникисан тун бўйи бироқ.
Ишқ-муҳаббат оташ-алана,

Туташгайдир пайваста танга.
Оташ ичра эриб, эшилиб,
Жисму жонлар кетар қўшилиб...

Йиллар ўтди, ўтди кўп замон,
Меникисан, эй ёр, сен ҳамон.
Кўзларингга боқарман ёниб,
Ишқ жомига минг қайта қониб,
Асир-банди илоҳий сирга,
То тонггача биргамиз, бирга!

Март 1902 й.

* * *

Курашлардан тез толдинг,
Наҳот афзал асорат?
Хилватларда йўқолдинг,
Ёт-бегона жасорат.

Матлабинг ҳузур ёлғиз,
Қайда қалбингдаги қўр?
Ташна ажал - ялмогиз,
Ташна оғзин очиб гўр.

Барча қисматта банди,
Барча ўткинчи, меҳмон...
Қашшоқ қавм фарзанди,
Севмагансан ҳеч қачон!

11 февраль 1902 й.

* * *

Қадди расо париваш,
Чорлар уни ой.
Излар ташна қалби ғаш,
Ҳамроҳ, хойнаҳой.

Бўз йигит яйлов бўйлаб,
Йиғлаб бўзлайди.
Қалбининг розин сўйлаб,
Ёрин излайди.

Бутазор ичра жонон,
Чорлаб кўринар.
Ва топишиб икки жон,
Кўшиқ ҳам тинар.

* * *

Бўронлар солиб сурон,
Ер юзин ювар селлар.
Келар ўзга хукмрон,
Эргашар элат-эллар.

Елар тулпордай замон,
Йиллар ўтар, минг аср...
Ишқ қасрига навқирон,
Асрлар қилмас таъсир.

Келгай минг тоза насл,
Гар ўзга оташ-олов.
Бироқ қўлларда асл,
Хилпирав бизнинг ялов!

Баҳор 1903 й.

* * *

Унутдим бор калом-сўзларни,
Умидларим саробга дўнди.
Кувонтириб ногоҳ кўзларни,
Самовотта қизиллик инди.

Қора булат лашкари лак-лак,
Ёмғир тинмай ёғди эрта-кеч.
Дунё ҳаққи, баҳаққи фалак,
Кечма умид-эътиқоддан ҳеч!

30 июнь 1902 й.

* * *

Кимлар келиб, кетмаган кимлар,
Ҳамон орзу ром айлар, имлар.

Ҳамон қўшиқ, ҳамон ўшал кун,
Ҳақ-ҳақиқат, иккимиз – дуркун!

Нелар кўчган тарих, абадга,
Тонг ёғдуси солади ёдга.

Қалбим дарё – мусаффо, тиниқ,
Гар тикилсанг, кўрарсан аниқ.

Июнь 1903 й.

* * *

Боғ яратдим, жаннатмакон боғ,
Девор билан сарбаланд ўраб.

Юрагида асло кетмас доф,
Онам келар сўроқлаб, сўраб.

«Қайлардасан, ўғлим?!» йўқ жавоб,
Офтоб олтин ёғду сочади.
Оби кавсар мавжланар шитоб,
Чаманзорлар чирой очади.

Онам менинг оҳиста, аста,
Гул боғларим ўтар айланиб.
Қайта-қайта чорлар дилхаста,
Дийдоримга ташна, шайланиб...

Тўрт томон тинч. Биларми бехуш –
Онам қалбим боғда етилар.
Оби кавсар айлаган сархуш,
Ортиқ қандай саодат тилар?

Апрель 1907 й.

* * *

Яралгансан калом сехридан,
Бахра олиб боғлар меҳридан,
Ёғдуларинг чақмоқ ярқироқ,
Баҳор бўлиб чалдинг қўнгироқ.
Ўша-ўша ҳар лаҳза, ҳар он,
Бошим узра ҳоким, хукмрон,
Боғлар аро гулларнинг рози,
Хур-парилар саррин парвози,
Хавотирили бедорлик ҳар кеч,
Ўша-ўша уйқу бермас ҳеч.

Май 1903

* * *

Чорлама, қалбим, ёниб,
Дала-қир томон!
Яйрайманми қувониб,
Юртим, беармон?

Майин, саррин шаббода,
Парвона ўзинг.
Маст қилар шароб, бода,
Ҳар калом, сўзинг.

Мангу қилдинг асира,
Дардимга дармон.
Яшай олмасман сира,
Яйраб беармон.

Кувончингга баҳтиёр,
Фақат бир нафас,
Фақат бир бор бўлай ёр,
Бир бор ҳамнафас.

Сўнг ғариб бошим олиб,
Бағримни тиғлаб,
Қора қисматдан нолиб,
Ўтарман йиғлаб.

Июль, 1905

ФАРИШТА

Зулумот заминда масканим мени,
Халоскор фариштам, севарман сени.

Севарман жонга жон ёрлигинг учун,
Наинки ёрлигинг, борлигинг учун.

Чамбарчас боғлаган сирлар, тун учун,
Онам, синглим, ёрим – сен, севмай нечун?!

Узоқ умр учун бизларга тортиқ,
Қисматдошим дея севарман ортиқ!

Киshan-бандим учун, афсунинг оғу,
Тавқи лаънат учун севарман ёху!

Неки менга, азиз сенга бегона,
Қашшоқ эл дардида телба-девона,

Ҳамжиҳатлик учун бизлардан олис,
Муте бандаларнинг устидан холис,

Хукм айтмадим гар, севарман сени,
Хўрлаган зот учун халқимни, мени,

Жўмардлар барчасин қамагай қай зот,
Илҳомим сехрга ишонмаган бот,

Ким қадр-қимматим қориб лойларга,
Сотилар деб ўйлар баён-бойларга...

Барида бор гарчи қасосим-қасдим,
Ожизлиги учун ва лекин дастим,

Факир-ҳақирилгим учун мен буткул,
Аждодларим ҳаққи муте, банди, қул,

Феъл-авторим билан ҳалимдай майин,
Жангү жадалларга қандоқ ярайин.

Бироқ ожизлигим учун бехато,
Севарман меҳрингу қаҳрингни ҳатто.

Сув келса ичган биз, ўт келса кечтан,
Тангрим қисматимиз бир қилиб бичган!..

Қай зотлар ўйи бир, қўшиқ куий бир,
Ажратада олмагай ҳеч синоат-сир.

Тонгларга термилдик йўғрилган сирга,
Тубсиз ўпқонга ҳам боқармиз бирга.

Ғаройиб манглайдаги қисматимиз зап,
Кушод шод эркинмиз қуллар дарғазаб!

Итоат ва исён! Кетма, қол! Йўқол!
Зулматми ё зиё – интиқ! Билиб ол?!

Ким чорлар? Ким ийғлар? Қайга? Худойим –
Бир тану бир жонмиз ҳамиша, доим!

17 август 1906

* * *

Ким зиёда, кимлар тубан-паст,
Турфа одам, минг турфа малак.
Ҳар юракда аланга сарбаст,
Ҳар кўнгилда аламлар лак-лак.

Ва ҳар бир зот бағрингни ёқар,
Яна ўзи ўчирап қайтиб.
Ва ҳар бир зот ёлвориб боқар,
Надоматлар-афсуслар айтиб...

Ҳаётимга ўзим шоҳ-султон,
Қаҳру ғазаб музaffer ялов.
То юксақда бўлгай намоён,
Малаксиймо парилар бирров.

Тақдиримни барпо қиласман,
Ўзим барбод қиласман қайтиб.

Оппоқ Тонгни кутиб оларман,
Дўст-ёр ила алёрлар айтиб.

Сентябрь 1906

* * *

Ҳамон кўм-кўк осмон бегубор,
Ҳамон ҳоким даҳшатлар ваҳми.
Қашшоқларга ҳамон нонга зор,
Ҳеч кимсанинг келмайди раҳми.

Оломоннинг урҳо-урҳоси,
Сингиб кетди денгиз қаърига.
Салтанатга қарши даъвоси,
Таъсир қиласас на ёш-қарига...

Қишки сарой шоҳ қароргоҳи,
Зулмат ичра мудрар қорайиб.
Пештоқдаги ҳайкал сипоҳи,
Интиқ кутар тонгни ғаройиб.

Тонг саҳар у қатъий аҳд билан,
Зулфиқорин олгай дастига.
Жондан кечиб шиддат шаҳд билан,
Жанг қилсин бас, қасдма-қасдига.

18 октябрь 1905

* * *

Туни бўйи кутдим мен,
Кўз тикканча йўлакка,
Кўз тутдим тонгга қадар.

Бироқ бош олиб кетдинг сен.
Сенсиз ёлғизман-якка,
Кўнглимда армон, қадар.

Пардалар тортдим қора,
Ёғду сочар шамчироқ.
Хаёлинг тинчлик бермас...

Қараб қўй, ёр, бир бора!
Деразадан бир бор боқ!
Бир бор қиё боқсанг бас!

Қаҳратон қаттиқ тўнار,
Шамчироқ аста сўнар.

«Дилбарим деб эркалаб...
Бўса олган лаб-балаб...»

Тонг саҳар, қаттиқ совуқ,
Изгирин увлар ёвуқ.

То тутмагай уволи,
Қара, не кечди ҳоли?..

Қор кўрпаси – оқ кафан,
Кафангага ўралган – бош...
Тобут – лаҳаддай ваҳшат.

Оёқ-қўллар дафъатан,
Қотиб қолган мисли тош...
Шамол ув торттар даҳшат...

Дарбозадан чиққин тез...
Порлагай тонг зиёси,
Оқ кафангага жон инсин...

Токи яққол кўринсин –
Шубҳа йўқ бундан бўён:
Ер тишлаб ётар бу кез.

Февраль 1908. Ревель

ҚАНОТ

Қанот боғлаб учарман,
Юлдузларни қучарман,
Дунёлардан кечарман.

Нур висоли асли бу,
Юлдузларнинг васли бу,
Комронлик фасли бу!

Хаяжонми, хавотир,
Юлдузлар чорлаётир,
Парилар тиккан чодир.

Шамол дил розин сўзлар,
Бўронлар йиглаб бўзлар,
Жон олар жоду кўзлар.

Аллақандай ғам-ғусса,
Бағримни эзар.
Аламли аччиқ қисса,
Ер бўйлаб кезар.
Уфқларни, алқисса,
Кемалар безар.

Елканлар карвон-карвон,
Саробми, рўё.
Денгизлар тўла армон,
Надомат гўё.

Бу дунёйи азимлар,
Ёддан чиққан базмлар,
Узра мұҳаббат жоми,
Эҳтирос-ишқ хироми!

4 январь 1907

ҚУЗГУН

Бийдай дала поёнсиз,
Фам-ғуссалар баёнсиз.
Қора қузғун айланар,
Үлжা излар шайланар.
Чалдивор кулба, она,
Алла айттар парвона;
Бешикни қучиб йиғлар,
Боз юрак-бағрин тиғлар...

Асрларнинг мавжида,
Эврилишлар авжида.
Ўзгача замин-замон,
Ёлғиз сен, юртим, ҳамон,
Ҳамон ўша-ўшасан,
Дардларга дард кўшасан!
Токай қузғунлар йўлдош,
Токай фам-ғусса, кўз ёш?!

22 март 1916

* * *

Ёр, иккимиз ёлғиз қисиниб,
Кел, бир нафас тин ол исиниб.

Келақол, шул кулбадан ғариб,
Термилайлик нажот ахтариб.

Йироқларда чироқлар ҳамон,
Хаёт шитоб ўтди беомон.

Бу кун бари хотира, ана,
Кўнглинг нелар тусар, айт, яна?!

Гўё толе шаробин тутиб,
Иқбол бизга интизор кутиб?

Бахт кутарсан толедан гўё,
Ўтди бари! Барчаси рўё!

Тўрт девор, шу китоб, шу қунлар,
Собит ҳамроҳ, зим-зиё тунлар.

На умид ёр, на дилда армон,
Ахтармасман ўтмишдан дармон.

Яна улаб сен гапни гапга,
Дур-маржонлар тизарсан ипга.

Бир замонлар, ёдингдами, айт,
Таърифига қалам ожиз пайт!

Навраста ёш, гўзал у маҳал,
Кашталар ҳам ранг-баранг зарҳал.

Чаққон инжа қўлларинг ғоят,
Зарҳал кашта ол боз ниҳоят,

То бу зарҳал кашта, сўзана,
Тун устидан қилгай тантана!

19 октябрь 1913

* * *

Асир этдим дастидан олиб,
Кошонамга бошладим голиб.

Уч дона шам узоқ-узоқда,
Биз эҳтирос тиккан тузоқда.

Липпиллайди шамлар шуъласи,
Телба айлар ишқ ашуласи.

Авжга чиқар мұхәббат жанги,
Олмос узук – униққан ранги.

Бўсалар ўт-аланга қалаб,
Ишқ шаробин боз қилас талаб.

Ташқарида минг шарпа кезар,
Ваҳимаси кўнгилни эзар.

Тапур-тупур депсинади от,
Вазмин тобут лопиллар бот-бот.

– Бизлар ёлғиз эмасмиз алҳол,
Шамларни, ёр, ўчиргин дарҳол!..

– Вахимага берилма зинҳор,
Бу қалбимиз қаттиқ зарби, ёр!

Яқин маъшум мотамнинг саси,
Ҳолсизгина лаблар нафаси:

– Васлингда, ёр, пинҳон минг азоб!
Қуюқлашар зулумот тезоб.

Шамлар сўнар... Гар толдим ғоят,
– Сен жон таслим қилдинг ниҳоят.

Бошиングга, бас, етдим пайт пойлаб,
Куйлагайман тобутга жойлаб, -

Зулмат кечада, баҳор ҳақида,
Рұхинг сўйлар сирли ақида!

Октябрь, 1909 й.

* * *

Ёшлик, онанг... ўткинчи бари,
Ёр бевафо, дўстлар тарқ этар.
Вале олис уфқдан нари,
Ўзгача баҳт-саодат кутар.

Йўлга туш тез – сафар айёми,
То музиклар бағрига олсин;
Бор бу олам – муҳаббат жоми,
Эҳтирослар чамани қолсин.

Музикларнинг сокин ҳаёти,
Ҳорғин-хаста руҳингга инсин,
Чорлаганда Ҳақнинг баёти,
То беармон бағрига сингсин.

7 сентябрь 1909

СКИФЛАР

*Панмўгулизм! Гар даҳшатли гоят,
Ва лекин мен учун бамисли оят!*

В. Соловьев

Гар милён-милёнсиз, бизлар беадад,
Мард бўлсангиз, тайёрмиз жангга.

Осиёлик скифлар, соҳиби қудрат,
Нигоҳимиз оташ-аланга.

Сиз – валломат, бизлар норасидамиз,
Итоатгўй, хумпар, хувори.
Мўғуллар-Оврупо орасида биз,
Осмонўпар Хитой девори!

Асрлар сарбаланд қалъа мустаҳкам,
Иродангиз пешлаган ғоят.
Лиссабон-Мессина ҳалокати ҳам,
Сизлар учун эртак-ривоят.

Шарққа кўз тикканисиз неча бир замон,
Ғамлаб ёкут-дурларимизни.
Орзу ҳам қилгансиз пинҳон беомон,
Забт этишни ерларимизни.

Ниятингиз вожиб! Қоим шу бало,
Соат сайин кулфат зиёда;
Пестумлардан балки, муқаддас, аъло,
Ном-нишон ҳам қолмас дунёда.

Кўхна дунё! Токи бегона завол,
То маст айлар ҳаёт маҳзани,
Донишманд Эдипдай жасур, мард, ҳалол,
Синоатлар кашф эт мағзини.

Россия- синоат! Гоҳ ғамгин, гоҳ шод,
Довлашар мард ёв қисмат билан.
Сиз томон кўзларин тиккан у кушод,
Ҳам меҳр, ҳам хусумат билан.

Дарди ишқ биз каби телба-девона,
Қилолмагай бирортангиз ром.
Сиз муҳаббат дардин якка-ягона,
Унутгансиз ҳатто батамом!

Бизни-чи, ром айлар илохий ҳислар,
Солномалар ҳарорати ҳам.
Азиз - доҳиёна сирли немислар,
Галл қаломин шарорати ҳам...

Азиз қайноқ Париж кўча-кўйлари,
Венеция саррин сабоси;
Муаттар лимонзор боғлар бўйлари,
Кёльннинг кибру ҳавоси.

Аҳли башар азиз биз учун биллох,
Не тонг, ҳатто ҳурлар сифинса...
Заиф сўнгагингиз, бизда не гуноҳ,
Дастимиизда қарсиллаб синса.

Азал-абад собит шиддат-шахдимиз,
Асов отлар айлагай таъзим.
Қайсар жориялар ўлжа нақдимиз,
Тик қарашга қололмас жазм!

Чек қўйиб қирғинлар, талотўп жангга,
Бағримизга келинг, марҳабо!
Айланиб барчамиз бир жону танга,
Адоват-кек топгай интиҳо.

Йўқ эса бизлардан гина қилманг ҳеч,
Бор қаҳримиз заҳрин тотгайсиз.
Дарғазаб авлодлар қарғаб эрта-кеч,
Лъянатларга тубан ботгайсиз.

Чангальзор ўрмонлар бошпана, паноҳ,
Ахтарма ҳеч ортиқ бизларни.
Хилват гўшалардан ҳеч узмай нигоҳ,
Кузатгаймиз фақат сизларни.

Ўрол томон шитоб келгайсиз оқиб,
Жангоҳга у хунхор айланар.
Қаттол чингизийлар гулханлар ёқиб,
Қирғин-барот учун шайланар.

Бундан буён сизга наинки қалқон,
Дастимиизга қилич олмасмиз.
Ва лекин безовта ҳар лаҳза, ҳар он,
Кузатишдан жангни толмасмиз.

Гала-гала хуннлар қаҳри қаттиқ ёв,
Жасадларни талаб кемирсин.
Шаҳарлар – вайрона, отхона – черков,
Қонларингиз сўриб семирсин!

Садоқатинг сарбаст қалбинг азмига,
Сўнгги бора, Оврупо, кўрсат!
Жанговор ашъорим дўстлик базмига,
Сўнгги бора чорлар бу фурсат!

30 январь 1918 й.

* * *

Уфқларда булат қоп-қора,
Пора-пора жигар-бағрим хун.
Парвозимиз юксак тобора,
Қаҳри қаттиқ қисматга тутқун.

Ҳамон эллар қасдашиб шитоб,
Қайта-қайта шайланаρ жантта.
Бир томонда балқса гар офтоб,
Бир томонни қоллар аланга.

Күлдан күлгә ўтар тоју тахт,
Үзга тамал, тартиб кун сайин.
Бағри бутун йўқ бирон некбаҳт,
Қоидалар ҳоким бетайин.

Бошимизда не савдолар бор,
Қисмат қилич қайрайди қаттол.
Гёё тинмай эрта-кеч такрор,
Қабр қазир бизга қай баттол.

* * *

Армон – шижаот, файрат,
Шиддатду шахт ҳам армон.
На ҳаяжон, на ҳайрат,
На куч-кувват, на дармон.

Гоҳ беармон қувондим,
Гоҳо дўзахда ёндим.
Турфа қалом йўлдошим,
Лўқиллар бироқ бошим.

Узоқ оғриди нолиб,
Дард охир келди ғолиб.
Ўттизга кирмай, ҳайҳот,
Қалбим бой бердим наҳот?!

Бамисли тирик мурда,
Юрагим бурда-бурда...
Бешафқат қисмат дасти,
Ишонгим келмас асти.

30 декабрь 1913

* * *

Созланган сеҳрли тор,
Юрагим ташна.

Чертиб қўй фақат бир бор,
Янграгай, ошна!

Қария қанот қоқиб,
Рақс тушар бу кез.
Юрагимга ўт ёқиб,
Куйлай қолгил те!

Тарона сирли рўё,
Янграп дафъатан.
Жисму жонимиз гўё,
Бир жону бир тан.

Эҳтирос-ишқ шиддат-шахт,
Тойдирап йўлдан...
Бетимсол саодат-баҳт,
Бой берма қўлдан!

19 декабрь 1913

* * *

Даъват қиласар илҳом беомон,
Озод орзу истагим улфат –
Қайдা азоб-уқубат ҳамон,
Ҳамон қайдада қашшоқлик, кулфат.

Хўрланган эл майиб, масхара,
Ҳақири-фақири ғарип адолар.
Париж гўдаклари тасқара,
Музлаган кўпприкда гадолар.

Етилар чўнг даҳшатли бўрон,
Етар, ортиқ қарама бефарқ.
То қўзғалиб исён-фалаён,
Бор оламни айламагай ғарқ.

Юрагингда қаҳр ва ғазаб,
Юрагингда интиқом-қасос.
Нафралангин сен ҳам дарғазаб,
Мардонавор жўмардларга хос.

Қаттол қисмат найранг ҳийласин,
Сен беаёв фош айлагин, фош.
Ё барига кўл сикиб бадар,
Бу дунёдан олиб кеттил бош.

Юрагингда исён-фалаён,
Нафрат тошиб, жўш ургай роса.

Гар келажак мавхум, ноаён,
Замон билан қилма муроса.

Сентябрь 1911 – 7 февраля 1914

ШОИРЛАР

Овлоқ макон, ташландиқ бу ер,
Кулбалар саф тортган қалашиб.
Бу гүшада яшар аҳли шеър,
Илҳом, шону шухрат талашиб.

Хар тонг қүёш балқади аста,
Уфққа бош қўяр кеч кириб;
Шоир, илҳом билан пайваста,
Ашъор битар майга зўр бериб.

Давраларда сархуш, маст-аласт,
Биронта бир мавзу қолмагай.
Сўнг кулбага қамалиб сарбаст,
Шеърлар битиб асло толмагай.

Ва барчадай зериккан дамлар,
Уфқларга орзиқиб боқар.
Ишва қилиб дилбар санамлар,
Қайноқ қалбин ўтларда ёқар.

Саодатга талабгор жўмард,
Ноширларни лаънатлар такрор.
Ҳақир-факир ҳар дилга ҳамдард,
Жисму жонин айлар бас нисор!..

Юксак эзгу ўйларга асир,
Шоирлар, минг дардга мубтало.
Faflatзада, қалби кўр басир,
Наҳот ўзинг санайсан аъло?!

Аҳли ашъор шубҳасиз баҳти,
Аҳли ашъор иқболи тайин.
Хаёл етмас шон-шуҳрат таҳти,
Юксалтирап лаҳза, кун сайин.

Сиз қисматга эр-хотин банди,
Мезон сакта ҳар қонун-қомус.
Самоларнинг сарбаст фарзанди,
Дастур шоир учун ор-номус.

Майли завол топай мардона,
Майли эзіб-янчсин суронлар;
Бошим узра Тангрим парвона,
Ёқа йиртиб йиғлар бўронлар!

24 июль 1908 й.

* * *

Якка-ёлгиз, бир ўзинг,
Чорлайман сени.
Юмиб ҳар икки кўзинг,
Чалфитма мени.

Не учун ўчди чироқ,
Эшигингни оч;
Кета олмасман йироқ,
Кулочингни оч.

Бағринг ўртайди бир сир,
Комил иймоним.
Хузурингта барибир,
Кирапман, жоним.

Мени эслагил бир бор:
Ёш эдинг, жонон.
Остингда оппоқ тулпор,
Юзларинг алвон!

Истамай сўз айтишни,
Шитоб айладинг.
Ўйламай ҳеч қайтишни,
Нетдинг, найладинг?!

Ҳар лутфинг қилич дами,
Етар, бас, жафо!
Илк севги ёдингдами,
Тонглар мусаффо.

Нигоҳларинг bemажол,
Ёлвориб боқар.
Муқаррар, қаттол ажал,
Эшикни қоқар.

Бахт топдингми дафъатан,
Зиёда, ортиқ?
Сенга шоҳона кафан,
Қиласай мен тортиқ!

Март 1909 й.

* * *

Олисдаги эй ғарип дўстим,
Узун тунлар беором, бедор,
Юрак-багрим ўртаниб такрор,
Такрор-такрор, оҳ, қонлар қусдим!..

Бу беадад дарду ғам, ғусса,
Қилгудай нақ телба-девона.
Ҳатто орзу-умид бегона,
Улусдан ҳам бездим, алқисса.

Гар Аллоҳни ахтарар улар,
Дуч келади ва лекин Дажжол.
Аҳли башар ҳамон ҳайрон, лол, -
Ҳамон ўшал ёлғон ваъдалар!

Қай бир Ҳотам гар айлагай шод,
Гар ранжитар қайси бир муртад...
Наҳот мангу бегона шиддат,
Наҳот мангу қисмат дод-фарёд?!

29 декабрь 1912

* * *

Евг. ИВАНОВГА

Умидвор, ташнадил сен қадам ташлаб,
Алданиб, бағри қон энтикканингда;
Тўшакка михланиб, кўзларинг ёшлаб,
Азройил йўлига кўз тикканингда;

Гар гоҳи дарғазаб, гар гоҳи хаста,
Гоҳ ҳижрон, гоҳ висол қилса ҳам асир, -
Сарбаст бўз йигитдай навқирон, раста,
Баралла баҳтлиман десанг ҳам арзир.

Ва лекин на ҳижрон, на ишқ-муҳаббат,
Ҳаттоки афсус ва надомат ўлса;
Етти ёт бегона азоб-уқубат,
Эзгу умидларинг қовжираб сўлса,

Азизим, бу сени ургани Худо,
Азоб-уқубатсиз ўлим йўқ минбаъд.
Завқу шавқ, жўшқинлик, шиддатдан жудо,
Не тонг, аросатда қолсанг то абад.

Март 1909 й.

* * *

Ҳаловатга, ҳузурга ошна,
Бу гүшага бегонаман мен.
Бўронларга, курашга ташна,
Жаҳонгашта девонаман мен.

Курашларга ташнаман токим,
Ҳаловатдан оғиз очма ҳеч.
Тинчлик бермай асло аллаким,
Даъват қилас, чорлар эрта-кеч.

Юрагимга қўш қанот хитоб,
Шавқи-завқи, жўшқин шукуҳи.
Олиб кетар бу тулпор шитоб,-
Бўронларнинг музaffer рухи!

Октябрь 1913

* * *

Баҳор. Бир кун ўтди беҳуда,
Деразанинг олдида хира.
Нола қилди зерикиб жуда,
Хотиним ҳам тутқун, асира.

Хотиралар ривоят сўйлаб,
Маржондайин ипга тизилди.
Умрим елдай ўтганин ўйлаб,
Ногоҳ хаста кўнглим бузилди.

Умидларим гарчи қўп жуда,
Бундан бўён бегона очун;
Пардаларни ёпма беҳуда,
Ўтиб бўлган бу кун мен учун.

Март 1909 й.

* * *

Кўролмайсиз ахли ашъорни,
Кўнглингизни ғоят ғашладик.
Чертиб илҳом тутқазган торни,
Бор айбингиз очиб ташладик.

Биз ҳақталаб шоирлар ўша,
Қалбимиизда яшайсиз ҳамон.
Ва дарди ишқ қутлуг бегумон,
Эзгу ўйлар қўша ва қўша...

Ҳамон сокин ашъор саройи,
Ҳар буржида фақат шеър-ашъор.

Майна қилинг, бизнинг киройи –
Шеърларимиз ўқиманг зинҳор.

Шеъримиизда чашмалар тоза,
Ёғду-ёлқин зулматга асир...

Тютчев бироқ қилар овоза:
Бор қувонч, бор дардинг кўр-басир,
Сукут сақла, фақат сақла сир!

911 йил, январь.

Велимир ХЛЕБНИКОВ

Бир жуфт терак – жуфт ханжар,
Самовотга санчилган.
Бийдай дала, ўпқон, жар -
Мурда эзив-янчилган.

Етимчадай мунгайиб,
Оқсарой ёлғиз дема;
Тўлқинларда юз чайиб,
Соҳилда тўхтар кема.

Ўйнатиб қирқ кокилин,
Париваш чиқар пешвоз.
Гўё ёш куёв-келин,
Бағрига босар шоввоз.

Гар йигитни беармон,
Эркалар қучогида,
Жасадин қип-қизил қон,
Чўқтирап тонг чоғида.

Осип МАНДЕЛЬШТАМ

Эҳтиёжми ё ақл-идрок,
Хор даҳри дун ҳукмфармони.
Шабнам каби соғ-мусаффо, пок
Аҳли башар эзгу армони:

Бас, зўр беринг созга машшоқлар,
Қора қули бало-оғатнинг.
Кўзғал бўрон, титранг япроқлар
Кераги йўқ қора қисматнинг.

Аҳли дониш Аллоҳ байтини,
Топширап сур келгиндиларга.
Маст коҳинлар титраб, айтиниб,
Зўр берар тўс ногораларга.

Гар турфа хил берсангиз-да от,
Аён макри бу жоду хатнинг,
Ниқобламанг сувратин, ҳайҳот,
Кераги йўқ қора қисматнинг.

1910

* * *

Бошқалар билан бирга,
Хизматингни қилай, ёр
Тутқун рашк деган сирга,
Токай бағрим тилай, ёр?!
На бир калом, на таскин,
Дардимга ҳеч дармон йўқ.
Ошифинг учун мискин,
Сендан ўзга армон йўқ.

Ҳам баҳтим-таҳтим мени,
Сенсиз дунё тангу тор.
Ортиқ қизанмам сени,
Бағримга келсанг бас, ёр!
Қувончим десамми ё,
Десаммикан муҳаббат.
Телба қилғандай гёё,
Азоби ҳажр бешафқат.

Юрагим тўла армон,
Юрагим тўла ғусса:
Наинки дардга дармон,
Васлинг азоб, алқисса!
Эргашаман ортингдан
Соя каби изма-из.
Бағрим пора дардингдан,
Эй, қошлари қалам қиз!

Кел бағримга, келақол,
Сенсиз дунё тор қафас.
Мендей эй, соҳибжамол,
Ҳеч кимса севган эмас.

1920

* * *

Илғамадим қанча уринмай,
Тимсолингни сирли ва аъло.
Ва баногоҳ истаб-истамай,
«Ё Раббим!» деб қилдим тавалло.

Кутлуг калом улкан қуш мисол,
Парвоз этар - қанот нафасим.
Рўпарамда илоҳий тимсол,
Хувиллайди кўкрак қафасим...

1912, апрел

* * *

Ўғрилар танда қўйиб,
Майхонада қолдилар.
Шаробдан тўйиб-тўйиб,
Роҳиблар ҳам олдилар.

Тун бўйи минорада
Ёқалашди шарпалар.
Саҳарлаб аламзада,
Коҳин қўнғироқ чалар.

Очилар эшик-дарча,
Бозор тобора гавжум.
Мангулик талаб барча,
Мангулик – кафтдаги қум...

Кум гўё сувдай оқиб,
Тўқилар йўлга, ана.
Аламдан, карахт роҳиб,
Ёлғон ваъз айтар яна!

1918

* * *

Еврипиднинг қария-хаста,
Тимсоллари қочар тирқираб.
Одимлайман ғамбода, аста,
Ғам-аламдан бағрим сирқираб.

Оқшом чоги бор гард-ғубордан,
Тозаланган бола мисоли,
Не тонг, мен ҳам чиқиб хумордан,
Бор дардимдан бўлсан гар холи.

1914

Эркка талпиниб такрор,
Тугар тоғдайин тоқат.
– Мен билан бўлгил бир бор,
Ёлборади садоқат, -

Муқаддас мисли очун –
Тожим тортиқ бас, сенга.
Қурбонман деб эрк учун
Ваъда берсанг бас менга.

– Озодлик учун менинг
Бахшида бор ҳаётим.
Зар тилла тожинг сенинг,
Мангу олмос қанотим.

Үй-ниятсиз беомон,
Кўнгил тўлмайдигандай.
Аҳли дил яшар ҳамон
Асло ўлмайдигандай.

1915, июнь

* * *

Қора зулмат, қоп-қора,
Липиллаб чорлайди шам.
Кўнглим нечун тобора
Ямлар, ютар ғам-алам?

Гоҳ безиб қисматдан хор,
Бор умидим узарман.
Гоҳ қанот боғлаб такрор,
Зиё сари сузарман.

Ҳаёт қиммат кун сайин,
Илоҳий ҳадя, тортиқ;
Лаҳзаси тилло тайин,
Ғами қувончдан ортиқ.

1910

* * *

Нетай, айт, нетайин, айтақол қани,
Ягона менга тан шу ёлғиз танни?!

Хур ҳаётим учун бамисли базм,
Айтақол, кимларга қиласай боз таъзим.

Богбон – мен, гул ҳам мен – яқин юракка,
Жаҳон зиндонида яккаман, якка.

Гар ожиз бандаман, ғоғиллигим бор,
Вале мангаликка дохиллигим бор.

Боқий сийнасига шитоб яхшилаб,
Мен жисму жонимни ўйдим нақшлаб.

Ўтар-йттар ҳатто минт битта аср,
То абад йитмас мен муҳрлаган сир!

1909

* * *

Гар шону шұхрати тилларда достон,
Шаҳарлар шавкати мангалик аъмол.
Рим эмас, билаъкс ҳазрати инсон,
Асрдан асрға буюк, баркамол.

Шоҳлар күл құлсам дер, роҳиблар тинмас:
«Жанг үчүн туғилар инсон онадан»;
Наинки саройлар, черков муқаддас –
Инсонсиз фарқи йўқ ғурбатхонадан.

1914

Марина ЦВЕТАЕВА

Чойшабларим чаярман сойда,
Гул бўлса бас, не даркор фойда.

Бағрим тилар қўнғироқ зарби,
Очлик - ҳаёт-мамотнинг ҳарби.

Зулфим, қалбим - тар гули раъно,
Ҳаётдан ҳам муқаддас маъно.

Кечмасман Эътиқод, Имондан.
– Эвоҳ, сени севарман жондан!

1918 йил 26 май 4 июнь оралиги

* * *

Ўнг ва чап қўл каби жонажон,
Қалбларимиз бир тану бир жон.

Пайвастажон айлагай висол,
Ўнг ҳамда чап қўш қанот мисол.

Бироқ бўрон қўзғалар, эвоҳ,
Ўнгу сўлни жудо айлар чоҳ!

1918 йил 10 июль

* * *

Зарур бас мен учун, тонгандар тонсин,
Оташ-оловимда барчаси ёнсин.
Қимматсиз ҳаёту мамотим ортиқ,
Аланга ҳукмига қиларман тортиқ.

Аланга то жумла оламни тутгай,
Хўлу қуруқ демай баравар ютгай.
Аланга оташ бехадик, бебок!
Айлагай бегубор, бокираю пок!

Самандар - куйлайман ўт ичра фақат!
Гулхани қалбимга ўт қаланг қат-қат!
Алангам юксалгай гўё түғ ғолиб,
Тунингиз ёритгум түғёнлар солиб!

Самога юксалган фаввора олов!
Мудом олға чорлар бамисли ялов,
Аланги оташ илоҳий унвон,
Аланга оташга минг бир жон қурбон!

1918 йил 2 сентябрь

Сергей ЕСЕНИН

Қўнгироқ гул, қувноқ гул

Мовий туман. Қор босган дала,
Ой нурига ётар чулғаниб.
Осойишта сеҳрли палла,
Хотиралар чикар чўғланиб.

Бир замонлар шундай қиши пайти,
Ой ҳам шундай сочаркан зиё,
Мен ёш ийтит алвидо айтиб,
Дайдиб кетдим ўтирай гўё.

Қайтиб келдим юртимга яна,
Кимлар билар, ким эса билмас.
Хастадил хор, телба-девона –
Қайтганимга ишонгим келмас.

Фижимлайман сувсар телпакни,
Олифталик ёқмас дидимга.
Элга қўшган мендай тентакни –
Бобом, бувим тушар ёдимга.

Улар каби ўтармиз биз ҳам,
Қисматимиз шу бу дунёда.
Шу боис ҳам азиз ҳар одам,
Шу боис ҳам меҳрим зиёда.

Шу боис ҳам тор келиб олам,
Йиғлаб олгим келди, ох, такрор, -
Фарид кулба, кучукчани ҳам
Кўраётган каби сўнгги бор.

* * *

Юлдузим, ён, порла беармон,
Ёғду сочгил, сочавер зиё.
Олтинга teng ҳар лаҳза, ҳар он,
Умр ортга қайтмагай асло.

Сунбуланинг салқин нафаси,
Янглиғ сендан ёғду ёғилар.
Ёлғиз турна чиқмайин саси,
Шундай аччиқ нолалар қиласр.

Хаёлимни ўғирлар ногоҳ,
Аламдийда мунгли тарона.
Нола қиласр ўртаниб, эвоҳ,
Она юртин қумсаబ девона.

Чор тарафда боз мезон ғолиб,
Ғолиб яна фасли заъфарон.
Севганларим ёдимга солиб,
Юрагимни этади вайрон.

Бандаларнинг қисмати аён,
Бир қисматни кўргаймиз баҳам.
Бу дунёда ҳамма ҳам меҳмон,
Бошим олиб кетгайман мен ҳам.

Қалбимдаги сўнар ўт-учқун,
Хоки туроб бўлгай бу хор лош.
Қадрдонлар хотирам учун
Қабрим узра қўядилар тош.

Менга қолса, вазмин, бамаъни,
Қабртошга ёзардим шундай:
Она замин, Она Ватанни,
Севолмаган ҳеч кимса ундей!

* * *

Дийдираб ҳайкалдай тош қотган заранг,
Нечун, айт, буқчайиб турибсан аранг?

Нени күриб қолдинг, эшиздинг нени,
Не йўлга чорлади, ўзинг айт, сени?

Ё маст қоровулдай совуқда қотиб,
Қалин қор бағрига қолдингми ботиб.

О, мен ҳам сен каби йўқотдим йўлим,
Кайфу сафодан ҳеч бўшамас қўлим.

Ҳов ана қарағай, ана мажнунтол,
Қўшиқ айтиб бердим уларга хушхол.

Сизнинг даврангизда юмиб кўзимни,
Ям-яшил дарахтдай сездим ўзимни.

Бегона жувондай қайнини қучиб,
Кўп ичиб, бутунлай қолибман учиб...

* * *

На меҳр, на марҳаматинг бор,
Ёқтирамайсан наҳотки асти.
Қучогимда тўлғонсанг-да, ёр,
Бегонада хаёлинг рости.

Билмаганга солиб ўзимни,
Жилмаяман мен ҳам йўлига.
Таъна дема асти сўзимни,
Тушмагансан кимлар қўлига.

Улар бари мисли сирли туш,
Улар бари энди бегона.
Кўп қўллардан дон ган хур қуш,
Атрофимда бўлар парвона.

Нигоҳингта термилиб, санам,
Бегона-ёт сиймони кўрдим.
Майлим йўқ ҳеч сенга менинг ҳам,
Ҳаёт – ўйин, нима ҳам дердим...

Иккимиз-да ташна пайдар-пай,
Висол жомин симиридик шошиб.
Ва гўё ёт бегоналардай
Ажрашармиз маҳзун хушлашиб.

Кетажаксан аста қайларга,
Шаббодадай сарсари, сарсон.
Тега кўрма бокираларга,
Ўртама ҳеч уларни, жонон.

Ўзга бир ёр қўлларин тутиб,
Кезаркансан масур, мастона.
Тақдир бизга такрор лутф этиб,
Не тонг, ногоҳ учрашсак яна.

Хушторингнинг кириб пинжига,
Астагина бергайсан салом.
Ажабланмай, асти ранжимай,
Бош силкйман мен ҳам, вассалом.

Қалбимизда на ўкинч, кадар,
Қалбимизда на рашқ, на армон.
Не ҳам дердим, бевафо дилбар,
Фақат бир бор севар ҳар инсон.

* * *

Куйлагай изғирин мунгли тарона,
Заҳарханданг бағрим тилар, жонона.
Дилбарим, бунчалар таънали боқма,
Ўртанган бағримни беаёв ёқма.

Кундан-кун чиройинг очилар сенинг,
Кундун-кун заволим яқин оҳ, менинг.
Бамисли фаришта ёшлар бокира,
Бағримни ўртайди армон, хотира...

Мунгли таронадай увлайди бўрон,
Заҳарханданг қилар кўнглимни вайрон!

* * *

Ой нурига чўмилган олам,
Навқироон, ёш бўлганман мен ҳам.

Қололмадим нетайин тутиб,
Елдай шитоб кетди тез ўтиб.

Кўзларда ёш, қалбимда алам...
Ой нурига йўғрилган олам!

* * *

Тушимда: йўл зимистон,
Елдай учар оқ жийрон.

Жийронда дилбар елар,
Васлимга шошиб келар.
Қамчи босар басма-бас,
Афсус, сүйганим эмас!

Оқ қайнин-эй, оқ қайнин,
Бағрим токай ёқайин.
Ёри ила баҳтиёр,
Бўлгай майли ул дилдор.
Тутиб маҳкам қўлидан,
Қайтара қол йўлидан.

Ой осмонда кулар боз,
Жийрон шитоб елар боз.
Ойдин оқшом нур тўла,
Синоат ҳам сир тўла.
Нурга чўмиб юзимни,
Қамаштирап кўзимни.

Безориман шўх сарбаст,
Шеъру ашъор қилган маст.
Шиддати-шаҳди учун,
Она юрт баҳти учун,
Ёқмаса ҳам гар менга,
Бағрим кенг очай унга.

Қўшиқ

Наҳот мен – чарх урган кун кеча қушдай,
Наҳот умрим ўтди лаҳзалик тушдай.
Панд бериб саркашлиқ ва бебошлигим,
Наҳотки бой бердим олов ёшлигим.
Янгра, эй тарона, ёндири боримни,
Қучгандай бўлай то севган ёримни.
Қайдадир най йифлар, ой ҳамроҳ ҳар кеч,
Оҳ, ортиқ иккимиз учрашмасмиз ҳеч!
Бағрим қон айлаган азалий севги,
Навқирон ҳаётнинг ғазали севги.
Боболар таърифинг битган қон билан,
Авлодлар куйлагай жисму жон билан.
То ҳаёт ҳеч кимга қилмагай вафо,
Ўйнаб қол, жонингга қилма ҳеч жафо.
Менинг ҳам қолмаган қилмаган ишим,
Во дариф, йўқ бугун суянар кишим.

Булбул таронаси селдай қуюлар,
Алвидо алёри бўлиб туюлар.
Бағрим қон айлаган азалий севги,
Ҳаётнинг барҳаёт ғазали севги.

* * *

Кимларни маст қилган васлинг шароби,
Не учун, айт, мен ҳам қилмайин даъво?!
Сочларинг сунбули, лабларинг оби,
Фасли хазонинг ҳам дардимга даво.

О, умр кузаги! Мен учун ортиқ,
Ёшлик завқидан ҳам зиёда, эй ёр.
Саркаш шоир қилас бор меҳрин тортиқ,
Хаста кўнглим ногоҳ қилдинг баҳтиёр!

Юрагим мусаффи шабнам бегубор,
Ортиқ бўлолмасман саркаш, муттаҳам.
Ортиқ такабурлиқ қилмасман зинҳор,
Ортиқ ҳеч қилмасман безорилик ҳам.

Ортиқ бу шумликлар кимга ҳам керак,
Токай ўз ҳолимни қиларман хароб.
Ўзгача туйгулар билан маст юрак,
Мастона айлади асрий бир шароб.

Деразамни чертар маъюс мажнунтол,
Зарнигор затъфарон барглари билан.
Хазон фасли мени яна қилас лол,
Хазондай сочилган марглари билан.

Тақдирга тан бердим мен ҳам ниҳоят,
Бағримни ўртайди бир ҳасрат мубхам.
О, Рус, юрагимга азиздир ғоят,
Кўхна қабристонлар, кулбаларинг ҳам.

Оҳиста атрофга ташлайман нигоҳ,
Теграмда боболар асрий диёри.
Кошки, бўлсанг менга ҳамдарду ҳамроҳ,
Кошки, бўлсанг мендай шоирнинг ёри.

Беармон сипқориб васлинг шаробин,
Ишқингни қалбимга мангу нақш этсам.
Унутиб саркашлиқ, қисмат саробин,
Бутун ҳаётимни сенга баҳш этсам.

1923 йил

ГУЛЛАР

I

Чечаклар видо айтиб,
Юрак-бағримни эзар.
Она-юрт, сени қайтиб,
Күрмасман, кўнглим сезар.
Алвидо, гул-лолалар,
Васлингизга тўйганман.
Сизни – армон волалар,
Эзгуликка йўйганман.

II

Саррин баҳор шоми бу,
Ишқ-муҳаббат жоми бу.
Бўлмас ҳеч сизни севмай,
Бирга-бирга ичсам май.
Бир даста садарайҳон,
Ҳайрон юрагим вайрон,
Вайрон юрагим ҳайрон,
Бир даста садарайҳон.

III

Кўнғироқгул, қувноқ гул,
Булбули бийрон кўнгил.
Таърифига ожиз сўз,
Ёдга тушар бўтакўз.
Куйлама бас, ёнимда,
Қасдинг борми жонимда?!
Муҳаббат дарди яна,
Ғолиб, қилас тантана!

IV

Сизни севдим дунёда,
Дарду ғамим зиёда.
Гар зиёда дарду ғам,
Оташин ишқим малҳам.
Қалбимда ишқ жўш урап,
Қалбим гулхан – ёнаман.
Алангага тўш урап,
Мастона парвонаман.

V

Ясама чаманзорлар,
Бегона, мендан йироқ.

Гарчи бағрига чорлар,
Алқай олмасман бироқ.
Табиат қучоғида,
Үсган гулга гадоман.
Бўтакўз фирогида,
Мен булбули адоман.

VI

Гуллайди ҳатто четан,
Гуллаб мева тугар у.
Мева туғиб дафъатан,
Алвон бошин эгар у.
Гулга ўхшамас улар,
Раъно эмас бегумон.
Биздай гоҳ йиглаб, кулар,
Биздай беш кунлик меҳмон.

VII

Афву айла гулрухсор,
Не ҳунарлар қилганман.
Вале неки бетакрор,
Мудом азиз билганман.
Биз ҳам бетакрор асили,
Ўтиб кеттгаймиз секин.
Келар не янги насл,
Биздек бўлолмас лекин.

VIII

Алвидо, гул-лолалар,
Алвидо, гули раъно.
Наинки бу далалар,
Мангубегона барно.
Бегона бўлса нетай,
Чаманзор кўп, кўп чаман.
Заминга алёр айтай,
Замин! Сени қучаман!

IX

Гул эмасми одамзот,
Гул эмасми ҳар бир зот?
Аҳли башар чиройи,
Гулдай гўзал, киройи.
Менинг бу олтин бошим,
Даста гул, қаламқошим!

Тўрт фаслда бемалол –
Инсон яшнар баркамол!

X

Мен уларнинг мафтууни,
Бахшида жисму жоним.
Тўкилган Кеч куз куни,
Менинг ҳам кутлуг қоним.
Гуллар жангি беомон,
Гуллар жангি авжида.
Голиб Атиргул омон,
Долғаларнинг мавжида.

XI

Октябрь! У кунлар,
Хотирадан чиқмас ҳеч.
Бошидан жудо гуллар,
Тушимга кирап ҳар кеч.
Инсон нозик гул дема,
Гар гулдай нафис улар;
Пўлатдан ясаб кема,
Курап мустаҳкам уйлар.

XII

Азиз мен учун ҳаёт,
Азиз ҳар лаҳза, оним, -
Куйлар мангу барҳаёт,
Оташин шеър-достоним.
Куй ва қўшиқ йўлдошим,
Куй-қўшиқ жондан ортиқ,
Ёрижон, олтин бошим, -
Гулдаста - сенга тортиқ!

(1924)

* * *

Чана елдай учар – янграр хуш овоз,
Ёр билан далалар сайри ғоят соз.

Тароват, майнинлик саррин елларда,
Кўнироқ жаранглар яйдоқ йўлларда.

Ох, чана, чанажон! Саманим учар,
Раққос сармаст заранг самони қучар!

«Бу не хол?» Сўраймиз ундан лол-ҳайрон,
Сўнг рақс тушармиз учавлон чунон!

1925, октябрь.

Иосиф БРОДСКИЙ

Хайкалим ҳақ тикладим, холис,
Шармандали асrimдан олис.
Бой берилган ишқимга мойил,
Тамойилдан йироқ шамойил.
Бўхтонлардан ўтирганман юз.

Қай қисматга бўлмай юзма-юз,
даъф қилса ҳам минг бир балолар,
қиёфам ҳақ ўзгармай қолар.
Шу юксаклик манзур, шу таврим,
Юксалтирган қасоскор даврим!

Илҳом, кечир айбим-гуноҳим.
Хаёлларим, Пушти паноҳим,
билмам қайди улоқиб кезар,
ҳақ ҳайкалим, бас, кўнглим сезар,
бузарлар ийқ айблар тақаб,
ўжар деб ҳам қўярлар лақаб, -

чикора мен учун бедодлик,
болаларга улашиб шодлик,
шижоатга, ғайратга тўлиб,
юксаларман фаввора бўлиб.

1962

* * *

Л.В.Лифшицга

Қисмат ўйин дегайман тақороп,
Увулдириқ... балиқ не даркор?
Арк-куббалар бамисли найза,
Озори ийқ, майли кўпайса,
Пешайвон, дов-дараҳт ҳам тортиқ,
Севганим оз жонимдан ортиқ.

Ўрмонзор ўлканинг бир қисми,
Бас жувоннинг бир аъзо-жисми,
Асрий дарддан толиққан кўзим,
Топса эстон боғидан тўзим.
Пешайвон, бор идиш тоза-тахт,
Тополмасман ортиқ бунда баҳт.

Тани бошқа билмагай дардинг,
Давоси ёр - бор ғубор-гардинг.

Замон ўзга, гар ўзга макон,
Ўша-ўша бу қадим дўкон.
Айвон. Дилда кадар, гоҳ холис,
Ёшлигимни эслайман олис,

Ёриб чиқар куртакни япроқ,
Маъмур ҳосил негизи тупроқ,
Термилганда чексиз далага,
Не хаёллар келмас каллага.
Пешайвонда, ғариб, дилхаста,
Хаёл ичра сузарман аста.

Ашъоримда мазмун-мантиқ оз,
Ҳатто қўшиқ бўлмас жўровоз.
Не тонг, қайсар шеър-ашъор учун,
Ким дарғазаб кўрсатса кучин.
Қора айвон, қатма-қат парда,
Шовуллайди денгиз серзарда.

Телба замон ғарип уммати,
Зўр шеърим ҳам гар йўқ қиммати,
Эзгуликка бахшида бу ранж,
Қадрланса не тонг мисли ганж.
Қора айвон, дунё зим-зиё,
Тубсиз чоҳга чўмгандай гўё.

1971

Зулмат самовотдан тийра сиёфи,
Намоён қоп-қора қатрон оёғи.

Тун. Гуриллар гулхан тобора.
Пайдо бўлди тулпор қоп-қора.

Ақл бовар қилмас сир, рўё,
Қора кўмир оёғи гўё.
Қоп-қора от тундай онқадар,
Ёлидан то думига қадар.
Тасмадайин товланар таранг,
Ялагудай яғрини яланг.
Ҳайкал гўё собит сиёфи,
Даҳшат солар қора туёғи.

Ҳеч бир соя сололмас ҳеч из,
Қоралиги шундай шубҳасиз.
Қоп-қора у тундан фарқи йўқ,
Қора зиндан, чоҳдай тархи йўқ.

Қора қатрон, қора ўнг-сўли,
Қора гўё ҳасадгўй кўнгли.
Қароликда ягона-якка,
Шундай нур ёт қай бир юракка.

Ярим кеча. Асрор ғаройиб -
Яна ҳам у борар қорайиб.
Йўламади бизга ҳеч яқин,
Оғзида ҳам зим-зиё чақин.
Тарк этгандай туннинг бағрини,
Кўринмас ҳеч ортиқ яғрини.
Бироқ кўзи оташ-аланга,
Титроқ солар ҳам жону танга.

Гўё мавхум сиймо шарпаси,
(Сувратдайин чиқмай ҳеч саси,)
Не учун у тонггача холис,
Кетмади ҳеч гулхандан олис?
Зулмат-қора тун ила ошна,
Неларни у қидирди ташна?
Нигоҳида не муддао, роз?

Ахтарди тун бўйи чавандоз.

28 июнь 1962.

Ашаддий йиртқич каби тор қафасда тутилдим,
Муддатим, дарди дилим ўйганман деворларга.
Денгиз бўйида яшаб, қиморбозлик ҳам қилдим,
Тушлик қилдим ҳамнафас қайси бир киборларга...

Вадим МУРАТХАНОВ

Безор бўлдим тортиб оҳ-фифон,
Ёлворишдан сенга, Художон!
На фарзанду на ёр ҳамхона,
Қисмат сарсон-саргардон қилди.
Марҳамату шафқат бегона
Одамлар ҳам бағрим қон қилди!

АНГЛИЯ ШЕЪРИЯТИДАН

Жон ДОНН

Англия тарихининг олтин даврида, Шекспир билан бир замонда яшаган. Онаси Уйғониш даврининг йирик давлат арбоби Томас Морнинг невара жияни. Даастлаб диний билим олган Жон кейинчалик Оксфорд ва Кембирж университетларида таҳсил кўрган. Шоир муҳаббат мавзуида оташин лирик шеърлари билан машхур. Инглиз шеъриятида ишқ-муҳаббат мавзуида Жон Донн олдига тушадиган шоир йўқлиги эътироф этилган. Шоир умрининг сўнги ўн йили мобайнида Лондондаги авлиё Павел ибодатхонасининг руҳонийиси сифатида ҳам шуҳрат қозонди. Жон Донн шеърлари вафотидан кейин алоҳида китоб ҳолида дунё юзини кўрди.

МУҲАББАТ ЖАНГИ

То бизни ром айлар ишқнинг жаранги,
Қизиқтирмас асло лашкарлар жангиги.
Мисли Шаҳристонсан синоат, тилсим,
Ўз севган ёрингга бўларсан таслим.
Исёнчи голландлар бизга на даркор,
Оломон хўп қайсар, ҳокимлар маккор.
Қай бирин кўнглига топиб бўлар йўл,
Сергалва ҳар уйдан мудом йироқ бўл.
Французлар мудом бизлардан кулар,
Ҳаттоки Тангримиз унутди улар;
Бизнинг ҳур-парилар уларга азиз,
Қутқара олмасмиз бу элни, эсиз!
Ирландиянинг-ку йўқолган тинчи,
Бу телба элга ҳам зарур бир синчи.
Эҳтимол, бир ҳукна қилганми яхши,
Ёхуд қон олсинми табиб ё бахши.
Сафарга чиқсакми шайлаб кемани,
Уммонда кезишдан бор қандай маъни?!
Не ажаб, саргардон, хору зор ночор,
Худонинг қаҳрига гар бўлсанг дучор.
Кеманинг қафасдан фарқи йўқ сира,
Ҳеч гапмас фарқ бўлса гар бу асира.
Ва ёхуд гар кема қаср-кошона,
Вале эътиқоддан йўқ ҳеч нишона.
У аҳли жиноят учун ароба,
Ақли ноқис учун паноҳ ҳароба:

Ким йўлга отланар сароб ортидан,
Не ажаб, айрилса она юртидан.
Бахт-нажот топарман ўчоғингда мен,
Жон олиб, жон берай қучоғингда мен.
Қалбимни қўшқўллаб топширай сенга,
Эй ёр, сен ҳам қалбинг тортиқ қил менга.
Ким молу дунё деб қонли жанг қилар,
Васлинг шавқу завқин қайдан ҳам билар;
У ёнда ваҳшийлик, бунда эҳтирос,
У ёнда ёв голиб, бу ёнда мен – рост!
Жангда боз қонхўрлик чиқар авжига,
Биз асир бўлгаймиз ишқнинг мавжига.
Жангда қирғин-барот, бу ёнда меҳр,
Жангда қаҳру ғазаб, бунда ишқ, сеҳр.
Янчса гар инсонни уруш теваси,
Фарзанд ҳар покиза ишқнинг меваси.
Не ажаб, куч-қудрат, ғайратга тўлиб,
Фарзандлар улғайса баҳодир бўлиб.
Барчанинг шарт эмас кирмоғи жангга,
Қуролсоз ҳам зарур ахир Ватанга.
Улар қурол-яроғ ясагай сўзсиз,
Етказиб берайлик жангчиларни биз!

* * *

Оташин ишқимга тош отма бас, тош,
Наҳот ҳеч бўлмаса бошқа бир ишинг,
Наҳот кунинг ўтмас санчмасанг нишинг,
Наҳот сен шунчалар бебош бағритош!
Молу мулк жамғаргил, мансаб-мартаба,
Кошоналар тикла бамисли Каъба,
Саройга доҳил бўл ушалиб коминг,
Муҳрлангай тилло тангага номинг,
Фақат ёлғиз қора ниятингдан кеч,
Оташин ишқимга тош отмагил ҳеч.

Ишқимдан ким зарар кўрибди, ёху,
Қай зотлар таъзирин берар у боплаб,
Ер юзин кўз ёшим оларми қоплаб?
Ё кўклам йўлига ғов бўларми у?
Муҳаббат ўтида ёнганим учун,
Минг бир ҳалокатга дучорми очун?
Сарбозлар қиличин кўймас қўлидан,
Лўттибозлар қайтмас қингир йўлидан,

Наҳотки буларнинг барига сабаб,
Оташин қалбимда ишқим нозиктаъб?

Майлига, ишқимиз ўхшат ҳар нега,
Шам десанг ҳам майли, бир ёниб-ўчар.
Капалак де умри бир кунда кечар,
Вале ҳар бандада ўз фикрига эга.
Ёнгаймиз гар ишққа алёрлар айта,
Тирилгаймиз қақнус сингари қайта.
Иккимиз ай ирмай йигит ва қизга,
Бир тану бир жон еб қарагил бизга.
Дарди ишқ билан гар боз хаста жонмиз,
Тоабад пайваста, пайваста жонмиз.

Токи биз айландик бир тану жонга,
Гарчи кенг дунёни танту тор қилиб,
Панд берар бўлсалар бағримиз тилиб,
Дўнгаймиз мангулик шеъру достонга.
Кун сайин ишқимиз токи баркамол,
Жонгинам, биз учун завол йўқ, завол.
Асрлар кетидан асрлар ўтиб,
Гар не салтанатлар кетгайлар йитиб,
Бизнинг пок ишқимиз, жонгинам, ионон,
Яшар афсонага дўниб бегмон.

* * *

Шавкат-шони билан қирол-султонлар,
Жасур жангчилар ҳам баён-ултонлар,
Ҳатто бошимизда парвона қуёш,
Умрига қўшилди яна йил ҳам ёш...
Шу бир йил, бир йилда олам ва одам,
Жаннат боғи сари қўйди бир қадам.
Фақат бизнинг оташ ишқимиз, жонон,
Кучайиб бормоқда кундан-кун чунон.
Ишқимиз ўтгани сайин кун-санада,
Авж олар, тантана қилас, тантана.

Уильям ВОРДСВОРТ

Саъва қўшиғи

Эшик қоқиб ниҳоят баҳор,
Қирғоғидан тошиб шўх анҳор,
Шабнамларга чўмилиб наҳор,
Ложувард тус олганда фалак;

Кучоfigа чорлагай чаман,
Чечакларни хурдай қучаман,
Самоларда хуррам учаман —
Қанот боғлаб бамисли малак.
О, айниқса, саъважон, тиниқ,
Таронангга интизор, интиқ,
Зумрад қүшим, эркатой, тантик,
Куйларингнинг шайдосиман мен.
Салом сенга, дўсти қадрдон,
Бебаҳосан, бебаҳо чунон,
Қалбим қасрин эттан чарогон,
Таронангнинг адосиман мен.
Бор бу дунё ўзи бир томон,
Қўшиқларинг — куйинг бир жаҳон,
Эй қадрдон куйчим, жонажон,
Яшай мудом асиринг бўлиб.
Шўх куйларинг саҳар сабоси,
Ҳасратнишин диллар давоси,
Булбулнинг-да келгай ҳаваси,
Гар куйласанг завқ-шавққа тўлиб.
Шўх таронанг таърифга сифмас,
Жамолинг ҳам айлар мени маст,
Парвозингдан сармастман, сармаст,
Хурриятнинг жарчиси масрур.
Қанотларинг сержило, инжа,
Гўзалмас, ҳей бунча гул-ғунча,
Куйлайвер шод дунё тургунча,
Завққа тўлиб баҳорларда хур.
Сўйган гўшанг боғу роф сенинг,
Не боғу роф, сўлу соғ сенинг,
Қалбинг қувноқ, мудом чоғ сенинг,
Юрагимнинг ўтли улфати.
Куйла, кўзлар тўлгай ёшларга,
Забон битгай ҳатто тошларга,
Хумо мангу қўниб бошларга,
Қолмас фамнинг алам, кулфати.

НАВБАҲОР

Шовуллайди ям-яшил ўрмон,
Навбаҳорнинг васфини куйлар.
Гарчи кўклам, бағримни ҳамон
Эзаётир аламли ўйлар.

Табиатнинг гулдек жамоли,
Паривашдай қиларкан мафтун,
Нечун аҳли башар аҳволи,
Мушкуллашиб борар кундан-кун.
Қир-адирлар атлас ранг-баранг,
Камалакдай сержило гуллар.
Юракларни сел қилас, қаранг,
Сайроқи хур қумри, булбуллар.
Қўҳна кенту овуллар обод,
Майсазорлар барра, расида,
Дов-дарахту жумла мавжудод,
Хур ҳаётта айтар қасида.
Ҳилпираиди шаббода майин,
Бегубор соғ, мунаvvар олам.
Яшиаб борар ҳар лаҳза сайин
Ва дунёдин чекинар алам.
Безамиш гар Замин юзини,
Жаннатмонанд Ҳақ, Парвардигор,
Нечун аҳли башар ўзини,
Балоларга этар боз дучор?!

ЎРОҚЧИ ЖУВОН

Адириликда ёлғиз бир жувон,
Буғдој ўриб куйлайди равон.
Қўшиғига ўзи асира —
Ҳалал берманг, бермангиз сира.
Тоққа туташ бепоён дала,
Жувон қўшиқ куйлар барадла.
Ҳасратини тўкар боз куйлаб,
Қўшиқ янграр адирлик бўйлаб.
Саратонда билмайин тиним,
Терга ботиб меҳнат қилас ким.
Безор этса гар оғир иши,
Ёқарми ҳеч булбул хониши.
Ҳар юмушнинг ўз мавриди бор,
Бузилса гар мезон ҳам меъёр,
Татимагай ҳаттоки бол ҳам,
Кулфат — ҳаддан зиёд иқбол ҳам.
Бироқ жувон қўшиғи равон,
Хонишида қай бир сир пинҳон.
Хазин нола, хазин ниҳоят,
Мозийданми сўйлар ривоят.

Маъсум қалбин дод-фарёдими,
Мұхаббатнинг аччиқ ёдими.
Ё қисматдан нолиши ми экан?!
Кўшиқдан қасд олиши ми экан?
Куйлар жувон ҳимояси йўқ,
Кўшиғининг ниҳояси йўқ.
Юксалгани сайин хониши,
Таажжубки, унарди иши.
Фикру зикрим ҳасрати билан
Асир этди бу маҳзун ўлан.
Ҳамдард, ҳамроҳ шу кўй-тарона,
Манзилимга бўлдим равона.

ЛОНДОН. 1802 йил. МИЛЬТОН

Мильтон, сенсиз Англия хароб,
Мудраб ётар гафлат ичра у.
Хою ҳавас бамисли сароб,
Асир этмиш барчамиз, ёҳу.
Сен эмасми юртга бир замон,
Улуғворлик бахш этган даҳо.
Қайтгил яна хароба, вайрон,
Ватан бўлгай улуг, бебаҳо.
Оташ қалбинг офтобдай қайноқ,
Даъватларинг бамисли бўрон.
Самодай чўнг, булутдай оппоқ,
Бағри дарё, жўмард қаҳрамон.
То куйлабсан шоҳона баёт,
Барҳаётсан, мангур барҳаёт!

АНГЛИЯ. 1802 йил

Қаллобларнинг дегани деган,
Маккорларнинг чопган омади.
Эзгуликнинг ғамини еган —
Биронта ҳам жўмард қолмади.
Бамисоли куз ҳавосидай
Турланмасанг ўтмагай кунинг.
Улуғворлик мозий сасидай,
Афсус, ҳеч бир қадри йўқ унинг.
Айшу ишрат, ўғирлик, таъма —
Тўрт томонга ташлаган соя.
Ҳақни гўё унугтган ҳамма,
Ҳақни ҳеч ким қилмас ҳимоя.

Қайда толе ҳур дориломон,
Қайда Ишонч, Эътиқод, Иймон?!

* * *

Ҳолимдан ҳеч олмайсан хабар,
Ваъдаларинг наҳот унутдинг?!
Раҳм қилмай ҳолимга, дилбар,
Айрилиқнинг шаробин тутдинг.
Асирингман ва лекин ҳамон,
Сендан ўзга кўринмас кўзга.
Тиланчидаи ташналаб, инон,
Интизорман сендек юлдузга.
Ишқинг бир пайт айлаган сархуш,
Қалбим, эй ёр, кулбадай ҳароб.
Васлинг наҳот энди ширин туш.
Наҳот армон насибам, ё раб,
Аҳволимни фаҳм қил, фаҳм,
Ошифингга раҳим қил, раҳим.

ЛЎЛИЛАР

Эркагу аёл ҳам, қарию ёш ҳам,
Аридай бир тўпга бўлиб олган жам;
Яйлов ўша, давра ҳам ўша,
Найрангбозлар қўша ҳам қўша;
Тун бўйи ловуллар гулханлар алвон,
Тўрт томон қип-қизил сачрагандай қон —
Чехраларда шуъла айланар,
Алвон ҳатто чодир-чайлалар...
Қайларда тентираф, қайларда кездим,
Сайру саёҳатдан совудим-бездим, —
Қавми лўли ҳамон бир жойда,
Кимга зарар, ким учун фойда...
Сайёҳдай сарғайиб ботаркан қўёш,
Кетма-кет чарақлаб юлдузлар нурпош —
Азалий сафарга шайланар,
Оҳиста шоҳлардай айланар.
Ой ҳам тарк айлагач юксак тахтини,
Кўргайсиз юлдузлар шиддат-شاҳдини.
Чарақлайди улар басма-бас,
Лўлилар-чи ҳатто эсламас.
Бундайин беташвиш турмушдан ғариб,
Дунё кезган афзал толе ахтариб,

Ором билмай юлдузлар ана,
Чарх уарлар, қилар тантана.
Гарчи безовта ҳам беором дунё,
Лўлиларга таъна қилмасман асло.
Инсоният наслидан, бироқ —
Сизу биздан йироқ, хўп йироқ!

СОНЕТ

Вестминстер кўпригигда

1802 йил 3 сентябрда ёзилган

Тонг оқарап, гўзал, беқиёс,
Жозибаси айлар маҳлиё.
Ҳашаматли шоҳона либос
Зийнатидан ёшаргай дунё.
Алп бинолар муazzам, кўркам,
Сарбаланд чўнг ибодатхона.
Мисли биллур тасма дарё ҳам,
Манзараки, асл дурдона.
Қуёш бунча балқмаган ҳеч соз,
Сирли саҳар — соҳибкаромат —
Осойишта, осуда, ҳамроуз,
Жаннатга хос файзу тароват.
Шаҳар мудрар. Йўловчилар оз,
Қалбимда ҳурроҳат, фарогат.

ЖОРЖ ГОРДОН БАЙРОН

Нурли оламлар

Мерионга

Нечун ғамга ботдинг, Мерион,
Ранжитдими бирон беймон?!
Малаксиймо чеҳрангга рости,
Ранжу алам ярашмас асти.
Дарди ишққа йўлиқдингми ё,
Фавворадай тўлиқдингми ё?
Мухаббат, оҳ, ҳам қувонч, ғусса,
Гоҳо шод, гоҳ қайгули қисса.
Гарчи қилар телба-девона,
Бироқ бу дард сенга бегона.
Билмам нечун ботибсан ғамга,

Не кам, айтгил, сендей санамга?!

Офтобдай чарақла дилдор,

Қолмагай ҳеч қалбингда ғубор.

Бўлгай десанг жумла эл бандা,

Жилва қилгай чеҳрангда ханда.

Чарақлагай кўзларинг юлдуз,

Табассум қил, қошлари қундуз.

...Маликаси қалбимнинг бўлак,

Даъватимга қулоқ тут малак.

Қанча чарос бўлмагай кўзлар,

Болдан тотли бўлса-да сўзлар,

Сунбул сочлар қайта-қайта дом,

Тикса-да боз, инон, дилором.

Яккаш оний кўрсатгай таъсир,

Йўқ, бутунлай қилолмас асир.

Оlam бино бўлгандан бүён,

Ишқ бобида муқаддас мезон:

Юрак ила меҳрга тўла,

Қозонилар севги бир йўла!

АНГЛИЯДАН ЖЎНАБ КЕТИШ ЧОҒИДА БИР ХОНИМГА БАФИШЛАГАНИМ

Фурсат етди! Гувиллар уммон,

Сафарга шай кема ҳам шул он.

Елканини ўйнайди шамол,

Фурсат етди дегандай, алҳол,

Кетар бўлдим юртимдан такрор,

Ёлғиз сени севарман, эй ёр!

Тўйдим ғарип ҳаётдан, нетай,

Хасратимни оҳ, кимга айтай.

Ёлғиз сафар- ягона нажот,

Ортиқ васлинг бегона, ҳайҳот,

Ортда қолди барчаси, эсиз,

Эй ёр, Сени севарман ёлғиз.

Гоҳ, йиглатиб, қувонтирган гоҳ,

Кўпдан менга бегона нигоҳ,

Гарчи менга оғирдир ғоят,

Унутарман бир кун ниҳоят.

Гар тор қафас қадрдон гўша,

Юрагимга ҳоким тек ўша.

Якка-ёлғиз мардона, шоввоз,
Долғаларга чиқарман пешвоз.
Чор-атрофга назар ташлайман,
Дўст тополмай дилим ғашлайман.

Узундан ҳам узун йўл босиб,
Топарман бир макон муносиб.
Лекин Латиф хаёлинг, эй ёр,
Ҳаловатим ўғирлар такрор.
Ҳажринг аро қоларман якка,
Сендан ўзга сиғмас юракка.

Ҳатто қашшоқ дайди ҳам гариб,
Бир бошпана топгай ахтариб.
То бор экан савобталақ жон,
Яккаланиб қолмас ҳеч қачон...
Қай бир зотдан кутай, айт, мадад,
Ёлғиз сени севиб тоабад.
Саргаштаман – бу қисмат надир,
Қай бир юртда топарман қадр?
Учрагмикан жонини нисори –
Айлагувчи фидойи бир ёр?
Сен-чи ҳануз сир бермайсан, сир,
Ёлғиз сенга бўлсам-да асир!

Недан маҳрум, неларга эга,
Кимлар эдик, айландик кимга?
Тегирмоннинг тошидек тақдир,
Оқизларнинг енгмоғи ҳақдир.
Олов-оташ қалбим мардона,
Мангу сени севар ягона.

Хаёлимга ҳоким қай жонон,
Билмагай ҳеч сергап оломон.
Ишқимни рад этмиш қай малак,
Сенга аён-мен шўрлик ҳалак...
Бу дунёда саноқли сарбаст,
Биргина ёр ишқи ила маст.

Севмоқни боз айладим хаёл,
Паривашни фаришта тимсол.
Ҳажринг бағрим этмаганда қон,
Севар эдим такрор бегумон.
Ўзга ҳурни севмоғим оғир,
Ёлғиз сени деганман, ахир.

Нигоҳингга, оҳ, севимли ёр,
Тўёлмадим, ҳайҳот, сўнгги бор...
Сендан жудо кўнглимга мискин –
Олис сафар ҳам малҳам, таскин.
Гар Ватандан, толедан йироқ,
Ёлғиз сени севарман бироқ.

* * *

Қалбим каби жўшқин, беором,
Денгизларда улоқиб сарсон,
Тоғу ўрмон, қирларда хиром –
Айлаб умрим ўтса беармон.
Зиндансан сен, Англия, зиндан,
Озод қалбим ҳурликка ташна.
Барчасидан юз буриб ҳандон –
Хур ҳилқатга бўлсайдим ошна.

Дов-дарахтлар бағрида, ё Раб,
Унут бўлган қуллару хонлар.
Лаганбардор, ялтоқи ҳароб,
Турланувчи манфур бўхтонлар.
Муҳаббатга муҳиб, асира,
Бокира ишқ бокира имон,
Шовуллаган тўлқинлар узра,
Қояларда кезай беармон.

Гарчи фўрман, аёндир бироқ –
Мен – дунёга, дунё менга ёт.
Кўринмагай милт эттан чироқ,
Зимистон тек, зулмат, зулумот.
Тушларимда ахир инчунун,
Толе кулиб боқкан, толе хур.
Қалбим кўзин очдинг не учун,
Эй, Ҳақиқат, эй, илоҳий нур.

Қайдা қалбим саҳобалари,
Қайдা ошна, қайдা дўст-ёрон.
Наҳот ёт ҳам бегона бари,
Дардларимга бўлолмас дармон.
Фақат сархуш этганда шароб,
Оний сурур инар юракка.
Давраларда яйрайман шитоб,
Бироқ қалбан яккаман, якка.

Бетайинлар – на дўст, на душман,
Сафсатаси ёқмагай асти.
Қай бирлари бадавлат, манман,
Қай бирининг боз дароз дасти.
Қайда холис дўстлар беғубор,
Жондан азиз ёронлар қани?
Хор бу каслар не учун даркор,
Касларки сур, манфур, bematni.

Сен эмасми муҳтарам Аёл,
Бахт, Саодат, Толе беармон.
Бироқ васлинг ё раб, бу не ҳол,
Ортиқ масрур этмас ҳеч қачон.
Юрагимни бэздирган ғариб –
Қашшоқ қисмат, сендан кечиб воз,
Дардларимга дармон ахтариб,
Бўронларга чиқай боз пешвоз.

Саҳроларга бош олиб кетсам,
Йўқ, йўқ, Сизга ихлосим катта.
Оташ қалбим, ростини айтсам,
Долғаларда яйрар, албатта.
Юксакликлар қалбим этган ром,
Тубанликдан кечиб батамом,
Озод қушдай боз айлай парвоз.
Ўтиб бўлди ҳаётим магар,
Гарчи етди видо маҳали.
Мени ҳеч ким севмаса ҳам гар,
Севишни боз истайман ҳали.

ЎТТИЗ ОЛТИ ЁШГА ТЎЛГАН ТАВАЛЛУД КУНИМДА

Кундан-кунга яқин интиҳо,
Эсар фасли хазон еллари.
Қаро қабр кутар оч, юҳо,
Бағримда тек армон унлари.

Гар дилимда алангага, учқун,
Ҳамон ёнар ва боз ўт олар,
Руҳимни шод айламоқ учун,
Ёқилган шам бўлиб туюлар.

Гарчи кулиб боқмади тақдир,
Халоскорим бўлдинг муҳаббат.

Йиллар абгор айлаган тақир,
Дилимга ёр ўзинг то абад.

Надоматлар пайтимас бу он,
Тўрт тарафда шодлик, тантана.
Гулчамбарлар ёқутдай алвон,
Ғолибларга интизор, ана.

Юнонистон! Қиличинг, туғинг,
Ўғлонларинг чорлайди жангга.
Завол билмас зафар, ютуғинг,
Фидо минг жон она Ватанга.

Қанот боғла беором руҳим,
Сор лочиндан парвозга шайлан.
Надоматим, афус андуҳим,
Шижаатга, шиддатга айлан.

Жасоратни касб айла боз,
Пуч орзулар етмагай асир.
Ишқ Тангриси чертаётган соз,
Қалбингга йўқ, қилмагай таъсир.

Чекма қанча алам-изтироб,
Ёшлигинг ҳеч келмагай қайтиб.
Жангга отлан ёвкур ҳам шитоб,
Жангга отлан алёрлар айтиб.

Мардлигингга элу юрт шоҳид,
Қўкрагингни қалқон қил, қалқон.
Шер йигитта кетмоқдан шаҳид –
Зиёд толе бўлмас ҳеч қачон!

* * *

Кунинг битди, қаҳрамон, бироқ,
Бошлангуси мангу ҳаётинг.
Завол билмай то абад порлоқ –
Алёрларда яшагай отинг.
Ватан учун фидо этган жон,
Завол билмай яшар бегумон.

Элу юртинг то эмин-эркин,
Хотирангни эъзозлар мудом.
Орамизда йўқсан ва лекин,
Йўқлаб сени кўтаргаймиз жом.
Жасоратинг, эй мардона зот,
Багишлагай бизга қўш қанот.

Қутлуг номинг янграган палла
Ғанимларга дунё бўлгай тор.
Хонандалар куйлагай ялла,
Жасоратинг шаънига такрор.
Хотиранг боз баҳодирона,
Куйлагаймиз мағур мардона!

Катуллга ўхшатма

Чарос шаҳло кўзингдан, жонон,
Боз бўсалар олсам беармон!
Бўсалар боз айласа сархуш,
Асрларда-да ўтса мисли туш.
Муҳаббатдан ким ўлган безор?!
Бўсаларим ёндиргай такрор.

Бор дунёга бегона, бефарқ,
Бўсаларнинг уммонида фарқ
Боз беадад бўсалар олсак,
Саноғига етолмай қолсак.
Хижрондан ҳеч гап очмагил, ёр,
Сендан айро тушмасман зинҳор!

Прометей

Эй довюрак жасур паҳлавон,
Аламдийда қисматимизга,
Шармандали исматимизга
Хайриҳоҳ боз тикилдинг шоён.
Бунинг учун, ё раб, мукофот,
Бўлди сенга бесаноқ офат.
Боз бандига айландинг ўзгун.
Нимта айлар бағрингни қузгун.
Ҳам оёғу қўлингда кишан,
Ҳам таҳқири, лаънатга нишон.
Ўртанса-да, азобда жонинг,
Ичга ютиб фарёд-фигонинг,
Маъбулларга ғаним, тошбагир,
Ялинмассан мардона мағрур

II

Эй баҳодир! Қирғин-барот жанг,
Долгалардан чиққансан омон.

Қийноқлару азоб беомон,
Қилолмагай ҳолингни ҳеч танг.

Қаҳри қаттиқ беаёв қисмат,
Боис бўлиб аччиқ хусумат,

Ҳаётингни азобга қўйди,
Жигар бағринг беаёв ўиди.

Мангу азоб-уқубатни боз,
Шон-шарафдай этдинг сен ҳамроуз.

Қасирғалар соҳиби шўрлик,
Сендан такрор кўрди зўр хўрлик:

Қийноқларни билиб сен афзал,
Қисматини унга муфассал,

Сўйламадинг, нигоҳинг бироқ,
Тақдиридан айлади огох.

Шўрликни боз ваҳима қучди,
Найзалардай чақмоқлар учди...

III

Олижаноб, ҳотамтойлигинг,
Муруватга беҳад бойлигинг,

Жиноятга йўйдилар, алҳол –
Орезуларинг топди боз завол.

Кулфатларга чек қўйиб такрор,
Қилолмадинг бизни баҳтиёр!

Орезуларинг бўлса-да барбод,
Қисматга бош бермайин озод,

Магрурлигинг бизларга ибрат,
Хизрсифат соҳиби қудрат.

Йўлларимиз ёритган зиё,
Эй мададкор азиз-авлиё!

Одамзотнинг шудир қисмати,
Манглайида тақдирнинг хати,

Феълида гар саркашлиқ зоҳир,
Тақдирга тан бергайдир охир...

Бироқ қалби барқарор қоя,
Эзгу ўйга ҳамроҳ, ҳамсоя,

Аксарият минг дард, минг алам,
Бўлар унинг дардига малҳам.

Ажални ҳам енгиб мардона,
Яшагай боз ғолиб, фарзона!

Дамет

Кап-катта одаму эси паст, басир,
Тек турфа куфроний ишларга асир,

Кўрқмас ҳеч Худодан, элдан уялмас,
Шайтони лаъиндан фарқи йўқ хуллас.

Онадан туғилган шундайин худбин,
Шамолдай бекўним, беҳаё, бадбин.

Қизларни алдашга устаси фарант,
Бандаки, дуч келган ҳоли бўлар танг.

Ашаддий қароқчи эсини еган,
Манглайдা тамғаси «нобакор» деган

Боз қонга бўялган ҳар икки дасти,
То ҳануз қилмишин қўймайди асти.

Гар йўлга сололмас бандаси ожиз,
Худо жазосини берар шубҳасиз.

Замон

Учқур Замон! Не бир насллар,
Карвонингда бор жумла жаҳон.
Турнақатор ўтгай фасллар,
Бешафқатсан, ёвқур беомон.

Бўлсанг-да гар бешафқат очун,
Нолимасман ғамбода, мискин.
Ёлғизгина бир бошим учун,
Бир гўшадан топарман маскан.

Яхши-ёмон кезда ҳамнафас,
Ҳамроҳларим ўтгандан буён,
Бўлак ҳеч не қўрқита олмас,
Бардош ила тўзим топгай жон.

Балоларни ёғдир майлига,
Балоларга айлагил дучор.

Гирифторман йиллар хайлига,
Азоб-уқубатга гирифтөр.

Перси Биши ШЕЛЛИ

Юлдузлар-да сўнар, ҳатто нур-зиё,
Сингиб йўқолгайдир тунга зим-зиё.
Қасрлар, тоғ-тош ҳам йитгайдир, бироқ -
Ажалдан-да, Эрин, сен қудратлироқ.

Қаранг-эй, хароба, вайрондир бари,
Боболар масканинн ютган ер қаъри.
Ғанимлар қиласкан юртни қонга ғарқ,
Ботирлар ғафлатда ётарлар бефарқ.

Надоматлар бўлгай, янграб хуш наво,
Минг алам, минг дардга бўлмагай даво.
Авжига чиқар боз уруш даҳшати,
Қирғин-барот, урҳо-урлар ваҳшати.

Қайдасиз жўмардлар, о наҳот беҳол,
Жангужаждал ичра топдингиз завол.
Ёхуд этагингиз юқиб довуллар,
«Ал-қасос!», «Ал-қасос!» дея увиллар!

Табиат гултожи

На баҳт-иқбол ва на шон-шуҳрат,
На куч-куват қумас ҳеч қачон,
Шафқат билмас соҳиби қудрат -
Банди этган муте оломон.

Завол топар ғариб, ғамбода,
Ҳамдард бўлмас бирон мард, эсиз.
На қувонч бор, на май, на бода,
Соя янглиғ йитгайлар изсиз.

Шармандали мутелик, қуллик,
Бу не тўда, бу қандай авом?
Инсон қадри эмас бир пуллик,

Буюк ахир инсон деган ном.
Гултожи ки жумла жаҳоннинг -
Бахти кулгай ҳар бир инсоннинг!

Озодлик ҳикоячиларига мадҳия

Қани олға ташланинг дадил,
Зодагонлар айлаган абгор –
Аҳли улус, жанг қилган одил –
Шаҳидларнинг рухи мададкор!
Бунда қанча бегуноҳ ётар,
Оч ўлим боз кимларни ютар!

Фафлатдан бас, уйғонинг этар,
Соҳиб ва қул азал-абад ёв.
Кишинин қул чилпарчин этар,
Токи чорлар исёнкор ялов.
Жангга чорлар шаҳидлар шоён!
Лаънатларга тўлмиш тўрт томон!
Жангта! Жангта! Бир тану бир жон!

Қани, қайда ялов, тугимиз?
Чорлайвергай Эрк туғи мудом.
Хурриятнинг эркин ўғлимиз,
Ёддан чиқсин ғам-ғусса тамом.
Жангу жадал сиз учун муштоқ,
Кўр-кўрона қон тўқманг бироқ,
Эрк учун тек қайрангиз яроғ.

Сизга олқиши, сизга шараф-шон,
Шуҳратингиз сўнмас то абад.
Шаъннингизга битиб шеър-достон,
Қасрлар ҳам этгаймиз бунёд.
Жангда - голиб, ризқингиз бутун,
Мардлигингиж айлагай мафтун.
Кўрқувдан боз келдингиз устун.

Гулчамбарлар айлангиз инъом,
Йўлларига поёндоz раво.
Мард ботирлар олгайлар ором,
Жароҳатлар топгуси даво.
Мангуликнинг рамзи гул-чечак,
Куллик бўлгай биз учун эртак!
Шўр қисматни тарк этингиз, тарк!

Вақт

Қутурган уммонсан, қутурган уммон –
О, Замон, ким сенга кела олгай бас.
Қаърингда неча минг фарзанди инсон,
Завол топмиш ахир тоабад бесас.

Шиддатинг-шахдингдан олам қоронғу,
Гирдобинг тортади девдай комига.
Кекса-ю ёш дема тутарсан оғу –
Ох, ким ҳам йўлиқмас Вақтнинг домига?!

Суронли, бўронли ҳар лаҳза-онинг,
Қасдига тушдинг, айт, яна қай жоннинг?!

Прозерпина қўшиғи

Она Замин, эй меҳри дарё,
Эй беором, безовта олам.
Тангрилар ҳам азиз-авлиё –
Бошпанасан даррандага ҳам,
Қизингга ҳам шафқат қил, шафқат,
даво бўлгил дардига фақат.

Абри найсон ила ҳар жонни,
Жонига жон бўларсан тайин.
Шу боис ҳам ҳар тўрт томонни –
Таровати ортар кун сайин.
Қизингга ҳам шафқат қил, шафқат,
Даво бўлгин бор дардига фақат.

Ҳасрат

Шукур айтай! Чекил, эй ҳасрат,
Дарду ғамим, қайгули нусрат,
Иккимиз хўп дўсту қадрдон,
Ғамбода бу дилгинам фақат,
Ором топар бағрингда, инон.

Ғуссагинам! Бизларни гўё
Ака-сингил каби зим-зиё –
Кулба ичра солдилар ёлғиз.
Йиллар ўтиб борар бёвафо –
Ҳамон ҳамдам, ҳамон иккимиз.

Чекил қайғу... кел ёнимга ёр –
Түйиб-түйиб боқайлик, дилдор,
Дарё ҳам қир, яйловга сокин.
Кушлар учар... заминни зинхор –
Дўзах дея атама лекин.

Ўрмонзорлар! Мағрур, улуғвор,
Илоҳий бир ажиб сеҳри бор.
Кенг далалар ям-яшил, қара!
Ёлғиз бизлар ё Парвардигор,
Муздай совуқ ҳам баҳти қаро!

Йўқ! Йўқ! Қаранг, кўзларда, мана,
Шодлик, қувонч қилас тантана.
Порлар умид учқунлари боз.
Фамгин ғусса! Кўнглимга яна
Бўлолмассан сен ортиқ ҳамроҳ.

Бўсами, йўқ, мен ишққа ташна,
Оташига ошнаман, ошна.
Бебаҳосан севги, муҳаббат.
Кишинларни парчалаб ташла,
Мангу яша, мангу тоабад!

Қайғу-алам! Дўсти қадрдон
Шу сўнгги пайт, ушбу сўнгги он –
Яширма ҳеч дилда неки бор
Faфлат ичра мудрар тўрт томон –
Қайғу-ҳасрат чекмагил бекор.

Икки юрак висолга етгай,
Жисму жонлар қовушиб кеттай.
Ва ниҳоят керакли палла –
Руҳимиз боз сарафroz эттай
Кунлар қўшиқ куйлаб баралла.

Ва оҳиста элитгай уйқу –
Фам-аламсиз, беранж, беқайғу.
Иккимиз, ёр, ётармиз бирга.
На-да бир ҳис, на-да бир туйғу –
Бош қўярмиз тоабад ерга.

Мұҳаббат фалсафаси

Талпинар дарёга жилғалар,
Дарёлар сингади уммонга.
Замин узра шаббода елар,
Эш бўлиб боз мафтун туманга.
Жумла жаҳон бир тану бир жон,
Ягона ишқ ўтида ёнар.
Бизнинг ташна жонимиз, жонон,
Қачон висол жомига қонар?!

Самоларга туташган тоғлар,
Хур тўлқинлар чопар соҳилга.
Бағрида ишқ дардидан доғлар,
Гуллар ўхшар опа-сингилга.
Тун денгизга аста қўяр бош,
Кундуз қувнаб кучар заминни.
Ёлғиз бир сен ўта бағри тош,
Шод этарсан, айт, қачон мени?!

Ҳиндча тарона

Тушларимда сен ўзинг ҳамон,
Кўзларимдан қочади уйку.
Маъсума тун бунча нурафшон –
Юлдузлардан ёғилар ёғду.
Фикру зикринг ҳоким, ҳукмрон,
Парвардигор, сен ўзинг гувоҳ.
Деразангнинг пойида, жонон,
Пайдо бўлиб қоларман ногоҳ.
Осуда тун оғушида маст,
Шовуллайди оҳиста дарё.
Ўт-ўланлар атридан сармаст,
Беҳишт бўйин туйгандай гўё.
Бор дунёни унугиб тамом,
Сайрап булбул, сайрайди чунон.
Ҳажринг такрор этар қатли ом,
Юрак-бағрим ўртайди, жонон.

Ишқ дардига ўзинг даво қил,
Токай ёнай ғуссалар билан.
Юрагимда гулханлар ёққил,
Олов-оташ бўсалар билан.

Жисмимни жон тарқ этган мисол,
Бораяпман музлаб тобора.

Ҳажринг аро топмайин завол,
Дардимга, ёр, чора қил, чора!

К...га

Азал сукут – олтин, дейдилар,
Тилдан учган сўз бир пул бўлар.
Самимий ким айтса дардини,
Кулгу бўлар тўкиб қадрини.
Эзгу-умид ҳам сароб-рёё,
Туғишгандай ўхшашдир гўё.
Фақат содиқ дўстнинг сиволи,
Дабдабадан, ҳашамдан холи.

Лутфингизга эмасман муҳтож,
Лекин нетай, ночор, ноилож,
Азалий бир ҳикматни, эй ёр,
Такрорлайман такрор ва такрор:
Парвонани чорлар аланга,
Тун ҳам мудом талпинар тонгга.
Шундай сўнгиз коинот имзи,
Айлантирар сайрамизни.

Джон КИТС

Ёлғизлиқ, кел, сенга берай қўл,
Узлат эмас матлабим бироқ.
Қояларга юксалиб бир йўл,
Йироқларга ташлайлик нигоҳ.

Қир-адирлар ичра ям-яшил,
Яйловзорлар, ложувард дарё.
Висолига боз бўлсам восил,
Хур васлига мафтун маҳлиё.

Охуларни ҳуркак ва чаққон,
Беҳаловат ғужфон арини.
Ўрмонзорнинг бағрида пинҳон,
Кузатсайдим бари-барини.

Кўнглингга боз эрк берсанг асти,
Тусамайди неларни асти.
Ҳаммасидан хилватда ҳамроз,
Икки кўнгил роз айтгани соз.

Орзу

Орзуларга йўл очгин равон,
Тутқунлиқда қувонч қусар қон.
Орзу қушин этмаслар таҳқир,
Юксак завқи парвознинг ахир.

Умид нури халоскор нажот,
Тафаккур ҳам боғлагай қанот.
Қошларингни учирма, идрок,
Умидга кенг йўл очгин тезроқ.

Юксак-юксак қилсин у парвоз,
Қўшиларман куйлаб сарафroz.
Кўйласин хур баҳорни ёниб,
Оқшомларнинг қўйнида қониб.

Куз қўйнида етилгай ғоят,
Ноз-неъматга куйлагай оят.
Елдай ўтмай куз ҳам дилхаста,
Жой ол ўчиқ ёнидан аста:

Лангилларкан олов аломат,
Совуқ тунни қилар каромат.
Қор қўйнида замин мудрайди,
Рўзгор фами кимни судрайди.

Деҳқон кеча-кундузни билмас,
Ғамларга гарқ, ғамбода кулмас.
Қанот боғла ўйга эринчоқ,
Орзу учсин йироқдан-йироқ.

Ҳамроҳ, ҳамроҳ топиб ўзига,
Ва қўшқуллаб қайтарар бизга,
Аввалгидан зиёд минг чандон,
Неки азиз, неки қадрдон:

Тутгай майнинг жомини қайноқ,
Ол шароби лаззатбахш қаймоқ.
Хотам янглиғ сахий тўқ мезон,
Ноз-неъмати ларзондан-ларzon.

Шовуллайди буғдойзор бўлиқ,
Таронага тўрт тараф тўлиқ.
Юксакларда ёниб бўзтўрғай,
Алёр айтар, алёрки, ҳай-ҳай!

Загизонга ўхшайди бу қуш,
Инига хас элтар, бояқиши.
Үт-ўланлар ичра заъфарон,
Захил ранги боқар лол-ҳайрон.

Нуқра каби оппоқ нилуфар,
Дарё узра яшнаб қулф урар.
Солланар боз нозланиб сунбул,
Ёр зулфини соғинар кўнгил.

Ҳар бир новда, ҳар битта япроқ,
Чиннидай соғ, шиша ялтироқ.
Үт-ўланлар ичра адашиб,
Дон ахтарар сочқонлар шошиб.

Пўст ташлаган танноз илонлар,
Сассизгина пусиб биланглар.
Полапонлар инларда тантик,
Она қушнинг йўлига интиқ.

Чирқиллади басма-бас чунон,
Чарх уради она қуш ғужфон.

Гулдан гулга шошган арилар,
Болга ташна шўхчан парилар!
Ёмғир нола бошлар ғамбода,
Тўп-тўп тушар мевалар боғда.

Орзуларга равон кенг йўл оч,
Бари бир кун йиттай ноилож.
Елдиримдай бешафқат замон,
Бандаларга ғаним беомон.

Чехраларга олмадай йиллар,
Ажинлардан солади йўллар.
Ҳеч нарсага қилмагин ҳавас,
Ҳеч бир нарса йитмасдан қолмас.

Ё борми, айт, бирон-бир нигоҳ,
Безори жон этмаса ногоҳ.
Таронадай овозлар майин,
Жонга тегар кун ўтган сайин.

Орзу қушин этма ҳеч таҳқир,
Юксак завқи парвознинг ахир.
Фақат орзу кечмайин бир он,
Малаксиймо яратар, ионон.

Хұмо янглиғ тута олсанг, бас,
Қалбингдаги бор орзу-ҳавас,
Үшалмасдан асло қолмайди,
Қувончингнинг чеки бўлмайди.

Орзуларга йўл очгин равон,
Тутқунликда қувонч қусар қон.

Такаббурлик одаси

Саҳар чоғи ногоҳ намоён,
Бўлдилар уч сиймо улуғвор.
Эгнидаги тўнлари чунон
Бахш этарди салобат, виқор.

Кўз олдимдан бамисли рўё,
Тизилишиб ўтдилар қайтиб.
Тураг эдим ҳайкалдай гўё,
Тураг эдим калима айтиб.
Лолу ҳайрон айлаган бу сир,
Мени тамом қилганди асир.

Нечун ахир сирли соялар,
Термилиб боз таний олмадим.
Голиб келиб мавҳум фоялар,
Faflatдан ҳам уйғонолмадим.
Мудраг экан тўрт тараф вазмин,
Бегамлик, сен сингдинг қонимга.
Аллақандай бепарво ҳазин
Осудалик ҳамроҳ жонимга.
Шарпа янглиғ юзиб кездингиз,
Ҳаловатим нечун буздингиз?!

Учинчи бор келдилар улар,
Нечун ахир? Ҳур қалбим оё.
Адиrlарнинг чироий гуллар
Янглиғ ифор таратар гўё.
Чор-атрофни қоплаган туман,
Чор-атрофда ажиб сир ҳоким.
Йигламасман, йўқ, йигламасман,
Сизлар ҳозир экансиз токим.
Сиз ўйлаган ожиз мен эмас,
Йўқолингиз, етар, бўлди, бас!

Бирров боқиб, оҳиста, равон,
Турнақатор бўлдилар ғойиб.

Танидиму уларни шоён,
Қолавердим ғариб, мунгайиб.
Ишқ-муҳаббат олдинда пешво,
Ва Манманлик магрур, такаббур.
Савлатида ҳам кибру ҳаво,
Калондимоғ рафтори манфур.
Учинси эрка малагим,
Шеърият – ки эзгу тилагим.

Кетдилар – йўқ, етолмадим йўқ,
Муҳаббат ҳам не кераги бор?
Манманликнинг азал мағзи пўқ,
Такаббур ҳеч топмас эътибор.
Шеърият ҳам бўлолмас таскин,
Юрагимга сололмас түғён.
Аламдийда, ғариб ҳам мискин
Сатрлар шеър бўлмас ҳеч қачон.
Видо айта бари-барига,
Кошки қайтсан Мильтон даврига!

Алвидо! Сиз буткул бегона,
Ўз ўйларим оғушида маст.
Шону шухрат ила фарзона,
Комронлик қисматим эмас.
Илинжим йўқ сизлардан зарра,
Қолаверинг мисли туш бўлиб.
Юраверай меники марра,
Илҳом билан то сархуш бўлиб.
Эй шарпалар, совукдан совук,
Ортиқ ёвуқ келманг ҳеч, ёвуқ!

* * *

Кун ҳам ўтди – тотли висол ҳам,
Бўйи бастинг, қўлларинг майин.
Тор қафасдай кўринар олам,
Ўт қарашинг ўйлаган сайин.

Гул сингари сўлди висолинг,
Висолинг гар аламли армон.
Лаблари бол, ёруғ хаёлинг,
Юрагимга ҳануз ҳукмрон.
Зим-зиё тун вазмин, осуда,
Ривоятин бошлайди яна.

Осоийшта бағри маъсуда,
Күнгилларга паноҳ, бошпана.

Мұхидингман, тангрим, муҳаббат,
Ором олай, шафқат қил, шафқат!

* * *

Хейдонга

Гуноҳкорман, неки улуғвор,
Этолмадим рўйи рост баён.
Бургут нигоҳ эмасман зинҳор,
Қидирганим қайларда, қаён?!

Уддасидан чиқсайдим магар,
Жиловлардим илҳом тулпорин.
Гүё некбин буюк пайғамбар,
Куйлар эдим дилимда борин.

Гар юксалдинг Зуҳродай баланд,
Парвозингга боқдик ҳавасда.
Ғийбатингни қилдилар гарчанд,
Ичи қора оломон пастида.

Тубанларга қасдма-қасд ғолиб,
Бормоқдасан ҳамон юксалиб.

Шону шухрат ҳақида

Кимки унга банди, асира,
Бош бермайди шон-шухрат сира.
Аксарият ғўр, гўл ҳавоий,
Шухрат тожин кияр киройи.
Висолига кимки зор, ташна,
Ҳеч бирига бўлмайди ошна.
Номуносиб билгай ўзига,
Боқмас асло нола – сўзига.

Тутқич бермас ўйноқи елдай,
Қовушмайди бегона элдай.
Дарду ғаминг ила андармон,
Куйлайвер, эй шоир, беармон.

Чорлама ҳеч жонига тегиб,
Шону шухрат келмас бош эгиб.

Сонет

Ёз оқшоми уфқда алвон
Яловини тиккани палла.
Қанот боғлаб парвона равон,
Булутларга айтганда алла.

Бир кам дунё савдоларидан
Хилватларга кетсам бош олиб.
Ташвишларнинг кечиб баридан
Яйрасайдим музaffer, голиб.

Фойибона яна бир топқир
Мильтон, Сидни билан мен якка,
Шеъриятнинг тулпори чопқир
Олиб учса юксак-юксакка.

Рухимда хур рўшнолик туйиб,
Не тонг, йиғлаб олсан боз тўйиб.

«Эдминон» достонидан

Асир этар гўзаллик мангу,
Мафтун қилас тақрор-тақрор у.
Тубан кетмас, бўлмас хору зор
Гўшамизга бизни баҳтиёр
Чорлар экан, озод ва сарбаст
Қалбимизга не ёт, қасдма-қасд
Она замин ила вобаста
Гул терармиз даста ва даста.
Надоматдан йироқ, бегона
Замона ҳам меҳрибон она.
Қайси қалбга гўзаллик ҳамроҳ,
Кусурлару иллатдан йироқ.

Ой ва офтоб, япроқлар саси,
Қўй-қўзилар, ҳамма-ҳаммаси,
Ибо ила боққан наргислар,
Қўзғар дилда илоҳий ҳислар.
Худди шундай шошқин-жилғалар,
Ором истаб шитоб йўрғалар.
Чиннигуллар латофатга бой,
Ўрмонларга зийнат ҳам чирой.
Худди шундай эртак-ривоят,
Болаликдан таниш ҳар оят

Билмайин чек, канора, сарҳад,
Асир этар, асир то абад.

Булбулга мадҳия

Юрагимда түгён, ғалаён,
Билолмасман ўнгими ё туш.
Яхлит гүё ер билан осмон,
Гўйки мен савдойи сархуш.
Ийӯқ, ийӯқ, сенга ҳасадим ийӯқ ҳеч,
Қўшиғнинг шаън, қўшиғинг сарбаст.
Боғ қўйнида сарафроз ҳар кеч,
Дов-дараҳтлар оғушида маст,
Тинглайман боз телбадай дайдиб,
Таронангга таҳсинлар айтиб.

Топилсайди шароб лаългун,
Майли, бўлсин фақат бир қадаҳ.
Афсунгардай мастина, мафтун,
Юрагимга бахш этса фарах.
Болакайдай қувониб, яйраб,
Самоларни қучсам лочиндай.
Озод қалбим сен каби сайраб,
Армон толе туялса чиндай.
Кошки кетсан бош олиб буткул,
Кошки ошно бўлсак биз, булбул!

Кошки кетсан бош олиб бадар,
Ва унутсан барини тамом.
Ортда қолса дунё серхатар,
Ортда қолса дунё беором.
Дунёки бир муваққат, ёлфон,
АЗоби жон ҳасрат, ғам, кулфат.
Дунёки бир - қайғули достон,
Бандаларга уқубат - улфат.
Хор у дунё - гўзаллик абгор,
Тор бу дунё - муҳаббатга тор!

Саодат боз ёр бўлди наҳот,
Наҳот эзгу умидим ҳосил.
Ашъорлардан боғлаб қўш қанот,
Висолингга бўлибман восил.
Биз биргамиз! Сокин тўрт томон,
Маликадай хиром этар ой.

Жориялар – юлдузлар гирён,
Жаннат дейсан латофатга бой.
Йироқларда хиёл оқариб,
Боғлар кўзга ташланар ғариб.

Чодир тиккан чор-атрофга тун,
Осиишта, осуда, вазмин.
Хилол қилиб борлиқни мафтун,
Қиздиради оқшомнинг базмин.
Дов-дарахтга ёғдирар зиё,
Баҳра олар ҳар гул, ҳар чечак.
Талпингандай бағрига гүё
Тебранар шўх бир туп наъматак.
Нурга ташна парвоналар ҳам,
Парвонаю девоналар ҳам.

Таронангни тинглаб бу тийра
Оқшом ичра кездим хаёлим.
Бахт юлдузим рангпар ва хира,
Наҳот етган бўлса заволим?!
Сен куйлаган чоғингда ёниб,
Сен куйлаган чоғингда хушхон:
Тириклиқдан тамоман тониб,
Топширайми, айт, яхиси жон!
Куйласант ҳам қанчалар серзавқ,
Ётарман тор қабримда бефарқ.

Бироқ боқий умринг безавол,
Қўшиғингда синоат-сехр.
Шаҳаншоҳу гадо ҳам увол,
Барча бирдай қўйганлар меҳр.
Дардманларнинг дармон дардига,
Севишганлар ардоғидасан.
Қўш қанотсан элнинг мардига,
Оналарнинг дил доғидасан.
Эй сен, жумла мўминлар дўсти,
Куйладинг шаън – умидлар ўси.

Иккимиз шод тиллашдик такрор,
Ва роз айтдик, дўстим, жўровоз.
Алвидо, эй куйчи, беғубор,
Алвидо, эй илоҳий овоз!
Алвидо, эй мунгли тарона,
Мангу ҳаёт булбул, алвидо.

Бу дунёда кимки ҳамхона,
Бир кун бўлар бир-бирдан жудо.
Билолмасман, ўнгимми бу туш,
Ё савдои сархушман, сархуш?!

ИЗАБЕЛЛА

(достондан)

Оғалари ила беармон,
Яшар эди у дориломон.
Тўқувчилар тинмайин дasti,
Тикиб-бичар уларга асти.
Қон ва терга омухта қўллар,
Ҳақ-ноҳақни сўзсиз маъқуллар.
Қуни бўйи очу ялангоч,
Чикаришар соҳилга ёғоч.

Денгизларнинг тубидан моҳир,
Фаввос терар дуру жавоҳир.
Кутилолмас улардан одам,
Паррандаю даррандалар ҳам.
Бандаларни қақшатар, эзар,
Қай ноҷорлар жонидан безар;
Майиб-мажруҳ бўлганлар қанча,
Ҳам беажал ўлганлар қанча.
Қашшоқларнинг доду фифони,
Киборларнинг мартаба, шони.
Ким бир умр қақшаб қон кечар,
Кимлар улар қонини ичар.
Ҳеч ёлчимас оддий ҳалқ шўрлик,
Боз устига хўрлик ва зўрлик.
Қачонгача лоф урарлар, лоф,
Токай армон Адолат, Инсоф?!

АЛФРЕД ТЕННИСОН Малъдуннинг қўшиқлари

Годива

Сершовқин Ковентри вокзалида мен
Кўпприк узра гавжум учта сарбаланд
Минорага тикиб кўзларим олис –
Машҳур ривоятни олдим қаламга.

Фақат бизми – сўнги янги даврлар
Фарзандлари мудом ҳовлиқиб кўхна,
Мозий томон отган таъна тошини,
Бизми – тилимиздан аксар бемантиқ
Эзгулик, ёвузлик тушмайдиганлар,
Халқ билан биргамиз дегувчилар ҳам:
Ҳолбуки минг йиллар муқаддам бунда –
Ҳукмфармон, граф Ковентри билан
Хотини Годива элим-юртим деб
Жабру жафо чеккан биздан-да зиёд.
Граф шаҳарликлар бўйнига оғир –
Солиқлар кишшанин қўйганда илиб,
Серфарзанд оналар қаср олдида
Басма-бас: «Очликдан ўлар бўлдик биз!»
Деб фарёд солганда, бир қулоч соқол –
Ва узун кокилли граф хўп суйган –
Кучуклари ила кезган кенг залга
Кирапкан Годива элнинг арз-додин
Етказди: «Очликдан ўлар бўлдик биз!»
Ажабланган граф боқди хўп ҳайрон:
«Битлиқилар дарди Сизга не даркор?!»
Годива рад этди ўқтам ва дадил:
«Эл учун мен ҳатто ўлимга тайёр!»
Граф қаҳ-қаҳ отиб ва боз устига
Авлиёлар ҳаққи чўқиниб қўйди.
Ва биллур зирагин ўйнаб хотинин:
«Лоф ҳам эви билан!» -- деди серзарда.
Дафъатан Годива сўйлади мағрур:
«Тайёрман сўзларим этгали исбот!»
Лекин қаҳри қаттиқ граф бепарво
Кибр билан мағрур ташларкан қадам:
«Ўтгайсиз шаҳардан ялангоч ва мен
Солиқлардан элни этгайман озод!», -
Дея гойиб бўлди истехゾ билан.

Кутмаганди буни Годива. Фужғон-
Фикрлар бошида тўқнашди токи
Элга раҳму шафқат чиққунча устун.
Ва жарчи йўллади Ковентрига то
Сурнайлар чалингач, шўрлик Годива –
Қисматидан огоҳ бўлсин учун эл.
Баайни шундайин йўл билан халқин
Мушкулини осон эттагай Годива.

Зеро, севар уни эли, то пешин —
Остонасин хатлаб чиқмасин ҳеч ким,
Ҳеч кимса күчага солмасин назар:
Эшиклар ёпилгай, деразаларнинг
Қопқаси беркилгай, Годива ўтган
Палла аҳли шаҳар бўлгайлар уйда.

Кейин тез хобгоҳга қўтарилди-да
Қаҳри қаттиқ эрнинг инъоми бургут—
Тўқали камарин ечаркан бир он—
Тек қотди—ярмини булат қоплаган
Ёзниң рангпар ойи янглиғ оқариб.
Лекин илкис силкиб бошини шу он
Тақимига тушиб сочин тўлқини
Ечиб бир-бир кийим-бошин, оҳиста
Зиналардан пастга инаркан қатор
Устунлар оралаб бамисли зиё
Дарвоза олдига чиқди, ол-алвон—
Тамғали, серҳашам абзал ёпилган
Қадрдон йўргаси турарди интиқ.
Мисли Момо Ҳаво, Иффат тангриси
Отда йўлга тушди. Ва қотди-қолди
У ўтган йўлларда ҳаво ҳам ҳатто.
Тарновлар анграйиб боқар мастона,
Лайчалар акиллаб қўйсалар-да бас –
Уятдан ловуллаб кетарди дарров.
Тақалар тақ-тақи момогулдирак
Мисоли юракка солар ваҳима.
Ҳар битта дарчада минг битта тирқиши,
Минорлар, бинолар томидан гўё—
Оломон лол-ҳайрон кўз тикар. Бироқ –
От сурди Годива токи оқ-оппоқ
Гуллаган хўп қалин бутазор ял-ял—
Истеҳком томида қилгунча жилва.

Шундагина қайтди Годива ортга
Поклик маъбудаси мисоли. Лекин
Бир бадбин дарчадан очаркан тирқиши—
Қараашга чоғланган чофи кўз ўнги
Қорайиб, дийдаси тушганмиш оқиб,—
Эзгулик шу асно абадул-абад
Ёвузлик устидан қилган тантана.
Бехабар Годива саройга қайтиб

Хобгоҳга оҳиста қўяркан қадам
Сонсиз қўнғироқлар янграб басма-бас
Пешин кирганидан айлади огоҳ.
Эгнида қордай оқ ридо, бошда—тоҷ
Эрига у пешвоз чиқаркан, элнинг
Мушкулин шу асно этаркан осон—
Миннатдор қалбларга қолди абадий.

Соҳилда

Шовуллайсан эртаю кеч боз,
Шовуллайсан тошқин ғалаён.
Шовуллашинг қалбимга ҳамроҳ,
Денгиз, дардим айлагин баён.

Тўлқинларга қучогин кериб,
Соҳил бўйлаб чопар шод бола.
Қайигида дилдан берилиб,
Балиқчи ҳам кўйлар баралла.

Бор дунёни айланиб бир-бир,
Она юртга кемалар қайтар.
Оҳ, жудолик оғирдан, оғир,
Ҳижрон дарди ўлимдан баттар.

Шовуллайсан эрта-кеч тинмай,
Шовуллайсан тошқин, ғалаён.
Жон чекиб боз қанча уринмай,
Қайтмас баҳтли айём ҳеч қачон.

«МАЛЪДУННИНГ ҚЎШИҚЛАРИ» туркумидан

Денгизлару қадрдон, азиз,
Муштоқ бизга кимсасиз дара.
Яшайлик хур, мардона, жасур.
Кечинг фариб кунлар баҳридан,
Қаро тунни ўтказармиз биз,
Муздай харсанг узра бу бора,
Қолишмас ишқ лаззатларидан,
Сафар завқи баҳш этган сурур.

Нав-ниҳоллар саф тортган соҳил,
Боғ-роғларни қумсайсиз ҳамон.

Лопиллайди кемамиз ана,
Олисларга чорлайди бизни.
Фароғат ҳам ҳузурга дохил,
Лаҳзаларга ташна бегумон.
Боғлаганмиз бизлар росмана,
Сафар ила тақдиришимизни.

Эслаганда маъшуқангизни,
Висол чори тушганда ёдга:
Хайрли тун, дўсту қадрдон,
Үйғотурман сизни сахарда.
Боса олмай ҳеч ўзингизни,
Лаънат дейсиз бундай ҳаётга.
Эртагаёқ тонг билан шоён
Отланармиз олис сафарга.

АФСУНГАР ШАЛОТ

1 қисм

Соҳил узра қўйганича лаб,
Бўтакўзлар қулф урап гуллаб.
Кетаркансан далалар бўйлаб,
Қарши олгай юксак Камелот.
Тўрт томонда ташларкан қадам,
Серқатнов йўл, узилмас одам,
Эътиборни тортар дам-бадам—
Гулларга ғарқ оролча Шалот.

Навниҳоллар қаранг, тебранар,
Тўлқинларни шамол тебратар,
Жўшқин дарё кетаркан бадар,
Пешвоз чиқар мағрур Камелот.
Қадимий ҳам кўхна тўрт девор,
Миноралар мозийдан ёдгор,
Фикру зикрин олмиш бетакрор,
Ва афсунгар, сеҳргар Шалот.

Мажнунтоллар сувга этган бош,
Соллар кезар кетма-кет ёввош,
Қайиқлар ҳам тўлқинда бебош,
Кетиб борар сенга Камелот,
Ким ила қиз хушчақчақ бироқ,
Ё бағрини ўртарми фироқ,

Балки эл-юрт билар яхшироқ
Асли ким у - афсунгар Шалот?

Чалғичилар айни тонг палла,
Үрар экан пешма-пеш ғалла,
Маст айлагай қўшиқ баралла,
Интизордир унга Камелот.
Ва ойдинда толиқиб чунон,
Тиклар экан чалғичи хирмон,
Шивирлайди аста бегумон:
Афсунгардир, афсунгар Шалот!»

2 қисм

Тиззасида ёқутдай мато,
Тикишини қўймас бехато,
Мумкин эмас тўхташи, ҳатто—
Қарагали сенга Камелот.
Йўқса боши балога қолар,
Дарду ҳасрат домига олар,
Шу боис гар қўли боз толар,
Тикишин ҳеч қўймаган Шалот.

Деразадан кўрингай яккаш,
Рангпар дунё, мудом кўнгли ғаш,
Шошқин сувда ҳар не аралаш,
Сузар қайдা дебон Камелот.
Нишоллодай кўпиргай дарё,
Абгор дәхқон судралса гоҳо,
Гоҳ бошида дурра боҳаё,
Аёлларни узатган Шалот.

Бир сўқмоқки, узилмас одам,
Қизлар, ана, борарлар хуррам,
Руҳонийнинг хўтиқчаси ҳам,--
Кетиб борар сенга, Камелот.
Ўқтин-ўқтин, жуда оздан-оз,
Ўтиб қолар учқур чавандоз,
Тушларига эмассан ҳамроҳ,
Афсунгар ҳам сеҳргар Шалот.

Узайгандан узайгай палак,
Тун либосин кийганда фалак,
Тобут ила одамлар лак-лак,
Эниб борар сенга Камелот.

Чулғанганча ойнинг нурига,
Севишганлар ўтсалар бирга,
«Бу азоб мен манглайи шўрга!»—
Дарду ҳасрат чеккайдир Шалот.

3 қисм

Камондан ўқ узилди чунон,
Дош беролмас совут бегумон,
От чоптирап шитоб беармон,
Хўп довюрак ритсар Ланчелот.
Бир парига қилди у хизмат,
Қалқонида битилмиш исмат,
Манглайига ёзилган қисмат,
Шалотдир ул, Шалотдир, Шалот.

Енгилгина силкинар жилов,
Безак унга олмос—ўт-олов,
Югани ҳам тинмади бирров,
Чорлар экан уни Камелот.
Ярақларди совути зарҳал,
Жаранглаб чўнг карнай ҳар маҳал,
От ёнига тегарди ҳар гал,
Шалотдир ул, Шалотдир, Шалот.

Кумушдайин ярқирап эгар,
Нишинида ёғдулар ўйнар,
Дубулғаси ва ранг-баранг пар,
Барчасига интиқ Камелот.
Бамисоли ҳар учган юлдуз,
Қолдиргани ортда нақшин из,
Уфқ жилва қиларди сўзсиз,
Сассизгина боқаркан Шалот.

Ойдин кечача, ойдин ниҳоят,
Елиб борарал тулпор бағоят,
Зар кокили ялтирап фоят,
Чорлар экан токи Камелот.
Бир қўшиқки, мавжланди дарё,
Дов-дараҳтлар тингларди гўё,
Бўта кўзу ҳар битта гиёх,
Куйлар экан ритсар Ланчелот.

Үрчиқ қолди, қолди палак ҳам,
Деразадан боқаркан шу дам,

Дубулғаю от, уфқ пурғам—
Олисларда баланд Камелот.
Ишқ дардига мубтало күнгил,
Ойна синди жаранглаб чил-чил,
«Бошга кулфат ёғилди дедил!»—
Оху фарёд күтарди Шалот.

Үрмөнзорлар ҳоргин, заъфарон,
Дарё жүшиб шовуллар чунон,
Күм чиқарган чант-түзон, бүрон,
Сен томонга елар Камелот.
Хаммасини унутиб тамом,
Дарё узра күрсатиб андом
Тұлқин янглиғ айлады хиром,—
Афсунгару сеҳргар Шалот.

Гар тұлқинлар күпирди-тошди,
Тийраклиги қизнинг ҳам ошди,
Гёеки ул қалбан туташди
Гарчи йироқ эди Камелот.
Сўниб борар эди кун аста,
Ётар экан қайиқда ҳаста,
Тұлқинларда борар оҳиста—
Афсунгару сеҳргар Шалот.

Ялтиаркан күйлаги оппоқ,
Бамисли қор учқунидай оқ,
Юзарди тун ичра якка-тоқ,
Қайдасан деб, қайда Камелот.
Ва қүшиқи тинглади тұлқин,
Бир қүшиқки, ғұссали, ғамгин,
Сүнгі бора куйлаган лекин,
Афсунгар ҳам сеҳргар шалот.

Үта хазин қүшиғи тинди,
Жисму жонга совуқлик инди,
Күзларига аранғ күрінди,
Мудраёттан улкан Камелот.
Күшиқ авжи пасайған сайин,
Илк кулбага ҳатто етмайин,
Куйлай туриб жон берди тайин,—
Афсунгар ҳам сеҳргар Шалот.

Боғу роғлар ҳимоясида,
Минорларнинг чўнг соясида,

Соҳилларнинг ҳамсоясида,
Сузди қайда дебон Камелот.
Томошага ташна-ўч чунон,
Тўрт томондан келди оломон,
Қайиқда-чи битик бегумон:
Афсунгар ҳам сеҳргар Шалот.

Сарой, кимдан бўлдинг, ох, жудо,
«Ўзинг бизни кечир, эй Худо!»—
Тавба қилди фақир, қадхудо,
Якка-ёлғиз риткар Ланчелот,
Ўйлаб қолди ва деди секин:
«Фариштага ўхшаркан лекин,
Шод бўлгайдир арвоҳинг мискин
Афсунгар ҳам сеҳргар Шалот!»

Одиссей

Мен ялангтўш қоялар шоҳи
Муҳтарама хотиним билан
Назарига ҳеч илмас ваҳший
Еб-ичиш ҳам дунё йиғишдан
Бошқасини билмаган басир
Оломонни қатъият билан
Хўп бехуда тарғиботларга
Кі бехуда ўргатмоқдаман.
Ҳаловат ёт ҳаётим жомин
Сипқоролсам қолдирмай томчи
Баҳт-саодат, қайғу-ғамни ҳам
Қўрдим барин, дўсту ёр гувоҳ,
Танҳо ўзим гоҳ гиадалар
Солганида денгизда қутқу.
Фақат исм ўзимницидир!
Кезарканман ташна қалб билан
Шаҳарларни, одамлар, одат,
Мамлакатлар, дарёларини
Англаб етдим ўзлигим рўй-рост.
Ва муносиб рақиблар билан
Беллашувлар завқини туйдим.
Қўрганларим – тажассумиман.
Бироқ илму ирфон дунёсин
Очилмаган кўриқлари мўл
Бу маъвода кезганинг сайин

Узоқлайди, узоқлар манзил.
Жабҳаларда дадил сурмай от
Барчасидан воз кечмак оғир.
Кун кечириш -ҳаётмас зинҳор,
Бир ҳаёт не -ўн ҳаёт ҳатто
Юзтаси ҳам оздир, жуда оз
Кўпи кетди умримнинг. Бироқ
Мангу гафлат қаъридан нурли
Саодатманд лаҳзани шитоб
Узиб олмоқ келар қўлимдан.
Бир-икки йил учун ўзимни
Асрамоқлик уят, хўп уят!
Кекса руҳим Худо мададкор
Энаётган юлдуз мисоли
Башарият онги-шуури
Идрокидан бўлган баҳраманд.
Бас, бу орол тақдирин ўғлим
Телемахга этгум иноят.
Жону дилим; ишончим комил
Ўз қавмига эзгу, хайрли
Амалларни вазмин, босабот
Ўргаттайдир ҳамда жангари
Телбалигин олган жиловлаб.
Бокира, ҳур ўғлимнинг ўрни
Қайноқ ҳаёт жабҳаларида
У бағоят назокат ила
Тарк этмас гар дунёни, азиз
Тангриларим эъзозлаб эзгу
Амалларга қўл урай, шаксиз.

Бандаргоҳ ки сузар елканлар
Денгиз сатҳин қопламиш зулмат.
Денгизчилар, қалбан қучган ҳур
Жангужадал, ўй-фикрда ҳам
Бир тан, бир жон. Қандай кун бўлсин
Шодон қарши олар қувноқ эл.
Гар кексамиз, ўзимизга мос
Хурматимиз, заҳматимиз ҳам.
Барҳам бергай барига ўлим.
Унга қадар Тангри ёр жангта
Отланганлар шаънига лойик
Шаън-шавкатли қилгаймиз ишлар.
Сонсиз чироқ қоялар аро

Липпиллайди, ўтди узун кун.
Ой ҳам балқар суронли чоҳдан.
Дунёларни янгидан-янги
Кашф этгали ҳали бор фурсат.
Қўзғалгаймиз яктан шиддаткор
Тўлқинларга ургаймиз тўш. Ки
То ҳаётман шаффоф юлдузлар
Шўнгийдиган сарҳадлар сари
Сузсам дейман, сузсам беармон.
Маҳв этарми совуқ тўлқинлар,
Боз кўргали шонли Ахиллни
Қучармизми баҳт оролларин?
Қўпи кетди—барчаси эмас:
Титраттали еру кўкни боз
Қуч-кувват йўқ ва лекин ҳамон
Жасоратли қалбимиз шунқор
Қисмат эгди, бироқ кашф айлаб,
Забт этиб ҳам мудом тутгали
Қоим ҳануз собит ирода.

Кўхна ривоят

Қирол Эдвард таслим этар жон,
Таҳдид этар Азроил, таҳдид.
Она сўзин эслаб ногаҳон,
Пайдо бўлур кўнглида умид,

Деган эди, холинг бўлиб танг,
Етар бўлса ногоҳ заволинг,
Бахтили инсон кўйлагин кийсант,
Кулиб боқар яна иқболинг.

Дадиллашди қирол ўша он,
Тангри ўзи яна қўллади.
Топмоқ учун бахтиёр инсон,
Тўрт томонга чопар йўллади.

Салтанатда ҳар тўрт томонни,
Тутиб кетган қирол қуллари.
Бахтиёрман деган инсонни,
Тополмай зир югурап бари.

Бахтим бутун деганини узоқ—
Иzlай-излай топдилар аранг.

Бу қашшоқнинг ҳатто қирқ ямоқ
Куйлаги ҳам йўқ экан, аттанг!

Уильям ЙЕТС

Эзгулик, ёвузиликни, етар, бас, ҳеч қилма ёд,
Халос бўл тирикликнинг бу мангу савдосидан.
Паришон оқшомларнинг оғушида яйра шод,
Тўйиб симир шудрингли субҳидам ҳавосидан.

Ёғилса-да ишқингга гийбату тухмат тоши,
Барбод бўлса-да гарчанд умидларинг то абад;
Ҳамон ёш ва навқирон ҳаётнинг ҳур қўёши
Оқшомлар сурурлидир, шабнамлар софдир беҳад.

Юр, кетайлик, ўрмонзор ястанган қирлар томон,
Олтин офтоб, ҳам ҳилол, ложувард қўқ, ёнбағир –
Бир ҳаёт ваъда айлар, ҳаётки, дориломон,
Маъволарга кетайлик, дўсттинам, юргин ахир.

Унда тоғ узра Тангри даъвати янграр мудом,
Унда замон ва макон парвози билмас поён.
Мухаббатдан маъсумроқ гира-шира номозшом,
Умид, ишончдан азиз саҳар шабнами чандон.

Редярд КИПЛИНГ

Васият

Саросима чулғаганлар ногаҳон,
Таҳқир қилганда ҳам бой бермагин сир.
Уларга қасдма-қасд ўзингга ишон,
Ва ожиз бандалар гуноҳин кечир.
Сабр-тоқат бўлгай ёр то фурсат бор,
Каззоб қавми билан тенг бўлмагин ҳеч.
Зукко, Ҳотам каби кўринмай зинҳор,
Нотавон айбини ҳиммат билан кеч.

Умид билан яша ҳаддингдан ошмай,
Зеҳнингга ҳам оро бераверма кўп.
Қарши олгин умид-кулфатни шошмай,
Беқарордир улар иккиси-да хўп.
Хотиринг жам бўлгай муғомбир, айёр,
Муттаҳам айбини қилганда ошкор.

Бор ҳаётинг ногоҳ барбод бўлиб гар,
Лозим бўлганда ҳам тикламоқ тақрор.

Минг мاشаққат билан топган бисотинг,
Бой бериб чорасиз қолган кезда ҳам,
Тилингдан тушмасин шодон баётинг,
Ва асти бўлмасин адил қаддинг ҳам.
Хуваллаб бораракан кўксинг тобора,
Тобора азият бўлганда фузун:
Олға чорласа гар собит иродা,
Жону жаҳдинг билан амрига бўйсун.

Боёнлар қошида ўзинг эркин тут,
Одил бўл халқ билан бўлган кезлари.
Дўстга ҳам ғанимга бўл бирдек собит
Қадрингни билсинглар уларнинг бари.
Кечган ҳар дақиқа умринг залвори,
Асрларга татир экан бегумон:
Ўшандা бўларсан олам сарвари,
Ўшандা бўларсан сен асили Инсон.

ПЕРУ ШЕЪРИЯТИДАН

Сесар ВАЛЬЕХО

Софиниш

Кекса отагинам мудрайди аста,
Оlamни, одамни унутган тамом;
Кўнглини бир ташвиш айлар шикаста,
Ёлғиз мени ўйлаб эзилар мудом.

Кимсасиз хор кулба; шом чўқар сокин,
Ўғлонлар на хабар ва на хат йўллар.
Отам уйғонар-да, эслайди мискин –
Мисрга сафарим, бегона эллар.
Кўз ўнгидан бари ўтади бир-бир,
Кўмсағ мени тақрор энтикар оғир.

Боғда меваларни тотинар онам,
Бироқ ҳеч биридан тўлмайди кўнгли.
Ҳамиша шундай у, яккам-ягонам,
Ўзи кулган билан кўзлари мунгли.

На бола-бакра бор, на шовқин-сурон,
На хабар, на мужда, ҳувиллаган уй.
Қалбимни титратар бамисли бўрон,
Ватаним ёдимга солган ҳазин куй!

* * *

Тўрт томондан қисар тўрт девор,
Тўрт томонда девор тор қафас.
Қутулмоғим наҳотки душвор.

Исканжада вужуд, оёқ-қўл,
Тўрт томонга тортар тўрт бурчак,
Бурчак деманг, бу тўрт кишан, фул!

Қайлардасан халаскорим, айт!
Тўрт томондан урилган кишан,
Азобидан халос айла, қайт!

Ҳамроҳ бўлсанг, бўлсанг ҳамнафас,
Боги беҳишт бўларди аниқ,
Тўрт томонда тўрт девор қафас!

Деворларнинг бир жуфти, хиёл
Узунроғи бутун тун, марҳум –
Бироқ ҳануз битта болани.

Қўлларидан ўнгирлар бўйлаб
Бошлиб борар икки модарнинг
Арвоҳидай эзди тун бўйи.

Афтодаман, ночор, қон бағир,
Нажот қайдада озурда жонга,
Ё Раб, бу не уқубат ахир!

То қабрга дўнмай тор қафас,
Келақол тез, эй Исонафас!

АКАМ МИГЕЛГА

Ёлғизман, иморат пойида ёлғиз,
Сени қўмсаф армон ўртади бағрим.
Аввалгидек бекинмачоқ ўйнай олсайдик,
Онам шўрлик бошимиз силаб:
«Етар шумтакалар...» деган бўларди.

Ҳар галгидек шом пайтида беркиниб олсам,
Тополмасдинг мени ҳатто ернинг тагидан.

Кейин меҳмонхонада,
йўлакнинг бурчагига беркинардинг мендан.
Кўп кулган бир йиғлар деганларидаЙ
Жанжал билан тугарди гоҳ ўйинларимиз.

Маъшум август кечаси, нурафшон тонг арафасида
беркиндинг сен, Мигель, росмана, бироқ чеҳрангда
қув табассум эмас, муҳрланган мангу ғам-ғусса.

Мен эса безовта эгизак қалбинг
Тўрт томонга зир югурсам ҳам
тополмай ҳеч армондаман, ҳамон армонда.
Болалигим осмонида булултлар қора.

Чорлагайман сени, Мигель,
беркинган жойингдан чиқақол, тез чиқ!
Онам ҳам хавотир олаётгандир.

Дуранго вайроналарида мотам алёри

Испан қишлоқларин хоки муқаддас,
Тангри паноҳида сақлагай осмон,
Заводдан камолга юзландинг сен, бас.

Гар хоки туробсан, ёвқурсан, довсан,
Парвозинг сарбаланд бўлгай тоабад,
Бошимиз узра балқ, мисли яловсан.

Ёнгинлар қаъридан чиққансан омон,
Мунаввар маъволар сенга мунтазир,
Ёнгинлар қаъридан чиққансан омон.

Муқаддас заминим, эй қасоскор рух,
Барқарор бўлгай баҳт, иқболинг сенинг,
Муқаддас заминим, эй қасоскор рух.

Руҳимиз қаноти нажот наҳрисан,
Бағрингни долғалар қилмагай пора,
Марҳумлар қарфиши, лаънат, қаҳрисан.

Муқаддас туробим, малҳам, тўтиё,
Эй мудом мардона, мудом жасур, мард,
Эй зулмат кўксига санчилган зиё.

Муқаддас туробим, эй аламдийда,
Иқболинг қуёши порлагай мангу,
Муқаддас туробим, эй аламдийда.

Қора элчилар

Ҳаётнинг шундай зўр зарбалари бор,
Ҳаётнинг бор шундай зўр зарбалари,
Тангрининг қаҳридек,
бамисоли Тангрининг қаҳри,
зарбаларни сезгандай гўё
бор дарду ҳасратим бедор-безовта
бор дарду ҳасратим жунбушга келиб,
Кўнглимда қўзғайди ғалаён...
Тақдир зарбалари,
Зарбалар...

Айтарли кўп эмас ва лекин
Ўта қатъиятли чехраларга ҳам ва ҳатто
забардаст елкаларда ҳам чандиқдай тоабад
қолдирап мангуборат
эҳтимол,булар Отеллонинг ёлдор тулпорлариидир,
балки қора элчилари ажалнинг, унинг жарчилари.
Бу сарбаланд Исоий Масиҳ қалбининг таназзули бу,

Етмиш икки томиримиз титратган ҳол бу, тандирдан
келаётган бадбўй, гўё ризқу рўзимиз – нонимиз
куйиб кулга айланәтири.

Инсон-чи!.. О, бу шўрлик, бандай ожиз!
Гўё кимдир қўққисдан ортидан келиб,
Исканжага олгандা унинг нигоҳида бир
эсанкираш ва бошидан кечган воқеалар
барча-барчаси айбордлик кўланкасидай
қотиб қолар нигоҳларида.
Тақдир зарбалари... Зарба, зарбалар...

ҚОРА КУН

Бири деди:
– Марнада нақ кўксимни ўқ
тешиб ўтганда бошимга тушганди
қора кун.

Бошқаси деди:
– Қора кунга Иокогамада бўлдим
гирифтор; зилзила соҳилдаги
барчани тўлқиндай ўз домига тортди,
қандай омон қолганимга
ишонгим келмас ҳамон.

Яна бири деди:

– Башарти кундузи ухласам,
ўша менинг энг қора куним.

Бошқаси деди:

– Перуда қамоққа олинганимда
дучор бўлдим қора кунимга.

Яна бир бошқаси деди:

– Отамни тушуниб етган сана мен
учун энг қора кун бўлганди рости.

Ҳамон мум тишлагандай жим ўтирган
кимса эса шундай деди:

– Минг бор шукур, қора кунга
йўлиққаним йўқ.

* * *

Ё Раббий, бандангга раҳм қил, раҳм,
Машаққатсиз нон йўқ, ғуссасиз йўқ кун.
Гар ожиз бандангмиз ожиз, бефаҳм,
Ортдинг зиммамизга бор дунё юкин,
Марийни ҳам кўмдик бизлар, Оллоҳим!

Бўлганингда агар Сен ўзинг инсон.
Афтода ҳолимиз англар эдинг сен.
Ҳадялар улашиб, улашиб эҳсон,
Доду фарёдимиз тинглар эдинг сен.
Инсонлик қисматин ким айтар осон?!

Мен зулмат қўйнида тебраниб, толдим,
Мактұлман, кундага қўйган бошини.
Мулки адам ичра йитдим, йўқолдим,
Хўрлама лоақал банданг лошини,

Дунё – дунё эмас, бу – қиморхона,
Ҳаётимиз, ҳайҳот, тикилган довга.
Бемантиқ, беҳисоб турфа баҳона,
Қул айлар қисмат деб аталган ёвга.

То бизни яратдинг Сен қилиб инсон,
Қисматимиз ўзинг осон қил, осон!
Хору зор этгандан яксон қил, яксон!

ГРЕК ШЕЪРИЯТИДАН

Константинос КАВАФИС

Имкон қадар

Гар яшай олмасант хоҳлаганингдек,
Бош-кетсиз йиғинлар ва юз кўришлар,
Суҳбатлар, ташрифлар ва учрашувлар
Чоғида гердайиб шармандаларча
Тубанроқ кетишдан бўлгил эҳтиёт.

Гўёки бегона қисматдан безор
Этмасин десанг гар беҳуда йиғин –
Лавралар чоғида этмайин кўз-кўз
Бутунлай аксини этиб эътироф
Асоссиз алқаб ҳеч қилма ҳақорат.

Қасам

Ўзгача яшашга қасд этар ҳар гал,
Бироқ тун келгач сўнг салобати ва
Талабчан ҳам ташна тан ҳукми илиа
Қалтис эҳтиросга боз бўлар таслим.

Дарча

Қора кунлар тушди бошимга,
Чарх урганча зим-зие ҳам тор
Кулба ичра дардимга дармон
Қидираман зиёбахш дарча.

Тополсайдим биргина дарча
Мушкулларим бўларди кушод.
Бироқ ҳеч бир нишон йўқ, балки
Маъқулмикан қидирмаганим.

Сариқ олтин сабрнинг таги –
Шукур қилиб яшайверайми?
Худо билар ташна этган нур
Не савдолар солар бошимга.

Ҳеч гап эмас ахир ёмғирдан
Қутилиб боз тутилмоқ қорга.

Антонийни ташлаб кетар Дионис

Нақ ярим кечада кутилмаганда
Янграса ногаҳон нағма-наволар –
(Илоҳий мусиқа ҳамда овозлар)
Баногоҳ қасдашганд қисмату
Амалга ошмаган ишларинг,
Сароб бўлиб чиққан умидлар –
Учун ҳеч беҳуда чекма ғам-алам.
Ҳаммасига ҳозир, Искандария –
Ила хайрлашгил дадил, мардона.
Шунчаки туш ва ё босинқираш деб –
Алданма ёлғон-пуч умидларга боз.
Ҳаммасига ҳозир, Искандария
Ила хайрлашгил дадил, мардона,
Сирли-синоатли нағма-наволар
Бўларкан дардингга таскин-тасалли
Шикоят, бачкана гина-кудратлар
Аразлардан холи оҳанграбо куй
Қўшиқларнинг дилбар оғушида маст
Искандарияга айтгил алвидо!

Некин донишмандлар

*Зеро, Тангрилар келажакни, одамлар фақат ўзлари
яшаб турган даврни, донишмандлар эса бўсагада
турган воқеаларни каромат қила оладилар.*
Филострот,
Аполлоний Тианскийға,
VIII, 7.

Одамлар замона гирдобига тек,
Иқболни Тангрилар қилур каромат.
Оқил донишмандлар илғашга қодир
Бўсаға турган воқеаларни.

Олмос янглиғ ақл-идроки
Чўмаркан тафаккур уммони ичра
Во ажаб, бўлғуси ҳодисотларнинг
Сирли-синоатли, хавотир тўла
Шиддатин сезарлар некбинлик билан;
Басир оломон-чи, гувранади тек
Кундалик ташвишлар исканжасида.

Кутиш

Аҳли шаҳар нечун майдонда?
Босқинчилар келгайлар бугун.

Сенат ҳам тинч, мажлис йўқ, қонун
Чиқаришмас сенаторлар ҳам?
Босқинчилар келмоқда босиб,
Қонунни ҳам чиқаргай улар.

Хоқонимиз сахардан шаҳар
Дарбозаси ёнида таҳтда
Тожин кийиб ўтирар нечун?
Босқинчилар келмоқда ахир.

Хоқонимиз улар сардорин
Қарши олгай ва аллақачон
Тайёр асл ҳадъялар. Унга
Юксак мартабалар қилишар инъом.

Преторлар – консуллар нечун
Елкасида алвон ёпинчиқ,
Нечун қиммат билакузуклар
Зумрад кўзли узуклар таққан?!

Босқинчилар келгайлар ахир
Сеҳрлагай уларни зиёнат.

Кўринмайди нотиклар нечун
Баъзиларнинг ўтмоқда қадри.
Босқинчилар келгайлар ахир,
Ҳафсала йўқ нотикларда ҳам.

Нечун бунча шаҳар безовта?
Хиёбонлар ҳувиллаб ётар.
Талвасада оломон нечун
Беркингани ошиқар уйга.

Кеч ҳам кирди, босқинчилар йўқ,
Аслида ҳам бўлмаганлигин
Сарҳадлардан қилдилар маълум.

Холимиз не кечар уларсиз
Айбимизни қандай оқлаймиз энди?!

Күзгү

Қаср эшигидә мунаввар күзгү,
Күзгүки, бағоят йирик ва күхна,
Не тонг, саксон йиллик бўлса у магар.
Хушбичим йигитча, Чевар саркори
(дам олиш кунлари спорт билан эш),
Тутун ила эшик олдида. Кимдир
Тутунчани олиб, васиқасини
Кириб кетди олиб чиққали. Саркор
Якка-ёлғиз комрон турарди кутиб.
Бўйинбогин күхна күзгуга боқиб
Ростлади. Ва ўтгач тўрт-беш дақиқа
Васиқани олиб, қўл қўйиб кетди.
Бироқ ғоят узун умрида минглаб
Чеҳралар акс этган күхна күзгуда
Бетиийқ барқ – қувонч, ки сурур, тантана,
Чарақлар ифтихор, гарчи оз фурсат
Бағрида жо-бажо айлади танҳо
Ва бўлди илоҳий чиройга таслим.

Илк девон

Феокрит ила суҳбатда
Ҳасрат қилди ёш Евмений.
«Нақ икки йил чекиб машаққат,
Ягона шеър ёздим айтишга лойик.
Англашимча, саноғи йўқ ҳеч,
Боз устига юксакдан-юксак
Пиллапоялари назмнинг.
Оҳ, аранг илиндим ilk зинасига,
Қўрқаманки, ортиқ юксалолмайман».
Феокрит юпатди: «Ҳасратинг, дўстим,
Ноўрин, шаккоклик устига-устак.
Дастлабки зинага чиққанинг билан
Фуурлансанг арзир мамнун, мардона.
Бутун бир довонни эгалладинг, боз
Шеъринг тилга тушиб, қозондинг шухрат.
Ўзгалардан сени юксалтирган хур
Шеъриятнинг шу ilk пиллапояси.
Имону Эътиқод шаҳристонининг
Асил марду майдонлари тек
Юксала олгай бу пиллапояга.

Ҳаммага ҳам насиб этавермас баҳт:
Чинакам жўмарлар ёмбидай камёб.
На зўру зар билан ва на ўзга бир
Қинғир йўллар ила келмас бу толе,
Сен-чи, илк довонни забт айладинг, боз
Шеърингга муносиб қучдинг шон-шуҳрат».

Шаҳар

Айтингки: «Кетяпман бадар, ўзга бир
Денгиз ҳам шаҳримдан афзал юрт топай.
Ўлар бўлсам ўлдим бу хор шаҳарда.
«Кўнглимни ёритар бир пайса нур йўқ».
Қайга кўз ташламай валангор-вайрон:
Қисматга қасдма-қасд, аччиқма-аччиқ
Ҳаётим батамом айладим барбод».

Ўзга юртда денгиз қидирма йўқ, ҳеч,
Соянгдай эргашиб борар ўз шаҳринг.
Кўз ўнгингдан кетмас қадрдон макон,
Қорга тутиларсан ёмғирдан қочиб.
На йўл бор кетмоғинг учун, на кема.
Қисматга қасдма-қасд, аччиқма-аччиқ
Бор ҳаётинг барбод айлабсан токи
Наинки ўз юртинг, бутун дунёга
То абад етти ёт бегонасан боз!

Аср кирганда

Бу хона мен учун қадрдон ғоят.
Ижарага олган ҳозир бир маҳкама
Қўшни хонани ҳам қўшиб. Бутун бино
Хуқуқшунослару савдо ширкати тасаррӯфида.
Мен учун қанчалар бу хона азиз!
Эшикнинг олдида туради диван,
Турк гилами тўшалган полга.
Бир жуфт сарғишиш кўза бўларди манави рафда.
Ўнгда, йўқ-йўқ, сўлда – кўзгули жавон.
Ўрталиқда эса стол ва учта қулай
Йирик сариқ ўриндиқлар жой олганди.
Деразанинг ёнида – юратим орзиқар эсласам
Ҳар гал – каравот бўларди икки кишилик!
Худо билар қайда қолди буларнинг бари!

Каравот шу жойда турарди. Кун пешиндан оққанда
Үртасигача келарди қүёшнинг заррин нурлари.
Асир кирганида, янгишмасам, соат тўртлар атрофида
Ҳафта ўтиб учрашишга келишиб ажралишдик.
Қанча ою йиллар ўтса-да ҳамон
Охири кўринмас бу ҳафтанинг ҳеч.

Эпитафия

Самос фуқароси, ётибман маҳзун
Ганга соҳилида. Мен бу ёт маконда
Зориқиб ғам чекиб ўтдим армонда.
Мана ер. Қаққайган гариф қабртош
Ҳаммасин беркитди. Чорлади йўллар,
Денгизларни кездим. Тилло-зарга ўч.
Тўфон улоқтириди Ҳинд заминига
Сотдилар кўл қилиб. Заҳматкаш, забун
Самосдан йироқда йиллар занжирин
Судраркан ўйладим сўнгги он мамнун:

Қўрқмайман ўлимдан, Арши аълода
Юртдошларим ила топишиб тақрор
Беармон сўйлашгум она тилимда.

Итака

Итакага отланаркансан
Саргузашту ажойиботлар
Илму урфон, заковат роҳи
Узундан ҳам узун бўлмоғин
Илтижо қил Яратгандан боз.
Посейдону ялмоғиз, девлар
Фазабидан чўчима асти.
Эзгу ният токи қўш қанот
Фов бўлолмас ҳарчанд ғаддор ёв.
Кимки жўмард, мардона, ботир
Арвоҳлар ёр, пирлар мададкор.
Илтижо қил Яратганга боз
Йўлинг бўлгай узундан-узун.
Етти ухлаб тушга кирмаган
Ўлкаларга янгидан-янги
Қайта-қайта ҳайратга тўлиб
Кириб бормоқ айлагай насиб;

Финикия – бағридарё эл
Меҳмони бўл азиз, каҳрабо
Дур-жавоҳир, шириндан-ширин
Қандолатлар айлагил харид;
Сўнг кезиб боз Миср кентларин
Донишмандлик илмига қонгил.
Сафарингда олисдан-олис
Сўнгги манзил бўлгай Итака.
Шошма, йўқ, йўқ, билъакс қўпдан-кўп
Йиллар давом этгай сафар то
Йўл-йўлакай қўйни қўнжинг ҳам
Заковатинг болдай қуюлиб
Ҳар не тубан таъмадан холи
Хизрсифат оқсоч нуроний
Итакага боргайсан кириб.
Итаканинг чорлови насиб
Этмиш, ё Раб, бекиё толе
Бахт бўлмагай бундан-да зиёд!
Итакага етгач гар ғариб
Туюлса ҳеч бўлма пушаймон.
Мусофирик ошин ичиб боз
Мўмин бўлинг вазмин, англадинг
Итаканинг туб моҳиятин.

Георгос СЕФЕРИС

«Саодатли Одиссей монанд
дунё кезган жаҳонгаита зот».

Шак-шубҳасиз, сафар олди туйган бўлса гар
ҳар томири, шоҳтомири-ла
юракларда тўлиб тошган ишқ-
муҳаббат салоҳиятин.

Содик, событ, барқарору
мусиқадек музaffer-ғолиб,
ҳамда бизлар билан бизда тугилган –
йтмайдиган балки биз билан
барҳаёт ишқ-севги қувватин.

Шундай бўлса не ажаб, бироқ аён эмас ҳеч кимсага бу.

Муҳаббат – сир синоат
асорларин айлагил ошкор
дэя такрор қилдим таввало
фарғотли шоён лаҳзада.

Мусофиридай олис бегона юртда тез-тез
қулоқ тутдим ишқ-муҳаббат долғаларига:
қадрдон денгиз янглиг шовуллайди у,
у – баайни зарбаси баҳор қасирғасин қақшатқич.

Ва ўнгимда жонланар лавҳа –
термиларман Одиссейга ҳайратта түлиб:
мана у, денгизнинг шўр шамоли қизартириб,
яллиғлаган кўзлари билан
гўшасидан юксалган тутун ва дарбоза ёнида кутавериб
қартайган итин
яна бир бор кўрмоқ истагида ўртанар бағри.

Сафарлар оқартирган мардона боши
юксаларкан кема саҳнида
тўклилар лабларидан пайдар-пай
йиллар қаърин тилка-пора айлар сўзлар
кўз ёши монанд.

Олға томон узатар
кеманинг арқону тизимчалари,
гоҳ қаҳратон, гоҳи саратон,
гоҳ шиддатли довулу бўрон
дағаллаштирган қонталаш қадоқ қўлларин.

Аъмоллари далолати ҳётимииздан
ғайриоддий чақчайган бир кўзли баҳайбат
чала инсон, чала йиртқич маҳлуқлар ҳамда
хотирадан маҳрум қилиш учун чофланган
газандалар ҳайдалишидан.

О, қанчалар сон-саноқсиз бу маҳлуқотлар!

Наҳотки муқтадир Тангрилар эмас,

маҳв айлаган уларни инсон?!

О, Одиссей ҳақиқатдан улуғдан улуг!

Ахир, маслаҳати билан беназир

Ахеяликлар ясад ёғоч от

Трояни енгмадиларми?

Гоҳо қаршимда бўлар-да намоён,
йўлин топиб ё айрича от билан
даъват айлар ўз Троям забт этгали.

Фарзандидек мен билан
сўзлашади бамайлихотир:
кекса балиқчилар каби сўзлар у –
улар нола қила бошлагандা қиш

тўрлар уюмига ёнбошлаганча
мени овунтирмоқ, аллалаш учун
куйлардилар титраб овози
Эротокритос қўшигини
ва мен уйқу аралаш қайсар қисмат Аретусани
мармар пиллапоя бўйлаб қуйига
етаклаётганлигин қадам-бақадам
тинглар эдим кўркувдан титраб.

Одиссей ҳар бир елкан ёдга соглан хотиротларнинг
чида бўлмас азобидан сўзлайди яна,
шунда фақат қалбинг раҳнамо:
зимистон тун – яккасан, якка,
хас-хашақдай ҳатто эпкин измидасан сен.

У яна бало-офатлар тўрт томон улоқтирган
дўстлар ҳалокатин шоҳиди бўлмоқ
азобидан сўзлагай ёниб.

Гар саноқли тирик қолганлар
вале шаҳид мардона зотлар
руҳи билан ҳамдам, ҳамсуҳбат
юрагингга тўлар куч-қувват.

Сўзлайди у... афсонавий Горгонанинг қиёфаси
кўнгилдагидек нақш қилинганин оҳиста
пайқагандек қўллари менга
қийғос қишида ҳадя айлар ложувард денгиз.

Робиндрнат ТАГОР

Бенгалия! Азиз юртим! Ватаним, онам,
Юрагимда мангу янграр шўх-шаън таронам.
Гулга кирган анбаҳзорлар дардимга дармон,
Сеникиман, сеники мангу!
Ҳосили мўл ғаллазорлар бекиёс, ёху!

Тонгларингнинг таровати лол айлагай, лол,
Яйловлару қир-адирлар наъшаси иқбол,
Ҳаётим ҳам мамотимсан, юртим, бегумон,
Сеникиман, сеники мангу!

Бошингга ҳар тушган кулфат мен учун – оғу!

Долгалардан йироқ ўсдим ҳам қувнаб, яйраб,
Кўксимдаги қумрим мадҳинг куйлагай сайраб,

Оқшомлари чироқларинг порлагай шоён,
Сеникиман, сеники мангуй!
Кучогингтга боз талпингган дилбандингман шу!

Яйловларда түп-түп уюр, қўзилар-қўйлар,
Сойлар бўйи, ўрмонларда тизилган уйлар.
Қўли қадоқ элинг ором билмагай ҳамон,
Сеникиман, сеники мангуй!
Ҳар чўпонинг оғам, ҳар бир деҳқон оғам-ку!

Тавоб этгум хоки покинг, эй меҳригие,
Хоки покинг дардга дармон, малҳам, тўтиё!
Жисму жоним сенга нисор этгум беармон.
Сеникиман, сеники мангуй!
Ҳар не сенга ёт-бегона, менга ҳам ёт – у!

ЖАҲОЛАТ

Кимки жаҳолатга қул,
Иши қонхўрлик нуқул.
Гар бегона тавобдан,
Қуруқ қолмас савобдан.
Идроки ёритар йўл,
Эзгу ишга урап қўл.
Қотиллик қилиб жоҳил,
Жиноятга эш, дохил.
Хаётин тортиб олиб,
Шайтонлик келди ғолиб.
Қонли яловлар қўлда,
Қонсираб изгир йўлда.
Кин-адоват, иллатлар,
Фазаб, кўркув, кулфатлар,
Улар учун муқаддас,
Faфлатта ботдилар, бас.
Вале замона бўрон,
Барин янчар бегумон.
Тоғдай чўнг манфур кусур,
Ярог ёвуз не аср.
Унут севги-ишқ тамом,
Қаттол қирғин, қатли ом.
Қайта-қайта ёвлашиб,
Чоҳ қаздилар довлашиб.
Ё Раб, ўзинг қил шафқат,
Диллардан кетгай нафрат.

Қирмизи қон, ол-алвон,
Саройларни эт яксон.
Бағишилаб шодлик-қувонч,
Жаҳолатни санчиб янч.

* * *

Булутларнинг карвони,
Кўланка ташлар қирга.
Парвоз айлагин, қалбим,
Сен ҳам биргама-бирга.

Ҳалокатли ғафлатни
Тарк айлагил, етар, бас.
Кенгликларга тўш ургил –
Булутларга басма-бас.

Ғуссаларинг чақмоқдай
Тилкалаб бор ҳавони,
Титратсин гулдиракдай
Замину кенг самони.

Музaffer ғолибона
Парвоз айлаб беармон,
Синоатлар бағридан
То абад топгил макон.

* * *

Барчасидан воз кечиб, отланди ярим тунда:
«Чорлар мени Худойим, ортиқ қоломмабунда.

Қай куч мени то ҳануз кетгали қўймас йироқ?»
«Бу – мен!» ҳайқирап Худо, эшитмас ғофил бироқ...

Кўз ўнгида, тўшакда бағрида норасида,
Гўдаги билан ухлар хотини ёш, расида.

«Раҳмонми булар ёхуд...» термилар у даргумон.
«Булар – менман!» дер Худо, эшитмас осий ҳамон.

Йўлга тушар дафъатан, деди: «Қайдасан, ё Раб?»
«Қаршингдаман!» дер Худо, кўрмас сўқир қалб қараб.

Ярим кеча, чақалоқ, йиғлар чўчиб безовта.
«Қайт ортингга!» дер Худо, эшитмас ғофил ота.

Умидин узган Тангри дейди: «Қайга чопарсан,
Гўшангда қолдим, нодон, излаб қайдан топарсан?!»

* * *

Юксакларда чақмоқ ёлқини,
Замин узра зулмат түлкини.
Йүқсуллару бойлар қилиб жанг,
Бир-бировин ҳолин қилар танг.
Уруш тикиб қонли яловин,
Авж олдирар қирғин оловин.
Күз тикканлар ошу нонига,
Ташна қилди элни қонига.
«Үр-ҳо үр»лар чорлайди жантга,
Саройларни күршар алангга.
Кучоғида минг йиллик сирлар,
Құлар бир-бир асрий қасрлар.
Жаннатмакон бетимсол Ватан,
Вайронага дўнап дафъатан.
Мұхаббатнинг, меҳрнинг кони,
Даррандалар манзил-макони.
Гар уқубат бисёр, кўп жуда,
Тангрига тош отма беҳуда.
Гуноҳларга ботган бу замон,
Оташларда ёнгай беомон.
Тўлиб тошган сабр косаси,
Бўронларга дўнгай халқ саси.
Етмиш икки томиришимизни,
Титратиб зор қақшатган бизни,
Тўлғоқ дарди даҳшатли гарчи,
Иқболдан бонг урап бу жарчи.
Қонсираган ёвуз йиртқичлар,
Қўлларида қалқон-қиличлар.
Дуч келганинг олар бошини,
Босиб янчид ўтар лошини.
Қайнаб тошган сингари вулқон,
Қон қоплар ер юзасини, қон.
Келар замон хур дориломон,
Ёвузиликни енгар беомон.
Тинар қирғин-баротлар бонги,
Ва балқар хур ҳаётнинг тонги.
Токи банди этмагай овлаб,
Ваҳимани олгил жиловлаб.
Бандасининг кўп иллатлари,
Танбалликдан уларнинг бари.
Битта қолмай бари йўқолгай,

Вайроналар остида қолгай.
Тўда-тўда оми оломон,
Ошиқарлар бутхона томон.
Ақли қосир банда бечора,
Ибодатдан ахтарар чора.
Гўё тинмай қилиб муножот,
Нажот топар одамзот, нажот.
Ҳов анавои хасис бой акам,
Эҳ, ахволи минг бор вой акам!
Қизғанма кўп сариқ чақани,
Берсанг бер-да, бас, садақани.
Тўлиб тошар гарчи бойлигинг,
Кўрмадик ҳеч ҳотамтойлигинг.
Найрангбозлиқ ҳар ишинг, сўзинг,
Ўзинг тўйдинг, тўймас ҳеч қўзинг.
Йироқсан гар номусдан ордан,
Умидворсан Парвардигордан!
Одил ҳакам Ҳақ-Парвардигор,
Сохта тақво унга на даркор!
Бироқ имон, то эътиқод бор,
Токи Тангirim ҳам мададкор, ёр,
Қабул бўлиб дод-оҳларимиз,
Тўкилгай бор гуноҳларимиз.
Ва ҳур Ватан куйлаб шўх ялла,
Янги ҳаёт бошлар баралла.

* * *

Бенгалия, Ватаним,
Фидо сенга жон, таним.
Ҳар ўғлонинг, эй она,
Парвариш қил мардона.

Кишанлаб қўл-поини,
Қафас қилма жойини.
Тутиб икки қўлидан,
Қайтарма ҳеч йўлидан.

Олам кезиб беармон,
Дардингга топгай дармон.
На хадик, на хавотир,
Улгайсин жасур, ботир.

Бенгалия ўғлони,
Ҳақ-Эзгулик посбони.

Зарур, керак онда у,
Кечар ҳатто жондан у.

Аритар ҳар дардингни,
Севсанг гар ҳар мардингни,
Дўнмагай муте, қулга,
Қанот бўл сен ҳар дилга.

Юртим-ай, манглайи шўр,
Мехрингми айлаган кўр.
Ўғлонларинг беадад,
Қаҷон бўлар куч-мадад,
Қаҷон оқлаб нонингни,
Юксалтираш шонингни?!

* * *

Қуриган шох-шаббамни майдада-майдада қил бўрон.
Сел ҳам жалалар билан булутлар соглай сурон.
Моҳирона чертгайсан ёмғирлар чилторини.
Поклагайсан қатма-қат хотирам губорини.
Ҳар неки биттан куни, бўрон, келтиргил қирон!
Ёмғирларнинг кўйинида покланар жисму жоним.
Бағрига босар суйиб ҳувиллаган маконим.
Тўлиб-тошар дарёлар сув босар боғни.
Ялпиз ҳидидай сасим қучар сарбаланд тоғни.
Жўшқин қалб билан такрор навқиронман, навқирон!

* * *

Чопар айтар: «Эй рожа, бир қошиқ қонимдан кеч,
Маъбадингга авлиё яқин йўлай демас ҳеч.
Ўрнашиб йўл бўйига – туташган қир-адирга,
Тақводорлар билан у ибодат қиласар бирга.
Тангрига ҳамду сано айтар улар чувиллаб,
Зарҳал ибодатхонанг ётар бунда ҳувиллаб.
Тиллога ҳам топилмас уясин ташлаб, ташна –
Бол ари дала-даштга бўлгани каби ошна,
Муҳташам бу маъбадни унтибиб ёшу қари,
Гард-губорга беланиб ибодат қиласар бари».
Тахтин тарк этиб рожа йўлга тушди хезланиб,
Ва деди майсазорда авлиёга юзланиб:
«Шоҳона маъбадимиз ҳувиллаб ётар унда,
Тоат-ибодат қилмоқ жоизми ахир бунда?»

Авлиё дер: «Шоҳона маъбадингда Худо йўқ!»
«Шаккоклик қилма!» дея рожа унга урар дўй.
«Муқаддас меҳробда нақ турар Тангрининг ўзи,
Меҳробу Тангрини ҳам кўрмас сўқирнинг кўзи!»
«Илло, кимсасиз эмас ибодатхонанг, эй шоҳ,
Макон айлаган уни дабдаба, ҳашамат, жоҳ.
Афсус, олий маъбадда Тангридан йўқ ном-нишон,
Ўзинг Тангри, ўзинг хон, ўзинг ҳам имом-эшон!»
«Билармисан, сармоя сарфладим даста-даста,
Чиройига жумла эл боқар ҳайрат-ҳавасда.
Худо йўлига уни қурганман истаб савоб,
Нечун унда Тангри йўқ? Худодан кўрқ, бер жавоб?»
Авлиё дер хотиржам: «Ёдингдами қай сана,
Ўт балосига элинг йўлиққани росмана.
Пойингга бош уриб боз нажот истаб келган пайт,
Ўз элингнинг дардига дармон бўлганмидинг, айт?!
Рўшнолик топмай сендан аҳли юрт, қашшоқ, ғариб,
Тарқаб кетди тўрт томон бошпана, ризқ ахтариб.
Форлар, ўрмонзорларда ёввойиларга ўхшаб,
Кун кечирди шўрлик эл неча йил қашшоқ, қақшаб.
Сен эса молу мулкинг ҳеч раво кўрмай элга,
Ибодатхона қуриб, совурдинг гўё елга.
Шу боис бу маъбадинг илоҳийликдан холи,
Иzzатталаб таъмагир нафсингнинг тош тимсоли.
Бундай эҳсонинг ҳатто Худога ҳам келмай хуш,
Афсус-надомат билан шундай сўйлаган хомуш:
«Фаровонлик, Адолат, Меҳр-Муҳаббатга кон,
Менга юксак, мунаввар Арши аъло хур макон.
Таъмагирлик дардига мубтало ҳам кўр-басир, -
Ўз элини унутиб ким менга қурад қаср?!»
Тангрим айтиб шуларни кошонангни тарк этган,
Қашшоқларнинг бошига соябон бўлиб кетган.
Гарчи ибодатхонанг зарҳал, нуқра ялтироқ,
Кимсасиз хор кулбадай, аттанг, ичи ялтироқ!»
«Ким ҳукуқ берди сенга тик қарашга юзимга!»
Титрар дарғазаб рожа: «Бас, кўринма кўзимга!»
Авлиё дер: «Сен ҳануз қулсан қаттол ҳукмга,
Аҳли имон не, ҳатто кун бермайсан ҳеч кимга!»

УРУШ

Қон дарёси дунёни тутар,
Ютар шаҳар-қишлоқни, ютар.
Қирғин-барот чиқар авжига,
Замин чўмар қоннинг мавжига.
Янчар-санчар лашкар минг туман,
Салтанатлар қулар юз тубан.
Ва ёвузлар йиртқич галадай,
Мўр-малаҳдай ёппа талагай.
Талон-тарож, золимлик иши,
Дудумадай чархланган тиши,
Ёв-ғанимлар улар учун кам,
Ғажиб талар соҳибларин ҳам.
Қора қонни боз ичган кез бу,
Эътиқоддан воз кечган без бу.
Гёё Қахҳор муқтадир қахри,
Оташ бўлиб ёғилар заҳри.
Ва минг йиллик гуноҳлар кабир,
Минг балога дўнар бирма-бир.
Майхоналар вайронга, ҳароб,
Фаровонлик, фароғат сароб.
Ёддан чиққан Ҳақнинг каломи,
Шайтон билан оломон оми.
Маишатбоз пулдорлар, қара,
Ўзи учун тиклар мақбара.
Қонсираган ваҳший тутоқиб,
Ўз қонини ичар ютоқиб.
Аста-аста, ниҳоят кам-кам,
Қирғин-барот топаркан барҳам,
Қаҳру ғазаб, нафратдан толиб,
Инсонийлик музaffer, ғолиб.
Вайроналар узра ўкиниб,
Ёлбораркан Ҳаққа юкиниб,
Инсон олиб то ўзин кўлга,
Тушиб олгай ҳақ, равон йўлга.
Не ажаб, бу қиёмат қасос,
Бахтимизга бўлгай ўқ-асос!

ХИНД ДИЁРИ

Хинд диёри, мунгли асира,
Дардинг ором бермайди сира.
Кун ботарда қайгули достон,
Чорлар мотамсаро Ҳиндистон.
Азал-абад бу қадим ўлка,
Боши узра зулмат-кўланка.
Агра, Делҳи – шаҳарлар қадим,
Гоҳ жоҳил, гоҳ оқилга надим.
Кошоналар, қаср, саройлар,
Пештоқида юлдузлар, ойлар.
Хор қисматга гүё қасдма-қасд,
Нажот истаб кўкка чўзган даст.
Кимнинг кулиб боқар омади,
Кулфат кимнинг бор даромади.
Холи эмас кулфатдан баҳти,
Мўрт баҳтидай омонот тахти.
Сиёсати кун сайин ўзга,
Эл ёлчимас кафандик бўзга.
Гар йўқ эмас комил, тўғрилар,
Урчиб ётар каззоб-ўғрилар.
Тожу тахт деб қилас қаттол жанг,
Шўрлик авом ҳоли забун, танг.
Зебу зийнат айлаган басир,
Юҳо қавм, нафсиға асир.
Аксар дўниб молпараст говга,
Она юртинг тикканлар довга.
Неки аччиқ қайгули достон,
Қабристондир қора Ҳиндистон.
Кимлар ғолиб, ким ғолиб пухта,
Юрт шонига қўйғанлар нуқта.
Халқнинг қудрат-ғурури синган,
Саёзлашиб туби кўринган,
Ҳолсиз Жамна оқаркан бесас,
Кулоғимга чалинар бир сас:
«Шон-шавкатдан кир шуъла қолди,
Армон тўла ашула қолди».

* * *

Аста-аста ғарибдай хаста,
Даста-даста кечар шикаста,
Давронларнинг карвони узун,

Авлод-аждод фузундан-фузун.
Титратиб бор еру самони,
Голибларнинг ўтар карвони.
Патаналар келиб кетарлар,
Бобурийлар қўниб ўтарлар.
Қаландарлар, ҳоқон, ҳакимлар,
Бу йўллардан ўтмаган кимлар.
Мангу макон улар барига –
Сингиб кетган мозий қаърига.
Ҳукми тарих.. Ва лекин ҳамон,
Саҳарлар соғ, ложувард осмон.
Замон ором биларми асти,
Қилич тутиб забардаст дasti,
Жаҳонгирлик қурқуга солиб,
Инглизлар бир муддат ғолиб, -
Ва лекин ҳақ замона зайлар,
Бу кун гойиб уларнинг хайли.
Аҳли тужжор елдай бетиним,
Қўним топмас, ҳеч топмас қўним.
Даврон ўзга, гар ўзга замон,
Асрий йўллар гавжум то ҳамон.
Авлод келар авлод кетидан,
Ўтиб борар замин бетидан.
Қўлларида дастур, қўлланма,
Дорилбако томон йўлланма.
На саноги, на-да бор сони,
Турфа қасби, турфа лисони.
Турфа қисмат, турфа яшар у,
Аҳли одам, аҳли башар у.
Шоҳлар тожи ортиқ порламас,
Ноғоралар жангга чорламас.
Қабилалар ортиқ ёвлашиб,
Қон тўкмагай обрў талашиб.
Қирғин барот мозийда қолган,
Эртаклардан бу кун жой олган.
Меҳнат билан машғул эл-авом,
Давом этар ҳур ҳаёт, давом.
Гар гоҳ қувонч, гоҳ ғамга улфат,
Ёт-бегона асрлик кулфат.
Жабр-зулм вайронасида,
Ҳур ҳаётга куйлар қасида!

* * *

Васлинг жомига ташна
Остонангга урсам бош.
Қучоғинг очиб катта,
Кутиб олгил, қаламқош.

Жұмла жаҳондан ортиқ -
Минг жоним сенга тортиқ.

Висолинг оханрабо,
Ошарман чүнг төғу тош.
Қучоғинг катта очиб,
Кутиб олгил, қаламқош.

Тарона дарди дилим,
Эшитиб нолам, гулым,
Кулба бамисли қафас,
Қошимга чиқ бир нафас.

Зулматда хароб ҳолим,
Бас, тутмагай уволим.

Мушкулим айла осон,
Тугаб битди бор бардош.
Қучоғинг катта очиб,
Қошига кел, қаламқош!

Жуброн Ҳалил ЖУБРОН

ҚЎШИҚЛАР

Оҳанг

Рўҳим теранликларида оҳанг, қаломлар либосин истамас. Оҳанг юрагим сувайдосида, сиёҳ ила қофозга муҳрланишни хоҳламас. Ҳис-туйуларим Чин шойисидай ўраб-чирмар-да, ҳеч қачон забоним ила булбулдай куйламас.

Бу таронани не асно оғоз айлай, ахир ҳатто губорлардан ҳам хавфсирайман. Уни ким учун ижро этай, ахир қалбим қасри ичра дориломон мақоми ила маст, ва биронта ҳам тингловчи англай ол-маслигидан хавотирдаман.

Кўзларимга назар солсанг, лаҳн жилвасини кўражаксан; бармоқ-ларим учларига хиёл тегинсанг, бас, сирли тебранишини ҳис этажак-сан.

Юлдузлар жилваси кўлда жимирилагандек қўлларим имо-ишора-сида тараннум намоён; бағрига жазирама ҳаяжон солганда гул ғун-часи сир-асорини томчи шабнам кашф айлагани каби кўз ёшларим суруд қулфини очади. Бу шундай алҳонки, осойишталик оғушида очилади, шовқин-суронда ёпилади; уйқу оғушида узлуксиз куйлайди, бироқ хушёрлик хонишига чек қўяди.

Бу муҳаббат алёри, о, мўминлар! Уни қайси Исҳоқ куйлайдию қайси Довуд оғоз эта олади?

Тараннумки, ёсуман атридан ҳам муаттар – қай маҳоратли ҳофи-зи замон амрига бўйсиндира олади? Наврастга ҳурлиқо сирларидан ҳам гизли – қай бир нафис соз тори ифода этишга қодир?

Безовта дengиз тўлқинлари пишқириши билан булбул хониши қовуша оладими? Бўрон ила норасида нафасини ким пайваста этади?

Маъбудалар алёрин қай банди ожиз куйлагай?

Тўлқин алёри

Мен ва соҳил – ошиқ-машуқлармиз; эҳтирос иккимиз пайваста айлагай, ҳаво бир-биримиздан жудо этар. Нуқрадай кўпикларим или зардўзи қўмлогини қовуштириш ва қалби оташига майи нобдай обим или ҳаёт бахш этиш учун ложувард тонг қучогидан келарман.

Тонглар маъшуқамга ишқим изҳор айларман ва у мени бағрига босар. Оқшомлар эса эҳтирос оятини куйлайман, ва у оташин бўслар или жисму жоним кўйдираш.

Мен безорио бебошман, маъшуқам сабру тоқат ила битишган, қатъият ила дугона.

Уммон юксалгани ҳамоно азизамни қучарман, уммон чекингани ҳамоно пойига қўшкўллаб ёпишарман.

Парилар уммон қаъридан чиқиб, қоялар узра юлдузларга маҳлиё термилганда, атрофида неча бор парвонадай чарх уриб, рақс тушганман. Дарди ишқ исканжасида ошиқ фифон тортганини неча бора эшитганман ва қалбининг маликаси ҳижрони дардини енгиллаштирганман. Қоялар ила неча бора сухбатлашганман, лекин улар соқовдай жавоб бермаган ва уларни қизиштириш илинжида қанча кулсам ҳам ҳатто жилмаймаган. Қанча чўкаётгандарни ҳалокатдан қутқарганман ва саломат келтирганман! Қанчадан-қанча дурларни уммон қаъридан олиб чиқиб, хусн мулки маликаларига ҳадя қилганман!

Faflat шарпаси жамики жонзотларни оғушига олган тун сукунатида мен бедор – гоҳ куйларман, гоҳ оҳ тортарман. Оҳ, шўр пешонам-а! Уйқусизлик ҳолдан тойдирди, vale ошиқман, муҳаббат мөҳияти эса – бедорлик!

Ҳаётим муҳаббат изтироби ила йўғрилган, то тирик эканман, факат ишқ изтироби гирдоби ичра яшагайман.

Ёмғир алёри

Бизлар – кумуш ришталармиз, Парвардигор амри ила самолардан заминга инармиз, бизни она табиат авайлаб оладию водий-вожаларни безайди.

Бизлар – фаришта Астарта - Иштар тожидан дувиллаб тўкилган мўъжизавор жавохирлармиз, бизни тонг арзанда қизи ўтиргану далалар бағри сочиб юборган. Мен юм-юм үйғларман – ва адирлар табассум улашади; мен қуий инаман ва гул-чечаклар самовотта талпинади.

Булут ва дала – ошиғу маъшуқ, мен эса улар орасида холис ишқ хабарнигориман. Мен тутдай тўкиламан ва бирининг қайноқ ташнилигини қондираман, яна бирори бағридаги пўртналарни даволайман.

Момоқалдироқ гумбурлаши ва чақмоқ зулфиқори ташрифимни овоза қиласи, найкамалак саргардонликларимга нуқта қўяди. Шу асно бу маводаги ҳаёт ҳам қаҳрли мoddият пойида ибтидо олиб, осуда завол дастпанжасида интиҳо топади.

Мен уммон қалбидан юксаламан ва насими ҳаво қанотларида парвоз айлайман. Жаннат мисол боф-роғни кўрганим ҳамоно кучогига шунғийман ва гуллар дудогидан бўсалар тераман, дараҳтлар шоҳларига пайвасталанаман.

Осуда лаҳзаларда биллурий ойналарни бармоқларим билан оҳиста чертиб куйлайман. Таронам инжа қалбларга оби замзамдай ҳаёт улашади.

Доям жазирама ҳаво, мен эса ҳавонинг алангали тафтини пасайтираман - жувон мастана ошиғидан олган қуввати ила уни шу асно енгади.

Мен уммон нафаси, мен самовотнинг оби раҳмати, мен яйловлару экинлар табассуми.

Шу асно муҳаббат ҳам – туйғулар уммонининг оташин нафаси, тафаккур самовотининг оби раҳмати ва қалб кенгликлари уфқлари ни безаган алвон табассум.

Гўзаллик алёри

Мен – муҳаббат сарбони, мен – руҳият майи ноби, мен – қалб қаноти.

Мен – атиргулман, субҳи содикқа қалбим очарман; мени пари пайкар оладию ардоқлаб бағрига босади.

Мен – саодат қасри, мен – қувонч сарчашмаси, мен – ҳаловат ибтидоси.

Мен – дилбар дудоғидаги ширин табассум; менга бўз бола нигоҳи тушгани ҳамоно мashaққатларини унугтади, ҳаёти лаззатли тушлар хиёбонига дўнади.

Мен – шоир илҳом париси, мен – мусаввирлар пешвоси, мен – муғанийилар мураббийси.

Мен – болакай нигоҳида порлаган машъала, уни мушфиқ волида кўрадио тиз чўкиб, таваллолар ила Парвардигори оламга беадад ҳамду саною шукроналар айтади.

Момо Ҳавво қиёғасини қасб этдиму Одам Атони маҳлиё айладим; Сулаймон пайғамбар қошида рафиқаси қиёғасида муҳайд ёбублиб, уни донишманд ва шоир қилдим.

Мен Еленага табассум ҳадя айладиму Трояни вайрон қилдим; мен Клеопатра бошига маликалик тожини кийдирдим ва Нил воийисини шодиёна қучди.

Мен – баайни қисмат: бугун барпо айлаганим эрта вайрон қиламан.

Мен – Оллоҳ амри билан ҳам жон бахш этаман, ҳам жон оламан.

Мен бинафша ифоридан нафису бўрондан қудратлиман.

Мен – ҳақиқатман, о, аҳли башар! Мен – ҳақиқат! Ва сиз англаган фунуни олий!

Саодат алёри

Инсонни севаман, башар ҳамширасиман. Васлига топинаману ү ҳам фирогим исканжасида. Во дариф! Кундошим борки, бахтим кушиандаси, инсонни эса азоблайди. Ёвуз кундошим – моддият, қай

томон юзланмайлик қора кўланкадай эргашади ва ўртамиизда қора тогдай юксалади.

Мен севганимни дала-даштлардан, дов-дарахтлар соя-салқинидан, кўуллар соҳилидан ахтараман – тополмайман! Моддият бошини айлантириб, шаҳарга, оломон орасига, ҳалокат ва кулфт ҷоҳига гирифтор айлаган.

Уни тафаккур масканларию донишмандлик қироатхоналаридан қидираман – тополмайман, илло минг бир қиёфали моддият уни худпарастлик саҳросига – аҳлоқсизлик шайтанатига мубтало қилган.

Уни мамнуният кенгликларидан ахтараман – тополмайман, зеро гаддор кундошим уни тийиқсиз нафс гори ичра занжирбанд айлаган.

Шарқ самоси алвон тонг табассуми билан жилваланганда қошимга чорлайман, даъватларим эшитмайди, фафратзада кўзларин илло-билло очомлайди.

Осоиишталик қанот ёзиб, гул-чечаклар уйқу бағрига бош қўйган оқшомларда оғушимда овутсам дейман, бироқ үндловларимга парво ҳам қилмайди, чунки фикру зикри бўсағадаги кун ташвишлари доимида.

Дўстим мени севади. Мени аъмолларида қидиради, бироқ фақат илоҳий амаллардан топади. Заифу заифалар бош суюкларидан тап тортмай барпо этган шон-шуҳрат қасридан, тиллою кумушлар орасидан топишга уринади, мен эса ҳиссиётлар жилғаси бўйида Тангрилар ижод қилган одимилик қароргоҳидагина унга пешвоз чиқаман. Ҳукмдорлар ва қотиллар гувоҳлигига дудоғимдан бўса олишни орзу қиласди, ҳолбуки фақат бокириалик чечаклари орасида ёлғиз лаъли лабларим майи нобидан сипқоришга изн бераман. У ўртамиизда маккорликни элчиликка танлайди, менга эса ҳалол меҳнатдан, беназир заҳматдан ўзга совчининг кераги йўқ.

Қонимга ташна кундошимдан дўстим доду фарёду айюханноларни ўрганди, мен эса таскин-тасалли топиши учун кўнгил кўзи билан йиғлашга ва шуқроналик билан энтишишларга ўргатаман.

Дўстим – мен учун, мен ҳам дўстим учун яралганман!

Атиргул алёри

Мен – табиат қаломиман, ирод қилгач, қалб дафинасига беркитади, сўнгра яна намоён этади. Мен – юлдузман. Ложувард фалакдан ям-яшил гиламга инганман.

Мен – табиий қудрат қизиман, қиши бағрида етиламан, баҳорда таваллуд топаман, ёз бўйи улгаяман и кузда уйқуга кетаман.

Мен – севишганларга совғаман, мен – никоҳ шодиёналари гулчамбариман, мен – барҳаёт Зотнинг марҳумга алвидо эҳсониман.

Саҳарлар ёруғлик ташрифини овоза қилишида шабадага кўмаклашаман, оқшомлар эса қушлар алҳони уйғунлигига у билан хайрлашаман.

Мен – яйловлар кучоғида яйрайман ва улар чехрасини дурдона ҳол каби безайман, ҳаводан нафас оламан ва уни муаттар атрит билан маст айлайман, мудраган караҳтиликни қучаман ва тун беадад кўзларини мендан узолмайди. Мен ягона алантали нигоҳи хиром айлаши учун нурафшон кунни соғинаман.

Мен шабнам майи нобини сипқораман, қумрилар нолишини тинглайман ва майсалар қарсаги-олқишидан мастона рақс тушаман. Олам офтобини кўриш учун самолардан нигоҳимни ҳеч узмайман ва кўланкам мавжудлиги хаёлимга ҳам келмайди. Бу шундай юксак донишмандликки, инсоният ҳали ҳануз ўзлаштиргани йўқ.

Башар алёри

«Ўлик танангизга жон берган, кейин
ўлим берадиган, сўнг яна тирилтир-
ганидан кейин Ўзига қайтажагингиз –
Оллоҳга қандай коғир бўласизлар-а?!»
(«Бақара» сураси, 28-оят).

Абадиятдан ҳам олдин мавжуд зоти шариф – камина ўша. Ва рўзи маҳшаргача безаволман ва ҳаётим абадий.

Мен чексизлик кенгликларида суздим, хаёлот оламида парвоз қилдим ва илоҳий ёғду меҳварига ёвуқлашдим – ва ниҳоят моддият тутқуниман.

Мен Конфуций таълимотини тингладим ва Бароҳим донишмандлиги уммонига чўмдим ва тафаккур ниҳоли пойида Буддҳа ёнида ҳозир бўлдим – ва ниҳоят жаҳолат ила инкор билан жанг қиласяпман. Тури Синода Мусо бўлиб, Тангри жамолини талаб қилдим. Урдун дарёси соҳилларида Иброҳим бўлиб, чўпонлик қилдим. Насоро қишлоғида Исо Масиҳ гаройиботларига гувоҳ, бўлганман; Мадинаи мунаvvarda бўлиб, Расули Акрамнинг (с.а.в.) қироатию ваъзларини сел бўлиб тинглаганман – ва ниҳоят шубҳа домидаман. Бобил қудрати, Миср шон-шуҳрати, Юнонистон виқори шоҳидиман – уларнинг жамики аъмолларида заифлик, хўрланиш ва ҳақирликни азоб ила муттасил кузатганман. Фиръавн афсунгарлари, Оссирия коҳинлари, Фаластин анбиёлари билан ҳам ҳамнафас бўлганман. Мен Ҳиндистонга инган донишмандликни асраганман, араб оролидагилар қалбидан майи нобдай қуйилган ашъёрларни қироат қилганман, гарб аҳолиси ҳиссиётлари тажассуми бўлган мусиқаларни қалбим лавҳига зарб этдим, бироқ ҳали ҳануз илга-

ригидек сўқирман ва ҳеч вақо кўрмайман, қулоқларим том битган ва эшитмайман. Мен нафси ўпқон босқинчилар шафқатсизлиги, золим мустабидлар қуллиги азобларини тортганман, ўзбошимча ҳукмдорларнинг адолатсизликлари бошимга не савдоларни солмади – ва мен куч-қувватимни илгариdek асрарим, унинг шарофати билан саналар ила беллашяпман.

Мен булар барчасини болалигимда идрок этганман ва тинглаганман, мен ёшлик ва у олиб келадиган савдоларни ҳам идрок этаман ва тинглайман; кейин эса қартаяман, белгиланган муддатга етаман, ва Оллоҳ даргоҳига қайтаман.

Абадиятдан ҳам олдин мавжуд зоти шариф – камина ўша. Ва рўзи маҳшаргача безаволман, ва ҳаётим абадий.

Шоир нидоси

I

Қудрат қалбим экинзорларига дон сепади, мен эса ҳосил кўтараман – бошоқлар тераман – ва очларга этак-этак улашаман. Руҳият – бир парча узумзорим серҳосил айлайди, мен эса узум шингиллари шарбатин олиб, чанқаганлар ташналигини қондираман. Самовот чироғдонимни ёғ билан тўлдиради, мен эса чироғимни ёқиб, дераза раҳига қўяман – тунги сайёҳлар йўлларини ёритаман. Буларнинг барчасини жону дилим билан сидқидилдан адо этаман, ва башарти кунлар қаршилик қиласо тунлар қўлларим кишанласа, ўлимимга розиман, илло уммати рад этган пайғамбару дўсту душманига етти ёт бегона шоир яшашдан кўра ўлимга муносиб.

Оломон бўрони гувиллайди, камина хилватда оҳ тортаман: бўрон қутуриши муваққат, уни вақт коми маҳв этади, Парвардигор салтнатида оҳу воҳу энтикишлар боқий.

Фоғиллар қордай яхлаган моддиятга тиш-тироқлари билан чанг соладилар. Мен эса ишқ гулханини ахтараман, топиб бағримга босишни истайман – кўқрак қафасиму қобирғаларим билан бирга улар муҳофазасида нимаики бўлса, барча-барчасини жизғанак қўлсин, илло биламанки, беозор моддият башарият бошига етади, муҳаббат – муқаддас изтироблар билан ҳаёт баҳш этади.

Одамлар қабилалар ва халқларга бўлинади, ўзларини у ёки бу мамлакат фуқароси билади, бироқ бу хислат менга бегона, ўзимни бирон-бир мамлакат фуқароси, бирон-бир миллату элат вакили ҳисбрай олмайман.

Ватан – кураи арз, қабилам – башарият. Одамлар ожиз, гуруҳ-гурӯҳ, қабила-қабилага ажратилгач, яна ҳам заифлашади: ахир замин анордай мўъжаз, уни қиролликлару амирликларга нимталаш нодонлик.

Бандаи нодонлар руҳият қадамжосини вайрон қилиш учун бир ёқадан бош чиқарадилар, жасадлар учун саройлар барпо этишда бир-бирларига кўмаклашадилар, ва ёлғиз мен бундай жидду жаҳд гувоҳи эканимдан юм-юм йиғлайман.

Бироқ қалбимга қулоқ тутиб, умид шивирини эшитаман: »Азобу изтироб воситасида муҳаббат инсон қалб қўзини очгани каби ғофиллик ҳам тафаккур йўлига чорлайди». Бинобарин, изтироб ва ғофиллик илоҳий роҳат-фароғат ҳамда башарий донишмандликка етказгай, зеро абадий тафаккур рўйи заминда ҳеч вақони беҳикмат яратмаган.

2

Ватанимни гўзаллиги учун севаман ва баҳтсиз фуқаролари билан ҳамдардман. Бироқ менинг ҳалқим соҳта «ватанпарварлик» ялови остида қўзгалсаю қўшни юртга ҳужум қилса, мол-мулкини таласа, эркакларни маҳв этиб, жувонларни бева ва болаларни етим қилса, заминини ўғлонлари хуни билан сугорса ҳамда ботирлари танасини ўлаксахўр қузғунларга емиш этса – у ҳолда ватаним ва ҳамюртларимдан нафратланаман.

Киндиқ қоним тўклилган заминни куйлайман, улгайган уйимни соғинаман; бироқ мусоғир бошпана ва егулик сўрасаю уни ҳайдаб солсалар ва ҳеч вақо бермасалар – у ҳолда ўз уйим учун аза очаман, соғинчим нафратга дўнади ва ўзимга ўзим дейман: «Баҳаққи Худо, ҳасислик билан очдан нонни қизғаниладиган ва толиқсан мусоғирга тунаш учун жой берилмайдиган уй вайрон қилинишу кунфаякун бўйлишга маҳкум».

Уйимга муҳаббатим – шаҳримга муҳаббатимнинг арзимас қисми, шаҳримга муҳаббатим эса – она заминга муҳаббатим бир пайсаси, холос. Заминни жони дилим билан севаман. Илло, она Ер инсоният – илоҳиётнинг кураи арзаги халифаси вояга етган қадамжо. Шубҳасиз, инсоният – муқаддас, илоҳиётнинг кураи арзаги халифаси. Башарият вайроналар ичра абгор, урён танаси узра қирқямоқ увада, қайноқ қўзёшлари рангпар рафторини куйдиради; ўғлонларига мадад сўраб ёлворади, ва доду фарёдидан замину само титрайди, ўғлонлари эса жангриларча зикру само асносида илтижосини эшитмайди, ва нигоҳлари қиличлар ярқирашидан қамашгани боис унинг кўзёшларни илғамайди. Шўрлик сўққабош башарият бандаларга мадад беринг дея ёлворади, улар эса парво ҳам қилмайди, башарти кимдир эшитиб, яқинлашсаю кўз ёшларини арта таскин беришта уринса, одамлар жиркангандай дейди: «Унга қайрагиб ҳам қараманг, ахир кўзёшлари фақат заифлар кўнглида ҳамдардлик туғдиради».

Инсоният – замин узра илоҳиёт маъбудаси. Айни маъбуда халқдан халққа ўтади. Уларга муҳаббат достонини куйлайди, ҳаётий йўлларга ундаиди, одамлар эса уни масхаралаб қарши оладилар. Каломи ва таълимотини ҳақоратлайди. Кеча унинг каломига Исо Масих қулоқ туттганди – ва одамлар уни чормих қилдилар; Суқрот «Лаббай!» деб жавоб берди – ва улар уни заҳарладилар. Бугун эса Маъбуда ноласини Исо Масих ва Суқротни улуғлаётганлар эшилдилар. Маъбуда исмини барчага ошкора айтдилар; уларни одамлар ўлдира олмайди, бироқ «Масхаралаш ўлимдан аччиқ ва бешафқат», дея майна қиласидилар.

Йўқ, Куддуси шариф Исо Масихни ўлдира олмади – у мангу; шаҳри Афина Суқротни маҳв этолгани йўқ – у абадий; ва инсоният нидосини тинглаганлар қаршисида огули пичинглар ҳам ожиз, Маъбуда даъватига «Лаббай!» деб жавоб берганлар ҳам то абад барҳаёт.

3

Сен – биродаримсан; иккаламиз ҳам ягона муқаддас самовий рух ўғлонларимиз. Сен менга ўҳшайсан, илло ҳар иккимиз айни битта хоки туробдан бино бўлган жасад асиримиз. Ҳаёт йўлида ҳамроҳлик қилиб, булутлар панасига беркинган ҳақиқат моҳиятини англашда кўмаклашасан. Сен – инсонсан, ва, биродарим. Мен сенга меҳр қўйдим.

Мен ҳақимда кўнглингга келган гапни айт – эртанги кун сенга нисбатан ҳукмини чиқаради ва сенинг эътирофинг унинг адолатли қарори учун ёрқин исбот ҳамда ҳаққоний шаҳодат негизи бўлажак.

Бисотимдан нени хоҳласанг, ол – ахир сен фақат мол-мулкимни олишинг мумкин, унинг бир қисми ҳалол ҳасминг, ва эҳтиёжларим учун фойдаланадиган ерни оларсан; унинг бир қисми ҳам сенини, башарти шу билан қаноатлансанг.

Мени нима қилсанг, қил – моҳиятимга дахл қила олмайсан. Қонимни тўқ, кулимини қўкка совур – булар билан руҳиятимни шикастлай олмайсан ва ҳеч қачон маҳв этолмайсан. Қўл ва оёқларимга темир кишан солишинг, зулматли зиндан қаърига улоқтиришинг мумкин – бироқ тафаккуримни кишанбанд қилолмайсан, илло, онг-шуурим бепоён кенгликлар бўйлаб елаётган елевагай каби озод.

Сен – менинг биродарим, ва мен сени севдим. Масжидда саждага бош қўйган, ибодатхонада тиз чўккан, черковда калима ўтираётган биродарим, сени севдим: сен ва мен – ҳар иккимиз ягона руҳият эътиқоди дилбандимиз, ахир унинг барча бўғинлари муҳофизлари – қалб камолоти йўлини кўрсатувчи Маъбуда дастининг бир-бири билан жипслашган, бир тану бир жон бармоқлари.

Сенга меҳрим зиёда, илло дунёвий ақл-идрок ҳосиласи – моҳиятингни севаман. Бу моҳиятни айни палла сўқирлигим боис кўра олмасам ҳам муқаддас дея эъзозлайман, илло у – руҳоният мӯъжи-залиридан. Бу моҳият келажак оламда моҳиятим илиа юзлашажак, ва атиргуллар ифори каби қовушажак ва муҳаббату гўзаллик сингари самовий ва абадий ягона моҳиятга дўнажак.

Сенга меҳрим беадад, илло қудратилару қаттоллар пойида на-қадар заифлигинг, маккор бойваччаларга қиёсан қанчалар қашшоқ ва афтода эканинг шоҳидиман. Бинобарин, фарип ҳолинг кўриб, кўз ёшларим селдай қуйилади, бироқ кўзимда шашқатор ёшим илиа сени адолат оғушида кўраман, адолат сенга табассум ҳадя айлаб, ғанимла-рингни масхаралайди.

Сен – жонажон биродарим ва мен сени севдим.

4

Сен – жонажон биродарим ва мен сени севдим. Нима учун мен билан қасдлашасан?

Нечун ватанимга бостириб кириб, ҳукмдорлар манфаати учун муте қилмоқчисан; ахир ҳукмдорлар сенинг заҳматинг эвазига ҳаловатли ҳаёт кечиряптилар, боз устига шаънига ҳамду сано айтишингни талаб қиласди! Ҳамшираю фарзандларинг тарк этиб, бегуноҳ қонинг шарофати билан шону шуҳрат ва онаи зоринг кулфати эвазига юксак эҳтиром харид қилиш истагида ёнаётган лашкарбошилар учун олис ўлкада ажал ахтариб йўлга отландинг?

Инсон тувишган биродарини маҳв этиши жасоратми? Ундей эса ҳамду санолар айта Қобилга муҳташам ҳайкал барпо этайлик!

О, қадрдон биродарим! Айтишларича, шахсий муҳофаза – азалий табиий қонуният, бироқ англашимча, биродарингга нисбатан ҳукмронликни кўлга киритишга зўр бериб, ўзгалардан юксалиш хасталигига чалингнларга жонингни қурбон қилиш – бағоят хайрли дея ишонтироқчи бўлади. Шахсий муҳофаза туйғуси одамдан ўзгалар ҳуқуқларини топташни талаб қиласди, дейдилар, менимча, ўзгалар ҳуқуқларининг муҳофазаси – башарий энг олижаноб ва савобли аъмол. Яна айтаман: «Башарти, ҳаётимни сақлаб қолиш учун кимдир жувонмарг бўлиши зарур бўлса, мен учун ҳаммасидан ўлим афзал ва лаззатли. Башарти, мени ўлдирадиган олижаноб зоти шариф то-пилмаса, у ҳолда, куним битишини кутмай, ўз қўлим билан ўзимни асфаласофилинга жўнатаман».

Шахсиятпарастлик, о жигарим менинг, сўқир рақобат дояси; рақобат одамларни тўдаларга ажратади, ажралиш ҳокимииятни пайдо қиласди, ҳокимиият эса – низолару банди этиш воситаси. Қалб – жаҳолат ва жабру зулмнинг акси, яъни донишмандлик ва адолат ҳукм-

ронлиги тасарруфида, бироқ ҳар тўрт томонда жаҳолат ва жабру зулмни урчиши учун комидан қайралган қиличларни чиқарувчи ҳукмфармони қатъян рад этади. Бу манфур ҳукмфармолик Бобилни ҳалокатга дучор қилган, Куддуси шарифни ҳаробазорга айлантирган, Рим иморатларини вайрон этган; бу шунчалар манфур зўравонликки, қонхўру одамхўрларни яратган, во дариғи, уларни буюк валломматлар сифатида ардоқлайдилар! Шоирлар улар шаънига қасидалар битади, барча китобларда уларнинг исми шарифи зикр қилинади, бағрини бегуноҳлар қони билан лолазор қилганидан қатъий назар замин уларга қучоғидан жой беришдан бош тортмайди. Бироқ, о биродари азиз, иштибоҳларинг домидасан, кушандаларинг амридан ҷиқолмайсан.

Самовийadolatli табиий қонунни муҳофаза қилувчи донишмандлик – чинакам ҳукмронлик. Қотилни қатл этиб, тўғрини зинданбанд этиб, амалда қўшни мамлакатга бостириб кириб, минглаб аҳоли ёстигини қуритадиган ва минг-минглаб кишиларни хонавайрон қиладиган ҳокимиятни қай асноadolatli дейиш мумкин? Қотилни қатл этадиган жаллодлар ва ўгрини жазолайдиган қароқчилар ҳақида тўйдаларига содиқ кимсалар нима дейди?

Сен – жонажон биродарим ва мен сени севдим, бу – олиймақом долат билан ўйгирлган муҳаббат. Башарти, шоир бўлсан, қайси мамлакатда бўлишингдан қатъий назар сенга муҳаббатим долатли ва холисона бўлмаса, бинобарин, жирканч худпарастлигини ялтироқ муҳаббат либоси билан ниқоблайдиган мунофиқман.

Қиссадан ҳисса

Ай кўнглим-ай, кунлар кулфатлар гирдобида қуюндай чарх урганда таскин берадиган, бошим узра бахтсизлик қузғуни қанот ёзганда юпатадиган мунисам! Кимки ўз кўнгли билан дўст бўлмаса, ўзгалар ғанимига айланади. Кимки ўз сийратидан таскин-тасалли топмаса, тушкунлик исканжасида жон таслим этади, илло ҳаёт инсоннинг ботинидан қувват олади ва зинҳор-базинҳор ён-атрофдан кучланмайди.

Мен дилимдаги ардоқли каломимни ирод қилиш учун яралдим ва айтаман. Башарти ўлим жонимни қайтариб олса ойтишга улгурмасам, каломимни эртанги сана айтажак. Иқбол интиҳосизлик сардафтарида яширин сир қолдирмагай.

Мен муҳаббат шон-шарафи ва гўзаллик ёғдуси оғушида давру даврон суриш учун яралдим, ва мен, беадад шукрки, дориломон яшаяпман ва одамлар ҳаётимга барҳам бера олмайди. Башарти улар кўзларимни ўйиб олса, муҳаббат алёрлари ва гўзаллик тароналари

қучогида яйрайман. Қулоқларимни беркитсалар, севишганлар нафаси ва гўзаллик ифори или омухта мутттар шаффоф насимлар билан хузурланаман. Башарти, мени тоза ҳаводан маҳрум қилсалар, қалбим қудрати билан яшайман. Ахир, қалб – муҳаббат ва гўзаллик хурилиқоси.

Мен барча учун ва жамики ашёлар учун яралдим; якка-ёлғиз адо этаётган аъмолларимни келажак инсонлар наздида юксалтиражак. Бугун ёлғиз тил или овоза қилаётганимни истиқбол минглаб забонлар или оғоз қиласжак!

Игорь ГАРИН

БЛЕЙК

Э с с е

ТАЪБИРЧИ

Фаройибот или яшайман фақат.

Блейк.

*Ки ҳар сонияда мангалик мухри,
Заррада мужассам олам бепоён.
Торгина доира – чексизлик зуҳри,
Гунчанинг бағрида – нурағион осмон.*

*Анвойи чечаклар атари айлар масти,
Мўъжаз гул-чечакда жаннат чиройи.
Унинг меҳварида чексизлик сарбаст,
Сарбозлар кеча ҳам кундуз киройи.*

Шоирлар ҳақида шоирлар, санъаткорлар ҳақида санъаткорлар, даҳолар ҳақида даҳолар ёзиши даркор – илоҳий қобилияти соҳиби, яъни эмин-эркин ижод қилган шоирнинг қароргоҳига киришга журъат қилганим учун мен осий бандани аввало Худо, қолаверса, Блейкнинг барҳаёт руҳи кечиргай.

Бироқ шеърият даҳоси тўғрисида, Жаннатни Дўзах билан қовуштириши орзу қилган, фожеавий дарвеш-зоҳид, санъаткор, мутасавиуф, келажакни аввалдан кўёра олган азиз-авлиё ҳақида, ашёларнинг ботиний моҳиятини мажозий идрок қила олишдек ноёб фазилатга эга инсон ҳақида ҳикоя қилишдан ўзимни тия олмасам, на илож?!

...Блейк Авлиё Павел ибодатхонасига термилар экан, ёш мўри то-заловчининг нолаю фифонини таъсиричан қалби или тинглай олди, у гаройиб адабий тил воситасида беғубор бокираликинг хўрланиб, ҳақоратланганидан фифон чекарди. У Букингем қасрига разм солиб, бургутники сингари ўткир қалб кўзи или қаср девори узра бир томчи қон тимсолида энаётган баҳтсиз шаҳид аскарнинг сўнгти армонли на-фасини илғай олди. Навқирон ва ғайрат-шижоати тўлиб-тошган ёшлик кезларида, мана шундай фараҳбахш лаҳзалар унга илҳом берган онларда қалбини жунбушга соглан кечинмалар шоҳона шеърий сатрлар шаклига кирад ёки мисгарлик маҳоратини ишга солиб, бетакрор санъат асарларини яратарди; мана шу қўйма шеърий сатрлар ёки ноёб санъат асарлари улкан ижтимоий-фалсафий ижод самарали даражасигача бекиёс кўлам касб этарди. Қамоқхона, деб ёзади у, қонун-чиликнинг пишиқ, метин-мустаҳкам тошларидан, исловатхона эса, дин ғиштларидан барпо қилинади. Бироқ мавҳумият оламига сайру саёҳатлар оқибатидаги, айни пайтда шундай сайру саёҳатлардан тў-сатдан шафқатсиз воқелик гирдобига қайтиб келишлар, охир-оқибат, томчи ҳатто тошни ҳам теша олгани сингари, секин-аста, бироқ бадиий санъаткорлик иқтидорига муқаррар путур етказди. Қаршисида намоён бўлувчи манзаралар кўпая бориб, нигоҳини бутунлай тўсиб кўяди, – ва ҳаётининг ниҳоясига келиб, умр бўйи жон-жаҳди билан интилган мавҳумият уни улкан қанотлари паноҳига олди, манту бар-ҳаёт шоир сифатида тенгма-тeng сұхбат қурган безавол фаришталар эса илоҳий ҳарир қанотларини унга соябон қилдилар.

Мана шу дудама ханжар – Микель санъаткорлиги – Анжело ҳамда Сведенборг кашфиётлари билан қуролланган Блейк моддият тажрибаси ва табиий фаҳм-фаросат аждаҳосини ер тишлатди ҳамда макон ва замонни баимкон бақамти келтириб, хотира ва кечин-ма-туйғуларни инкор этароқ, ўз асарларини илоҳий само сийнасига муҳрлашга уринди. Унинг наздида ҳар қандай лаҳза, ҳатто томир уришидан ҳам қисқа сония давомийлигига биноан олти минг йил илиа баробар, чунки айни мана шу кўз очиб-юмгунчалик ўта қисқа фурсат оғушида шоирона ижод дунёга келади. Унинг наздида бир томчи инсон қонидан йирик ҳар қандай кенглик нисбий, ва аксинча, томчи қондан ҳам митти кенглик майдонда бизлар мангуплик илиа қо-вушамиз, у билан қиёслаганда ғарибона турмушимиз унсиз соядан бўлак ҳеч вақо эмас.

Бэзайрнинг бу шогирди асли ким эди? Ҳаёлоти меваларини мис-раларга жойлаган ва нақошлик асарларида акс эттирган зоҳидимиди ёки алангали 1789 йилда қаҳрамонлик дубулғасини кийган инқилоб-чимиди? Беназир рамзчи ёки ўртамиёна назмбозми?

Шундай қилиб, Блейк – Иоахим Флоренскийдан иоахимиятлар, антиномианлар, Сведенборгнинг матглтонианликлари, Я.Беме, Коп-

па, Холланд орқали Владимир Соловьев, Даниил Андреев ҳамда давримизнинг дарвеш-зоҳидларигача чўзилган барҳаёт силсиланинг барҳаёт ҳалқаси. У таваллуд йили муваффақиятли бошланиши лозим дея ҳисобланган учинчи руҳоният даврига инонган. Исо Масих ёшидаги Блейк кинояли тарзда ёзади:

«Эндилиқда 33 ёшга тўлган янги жаннат даври бошланганидан бўён мангу дўзах ҳам қад ростлади. Во дариғ, кўраяпсизми?! Ахир фаришта билан унинг қабри узра Сведенборг ўлтирибди!»

Жойснинг кўпдан-кўп ривоятлари орасида у алоҳида ўрин тутади. Ялангоёқ қашшоқ сингари дағн этилган, тан олинмаган шоир, ҳаётга мослаша олмаган санъаткор, антиқа файласуф ва созанда, башоратгўй, замондошларининг наздида эса – фақат ҳеч кимга зиён-заҳмат етказмагани учун ўз ҳолига ташлаб кўйилган бандай ожиз. Сўнгти таъриф – у ҳаётлигига муюссар кўрилган ягона тавсифнома.

Бу бандай ожиз иқтидорининг куч-кудрати, бесарҳад тасаввур-хаёлоти, дунёқарашининг афсонавийлиги, хаёлотининг тасаввуфона кароматгўйлиги эллар-элатлар келгуси тақдирини шунчаки олдиндан кўриб қолмай, келгуси маданият қандай бўлажагини некбинлик илиа идрок қилиш имконини берди: символизм ва сюрреализмни, соф санъат ва автоматик битикларни, Рембонинг Янгориши ва Элиотнинг Бепушт заминини, Шарнинг сирлилиги ва Паунднинг экспрессијасини, Метерлинкнинг жилваланиши ва Тзарининг орзиқишини, Аполлинернинг фалсафий верлибри ва Клоделнинг версетини, Бретоннинг мажозийлиги ва Ларбонинг фазовий кўламдорлигини, Жувининг покланиши ва Бон-Фуанинг ўлимни идрок этишини, Беклин ва Далининг, Клее ва Бракнинг гиперреализмини, Сен-Жон Перс ва Ревордининг нағислигини некбинлик билан олдиндан идрок қила билди.

Уни инглиз якобинчиси сифатида талқин қилишга уринишнинг бемаънилиги, феъл-атворининг ўта қизиқонлиги, адолатсизликка мутлақо чидай олмагани, ҳаёт учун тинимсиз курашгани ҳам тўғри, ёшларга хос жўшқинлик – уни ўта қатъиятли бўлишга ундалани ҳам айни ҳақиқат. Муайян давр Пейнга ҳам яқин бўлган, айтишларича, уни ҳатто маҳкумликдан сақлаб қолган, бироқ мустабидлик якун топгани муносабати билан яйраб-кувонишлар қонли француз террори билан ниҳоя топган. Уни Вордсворт ёки Саутига қарама-қарши қўйишнинг ҳам ҳожати йўқ: «Тажриба қўшиқлари»да исёнкорликдан ҳеч қандай ном-нишон қолмайди – исёнкорлик унинг табиатида аслида бормиди? Ахир у хулқ-атворига биноан ёлқинли Орқадан кўра, қоясига мангу занжирбанд этилган, эзгуликка ташна бўлгани ҳолда унинг саробдан ўзга ҳеч вақо эмаслигини теран идрок қилувчи жабрдийданинг баайни ўзи эди-ку!

Дарҳақиқат, унинг сиймосидаги Исо Масиҳ Каиф талқин эт-гандек, исёнкор бўлмаган, унинг Қуддуси шарифи эса Маърифатпарварлик даври наздиғидек озод ва эркин ҳам бўлмаган. Блейк левеллерлар ва либертиналарни билган ва Кромвел даври якобинчилари қисмати, аён бўлишича, уни жиддий ташвишлантирган. Унинг дохиёна утопияси – Қуддуси шариф – ҳар қандай ғазаб-нафратдан холи.

Кейинчалик «Жаннат дарвозаси» ва «Хоҳлайман!» деган муҳтасар тасвирий санъат асарида нафақат инсоний саъй-ҳаракатларнинг тийиқсизлигига пародияни, балки Ойга ҳамла қилувчи якобинчиларнинг кинояли портретини ҳам кўрамиз.

Рационализмга шу даражада бегона одам ижтимоий ислоҳотчи бўла оларми? Маърифатпарварлик даврининг мулоҳазакор ҳисобдонлиги унинг руҳониятига мутлақо хуш ёқмасди. Локк, Ньютон, Вольтерни ўз қобилияtlари билан ақл-идрокка хизмат қилаётгандиклари учун ҳам ёқтиргасди: Локкни шахсияпарастлик тимсоли ҳисобланар, Бэконни аҳмоқ, деб биларди. Ньютоннинг механик фалсафасини эса бамисоли Колридж сингари Блейк ҳам фақат ажал фалсафаси, дея талқин қиласди.

РАССОММИ ЁКИ АВЛИЁ?

Хунарманд рассом устахонасидан чиққан ялангоёқ; ҳамма юз ўтирган, ҳеч қаерда таҳсил кўрмаган одам бунча куч-кудратини қаердан ўзлаштирган? Тасвирий санъат мактабига ҳаракат қилгани билан кира олмайди, чунки Қироллик бадиий академиясининг президенти унинг чизган расмларини ўтакетган олифтагарчилик ҳисоблади. Сўнгра унинг расмлари кўргазмага қабул қилинмайди, ноширлар эса шеърларини чоп қилишдан бош тортади. Поп шеърияти зарофати ва вазмин мулоҳазкорлиги билан ҳаммани лол этаётган; Томпсон, Юнг, Грэй, Каупер ҳассос тантиқлиги билан оламни ром этаётган бир паллада «ҳатто ит ҳам танимайдиган аллақандай қаланғи-қасанғининг сариқ чақага арзимайдиган тизмаларига» йўл бўлсин.

Блейкнинг «Шарпалар» асари – оламни хасталарча идрок қилиш эмас, балки – шоирона қоида низоми: пинҳона ҳақиқатни изловчилар ўз тасаввурларини ўта сезигрлик чегарасига қадар камол топтиришлари даркор. Блейк ақл-идрокка ишонмаган ва кечинматаўгуларнинг бокириалигига шубҳаланиб қараган. Тасаввур, ботиний сезигрлик унинг наздида айни Тангри томонидан йўналтирилладиган шоирона тафаккур воситаси бўлган: «Бизлар Тангримонанд бўла олмогимиз учун Тангри бизларнинг қиёфамизга киради».

Пайғамбарона хислатта эга (Блейкнинг ўзи башоратгўй-шоир фоясини ёқларди) даҳо шоир ҳаёт ҳодисаларининг моҳиятини англай оладиган ўзига хос ботиний сезгирилик қобилияти соҳиби ҳам эди. Чексизликин забт эта олган, идрок қила олган шоир Тангрини ҳам тегран идрок қила олади. У яратган Исаия тимсоли шундай дейди: «Мен Тангрини кўрмайман ҳам, унинг ваҳийларини эшифтмайман ҳам, зеро менинг жисмоний имкониятларим чекланган, бироқ, менинг руҳим барча-барча ашё-нарсаларда чексизликин идрок қилишга қодир». Блейк учун чексизлик – ҳам ҳаёт, яъни илоҳий ҳаёт.

Блейк – ҳайратомуз ҳайқириқлар борасида росмана Ҳотамтойга айланади. «Ўтакетган фаросатлилик – майиб-мажруҳ қари кампир бўлиб, кетидан заифлик судралиб юради». Унинг шоири – мулоҳазакорлик эмас, илҳомланиш, ҳисоб-китоб эмас, тасаввур. Рейнолдснинг тасвирий санъатта оид қонунлари, шунингдек, Арас тунинг шеърият илми ва Горацийнинг васиятлари ҳам Блейк учун бегона.

Блейк шоирона тасаввурининг ёрқинлигини Арши аълодан инган ваҳийларга айлантиради. Фикр-мулоҳазаларнинг жўшқинлиги шеърий сатрларнинг олтин ёмбиси сингари қўймалигини таъминларди. Юнон маъбулларининг ҳайкаллари унинг наздида руҳоний сиймоларнинг тажассуми ҳисобланарди. Тимсол ёки Хаёлот, деб ёзганди у, ҳозирги замон файласуфлари ўйлаётганидек – сув парланишидан ҳосил бўлган булутлар ёки бошқа яна аллақандай нарса эмас... Бу аслида мавжуд ҳолат, одамзот ўткинчи, бироқ ана шундай фаройиб ҳолат сақланиб қолаверади. Фикр-мулоҳазалари юксак-юқсаклардан инаётганини у ҳис этар, чизган суратларимда эса илоҳий шарпаларни акс эттираяпман, деб ҳисобларди.

Болалигиданоқ тасаввуфона ақл-идрок тарзига эга Блейк ботиний оламнинг ирреаллигини қатъян рад этар, илло бошқача бўлишини тасаввур ҳам қилолмасди. Нодон билан доно ягона дарахтга тамомила бошқача нигоҳ билан разм соладилар – Блейк феъл-авторининг «фаройиблиги» айни мана шунга бориб тақаларди.

Сўрайдилар: «Кўёшнинг чиқишини қузатар экансиз, унинг юмалоқ алангали доираси нимаси биландир гинея¹ и эслатмайдими?» О, йўқ, йўқ! Гинеялар эмас, аксинча: «Ла илаҳа иллаллах» дея такбир айтаётган сон-саноқсиз фаришталар нигоҳим ўнгидаги намоён бўлади. Зоро, кўчага назар ташлар эканман, ойнага ишонмаганимдек, кўриб турган нигоҳим қаршисидаги мавжуд воқеликка эмас, балки ана шу воқелик орқали бутунлай ўзга бир оламни кўраман».

Шундай инсон дарахт навдаларида фаришталар хониш қилаётган бир пайтда, ундаги нок меваларини кўра оладими?

¹ Гинея – олтин танга.

У, ҳақиқатдан ҳам ҳеч қаерда таҳсил олмаган, башарти барча азиз-авлиёлар ўтайдиган ягона мактаб, – сидқидилдан меҳнат қилиш дорилфунунини ҳисобга олмагандан. Инжили шариф таъсири остида тарбияланган Блейк афсона-асотирларнинг азбаройи шайдоси бўлиб, улар фавқулодда улуғвор тимсоллар билан мафтун қилар, ва улар билан ўз тасаввури – ҳаёлоти мўъжизаларини қиёслашни хуш кўрарди. УЎрта асрлар ва ўзига замондош тасаввув намояндаларидан жуда кўп илмларни ўзлаштирганди. «Пайғамбарлик китоби»даги шеърий туркумлар ҳайратомуз афсоналарга бевосита ўхшаб кетади, мазкур китоб мавзуи эса яхудийлар, юонлар, римликлар, ҳиндлар афсоналаридан, каббала, қадимги гностикларнинг кўхна тамоилларидан, антиномианликдан кўп жиҳатдан олинган. Айни сўнгги тамоиллардан Блейкнинг ўзига хос бидъатона-исёнкорлик афсоналари майдонга келган.

Ва, албатта, Чосер ва Шекспир, Платон ва Овидий, Мильтон ва Частертон, Ариосто ва Данте, бутун инглиз тафаккури. Яна – муаяян ифода воситалари: эллин шеъриятининг – юон тили, Дантенинг – итальян тили, Инжили шарифнинг – қадимий яхудийлар тили. Дюрер ва Микеланжелонинг тасвирий санъатдаги ҳайратомуз тимсол-намуналари. Ҳайратомуз улуғворликка тийиқсиз мойиллиги билан, албатта, Мильтон олдида қарздор. Дарҳақиқат, ижод сирларини кимлардан ўрганмаган дейсиз... Кейинчалик Фюзели уни назарда тутиб: «Блейкдан осонлик билан ҳеч нарсани сездирмай жуда кўп фазилатларни ўзлаштирса бўлади!» деганди.

ИОВА НИГОҲИ

Англияда инсон талантли ва даҳо фазилатлар соҳиби бўлиши эмас, аксинча, сусткаш ва ҳаммолдай итоатгўй бўлиши, асилзодаларнинг санъат ва илм-фанга оид мулоҳазаларига лом-мим демай кўшилиши талаб этилади. Башарти шундай бўлса, намунали одам сифатида қадрланади, аксинча, очликдан ўлиб кетаверсин.

Блейк.

У умр бўйи нималар қилди... Бутун умр – ғарибона кун кўрди, умр бўйи бурда нон топиш ташвишида қайғуриб, бирон-бир кимса танимайдиган ва эътибор ҳам бермайдиган аҳволда жонбозлик кўрсатиб ҳаёт кечирди.

«Фойда-даромад юрак ютиб ҳеч қачон оstonамдан ҳатламайди» – деган ёзғиришига гўё фаришталар «Омин!» дегандай...

Ундан сабр-тоқатли бўлиш, тақдирга тан беришни ҳақиқатдан ҳам бамисоли талаб қилдилар, у эса росмана даҳо шоир эди.

Чинакамига антиқа шахс, мураккаб мутафаккир, ҳайратомуз шоир. Пайғамбарлик китоблари, Мангубарҳаёт Инжили шариф шеърий туркумлари яратилмаган тақдирда ҳам фидокорона ҳёти унга муносиб ҳайкал бўларди. Ҳаётий эътиқодларидан мажбуран воз кечмаган, қора қозонини қайнатиш учун истеъдод қобилиятини бозорга солмаган, кимларнингдир кўнглини топишга уриниб, ёлғон-яшиққа зўр бермаган мардона шахсларни санайдиган бўлсак, қанчани ташкил этади?..

Ўта қаноаттёй ва камтарин, лекин ўз қадрини яхши биладиган Блейк шонсиз-шарафсизлигига ҳамда ўзгаларнинг ўринсиз ғанимлигига мардона бардош берди. Иродаси букилмас шахслар тоифасидан экани болалигидаёқ аён бўлганди. Бехуда тергашлару ўринсиз насиҳатбозлика асти тоқат қила олмагани боис, отаси уни ўқитишига ҳам юраги дов бермади. Шу боис, у ўзлигини шахсан ўзи яратди: ўзини ўзи ўқитди, ўзига ўзи савод бериб нафақат билимли қилди, балки тафаккур юритишни ҳам ўргатди. Ўта кескин ва муросагўйликка ҳеч қандай ўрин қолдирмайдиган феъл-автори ўзгалар билан муомала қилишини қийинлаштирап ҳамда умуман ҳаётда халақит берарди. Бироқ айни мана шундай феъл-автори туфайли буюк асарларни яратди.

Унинг муросасизлиги ўта кескинлик, аччиқ киноя билан чегарадош эди. У Академиядан ва унинг барча мусаввирларидан нафратланарди. Самовот (Жаннат) билан Дўзахнинг Никоҳи асарида тилёғлама тақвдорликка қарши исён ўта муҳтожлиқдан ўта дарғазаб бўлишига айланниб кетган. Зоро, унинг ўзи ҳам азбаройи зиддиятили бўлиб, гўё муҳаббат ва нафратнинг уйғунлашувидан яратилганди.

Эзгулик – ақл-идрокка итоат қилувчи сусткашлик, Ёвузлик – куч-кудратдан юзага келувчи фаоллик. Эзгулик – Самовот (Жаннат), Ёвузлик – Дўзах.

Унинг дунёқарashi моҳиятан – Иловага хос нуқтai назар: ҳаётдаги ҳамма нарсани бой бериб, инсон мангуллик ва Коинот билан қовушади, яъни илоҳий куч-кудрат касб этади. Штирнер ва Нитшенинг Ягоналик ва Аъло Одам шахсиятига Блейк табиийлик таърифини беради: инсон мавжудият билан афсонавий уйғунлашиб кетади.

Барча буюк шоирлар сингари унинг иқтидори ҳам жуда эрта на-моён бўлди: ўн ёшида – жуда етук шеърлар, ўн тўрт ёшида – маҳорат билан тасвирий санъат асарлари, ўн олти ёшида эса – антиқа тароналар ижод қилган, мусиқаларнинг бирортаси ҳам сақланмаган – у нота ёзувларини билмасди. Айтишларича, у шеърларини кўшиқ қилиб куйлаган.

У ўймакорлик эвазига кун кечиради, бу касб-хунар шеъриятни бойитиши билан боғлиқ ягона ҳолат бўлса ажаб эмас: шеърларини

эълон қилиш учун сармояга эга бўлмагани боис, гаройиб нақшлар ёнига шеърларини ўймакорлик билан битарди – бунда ҳайратомуз манзара пайдо бўларди: шеърий матн билан тасвирий санъат на-муналари бир-бирини ўзаро бойитиб, мазмун-моҳиятни яна ҳам чуқурлаштиради. Блейк тасвирий санъат борасида оташин шоир бўлганидек, орадан юз йил ўтиб, Скрябин ана шундай оташ-аланга билан йўғрилган тароналар яратди, деб ёзганди кейинчалик тадқи-қотчилардан бири.

Расмларнинг моҳирона тортилган ҳошиялари, рамз-тимсолларнинг мавҳумий поёнсизлиги, ранг-бўёқларнинг муштараклиги – ҳад-худудсиз хаёлот билан, аниқ пухталик – ҳайратомуз кучларнинг самовий олишуви билан уйғунлашиб кетади.

У мусаввир сифатида ҳам беназир бўлган: Иова китобига, Данте-га, Блэр Қабрига, Юнгнинг Тунги хаёлотларига, Вергилийнинг эклогларига ишланган ўйма нақшлар; Чосернинг Кенгерберия ҳикоялари зиёратчиларини акс эттирувчи рангли расмлар; Илоҳий Комедияга бағишлиланган мусиқавий суратлар шундан далолат беради. Гап ҳатто ифодавийликда ҳам эмас – гап сюрреализмда. Кейинчалик уни мута-носибликларнинг ўзаро мос келмаслигига ва аслиятни назар-писанд қилмаслиқда айблайдилар – афсоналар яратувчиси тасаввурида ўз-гача қиёфа касб этмаган табиатдан андоза олиши мумкинми?

Коппа ва «газабнок»лар сингари антиқа қоидаларга амал қилув-чи антиқа табиатли одам, Беуланинг Одам Ато гунохи гоясини инкор этувчи янги Одам Атоси эди. Блейк чизган инсоннинг бокира вужуди руҳоний эркинлик рамзи бўлиб, Баттс баён этган ва Блейк тўғрисидаги барча китобларга киритилган Лэмбетидаги лавҳа айни ҳақиқат. У ён-атрофдагиларни ўйлантириш ва бош берк кўчаларга киритиб қўйишни хуш кўрар, ўзининг ажойиботлари билан ижти-моий шарт-шароитларга ўзгача руҳ баҳш этар ва ҳатто ғайриоддий фикр-мулоҳазаларини кинояномуз ва ҳаттоки ақидапарастларга хос шаклда тез-тез баён қиласи.

Оммага бефарқ муносабатда бўлишни Блейк бошлаб берган. Орадан асрлар ўтга, О.Уайлд чинакам ижодкор учун муҳлислар оммаси мавжуд эмас, деб айтганди. Агар Жонсон одми китобхон-ларни мўлжаллаб қалам тебратган, Поп эса муҳлисларнинг хайри-хоҳлигига сув ва ҳаводий муҳтожлик сезган бўлса, Блейк ва Шелли-дан барча ижодкорлар учун китобхонлар оммасини ўз санъаткорлик дарајасига юксалтириш даври бошланади. Мана, масалан, Колриж жамоатчилиқнинг ижодига оид фикр-мулоҳазаларига бефарқ эка-нини ошкора таъкидлаган. Кейинчалик Джойс, Паунд, Элиот... шун-дай тамойилга амал қилдилар.

Маърифатпарварлик асрида – унинг энг юксалган даврида – Блейк жаҳолатли асрлар ва қуббали шаклларнинг эстетик куч-қуд-

ратини баарлла тарғиб этди. Барча асрлар баравар, деган машхур иборани Блейк айтган.

У изчил бўлишни ўз олдига мақсад қилиб кўймаган. Француз ин-қилобининг башоратчиси ва куйчиси эканидан қатъий назар, ундан осонгина юз ўгирди. У ўз саробий орзуси – туманли Альбионнинг Янги Куддуси шариф бўлишига иноар – ҳамда ўз эътиқодини мас-харалаб майна қиласди. Таъбир жоиз бўлса, Элиотнинг Бепушт замини илдизи Блейкнинг Голгонузасига бориб тақалади. Блейк уто-пиясининг ўзига хослиги – қатъиятдан холи эканида.

Блейкнинг пацифизми – урушлар фанимю тинчликнинг ҳамин-қадар тарғиботчиси экани қайта-қайта тилга олинган. Жаҳонни забт этиш хусусида гап кетганда, у ҳақиқатдан ҳам фанимларнинг ҳукума-ти билан ўзининг қадрдан ҳукуматини ажратмаган.

Ўзгаларни ранжитиш фазилат саналмайди. Давлат ажнабийлар ҳисобига такомиллашмайди.

Урушқоқ давлат ҳеч қачон санъат асарлари яратмайди, талон-тарож қилиб, вайрон ҳам қиласди, кўлига илинган ашёларни ташиб кетади ҳам зўр бериб ҳамма-ҳамма нарсани тўплайди, сотиб олади ҳам, бироқ, бунёдкорлик, яратувчилик билан шуғулланмайди.

Мана бу теран мулоҳазалар гўё биз ҳақимизда айтилгандай:

*Мудҳии мұждаларга нечун ўч қулоқ,
Күзларда – жилvasи заҳарханданинг?
Шафқатсиз қобоқда киприк – наизалар,
Пистирмада сонсиз жангарилари.
Не боис меҳрибон-мунис нигоҳлар
Қаърида жавоҳир-дурларга ўчлик?
Нечун губор инар болдай забонга?
Қулоққа дўнар боз нечун бор вужуд?
Ҳам жирканч бадбўйга ташна димоглар?
Атласдан тушиови ёнаётганнинг?
Эҳтирослар узра соф-шаффоф ниқоб?*

БОКИРАЛИК ВА ТАЖРИБА ТАРОНАЛАРИ

Ботинан ҳайратомуз сезгир, кароматгўй, пайғамбарсифат Блейк бутун бошли яхлит даврлар ва яхлит оламлар миқёсида мулоҳаза юритган. Блейкнинг саробий хомхаёллар дея нисбат берилган кароматлари келажакда ҳақиқати бўлиб чиқди. Шоирона тизмалар даст-лабки ижодий тажрибалар бўлса, Бокирилик тароналарининг шоирона нафосати ва Тажриба тароналарига хос юксак санъаткорлик

орқали унинг ўзи бағоят қадрлаган тасаввурнинг куч-қудрати яққол намоён бўлади. Бу ўринда инсоний феъл-атвор шу даражада теран некбинлик билан идрок қилинадики, мазкур фазилат Пайғамбарлик китоблари туркумига кирган шеърларда руҳониятни идрок қилишга айланиб кетади.

Якобинчилар инқилоби бошланиши ва якуни – беш йил оралиқ муддатга эга Бокириалик тароналари ва Тажриба тароналари айни шу ибтидо ва интиҳонинг: ижтимоий бўронларнинг халоскорлигига болаларча соддадиллик билан ишониш ва ҳафсаласи пир бўлган инсон аччиқ изтиробларининг рамзи бўлди. Уйғунлик ва беғубор некбинлик ўрнини жаҳолатли турмушнинг аччиқ ва кулфатзада манзараси эгаллайди.

*Не ила муқаддас бу кўклам қуни –
Мамлакат бағоят бадавлат ҳам бой.
Бироқ оч, ялангоч турмуши юкини,
Ўғлонлари аранг судраф, холивой?
Не ахир титратар замин-осмонни,
Навоми-нолами, сўйла эй, машюқ.
Фарёд-фигон тутмииш ҳар тўрт томонни,
Қашиоқсан, о юртим, қашиоқсан, қашиоқ!*

Болаларча шоду хуррамлика – Болаларча аламзадалик қарши чиқади. Илохий тимсолга – Инсоннинг асл қиёфаси, Мұхаббат гулшанига – Сўлғин атиргул ва Заҳарли дараҳт, Кўзичоқса – Қашқир қарши чиқади. Маърифатпарварлик даврининг мулоҳазакор некбинлигига ва ўзининг утопиясига Блейк Тажриба тароналари билан жавоб беради. Беғубор болакайнинг ўй-хаёллари ва изтиробларида – у хоҳ митти дарбадар, хоҳ митти мўри тозаловчи ёки хоҳ адашиб қолган қизалоқ бўлсин – Достоевский қаҳрамонларининг кўнглида раҳм-шафқат ўйғотган болалар кўзларида ғилтиллаган ёш томчиларининг рамзий тимсоли акс этган.

*Гўдак эдим вафот этганда онам,
Тилим чиқиб-чиқмай сотди ўз отам.
Машаққат ҳам сабр-тоқат қисматим...*

Бироқ, Бокириалик тароналарида ҳам нафақат кўр-кўrona умидворлик, балки болаларга хос беғуборлик қаршисида таъзим бажо келтириш мужассам. Блейк алла ва саноқ қўшиқлари оҳангидага болаларга хос ҳаётни акс эттирас экан, беозорлик ва раҳм-шафқатлиликни курашга қарши кўяди. Инсониятнинг тимсоли исмим – шоду хуррамлик дея ўзини таништирувчи – гўдак, болакай.

Бокирилик тароналаридаги чўпон қизи Аркадия Тажриба тароналарида фойиб бўлади. Ҳаётни жаҳолат ва даҳшат қамраб олган. Ҳамма жойда ёвузликнинг дасти дароз. Блейк – шоирона ривоятда – утопия ва ҳаёт ҳақиқатини қарама-қарши кўяди. Ҳаёт ҳақиқатининг кўли баланд келади.

Тажриба тароналари – балофат палласидаги Блейк бўлиб, у одамнинг қиёфасида «ожизлик ва ғам-ғусса, кулфат муҳри»ни кўради, «ақл-идрок ила яратилган кишанлар жарангি»ни тинглайди.

*Барқарор бўлсайди меҳр-мурувват,
Муҳтояжлик нелигин билмасди ҳеч ким.
Гар барча бўлсайди баҳтли, бақувват,
Шафқатга ҳеч ҳожат қолмасди токим.*

*Сокинлик қаърида қўрқув ҳам даҳшат,
Хукмрон ва ҳоким худбинлик мудом.
Шафқатсизлик зиддан пинҳона ваҳшат,
Ки ҳар бир қадамга дом тикар, боз дом.*

Бу не? Дастрлабки Ёвузлик чечакларими?

САМОВОТ (ЖАННАТ) ВА ДЎЗАХНИНГ НИКОҲЛANIШI

Блейкнинг кейинги ижоди – бокириликдан тажриба сари тобора кўпроқ силжишдан иборат. Ҳаётнинг теран қатламларига кириб борар экан, зулумот, шиддатли бебошлиқ, тимсолларнинг жўшқинлиги шоирнинг ижодига хос бўлади. Унинг ифода воситалари ҳам – Кувончли сананинг саробий кўтаринкилигидан Иова китоби шеърий туркумларидаги эсхатологияга қадар ўзгаради.

Самовот (Жаннат) ва Дўзахнинг никоҳланиши туркумлари – нафақат диалектика билан бир вақтнинг ўзига, айни палла Сведенборгга хурмат-эҳтиром. Зиддиятлар ўз ҳолича эмас, балки уларнинг инсон табиатидаги мавжудлиги муҳим аҳамиятга молик. Блейк ижодиётининг ахлоқий теранлиги шундаки, одамзот учун тафаккур ва муҳаббат қанча зарур бўлса, куч-куvvват (ирода), нафрат, шахсияпрастлик шунча зарур. Гераклитнинг эзгулик ва ёвузликнинг ҳаётбахши аҳамиятига оид ғоясига эргашган Блейк самовот (жаннат) ва дўзахни ўзаро яқинлаштиради. «Зиддиятсиз тараққиёт бўлмайди. Ўзаро мойиллик ва ётсираш, тафаккур ва ҳис-туйғу, муҳаббат ва нафрат инсоният ҳаёти учун зарур».

Ҳаёт манбай – куч-куvvватда, куч-куvvват манбай эса – инсон танаси; ақл-идрок куч-куvvватнинг ташқи қобиғи, холос. Нафрат арс-

лонлари билимдонлик қирчангиларига нисбатан ақллироқ, Самовот ва Дўзах маталлари – кейинчалик Нитшенинг бутун ижоди учун замин бўлган (Иова китоби эса Лотреамонинг бутун ижодий фаолияти учун замин ҳозирлаган); итоаткорлик – заҳарли чечак, кўлмак сув – турли касалликлар манбаи; куч-кувват – мангу ҳузур-ҳаловат; эзгулик – сусткаш, заиф, ёвузлик – фаол; ёвузликни куч-кувват юзага келтиради; фавқулодда ҳолатлар орқали ўтадиган йўл донишмандлик қасрига элтади; агар беҳаловат кимса бемаъни қайсарликларига зўр бераверганида эди, донишмандга айланарди; маданият равон йўллар очади, бироқ бирмунча айланма йўл-йўлаклар айни даҳолар босиб ўтадиган йўллар сирасига киради.

Мильтон фаришталар ва Тангри ҳақида кишанбанд ҳолда ёзганинг, иблислар ва дўзах ҳақида эса замин-эркин ижод қилганинг сабаби шундаки, у чинакам шоир бўлган ҳамда ўзи ҳам билмаган тарзда иблис фирмасига мансуб бўлган.

Кейинги хулоса – Йўқотилган Жаннатни ўта азбаройи синчковлик билан мутолаа қилиш натижаси. Блейкнинг ўзи ҳам шу фирмакага мансуб бўлган: «Иблиснинг иштирокисиз санъат асари яратилмайди».

Коппа, Сэлмон, Коппин, Холланд сингари «разабноклар»га эргашиб – ва яна Нитшенинг Зардўштига аввалдан замин ҳозирлаб, Блейк манту барҳаёт Инжили шарифда Аъло Одамни тараннум этади. Блейк талқинидаги пантеизмга биноан, Тангри жамики мавжу-дотларда, одамларда яшайди. Бу учинчи иоахимият даврининг Исо Масиҳи бўлиб, у ҳар бир инсон руҳиятига сингиб кетган: «Бизлар Тангримонанд бўла олмогимиз учун Тангри бизларнинг қиёфамизга кирди».

Ўзингни ҳақорат қилганинг сайин,
Тангрини ҳақорат қилмогинг тайин.
Сен-да мангуликдан оташин учқун,
Шукронга айт инсон бўлганинг учун.

Блейк, кейинчалик, Куддуси шариф туркумида ёзади: нечун фаолият кўрсатмаймиз, нимадан кўрқамиз ахир?

Нечун боз Тангридан тилаймиз мадад?
Жисму жонимизда то ҳозир йўзи,
Ўзимиз халоскор бўлмогимиз шарт.

Самовот хазинаси, давом этади у, тафаккур яратган тасаввур, холос, дўзах тўғрисида эса шундай деб ёзади: дўзах – аслида йўқ, дўзах – одамзот шаҳвоний майл-истакларига зўр берганида пайдо бўлади,

уларнинг амалга оширилиши одамзотни кўз очиб юмгунча ҳолдан тойдиради: зеро Ҳаёт бор бўйича Муқаддас (баийни Швейцарнинг ўзи!).

Бегона одам қаршисидаги қўркув-ваҳималаридан айни озод экани Блейкка Самовот ва Дўзахнинг никоҳланиши асарида дўзах ва иблис ҳақида шу қадар осонлик ва ҳушчакчақлик билан ижод қилиш имконини берган. Чинакам шоир бўлгани ва «Ўзи ҳам билмаган тарзда беихтиёр Иблис фирмасига мансуб бўлгани» боис, Мильтонга ҳамду сано айтар экан, назокатли баёнгина Блейкни гаройиб «ғазабнок»дан ажратиб туради, айни ўша «ғазабнок», ривоят қилишларича, «шўрлик Иблисни зиммасига юклатилган беҳисоб бўхтон-туҳматлардан покланган ҳолда кўришни истардим», - деб айтган экан.

Блейкнинг энг муҳим гояси: Инсон руҳияти жисмидан холи бўла олмайди. Эҳтимол, бу ҳаётий фалсафа негизларидан бири бўлса, ажаб эмас ва биз бу мавзуга яна қайтамиз.

Ёвуз ниятилар Мангубарҳаёт Инжилни ёвуэликка, тақводорлар – ҳаққоний тақводорликка айлантиришларини Блейк тушунган.

*Менинг наздимдаги пайгамбар Исо,
Сенинг Исойингга ганим, норасо.
Сенинг наздингдаги жаннат боғлари,
Мен учун тақири тош дўзах тоглари.
Кун бўйи Инжилга улфатмиз, улфат,
Мен толе топарман, сен зулмат-кулфат!*

ПАЙГАМБАРЛИК КИТОБЛАРИ

Шайтон коргоҳлари ичра, во ажаб,
Наҳотки муқаддас Қуддус ҳам бўлган?
Блейк

*Мангу дарбозанинг темир қопқасини очади дарбон,
Тэль огоҳ бўлади, ўзга хилқат сиридан.
Марҳумларнинг лаҳадлари, ер қаърида тубанликлар,
Бу хилқатга, во ажабки, аҳли одам қалбан пайванд, –
Қайгу-кулфат салтанати, шодонликдан йўқ ниишон.
Қароргоҳи булатларнинг ҳам рутубат воҳалари
Ичра унсиз фарёдларга қулоқ тутмди, нафас ростраб
Ёт-бегона қабрларнинг яқинида, ер қаъридан
Тинглар нола-фигонларни...*

Тэль китобидан сўнг, 1784 йилдан кейин Блейк босқичма-босқич, қадам-бақадам ҳаёт ва замондан мангалик, агадият томон юз тутади.

Пайғамбарлик китоблари – майший турмушнинг ҳайратомуз манзараси, олам ва инсоният тақдирининг мажозий эпоси, Йўқотилган ва Қайтарилган Жаннатни давом эттирувчи янги илоҳият асари.

Шакл-шамойилига биноан улар жуда бекиёс, Инжили шарифни истисно қилганда, улар шаклан бекиёс. Блейк янги илоҳий фала-киётни яратишга чоғланади, унинг ҳайратомуз рамзу тимсоллари-даги ҳаёт бутун ранг-баrangleниги ва омонатлиги билан намоён бўла-ди. Шелли-Байронга хос илоҳий доҳиёна олишувлар ва Вагнерга хос Маъбуллар муҳорабасини пайғамбарона некбинлик билан кўра олган Блейк курашта айни ўша мазмун-моҳиятни сингдиради: темирметин ва аланг-оташ кураши – инсонлар қалбida кечади.

Хаёлот ва сирли тимсолларнинг гаройиб базми жамшиди, қалаштириб ташланган ғоялар... Тимсоллар гоҳ ақл бовар қилмайдиган кўламларда маҳобат касб этсалар, баъзан бўлакларга ажраладилар, баъзан эса яна қовушадилар, хуллас, метаморфозалар кетидан эргашибига тафаккурнинг ҳоли келмайди – Жойснинг Финнеган хоти-расига Мотам – марсияси бунинг олдида чўпчакдан бўлак ҳеч вақо эмас... Образлилик маҳдудлик даражасигача, зулумот қаъригача, мутлоқ қўнимизлилка қадар мураккаблашганидан-мураккаблашиб боради. Башоратлар, кароматгўйликлар, кашфиётлар – шу қадар бе-ҳисобки, уларни ҳатто муйян тартибда тахлаб, қатламлаштиришнинг-да имконияти йўқ. Блейк турмушни мажозий акс эттиришга уринганми ёки иррационаллигини шунчаки ифода қилганми, аниқ айтиш қўйин. Ўзи эса: «Мен мулоҳазакорлик қилишни ҳам, қиёс-лашни ҳам истамайман: менинг вазифам – ижод», деган ақидага амал қилган.

Золим – Маъбуд, ашёлар ижодкори Юрайзен, прометеймонанд Лос, Орка, Фузон, уларнинг ўғиллари, қизлари, хотинлари, дўстлари, ганимлари – афсонавий қаҳрамонлар эмас, балки инсоний хислатлар, феъл-атворларнинг ранг-баrangleниги, камалақдай товланиши, руҳий изтиробларнинг шартли белгилари.

Кудуси шарифдан кетиб, Бобилни –
Ўгиллари билан кура бошлиди;
Инсонлар қалбидан панжара ясаб,
Аччиқ қўзёшлиардан баланд дарвоза.
Бир пайт саёдатманд эл кулфатидан
Тикладилар минораларни...
Ва ўйлар тортилди гамга омухта,
Омонат ашёдан иморатларни,
Ибодатхоналар умидсизликдан
Дўзахга элтувичи қабр тошлиаридан
Бешафқат сайқаллаб саройлар қурди.

Маъбуллар кураши – ҳатто одамлар, инқиlobчилар ва даҳолар курашининг эмас, балки инсоний эҳтиюслар тўқнашувининг рамзи. Лос Юрайзенни енгади, бироқ голиб бўлгани ҳолда оташин Оркка нисбатан золимга айланади. Лекин Оркнинг аҳволига ҳам ҳавас қилиб бўлмайди, қояға занжирбанд қилинган Оркнинг ўзи ҳам қоянинг таркибий қисмига дўнади. Лос синглисингнинг ёлворишиларига ён бериб, Оркни кишанлардан халос қилгани ҳеч қандай наф бермайди, унинг танасини қоядан ажратиб бўлмайди...

Ҳатто асарнинг киноявий шакли, ҳатто Маърифатпарварлик даври мулоҳазакорлигига қарама-қарши услуг ҳам, ҳатто «хоҳишистаклар эркинлигига» оид ҳал қилувчи фоя ҳам – барҳаёт инсонга нисбатан чексиз хурмат-эҳтиром.

Мильтон ва Құддуси шариф туркумининг якуний достонида вайронгарчилик исёнкорлигидан узил-кесил воз кечилади. Орк ўрнини Мильтон руҳининг ислоҳотчиси эгаллади. Замонавий тартиб-интизомнинг Құддуси шарифи – Бобилга оид инқирозга юз тутади, бироқ қилич билан эмас, пайғамбарлик санъати билан емирилади. Гўзаллик – оламни кутқаради, дейди орадан йиллар ўтиб Достоевский. Ёлғиз дарвешнинг дуолари ва беванинг аччиқ кўз ёшлари оламни қутқара олади, деб ёзди «Бўзарган роҳиб» асарида Блейк.

Пайғамбарлик – Блейк шеъриятига хос ҳал қилувчи калима. У ҳатто динларнинг кўп эканини ҳам турли халқлар пайғамбарона руҳни хилма-хил талқин этганликлари билан изоҳлайди. Пайғамбарлик китоблари пайғамбарона башоратларга ҳақиқатдан ҳам жуда бой: инсоннинг машиналар қулига айланиши, аланга-оташ таратувчи иблис коргоҳлари, сершовқин дастгоҳлар, Лоснинг қизлари айни шу дастгоҳларда инсоний қисмат тўрларини тўқииди, узум шарбатини эмас, аскинча, инсонлар қонини сиқиб чиқарувчи маҳобатли исканжалар, инсон танасини нимта-нимта қилувчи фидираклар ва зирҳли фидираклар... «Машина инсониятга ва санъат асарларига ҳалокатли таъсир кўрсатади».

*Кузатади Шотландия ўғлонларин
Оташ кўллар қучогига даста-даста.
Тўкувчилик қилар Уэльсининг қизлари,
Оналари Альбионинг ёш-наврастга.*

Дарвоқе, Блейк ўзини афсунгар ёки нотиқ ҳисобламайди. У Пайғамбарлик китобини ёзиб тутатгач: «Пайғамбарлар ҳеч қачон бўлмаган... Ҳар битта соғдил инсон – пайғамбар; у ижтимоий ва хусусий амаллари илиа фикр-мулоҳазаларини баён этади», – деб қайд этган, У: «Агар мана шу асно иш тутсангиз, натижаси мана бундай бўлади», –

дэйди, У: «Қандай йўл тутишингиздан қатъий назар, барибир мана бу ва мана булар рўй беради...» – деб ҳеч қачон айтмайди.

Буюк Санъаткор сифатида, у анъанаю тамойилларнинг ижодкорни тушовлаб, имкониятларини чеклашини тобора теран ҳис этиб, композицион ойдинлик, қоғия, оҳанг, узвий алоқадорликдан воз кечади...

Мен яхлит оҳангдорликни шеъриятнинг зарурий хислати ҳисоблар эдим. Лекин бундай якранглик нафақат ғалати, балки бамисоли қоғия каби бевосита чеклашини тез тушундим. Шу боис ҳар бир сатрда хилма-хиллик яратдик... ҳар бир калима ва ҳар бир ҳарф пухта ўрганилган тарзда айни мос ўринга қўйилган...

Пайғамбарлик китобларига чизилган сувратлар – Санъат олами ва Мовий атиргул мусаввирларининг расмлари. Стонхэнжа дарвозаси – Дени, Редон, Штук ёки Беклин даражасида яратилган санъат асари. Дўзах эшиги ва Илоҳий комедияга чизилган бошқа сувратлар тагига Чирленис бажонидил имзо чеккан бўларди. Шоир сўзлар воситасида ифода қила олмаганларининг барчасини қатъиятли, шиддатли, маҳобатли сувратлар орқали акс эттириди.

Унинг Пайғамбарлик китоби қайсиdir матьнода Гельдерлиннинг савдоийлик арафасида яратилган Тунги тароналарида такрорланади. Бу асарда ҳам файриоддий кўтаринкилик: соф илҳом, тафаккур или видолашув жазаваси кузатилади.

Юқорида қайд этилгандек, бу ўринда ҳам шеърият – иблисона қироат остидаги жодугарлик ила боғлиқ ижод, юқоридаги сингари бу ўринда ҳам сўзларнинг рўйи рост мазмуни негизида ўзга иқлимлардан келувчи бошланғич илоҳий нидолар қулоққа чалинади, юқоридагидек, бу ўринда ҳам ҳаётга бегона ихтиёрсиз шоирнинг дасти чараклаган юлдузлар узра яшинлар ила бошбошдоқлик қамраб олган янги самосини яратади ҳамда ўзига хос афсонасини юзага келтиради. Блейкнинг шеърияти ва сувратлари кўнгилнинг хилват кунжакларида афсонавий мужда тусини олади: Дельфия дарасининг кароматли бўйлари узра ғаройиб манзаралар маст айлаган коҳин сингари теранлик калималарини жон-жаҳди ила титраб-қақшаб гўлдирайди, яратувчи иблис ҳам сўнган руҳоният комидан алангали ёлқин ҳамда яллиғланган тошларни йироқларга улоқтиради.

У қашшоқликда вафот этади ҳамда жамоатчилик маблағлари эвазига номаълум қабрга дафн этилади...

Вафот этганидан кейин Блейкнинг беваси собиқ дўсти Тэтем марҳума ихтиёридаги барча сувратлар ва асарларни – юз жилд қўллёzmани! – иблисдан илҳомланиб яратилган, дея ёқиб юборган. Ва айни «иблисона» тушкунлик кайфиятидагилар уларга қайтадан ҳаёт бағишладилар: Рафаэл издошлари – Суинберг ва Россетти, кейинчалик Йитс, Россияда эса «кувғинди» Бальмонт...

Лев ТОЛСТОЙ

МАКТУБЛАР

НИКОЛАЙ II ГА¹

1902 йил 16 январь, Фаспира.

Марҳаматли биродар!

Сизга мурожаат қилишимнинг боиси – Сизни нафақат шоҳ деб билганим, балки Сизни ўзимга биродар бир инсон деб билганимдан-дир. Қолаверса, мен сизга баайни нариги дунёдан ёзмоқдаман, чунки қазойим яқин қолди.

Аммо Сизнинг бугунги кунда қилиб турган ишларингиз, яъни ижтимоий фаолиятингиз ҳақида, бу фаолият қанақа бўлиши мумкин эди: миллионлаб инсонларга қанчалар фойдали бўлур эди ва ушбу фаолиятингиз шу тарзда давом этаверса, ўша миллионлаб инсонларга ва шахсан ўзингизга қанчалар зиён етказиши мумкинлигини айт-масдан ўлишни истамайман, биродар.

Русиянинг учдан бир қисми қонунга зид ўлароқ бамисоли қамал ҳолатида яшайди. Полиция қўшинларингиз – ошкора ва хуфия-ларингиз кундан-кун кўпаймоқда. Қамоқхоналар ва сургун қилинадиган жойларингиз шу қадар тўлиб кетганки, уларнинг асосий қисмиини сиёсий маҳбуслар ташкил этади; энди улар сафига оддий ишчилар ҳам қўшила бошлади.

Цензура шу қадар аҳмоқона таъқиқлар чегарасига етиб келдики, энг қора кунларимиз саналмиш – 40-йиллар даражасидан ҳам ўтиб кетди. Диний тазииклар ҳеч қачон бу қадар шафқатсизлик билан олиб борилмаган эди... Шаҳарларда – завод ва фабрикалар қошида қўшинларингиз ҳаргиз тайёр турадики, қайси бир жойда халқ андак норозилик билдирса, милтиқларига ажал ўқларини жойлаб югуришади. Жуда кўп жойларда биродаркушлик бўлди ва янгидан-янги қон тўклишига ҳозирлик кўримоқда.

Давлатнинг мана шундай муттасил амалга ошираётган кескин ва шафқатсиз хатти-ҳаракатлари сабабли 100 миллионли дехқон халқ – ҳа, Русиянинг қудратини таъминловчи дехқонлар – давлат бюджети муттасил ортиб бораётганига ёки, аниқроғи, айни ортиб бориши оқибатида кундан-кунга камбағаллашиб бораёттир, очлик одатдаги ҳолга айланисиб қолди. Ва, табиий, жамиятнинг барча қатламларида давлат сиёсатига нисбатан қаршилик кўрсатиш, унга душманларча муносабатда бўлиш ҳам одатий ҳолга айланисиб қолди.

¹ Бу мактубни Ўзбекистон халқ ёзувчиси Шукур Холмирзаев қисман таржима қилган. Камина ўша таржимани қиёмага етказдим.

Буларнинг барчасини сабаби, ҳеч шубҳасиз, битта: гап шундаки, сизнинг маслаҳатчиларингиз халқ ҳаётидаги исталган илгари силжиши тўхтатиб, айни шу йўл билан халқнинг фаровонлигини ҳамда сизнинг хотиржамлигингиз ва хавфсизлигингизни таъминляпмиз, дея сизни ишонтирмоқда. Бироқ Тангри таоло йўл берган инсониятнинг доимий олдинга интилишини тўхтатишдан кўра дарёнинг оқимини тўсиш осон. Муайян одамлар ҳаётнинг ҳозиргидек кечишини хоҳлайди, улар «apres nous le deluge» (французча), яъни «биздан кейин дунёни сув босиб кетмайдими» деган ақида билан яшайдилар; бинобарин бунга сизни ҳам ишонтира оладилар ва бу уларнинг вазифаси ҳисобланади – хуллас, уларни тушунса бўлади. Бироқ, во даригки, сиздай эркин, ҳеч вақога муҳтоҷ бўлмаган одам, оқил ва бағрикенг инсон қандай уларга ишонишингиз; уларнинг даҳшатли йўл-йўриқларига амал қилиб, инсониятнинг ёвузликдан эзгуликка, зулматдан ёруғликка абадий талпинишини тўхтатишдек бемаъни муддао йўлида шунчалик ёвузликлар қилишингиз ёки ёвузликлар қилиниши учун имконият яратишингизни асло тушуниб бўлмайди.

Ахир, Сиз ушбу ҳолни билмаслигингиз мумкин эмас, яъни инсоният тараққиётида ҳаётнинг шакллари, жумладан, иқтисодий, сиёсий, ижтимоий ва диний шакллари тўхтовсиз ўзгариб, қўпол шакллари юмшокроқ шаклларга, аҳмоқона бошқарувлар оқилона бошқарув усуулларига ўрнини бўшатиб бераётir.

Бутун дунё тараққиётида шу ҳол кузатилаётir.

Сизнинг маҳрам-маслаҳатчиларингиз эса Сизга, йўқ, бу – ёлғон ақида, дейишиади, рус халқи учун православ дини ва яккаҳокимлик илгари қандай қимматга эга бўлса, ҳамон шундай – бу ҳол унинг табиатига хосдир ва бундан кейин ҳам шундай бўлиб қолади, дейишиади ва бир-бири билан боғлик бу икки бошқарув шаклини нима қилиб бўлса-да қўллаб-қувватлаш ва мустаҳкамлашни маслаҳат беришади. Ахир, бу икки томонлама хато-ку. Биринчидан, православлик рус халқига бир замонлар қанчалик қадрли – табиатига хосдек бўлган эса, эндиликда бундай эмас. Синоддаги оберпрокурорнинг ҳисботларидан билишингиз мумкинки, Русиядаги руҳан ва ақлан камол топган кўпдан-кўп зиёлилар бошларига ёғилажак хавф-хатарларни яхши билгандарни ҳолда православликдан йироқлашмоқда, эзгу ҳақиқатларни тан олгувчи мазҳабларга кирмоқда. Иккинчидан, башарти рус халқига православлик шу қадар хос – миллий туйғуси каби бўлар экан, бу ақиданинг бунчалар ҳимоя қилинишининг ҳамда уни инкор этадиганларни шафқатсизларча таъқиб қилинишининг сира ҳожати йўқ.

Энди яккаҳокимликка келсақ, бу ҳам рус ҳалқига хос эътиқодdir дейиши хато экани кўриниб қолди: илгари замонларда шоҳ – гуноҳ-

сиз, ердаги Худодир, унинг ёлғиз ўзи халқни – давлатни бошқаради, деб ишонишган бўлса, ҳозир ишонишмайди. Биринчидан, андак-кина саводхон одам ҳам биладики, яхши шоҳ, французлар таъбири билан айтганда: «un heureux hasard», яъни камдан-кам учрайдиган баҳтли тасодиф, қолаверса, шоҳлар нодон ва жоҳил бўлишлари ҳам мумкин экан – худди Иоан Тўртингчи ва Павелга ўхшаб; иккинчидан; шоҳ қанчалик яхши бўлмасин, 130 миллиондан иборат аҳолини якка ўзи бошқара олмайди, халқни – давлатни шоҳга яқин турган кимсалар, халқ манфаатидан кўра ўзларининг нафиини кўпроқ ўйладиган кимсалар бошқаради, бу мансабдорлар эса халқ фаровонлигини ўйламайди, аксинча асосан ўзларининг манфаатлари ҳақида қайгуради. Сиз менга шоҳлар ҳалол ва ишchan ўғлонларни ёнига олиши мумкин, дейишингиз мумкин. Афсуски, шоҳ бундай қила олмайди, у тасодифан ёки турли йўллар билан пинжига кириб олган бир неча ўнлаб кимсаларнигина билади, бу кимсалар сидқидилдан хизмат қилиши мумкин бўлган виждонли одамларни қора тоғдай шоҳдан тўсиб туради. Бинобарин, сергайрат, чинакамига маърифатли, ҳалол, ижтимоий фаолиятта ташна минглаб ҳалол одамлардан эмас, Бомарше айтгандек, шоҳ «кулларча ўртамиёна феъль-атвори билан жамики ниятларига эришадиган» тоифалардан хизматчиларни танлаб олади. Кўплаб руслар шоҳга итоат қилишга тайёр, бироқ рус халқи ўз орасидан чиққан мансабдорларга ҳақорат қиласдан бўйинсина олмайди, чунки шоҳ номидан халқни бошқараётган бу кимсалардан нафртланади.

Омманинг мустабид ҳокимиятта ва айни ҳокимиятнинг тепасида подшога, яъни Сизга муҳаббатдай туюлаётган қулларча маҳлиёлиги Сизни адаштираёт, биродар. Москва ва бошқа шаҳар кўчаларида Сизни ва ёрдамчиларингизни кўришганда, халқнинг «ура!» деб аюҳаннос солишига ишонманг. Булар асосан – полиция томонидан ҳайдаб келинган ва сафга тизилган, халқнинг сизга садоқатини хўжакўрсинга намойиш қилувчи оломондан бошқа нарса эмас. Эслайсизми, бобонгиз Харьковда бўлганида, ибодатхона майдонини тўлдирган минг-минглаб халқ – кийими ўзгартирилган полициячилардан иборат эди.

Башарти сиз, шоҳона ташрифларингиз чоғида бутун темир йўл бўйлаб саф тортган аскарлар ортига тизиб қўйилган дехқонлар томонига мен сингари ўта олганингизда; қўшни қишлоқлардан ҳайдаб келинган ҳамда совуқда ва тиззагача лойга ботган ҳолда сизнинг келишингизни бирон-бир манфаат кўрмасдан бир неча кун кутган бу дехқонлар: оқсоқоллар, юзбошилар, ўнбошиларнинг дардларини тинглаганингизда эди, халқнинг чинакам вакиллари, оддий дехқонлардан яккаҳокимлик ва унинг вакилига муҳаббатта тамомила зид фикрларни эшитар әдингиз. Агар 50 йил муқаддам Николай I даври-

да Чор подшоси ҳокимиятининг обрўйи юқори бўлган бўлса, кейинги 30 йил мобайнида унинг ҳурмати тўхтовсиз пасайиб, сўнгти пайтда шу даражада тушиб кетдики, эндиликда барча тоифаларга мансуб исталган одам ҳукумат фармойишларини нафақат тортина масдан дадил қораламоқда, балки шоҳнинг ўзига ҳам маломатлар ёғдирмоқда, ошкора масхаралаб устидан кулмоқда.

Яккаҳокимлик – давлат бошқарувининг эскирган, умрини ўтаб бўлган шакли. Тўғри, бу бошқарув усули Африканинг қайсиdir бурчакларидағи қабилаларга маъқул тушар, аммо рус халқига маъқул тушмай қолганига анча вақт бўлди: рус саводли, маданий бўлгани сари бу масалаларда ҳам кўзи очилаётir. Бинобарин, бошқарувнинг бу шакли ва у билан боғлиқ православияни фақат ҳозиргидек хилмажил зўравонликлар: кучайтирилган соқчилар, сургунлар, қатллар, диний таъқиблар, китоблар ва газеталарни таъқиқлаш, сийқаси чиққан таълим тизими ҳамда умуман ақлбовар қилмас бемаъниликлар ва шафқатсизликлар ҳисобига сақлаб туриш мумкин.

Сизнинг ижтимоий фаолиятингиз ушбу кунларгача шу тарзда кечди. Дастреб Тверь депутатларига жавобан, одамларнинг қонуний истакларини «бемаъни хомхаёллар» (Николай II земствалар ва дворянларнинг вакиллари олдида сўзлаган нутқида «ички бошқарув ишларида қатнашиш таклифларидан «бемаъни хомхаёллар» сифатида огоҳлантирган ҳамда «яккаҳокимлик негизларини бундан бўён ҳам ҳимоя қилишини» баён қилганди – Шукур Холмирзаев) деб атаганингиз бутун рус жамиятининг норозилигини келтириб чиқарди. Финландия хусусидаги бўйруғингиз (Чор ҳукумати Финландияни руслаштириш мақсадида қаттиқ сиёsat юритади. 1900 йили Финландияда «Давлат тили – рус тили» деб эълон қилинади; 29 июня чиқарилган янги қонунга кўра эса финлар Рус армиясида ҳарбий хизмат ўташи шарт қилиб қўйилади), Хитойга босқин (1901-1902 йилларда Германия, АҚШ, Англия, Франция ва ҳоказо давлатлар томонидан қилинган интервенцияга Русия ҳам қўшилган эди – Шукур Холмирзаев), Гаага конференциясига тақдим этган дастурингиз ва амалда унинг аксини қилганингиз (1899 йили Русиянинг ташаббуси билан Гаагада Тинчлик конференцияси очилган, айни чоғда чоризм Узоқ Шарқни батамом босиб олиш учун тайёргарлик хусусида бўйрук чиқарган эди – Шукур Холмирзаев), вилоятларда ўзини-ўзи бошқарувни сусайтириб, тўраларча бошқарув усувларини қўллаб-куватлашингиз ва кучайтиришингиз – бу аксилисоний қилиқларингиз бўлмаслиги мумкин эди.

Зўравонлик чора-тадбирлари билан халқни фақат эзиш мумкин, бироқ уни бошқариб бўлмайди. Бизнинг давримизда халқни чинакамига бошқаришнинг ягона усули халқнинг ёвузлиқдан эзгулик, зулматдан ёргулик сари интилишларига раҳбарлик қилиб, бу мақсадга

энг яқин йўл билан олиб боришдан иборат. Буни амалга ошириш учун эса биринчи галда халқقا ўз истаклари ва шикоятларини айтиш имконини яратиш керак ҳамда мана шу истаклар ва шикоятларга қулоқ тутиб, улардан битта синф ёки тоифанинг эмас, балки аксарият кўпчиллик аҳолининг, меҳнаткашлар оммасининг талабларига жавоб берадиганларини амалга ошириш зарур.

Башарти, рус халқига ўз истакларини баён қилиш имконияти бериладиган бўлса, менинг назаримда улар қуийдагилардан иборат бўлади:

Меҳнаткаш халқ биринчи галда ўзини бошқа барча фуқаролар хукуқларидан фойланишга имкон бермайдиган, ҳамма ҳақ-хукуқлардан маҳрум жабрдийда аҳволига солиб қўядиган маҳсус қонунлардан халос қилишни сўрайди; кейин ўзининг маънавий эҳтиёжларига хос ва мос таълим ва эътиқод эркинлигини, бемалол кўчиб юриш эркинлигини хоҳлашини айтади; ва, энг муҳими, бутун 100 миллионли халқ ердан эркин фойдаланишни, яъни ерга хусусий мулкчилик хукуқи бекор қилинишини хоҳлашини бир овоздан баралла талаб қиласди.

Айни мана шу – ерга хусусий эгалик қилиш хукуқининг йўқотилиши, менимча, Русия ҳукумати бизнинг давримизда амалга ошириши керак бўлган дастлабки вазифа ҳисобланади.

Инсоният ҳамиша афзал ҳаёт тарзига талпинади, бинобарин ҳәётининг ҳар бир даврида афзал ҳаёт тарзини амалга ошириш нинг давр талабларига мос энг яқин вазифаси мавжуд. Эллик йил муқаддам Русия учун қуилликка барҳам бериш ана шундай энг яқин ва муҳим вазифа бўлганди. Бизнинг давримиздаги асосий вазифа меҳнаткашлар оммасини бир ҳовуч ҳукмонлар тоифасидан озод қилишдан иборат, бугунги кундаги амалий вазифа мана шу.

Фарбий Европада бу мақсадга завод ва фабрикаларни ишчиларга умумий фойдаланиш учун бериш йўли билан эришиш мумкин дейишади. Мазкур муаммонинг Farb халқлари учун шу тарзда ҳал қилиниши тўғрими ёки нотўғрими, буни қилса бўладими ёки бўлмайдими, бундан қатъий назар ҳозирги аҳволдаги Россияда бундай қилиб бўлмаслиги шубҳасиз. Аҳолисининг аксарияти қишлоқларда яшайдиган ва ҳаёти йирик заминдорларга тўла боғлиқ бўлган Россияда фабрика ва заводлардан умумий фойдаланишга ўтиш йўли билан меҳнаткашларни озод қилишнинг имкони йўқ. Рус халқини фақат ерга хусусий мулкчиликни йўл қилиш ва ерни умумхалқ мулки деб эълон қилиш орқали озод қилиш мумкин, бу рус халқининг азалий ардоқли орзуси бўлиб, Русия ҳукуматидан ҳали ҳамон шундай қилишни кутаётир.

Менинг бу мулоҳазаларимни, айниқса ерни умумхалқ мулки деб эътироф этишга оид таклифимни сизнинг маслаҳатчиларин-

гиз «давлат бошқарувининг бутун мураккабликларидан бехабар кимсанинг ўтакетган ҳавои фикрлари ва уқувсизлиги» деб талқин қилишларини биламан; лекин шуни ҳам биламанки, халққа нисбатан тобора кўпроқ шафқатсиз зўравонликлар қилишга мажбур бўймасликнинг фақат ёлғиз чораси бор, хусусан: халқ истакларидан олдинда юрадиган мақсадни ўз вазифангиз қилиб олишингиз керак. Хуллас, рўпарадан келаётган арава янчиб кетишини кутиб ўтирмасдан унинг жиловини қўлга олиш керак, яъни ҳаётнинг афзал шаклларини жорий қиливчиларнинг олдинги сафларида бориш керак. Бу борада Россиянинг вазифаси фақат ерга хусусий мулкчиликни ўйл қилиш саналади. Фақат шундагина Россия ҳукумати завод-фабрикаларнинг ишчилари ёки ўқувчи ёшларга ҳозиргидек номуносиб ва мажбурий ёнберишлар қилмасдан, ҳаётидан хавфсирамай ўз халқининг йўлбошчиси бўлиши ва росмана бошқара олиши мумкин.

Маслаҳатчиларингиз сизга ерга хусусий мулкчиликни йўқ қилиш хомхаёл ва амалга ошириб бўлмайдиган иш, дейди. Уларнинг фикрига кўра, 130 миллионли тирик жонлардан иборат халқни ҳаётига ёки ҳаёт белгиларини намоён қилишига барҳам беришга мажбуrlаш ҳамда аллақачонлар улғайиб, асло сифмай қолган қуюшқонга қайта зўрлаб тиқиши, – хомхаёл эмас ва наинки амалга ошириб бўлмайдиган иш, балки энг оқилона ва ҳаётий тадбир. Бироқ андак бош қотирилса, ҳозиргидек амалга ошириш хатарли ишни қилишга зўр беришнинг ҳожати қолмайди, аксинча ҳамон бошланмаган, бироқ айнан қайси долзарб ва зарур вазифани амалга ошириш мумкинлиги ойдинлашади.

Шахсан ўйлашимча, бугунги кунда ерга хусусий эгалик қилиш эллик йил муқаддам крепоснойлик ҳуқуқи сингари чидаб бўлмайдиган ва шубҳасиз адолатсизлик ҳисобланади. Фикримча, ерга хусусий эгаликнинг йўқ қилиниши рус халқини эмин-эркинлик, фаровонлик ва мамнунликнинг юқори поғонасига олиб чиқади. Яна, бу тадбир, ҳеч шубҳасиз, ҳозир ишчилар орасида тобора авж олиб бораётган, халқ учун ҳам, ҳукумат учун ҳам даҳшатли хавф-хатарга айланәётган барча ижтимоий ва инқилобий ғазабланишларга чек қўяди.

Лекин мен янглишган бўлишим мумкин, бинобарин бу масалани ҳал қилиш-қилмасликдан қайси бири афзаллигини ҳам агар имконият берилса, фақат яна халқнинг ўзи танлайди.

Хуллас, нима бўймасин, айни паллада ҳукумат олдида турган биринчи галдаги вазифа халққа ўз истаклари ва шикоятларини айтишга монелик кўрсатаётган жабр-зулмга чек қўйишидан иборат. Ўз фаровонлигини таъминлайдиган фикрларини айта олмаслиги учун оғзи боғлаб қўйилган одамга яхшилик қилиб бўлмайди. Фақат ўз

халқининг ёки унинг аксарият қисмининг истаклари ва эҳтиёжлари-ни билган тақдирдагина халқни бошқариш ва унга яхшилик қилиш мумкин.

Мұхтарам биродар, бу дүнёда фақат бир марта яшайсиз, хоҳласанғиз уни Тангри таоло томонидан белгиланғандек одамзотнинг ёвузылдан әзгуликка, зулматдан ёруғликка талпинишини тұхта-тишдек беҳуда уринишга совуришингиз, шунингдек, халқнингор-зу-умидларлари ва хоҳишистакларини теран анлаган ҳолда бутун ҳәётингизни уларни рүёбға чиқаришга баҳш этиб, Худога ва халққа хотиржам ҳамда шоду хуррам хизмат қилишга сарфлашингиз мумкин.

Хукмронлигингиз ийларида күпдан-күп хайрли ишлар ҳам ёки күплаб ёвуз қилмишлар ҳам қилишингиз мумкинки, бу борада зиммангиздаги мастьулият қанчалар улкан бўлмасин, заминдаги ҳәётингиз учун Худонинг олдидағи жавобгарлигингиз ундан ҳам зиёда. Бинобарин, боқий дунёдаги ҳәётингиз фоний дунёдаги савобу гуноҳларингизга боғлиқ. Бу ҳәётни Худо сизга хилма-хил ёвузылклар қилиш ёки уларга йўл қўйиб, иштирок этиш учун эмас, балки илоҳий иродасини адо этишингиз учун берган. Худонинг иродаси, яъни амру фармони эса одамларга ёмонлик эмас, яхшилик қилишни талаб этади.

Бу хусусда одамлар олдида турғандек эмас, Худонинг олдида турғандек мулоҳаза қилиб кўринг ва Худо, яъни виждонингиз буюрган ишни қилинг. Башарти, янги ҳәёт йўлини танласангиз, бу йўлда учрайдиган тўсиқлардан сира ҳам ҳадиксираманг. Агар бу ишга ўткінчи шону шуҳрат учун эмас, балки вижданан, яъни баҳаққи Худо киришсангиз, мазкур йўлда дуч келадиган тўсиқлар ўз-ўзидан ғойиб бўлади, сиз уларни ҳатто пайқамайсиз.

Бу мактубим билан беихтиёр сизнинг ҳамиятингизга теккан ёки ранжитган бўлсам, мени матъзур тутинг. Бу хатни фақат рус халқи ва сизга баҳту саодат тилаб ёздим. Бунга эриша олдимми-йўқми, келаҗак кўрсатади, у кунларни кўришим эса эҳтимолдан йироқ. Мен ўз бурчим ҳисоблаган ишни қилдим.

Сизга чинакам баҳту саодат тилаб самимий биродарингиз,

Лев Толстой
1902 йил 16 январь

Фёдор Достоевский

АДАБИЙ МАКТУБЛАР

М. М. Достоевский¹га

Петербург. 24 марта, 1845 года.

Онт ичдим, сув ва ҳаводай зарур бўлганда ҳам сабру тоқат билан буюртма асосида ижод қилмайман. Буюртма билан ижод қилиш истеъдод алангасини наинки заифлаширади, балки тамомила сўндиради. Мен эса ҳар бир асарим, шубҳасиз, аъло бўлишини истайман. Бу борада Пушкиндан ҳам, Гоголдан ҳам ибрат олса арзиди. Асарлари нисбатан кўп бўлмаса ҳам, пайти келиб, ҳар иккиласига ҳайкал ўрнатилади. <...> Улар шону шуҳратни, айниқса, Гоголь йиллар давомида қашшоқлик ва ғарибона кун кечириш эвазига қўлга киритган. Кўхна ижод услублари йўқолаётир. Янги қаламкашлар қоғозни булғашдан нарига ўтолмаяпти. Муайян ижодкорнинг жамики салоҳияти биргина зўриқишига сарфланаяпти, холос. Бунда қиёмига етказилмаган ҳайротомуз фой билан салоҳиятнинг беҳуда чиранишигина кўзга ташланәтири, қилинган иш эса сариқ қаҳага ҳам арзимайди. Беранже замонавий француз фельетончиларини сув билан тўлатилган май жомига қиёслайди. Бизнинг қаламкашлар ҳам баайнни шундай. <...>

Ёзган романимдан кўнглим тўқ. Бу жиддий ва тўқис асар. Дарвоче, жиддий нуқсонлари ҳам йўқ эмас. Бундан қатъи назар. нашрдан чиқса, эътироф қилиниши шубҳасиз.

<...> Жуда кўп ўқияпман, ўқиганларим жуда ғалати таъсир қилаётир. Қачонлардир ўқиган асаримни такроран ўқийман ва гё ѡалбим янги куч-қувват билан тўлади, синчиклаб мутолаа қилиб, барчасини тушунаман ва илҳомланаман.

Драма ёзиш масаласида бирон ваъда беролмайман. Бунинг учун дейлиқ, каминадан, кўп йиллик тажриба хотиржамлик талаб этилади. Ҳозир айни ижод палласи. Бугунги кунда драма эмас, мелодрама ёзиш одат тусини олган. Шуҳратпараст драматургларга Шекспир шуҳрати сўниб, шарпадай туюлаётир. Ёзда, эҳтимол, яна қўлимга қалам оларман. Икки-уч йил ва кўрамиз, ҳозирча эса кутамиз!

Бадиий адабиёт масаласида икки йил аввалги тасавурларим тамомила ўзгарди. Илгариги болаларча гўллик, сафсатабозликдан асар ҳам йўқ.

¹ Достоевский Михаил Михайлович (1820-1864) – драматург, таржимон, ношир. Ф. М. Достоевскийнинг акаси.

Муҳтоҗлиқдан жиннихонада завол топган немис шоирлари ҳақида «Инвалид»да ҳозиргина фельетон ўқидим. Йигирмата шоир, лекин бири-биридан машхур! Юрагим орқага тортиб кетди. Наздимда, ижод бобида афсунгар бўлиш керак...

М. М. Достоевскийга

4 май, 1845 йил.

<...> Бу романим фикру зикримни тамомила банд қилиб, шу даражада тинкамни қуритдики, шундай бўлишини билганимда, унга сира қўл урмаган бўлардим. Уни яна бир марта янгидан ёздим, Худо ҳаққи, анча эпақага келди; салкам икки баравар ютди. Нихоят сўнгги нуқта қўйилди, ортиқ таҳрир қилмайман. Қайта қўл урмасликка онт ичдим. Пушкин ҳатто кичик-кичик шеърларини ҳам қайта-қайта таҳрир қилган. Гоголь гаройиб асарларини икки йиллаб эринмай сайқаллаган. Вальтер Скотт, масалан, «Маеннеринг» сингари бадиий тўқис асарини бир неча ҳафтада ёзганига сира ақлим етмайди. Балки 40 ёшда бўлгани учун шундай натижага эришгандир.

М. М. Достоевскийга

(Петербург) 1 февраль, 1846 йил.

<...> «Камбағаллар» романим ўн бешинчи санадаёқ чиққан. Нимасини айтай, биродар! Бешафқат таъна-маломатлар ёғдирилдики, асти қўяверасан! «Иллюстрация»да босилган тақриз бошдан-оёқ ҳақоратлар билан йўғрилган. «Северная пчела»да эса ундан ҳам бешбаттар маломатнома босилди. Лекин Гоголни дастлаб қандай кутиб олишгани ёдимда, Пушкинга илк кезларда қандай муносабатда бўлишганини эса ҳаммамиз биламиз. <...> Тинмай таъна тоши ёғдириш баробарида айни ўша асарни ўқишини ҳам канда қилмайдилар. Гоголга нисбатан ҳам шундай йўл тутишган. Ҳақорат, ҳақорат, яна ҳақорат қилишгану барибир қўлдан қўймай ўқиганлар ва эндиликда муросага келиб, мақтай бошладилар. Ўзиям кутилмаган жумбоқни тортиқ қилдим-да!

Оломонга хос ботиний сезигирлик китобхонлар оммасида ҳам бор, бироқ бадиий дид, савия йўқ. Айни услугуб билан ёзиш мумкинлигини ҳазм қила олмаяптилар. Улар жамики асарларда бевосита ижодкор сиймосини кўришга кўнишишган; мен сийратимни очмаганман. Айнан камина адид эмас, асар қаҳрамони Девушкин номидан баён қилингандарни китобхонлар англай олмаяпти, ҳолбуки, Девушкин ўзгача услугуда сўзлай олмайди. Роман чўзилиб кетган дея

таъна қиласптилар, аслида биронта ҳам ортиқча сўз қўлламаганман. Менинг ижодимни рус адабиётида тамомила янги йўналиш сифатида ҳам талқин қиласптилар (Белинский) ҳам бор. Уларнинг наздида, менинг ижодимда Синтез, яъни умумлаштириш эмас, балки Анализ – таҳдил кучли, яъни теранликка шўнғиб, заррама-зарра элақдан ўтказиб, яхлитликни кашф этаман. Гоголь эса тўғридан-тўғри яхлитнинг ўзини олиб кўя қолади ва шу боис мен сингари теранлашмайди. Романинг ўқисанг, ишонч ҳосил қиласан. <...>

М. М. Достоевскийга
Петербург. 1 апрель, 1846 йил.

<...> Сон-саноқсиз янги адиблар етишди. Айримлари каминага рақиб. Улар орасида Герцен ва Гончаров, айниқса, салоҳиятли. Герценнинг асарлари аллақачон босилган, иккинчиси ҳаваскор, ҳали биронта асари нашр қилинмаган. Уларни чунонам мақтаяптилар. Лекин ижод бобида биринчиликни ҳозир ҳам ва умид қиласманки, кейинчалик ҳам қўлдан бермайман. Сирасини айтганда, адабиёт оламида ҳеч қачон бу даражада кучли жўшқинлик бўлмаган. Бу эзгу натижа бериши шубҳасиз. <...>

М. М. Достоевскийга
(Петербург) Петропавловск қамоқхонаси. 22 декабрь, 1849 йил.

<...> Наҳотки ортиқ ҳеч қачон қўлимга қалам олмасам? Тўрт йилдан кейин яна ижодга киришаман деган умиддаман. Нимаики ёзсан, ҳаммасини сенга юбораман. Ё Худойим! Мен минг азоб билан яна яратган қанча тимсоллар хаёлимда изсиз ийқолиб, сўнади ёхуд ҳаётимни барбод қилувчи заҳар-заққумга айланади! Эвоҳ, агар ёзмасам, кўзим очиқ кетади. Бундан ўн беш йиллик қамоқ муддатию қўлимдан қалам тушмагани афзал. <...>

М. М. Достоевскийга
Омск, 30 январь – 22 февраль, 1854 йил.

<...> Каторга-сургунда беҳисоб халқона тимсоллар, феъл-атворлар эгаларини ўргандим! Мен улар билан туғишгандай бўлиб кетдим ва феъл-атворларини жуда яхши ўзлаштиргандайман. Дайдилар ва қароқчилар қисматию жамики тийра, кулфатзада турмуш тарзига хос беадад қиссалар гувоҳи бўлганимга ишонгим келмайди! Булар асосида жилд-жилд асарлар яратса бўлади. Нақадар ажойиб халқ. Сургунда умрим беҳуда соврулмаганига беадад шукр. Россияни бошдан-оёқ кўрмаган тақдирда ҳам рус халқини шу даражада ўрган-

димки, бу баҳт камдан-кам одамга насиб этади. Бироз манманлик ҳам қилдим. Умид қиласманки, кечирса бўлади. <...>

А. Н. Майков¹га

Семипалатинск. 18 январь. 18 (56) йил,

<...> Шеърларингизни ўқидим ва жуда яхши тассурот пайдо бўлди; славян халқларининг маънавий нажоткорлиги билан боғлиқ ватанпарварлик туйғуларингизга тўла қўшиламан. Бу олижаноб Россия, улуғ ва муқаддас она юртимиз зиммасига тушган оламшумул вазифа. «Клермонт ибодатхонасида» шеърингизни жуда яхши якунлагансиз! Бағоят улкан фикрни шу даражада қойилмақом ифода этганингиз таҳсинга лойик!

Ижод билан банд эдим, лекин асосий асаримни ёзишни бироз кейинга қолдирдим. Кайфиятим маромига келишини кутаяпман. Адабиёт оламидаги янгиликлар ҳақида ёзинг. Бу йил мобайнинда деярли ҳеч қандай асар ўқимадим. Сизга ўз хуросаларимни ҳам айтаман: Тургенев айниқса, манзур бўляпти – фақат улкан истеъдод соҳиби бўлгани ҳолда қатор ўринларда талантини жиловлай билмаслиги афсуслантиради. Л.Т.² ижоди ҳам жуда ажойиб, лекин, фикримча, кўп ёза олмайди (янглишаётган бўлишим ҳам мумкин). Островскийни умуман билмайман, биронта ҳам асарини тўлиқ ўқимаганман, лекин асарлари таҳлилига оид кўплаб мулоҳазаларга кўзим тушди. У, балки, Руснинг муайян тоифалари ҳаётини яхши билар, лекин, менимча, чинакам санъаткор эмас. Боз устига, назаримда, у гоясиз ижодкор. Янглишганимга амин бўлай, илтимос, унинг яхши асарларидан, Худо ҳаққи, менга юборинг, токи бу адаб ҳақида танқидчиларнинг фикрлари асосида мулоҳаза юритишни бас қилай. Писемскийнинг фақат «Фанфарон» ва «Бадавлат куёв» асарини ўқидим. Унинг асарлари менга жуда ёқади. Зукко, бағри кент ва ҳатто содда адаб: яхши ҳикоя қилади. Бир жиҳат кўнгилни хира қилади: шошиб ёзади. Жуда тез ва кўп ёзади. Ижодкор ўз қадр-қимматини билиши, салоҳияти ва санъатга алоҳида эҳтиром билан муносабатда бўлиши, айниқса, санъатни севиши керак. Ёшлиқда гоялар шалоладай қуилиб келаверади, лекин биронта фикр туғилгани ҳамоно баён этишга шошилишнинг ҳожати йўқ. Яххиси. бироз кутиб умумлаштирган, кўпроқ мулоҳаза юритган маъқул, токи бирон гояни ифодалайдиган кўплаб майда жиҳатлар яхлитлашиб, ягона йирик, салобатли тимсолга айлангани ва шундан кейин баён қилингани маъқул. Буюк

¹ Майков Аппалон Николаевич (1821-1897) – шоир, таржимон ва танқидчи. Ўн тўққизинчи асрнинг 40-йилларидан эътиборан Ф.М.Достоевскийнинг яқин дўсти.

² Л.Т. – Лев Толстой

адиблар яратган буюк бадиий қаҳрамонлар аксарият узоқ давом этгандан машаққатли меҳнат натижасида юзага келган. Оралиқдаги тажрибалару хомаки мулоҳазаларни қофозга туширишга не ҳожат? Писемский хусусида айтмоқчиманки, назаримда, ижод бобида ўзини чекламайди. Айрим адигаларимиз росмана аёл адигалардай ижод қиласиди, яъни зукколик ва назокат билан фавқулодда ошиқиб қалам тебратади. Айтинг-чи, адига аёллар нима учун ҳеч қачон қатъиятли ижодкор бўла олмайди? Ҳатто шубҳасиз, улкан санъаткор George Sand¹ ҳам заифаларга хос феъл-атвори билан ижодкорлик бобида бир неча марта ўзига ўзи панд берган. <...>

И. С. Тургенев²та

Турин. 18 октябрь, 18 (63) йил.

<...> Петербургда менга жиддий иш мунтазир. <...> Журнални деярли янгидан ташкил этиш даркор. Уни яна ҳам замонавий, қизиқарли қилиш ва айни пайтда адабиётни ҳурмат қилиш керак – булар петербурглик қатор билимдонларнинг фикрига кўра, ўзаро уйғунлашуви мушкул вазифа. Бироқ адабиётга нисбатан бошланиб келаётган нафрат билан жон-жаҳдимиз билан курашмоқчимиз. Ниятимиздан қайтмаймиз. Бу борада ёрдамингизни дариф тутманг, марҳамат қилиб, имкон қадар кўллаб-кувватланг. <...>

И. С. Тургеневга

Петербург. 23 декабрь, 18 (63) йил.

Қимматли ва муҳтарам Иван Сергеевич! П. В. Анненковнинг укамга айтишича, сиз аксарият фантастикадан иборат «Шарпалар» ҳикоянгизни журналда нашр қилинишини хоҳламаётган эмишисиз. Бундан жиддий азият чекаяпмиз.

Нима учун, Иван Сергеевич, «Шарпалар» ҳозирги даврга тўғри келмайди ва уни тушунишмайди, деб ўйлајпмиз (башарти, шундай фикрда бўлсангиз). Аксинча, салоҳиятли адигаларга тақлид қиласидаги ижобий анъаналарни шу даражада ерга урдиларки, соғ бадиий (ғоят шоирона) асарни журналда бажонидил чоп этамиз. Кўпчилик муайян ажабланиш, лекин кўнгилни илитаѓиган ажабланиш билан қабул қиласиди. Кексаю янги авлодга мансуб фаҳм-фаросатли кишилар шундай ҳолатга тушади. Ҳеч вақони англамайдиганлар хусусида эса оғиз очишни ҳам истамайман. Улар адабиётга қайси

¹ Француз ёзувчиси Жорж Санд назарда тутиляпти.

² Тургенев И.С. – шоир, адига.

нуқтаи назардан ёндошишларини айтсам, ишонмайсиз. Чекланган манфаатпарастлик – уларнинг бор-йўқ хоҳиши шу. Уларга чинакам шоирона асар ёзиб беринг; қабул қилмайдилар, аксинча кимдир аёвсиз калтакланаётган ҳолат тасвирланган асарни қўлга оладилар. Шоирона ҳақиқат ёввойилик сифатида талқин этилади. Уларга турмуш воқеаларидан нусха кўчириш керак, холос. Бундай насрни бадиий асар ҳисоблаб бўладими? Байни жаҳолатпараст мажусийлик. Шундан кейин уларга назар ташлашни ҳам истамайсан.Faфлатдан ниҳоят ўзига келаётган соғлом қатлам санъат, адабиётдан дадилликни кутаётир. Сизнинг «Шарпалар» хикоянгизда шундай кутилган дадиллик бор, башарти шунга мос қадам ташласангиз, бу барчамиз учун ўзига хос намуна бўлади. «Шарпалар»нинг услуги барчани ҳайратлантиради. Мен, дарвоқе, манфаатпарастлик шаклларидан бирини биламан, Сизнинг асарингиздан бу тоифанинг кўнгли тўлмаса ҳам оҳанрабодай жозиба кучига эга эканини эътироф этади. Бизда ёлғондакам нигилистларнинг сони бору, саноғи йўқ, ахир. Лекин бу борада мухими – мавжуд ҳолатни англашдан иборат. Бу ҳолат – замонамиизда яшаётган ривожланган ва онгли мавжудотнинг илҳақлиги. «Шарпалар» айни илҳақлик билан йўғрилган. Айни «ришта туман ичра тор сингари жаранглайди» ва жуда мавридида акс садо беради. «Шарпалар» – мусиқадай оҳангдор. Дарвоқе, мусиқага нисбатан муносабатингизни билишни истардим. Сизнингча, мусиқа шунчаки кўнгилхушликми ёки ижобий заруриятми? Менимча, онг (мулоҳа-загўйлик эмас, балки бус-бутун идрок) англаб етишга ултурмаган кечинмалар мусиқа воситасида баён қилинади, бинобарин мусиқа ижобий хусусиятга эга. Манфаатпарастлар эса буни тушунмайди; лекин мусиқани яхши кўрадиганлари юз ўтиргани йўқ ва аввалгидек шугулланяптилар.

Сизнинг «Шарпалар»ингиз шакли жуда қойилмақом. Агар бирон-бир жиҳатига шубҳа билан қарашиб керак бўлса, фақат шакли масаласида бош қотириш мумкин. Хуллас, ҳамма гап шундаки: фантастик хусусиятга эга асар адабиёт оламида яшаб қолиш ҳуқуқига эгами? Бу саволга ким ҳам рад жавобини берарди! «Шарпалар»ни етарли даражада фантастик тусга эга эмас, деган нуқтаи назардан, эҳтимол, танқид қиласа бўлар. Яна ҳам фантастик тусга эга бўлганда, асар кучлироқ таъсир қилармиди? Сиз асарингиздаги мавжудотни вампир-қонхўр сифатида изоҳлагансиз. Менимча, бундай изоҳга ҳожат йўқ. Фикримга Анненков қўшилмади ва мулоҳазасини ижобий кучлар йўқотилгани, бой берилгани сингари далиллар билан исботлашга уринди. Унинг фикрини мен ҳам маъқулламадим. Ҳикояга хос орзиқиши ва гўзал шаклни англаганимнинг ўзи катта гап. Ҳикоя ғазабланиш бегона майин оҳангидан билан ҳам эътиборга сазовор. Қоятош ва бошқа ҳолатлар билан боғлиқ манзаралар эса ҳозир-

ча ҳал қилинмаган фавқулодда муаммоларга ишора бўлиб, уларнинг ҳал қилиниши номаълум, ундан воз кечишини хоҳламаса ҳам айни пайтда юрак яна ҳам орзиқади ва ваҳимага тушади. Хуллас, бундай мулоҳазалар бутунги кун учун жуда ўринли бўлиб, бундай фантастик асарлар фақат наф келтиради.

М. Н. Катков¹га

< Висбаден. 10 (22) – 25(17) сентябрь. 1865 йил. >

Қоралама

Сизнинг «Русский вестник» журналингизда қиссанинг² чоп этилишига умид қиласам бўладими?

Мазкур асар фояси, тахминимча, Сизнинг журналингиз йўналишига асло зид эмас, аксинча. Бу – бир жиноят тафсилотларига оид психолигик ҳисобот.

Асар воқеалари айни кунларда рўй беради. Келиб чиқиши мешчан, дорилфунундан ҳайдалган ва ўта қашшоқ кун кечиравчи ёш йигит тутуруқсиз енгилтаклик билан хомхәёллар домига тушиб қолади ва аянчли аҳволига бир ҳамла билан барҳам беришга аҳд қиласди. У судхўр бир кампирнинг ҳаётига зомин бўлишни кўнглига тугади. Кампир бемаъни, гарант, хаста, очкўз, ақл бовар қилмас фоизлар ҳисобига кун кўради, ёвузнинг ёвузи, устига-устак синглисини оқсоқ сифатида итдай ишлатади. «Ҳеч вақога ярамайди», «Нима учун яшапти?» «Бирон-бир кимсага нафи тегаётирми?» ва ҳоказо. Шу каби саволлар йигитчани йўлдан уради. У кампирни ўлдиришга, бор-будини ўмаришга қарор қиласди; олис қишлоқда яшайдиган онасини баҳтиёр этиш, заминдорлардан бирига ёлланган опасини ҳолос қилиш, ўқишини тугатиш ва чет элга жўнаб кетишининг ва кейинчалик «башарият олдидаги бурчини» бажаришда соғдил, қатъиятли, изчил йўл тутишни мўлжаллайди. Шу асно «жиноятини ювмоқчи» бўлади. Бемаъни, гарант, хаста, очкўз кампирнинг умрига зомин бўлганини қотиллик деб аташга тили ҳам бормайди. Унинг наздида, бу кампир дунёда нима учун яшётганини билмайди, боз устига, эҳтимол, бирон ойлар орасида ўзи шундоғам жон таслим қилган бўларди.

Бундай жиноятлар ўта машақкат билан содир этилса ҳам – яъни деярли ҳар доим қатор далиллар жиноят жойида қолдирилади ва бу жиноятчилар қўлга олинишига олиб келади, у эса ўз қилмишини

¹ Катков Михаил Никифорович (1818-1887) – «Русский Вестник» журнали мухаррири.

² «Жиноят ва жазо» романининг фояси.

кўз очиб-юмгунча уддалайди ва ҳеч қандай шубҳага ўрин қолдирмайди.

Сўнгги фожеага қадар салкам бир ой озодликда юради. Ундан сира ҳам шубҳаланишмайди ва шубҳаланишлари ҳам мумкин эмас. Айни шу ўринда жиноятнинг бутун психологик жараёни юзага чиқади. Қотил рўпарасида ҳал қилиб бўлмайдиган саволлар кўндаланг бўлади, илгари хаёлига ҳам келмаган фавқулодда ҳиссиётлар ич-этини кемира бошлайди. Илоҳий адолату заминий қонун-қоидаларустун чиқади, ва у – ўз айбига ўзи мажбуран иқрор бўлади. Шундай қилишга мажбур, чунки яна одамлар орасида эмин-эркин ҳаёт кечириш учун ҳатто сургунда нобуд бўлишга ҳам рози; жиноят содир эттани ҳамоно башариятдан айрилиб, ёлғизланиб қолгани боис ўзини кўйгани жой тополмайди. Адолат қонуни ва инсоний феъл-атвор ғолиблик қиласи. Жиноятчи гунохини ювиш учун азоб-укубат тортишга жазм этади. Дарвоqe, фикр-мулоҳазаларимни тўла-тўқис баён этишим қишин.

Асаримда шундай ишора ҳам борки, жиноят учун бериладиган хуқуқий жазо қонун ҳимоячилари ўйлагандан кўра жиноятчини оз чўчитади, зеро, муносиб жазога ахлоқий нуқтаи назардан, қисман, ўзи ҳам талабгор.

Ўта оми кимсалар ҳам шундай ҳолатга тушганининг шоҳидиман. Фоя ёркин бўлиши ва таъсири кучли бўлиши мақсадида асаримга ёш йигитни бош қаҳрамон қилиб олмоқчиман. Сўнгги пайтларда рўй берган бир неча ҳодисалар мен ўйлаган мавзу фавқулодда хусусиятга эга эмаслигига ишонтириди. Хусусан, эсли-хушли ва ҳатто ибраторумуз хислатли ёш йигитлар ҳам қотиллик қилиши эҳтимолдан холи эмас. Москвадаги талабалар воқеасидан кейин университетдан ҳайдалган бир талаба ҳақида Москвада менга гапириб беришганди – у почтани ўмариш ва хат ташувчини ўлдиришни мўлжаллаган. Газеталарда ёзишларича, файриоддий хомхаёлларга берилиш даҳшатли воқеалар содир бўлишига олиб келаётир. Қисқаси, рўй бераётган воқеалар асарим мавзусини оқлайди.

Ўз-ўзидан аёнки, асар маъносини бошдан-охир баён қилганим йўқ. Ўқишли чиқишига ишончим комил, нокамтарлик бўлмаслиги учун бадиияти ҳақида гапирмаганим маъқул. Муддатида топширишга уриниб, қолаверса, бошқа сабаблар боис қатор нуқсонларга ҳам йўл қўйганман. Лекин бу асарни шошилмай эҳтирос билан ёздим. Аввало, ўзимнинг кўнглим тўлиши учун бу асаримни имкон борича яхши чиқишига ҳаракат қиласман.

А. Е. Врангел¹га

Петербург, 18 февраль, 1866 йил.

Сургундаги маҳбусдай мاشақат билан ишләяпман. Бу – «Русский вестник» журналида чоп қилинаётган роман. Роман катта – олти қисмдан иборат. Ноябрь охирларида анчагина тайёр бўлиб қолган ва тайёр эди; ҳаммасини ёқиб юбордим; ниҳоят буни тан олсам бўлади. Ёзганларим ўзимга ёқмади. Романнинг янги тузилишию янги режаси сира тинчлик бермади ва қайтадан киришдим. Кечаю кундуз тинмаётганимга қарамай ишим унмаяпти. Ҳисоблашимча, ҳар ойда «Русский вестник» журналига олти босма тобоқ ҳажмгача қўлёзма етказиб беришим керак. Бу даҳшат; лекин уддасидан чиқсан бўлардим, афсуски руҳий хотиржамлик етишмаслиги панд бераяпти. Роман – шоирона тусда бўлиши лозим, руҳий хотиржамлигу тасаввур ранг-баранглигини тақозо этади. Мени эса қарз берганлар тинч қўйишмаяпти; ҳатто қамоқҳонага тиқиб қўямиз, деб дағдаға қилишмаяпти. Ҳалигача улар билан келиша олмадим, уларнинг кўпчилиги мулоҳазали кишилар бўлиб, қарз тўлаш муддатини беш йилга кечиктириш таклифимга рози эканликларига қарамай бу масала ҳал бўлишига ҳамон ишончим комил эмас; айримлари билан ҳалигача бир битимга кела олмадим. Хавотирларим боисини тушунарсиз, деган умиддаман. Бу кайфиятим кўнглимни ўта хижил қўлмоқда, неча кундан бўён ўзимга кела олмаяпман, бу ёқда эса романни узлуксиз ёзишим керак. Баъзан қўлимга қалам олгим келмайди. Шу боис қадрдан дўйстлар билан суҳбатлашиш учун қулай фурсат топиш ҳам муаммо.

Худо хоҳласа, бу бебаҳо роман бўлиши эҳтимолдан холи эмас. Икки ҳафта муқаддам «Русский вестник»нинг дастлабки январь сонида романимнинг биринчи қисми чоп этилди. Номи – «Жиноят ва жазо». Ҳозирданоқ, кўплаб ҳаяжонли мулоҳазалар эшитдим. Романда журъат билан янги муаммолар кўтарилиган. Сизга уни юбора олмаслигимдан афсусдаман! Наҳотки Сизларда «Русский вестник»га ҳеч ким обуна бўлмаган?

Дарвоҷе, бизнинг ички, русларга хос ақлий ва фуқаролик ҳаётимиз билан қизиқаётганингиздан жуда мамнунман. Гарчи барча масалаларда фикрингизга қўшила олмасам ҳам Сизнинг нуқтаи назарингизни дўйст сифатида қадрлайман. Кўплаб масалаларга фавқулодда нуқтаи назардан ёндошасиз. Асосий маълумотларни хорижий газеталардан олмайсизми? Уларда Россияяга тегишли барча

¹ Врангель Александр Егорович (1838-?) – ҳукуқшунос ва дипломат. Фёдор Достоевский у билан Семипалатинскда сургунда бўлган даврда, 1854 йилда танишган. А.Е.Врангель «Достоевский 1854-1856 йилларда Сибирда сургунда» хотиралар китоби муаллифи.

мавзулар узлуксиз нотўғри талқин қилинади. Бу, албатта, жуда кенг масала. Менимча, чет элда яшаш асносида хорижий матбуот таъсирига берилмасликнинг имкони йўқ. Бундай ҳолатни ўз бошимдан кечирганман.

А. В. Корвин-Круковской¹га

Москва, 1866 йил 17 июнь.

Мен фавқулодда ва файриоддий иш қилмоқчиман: тўрт ойда ҳар бири 30 тобоқ ҳажмга эга иккита роман ёзиши мўлжаллаяпман, бирини эрталаб, иккинчисини эса кечқурун ёзаман ва белгиланган муддатда ёзиб битираман. Биласизми, азизам, Анна Васильевна, мана шундай файриоддий ва фавқулодда ишларни уддалаш ҳалигача менга хуш ёқади. Мен бой-бадавлатлар сирасидан эмасман. Бу агар мақтанчоқлик бўлса, маъзур тутасиз! Мақтанмай нима ҳам қилай; бошқа жиҳатларим билан эътиборни тортишим мушкул.

Бутунги адабий ҳаёт қандай? Ишончим комилки, олдинги ва ҳозирги адиллардан ҳеч бири мен қалам тебратадиган шароитда ҳеч қачон ижод қилмаган. Тургенев бундай шароитда ижод қилгандан кўра жон таслим қилиб қўя қолган бўларди. Лекин, кошки Сизга тушунтира олсанм, хаёлингизда туғилган, қалбингизга илҳом берган, яхшилигини ўзингиз биладиган ажойиб фикрни ўзгартириш жуда оғир, – боз устига уни онгли равишда ўзгартиришга мажбур бўлсангиз.

А. П. Милюков²га

Люблино, 1866 йил 10-16 июль.

Любимовнинг мўлжалида (кейинчалик) яна бир бошқа, менга нисбатан маккорона фикр ҳам бўлган, хусусан: мен топширган тўртта бобдан бирини чоп этиб бўлмайди, Любимов шундай фикрга келган ва уни Катков маъқуллаган. Иккаласи билан ҳам баҳслашдим – фикрини ўзгартиришни ўйламаяпти ҳам! Мазкур боб хусусида бирон гап айтишим қийин; лекин росмана илҳом билан ёзганман, эҳтимол, ножӯя бўлса бордир; ҳамма гап шундаки, улар асарнинг бадиий қиймати борасида қайғурмаяптилар, фақат ахлоқий мезонлар билан ёндошайтилар, холос. Бу борада ҳам, фикримча, ҳеч қандай эътироэга ўрин йўқ, улар эса аксини эътироф қилаяптилар, устига-устак нилигизм нишоналари бор, дея даъво қилишаяпти. Мазкур

¹ Корвин-Круковской Анна Васильевна (1843-1887) – Париж Коммунаси қатнашчи, танқили инқилобчи. Адабий фаолиятини ака-ука Достоевскийларнинг «Эпоха» журналида ҳикоялар эълон қилиш билан бошлаган.

² Милюков (1817-1897) – тарихчи ва адабий танқидчи.

бобни ўзгартириш керак, дея Любимов қатъий туриб олди. Рози бўлдим, бобни ўзгартириш шунчалик тинкамни қурилдики, айни вақт мобайнида учта янги бобни ёзиб битирган бўлардим. Нима бўлганда ҳам талаб қилингандай ўзгартериб топширдим. Шунча асабийлашганим камдай, шундан кейин Любимовни кўра олмадим, шу боис ўзгартеришларим маъқулми ва ўзлари ҳам бирон ўзгартишлар киритмаятилармикан, билолмай мушкул аҳволдаман.

Кейинчалик нималар рўй беради, билмайман, – лекин таҳририят аъзолари билан роман масаласидаги фикр-мулоҳазалар қарама-қаршилиги юзага келаётгани мени жиддий ташвишлантираяпти.

А. Н. Майковга

Женева. 1867 йил, 12 январь.

Бошдан кечиргандарим борасида айтадиганим шу: минг азоб билан ижод қилдим. Йирик бадиий асар яратиш азобини биласизми? Худога шукрки, билмайсан! Хусусан, буюртмага биноан узундан-узун бадиий асар ёзишдек дўзах азобига дучор бўлмагансиз. «Русский вестник» журналидан жуда катта – 4500 рубль қалам ҳақи олдим. Йил бошида илҳом мени тарк этмайди, хаёлимда туғилган ижодий режалар бадиий тадриж топиб, йилнинг охиригача барчани рози қиласман, деб мўлжаллагандим. Кўнглим шунинг учун ҳам хотиржам эдики, хаёлимда ҳам, кўнглимда ҳам ҳамиша жуда кўп ижодий фикрлар бўлади. Лекин ижодий фикрнинг чақмоқдай ялт этганидан наф йўқ, чунки мазкур фикр тўлақонли бадиий шакл-шамойил касб этиши зарур; бу жараён эса дафъатан ва фавқулодда рўй берадики, айнан қаҷон содир бўлишини олдиндан билиб бўлмайди; фақат шундан кейин, дастлабки ижодий фикр кўнгилда тўла-тўқис тимсол қиёфасини касб этгач, уни бадиий асарга айлантиришга киришса бўлади. Бу борада мўлжални бехато олса ҳам бўлади. Хуллас, бутун ёз ва бутун куз мобайнида турли ижодий фикр-мулоҳазаларни жамладим (бошқа ўта қизиқарли фикрлар ҳам кўнглимдан кечди), лекин муайян тажриба боис у ёки бу мулоҳазанинг сохталиги, мураккаблиги ёки аҳамиятсизлигини олдиндан ҳис қилардим. Ниҳоят, улардан бирини танлаб, ишга киришдим, кўп ёздим, лекин декабрнинг тўртинчи санасида ҳаммасини бир четга сурдим. Ишонтириб айтаманки, ўртамиёна роман бўларди; кўнгилдагидек ижобий эмас, балки айнан ўртамиёна бўлгани боис тамомила кўнглим қолди. Бунинг менга кераги йўқ.

Мени анчадан буён бир фикр безовта қилиб келади, лекин уни романга айлантиришга журъат қилолмасдим, чунки жуда мураккаб ижодий режа, устига-устак уни рўёбга чиқариш учун тайёр эмасман, лекин ижодий нуқтаи назардан жозибали мулоҳаза ва менга жуда

ҳам маъқул. Бу фикр – ғоят ажойиб феъл-атвор соҳиби тимсолини яратишдан иборат. Менимча, бундан кўра оғирроқ иш бўлмаса керак, айниқса бизнинг давримизда. Сиз, албатта, фикримга қўшиласиз. Бу фикр илгари ҳам айrim бадиий тимсол тарзида хаёлимдан кечган, афсуски оний фикрнинг ўзи камлик қиласи, тўла-тўқис изходий ғоя бўлиши керак. Жуда аламангиз ҳолатим айни фикр билан шуғулланишга ундаётir.

Умуман, изходий режа мавжуд. Бўлажак асар билан боғлиқ айrim жиҳатлари ҳам аста-секин шаклланаяпти ва менга илҳом бағишлиётir. Лекин яхлит асар мавҳумлигича қолаётir. Қаҳрамон ҳам. Чунки бадиий асарим айнан қаҳрамон воситасида яхлитлик касб этади. Бу мен учун одатий тус олган. Мен аввал тимсолни аниқ тасаввур қилишим керак. Асарни ёзиш асносида унинг қаҳрамони шубҳасиз қиёфа касб этармикан? Айтсан ишонмаймиз, шу асно кутилмаган янги мулоҳазалар ҳам юзага келаётir: бош қаҳрамондан ташқари асар учун аёл бош қаҳрамон ҳам зарур бўлаётir, бир йўла икки бош Қаҳрамон! Бу икки қаҳрамондан ташқари яна икки тимсол бор – уларни ҳам деярли бош қаҳрамон сифатида талқин қилса бўлади. (Ёрдамчи қаҳрамонлар ҳам кўпдан-кўп, – роман ахир саккиз қисмдан иборат бўлади). Тўрт қаҳрамондан – иккитаси кўнглимда шаклланди, биттаси тўла қиёфа касб этганича йўқ, тўртинчиси, яъни асосий, бош қаҳрамон – ҳозирча жуда заиф. Хаёлимнинг тубларида шаклланиб ултурган бўлиши ҳам мумкин, лекин аниқ тасаввур қилишим қийин кечачётir. Нима бўлганда ҳам асарни ёзиш учун камида икки ҳисса вақт зарур.

Дастлабки қисм, назаримда, кучсиз. Лекин, янгилишмасам, яна бир хавф бор: ҳозирча ҳеч вақо жамжулжам бўлмагани йўқ, балки келгуси қисмларни ёзиш асносида ҳаммаси жойига тушиб кетар (кошки, шундай бўлса!). Биринчи қисм, моҳияттан, киришдан ташкил топган. Фақат шуниси зарурки, дастлабки қисм китобхонда қизиқиши уйғота олиши керак. Бу масалада изюбий фикр айта олмайман.

Роман «Телба» деб номланади. Дарвоқе, қизиқ устида ҳам, ҳеч кимга ўзи ҳақида изюбий фикр билдириш ҳуқуқи берилмаган. Биринчи қисм ҳам чакки бўлмаса, ажаб эмас. Агар бош қаҳрамон қиёфаси унда яққол кўзга ташланмаса, зарари йўқ, олдиндан шундай режалаштирганман. Айни шу боис Сизнинг фикрингизни сабрсизлик билан кутаётirман.

Н. Н. Страхов¹га

Флоренция. 1869 йил, 26 февраль.

Рус танқидчилигига хос бир жиҳатни пайқадингизми? Ҳар бир беназир танқидчимиз (Белинский, Григорьев) пешқадам адигба таянган ҳолда салоҳият касб этган, яъни бутун ижодини айни адиг асарларининг талқинига баҳшида этган ва ҳёти мобайнида фикр-мулоҳазаларининг барчасини айни адиг асарларини таҳлил қилиш асносида баён этган. Бу холисона ва гёё зарурий тарзда рўй берган. Демоқчиманки, бизнинг танқидчиларимиз азбаройи эҳтиром билан муносабатда бўладиган адиг билан ҳамжиҳатликда ўзлигини намоён этади. Белинский адабиётни ва шоибу адиблар ижодини тафтишдан ўтказиш баҳонасида эмас, ҳатто Пушкин тўғрисидаги мақола билан эмас, балки айнан Гоголга таяниб, танқидчи сифатида эътироф қозонди. Дарвоқе, у Гоголни ўспиринлигидәёқ ниҳоятда ардоқлаган. Григорьев эса Островский асарларининг таҳлили воситасида ва унинг ижодини ҳимоя қилган ҳолда майдонга чиқди. Сизни таниганимдан бўён Лъв Толстойга бевосита, бениҳоя хайриҳоҳлик билан муносабатда бўлишингиздан хабарим бор. Тўғри, «Заря» журналидаги мақолангизни ўқиб, даставвал пайқаганим шу бўлдики, шундай мақола зарур эди ва фикр-мулоҳазаларингизни баён этиш учун фақат ва фақат Лъв Толстой ижодидан, хусусан унинг навбатдаги асаридан бошлишингиз талаб қилинарди. Лъв Толстойнинг тарихий фатализимини Сиз ҳам қўллаб қувватлашингизни («Голос»да фельетон муаллифи қайд этган. Бундай бемаъни маломатга, албатта, эътибор беришнинг ҳеч ҳожати йўқ, лекин гап шундаки, улар бундай оҳанжама фикрлару теша тегмаган ибораларни қай гўрдан топишади? Тарихий фатализм дегани нимаси яна? Нима учун айнан мутассиблик ва бурнининг тагидан нарини кўра олмайдиган чаламуллалар шу даражада мавхум ва сирли ифода этадиларки, дафъатан англаб бўлмайди! Ахир, фельетон муаллифи қандайдир фикр билдиримоқчи бўлган, Сизнинг мақолангизни эса, шубҳасиз, ўқиган.) биламан. Бородина жанги ҳақида мулоҳаза юритар экансиз, Толстойнинг ҳам, Толстой тўғрисидаги фикрингиз моҳиятини ҳам баён қилгансиз. Бундан ҳам равшан фикр юритиш амри маҳол бўлса, ажаб эмас. Миллий, русларга хос тафаккур ошкора баён этилган. Айни шу жиҳатни тушунишмаган ва фатализм тарзида талқин этишган! Мақолага оид бошқа мулоҳазалар борасида эса давомини кутаяпман (мен ҳалигача олганим йўқ). Маромига етказиб ёзилган ёрқин, мантиқан, қатъий

¹ Страхов Николай Николаевич (1828-1896) – танқидчи, файласуф. 1861 йилдан эътиборан Страхов ака-ука Достоевскийлар нашр қилган «Время» ва «Эпоха» журнallарининг фаол муаллифларидан бўлган.

англанган тафаккур. Лекин айрим тафсилотларга қўшила олмайман. Юзма-юз сұхбатлашсак, мактабдагидан кўра, албатта, ўзгача фикрлашган бўлардик. Сирасини айтганда, мен Сизни ҳозирги танқидчи-ларнинг келажаги порлоқ ягона вакили, деб биламан.

Баҳслашишни хуш кўрмайсизми? Эсиз. Баҳсу мунозара фикрни тушунтиришнинг фавқулодда қулаги усули; шу боис маҳаллий ом-манинг баҳслашишга ихлоси катта. Дейлик, Белинскийнинг барча мақолалари мунозара тарзида ёзилган. Қолаверса, баҳсу мунозара воситасида муайян журналга хос нуқтаи назарни баён этиш ва унинг эътирофига эришиш мумкин. Устига-устак мунозарага тобингиз йўқлиги Сизга зиён етказиши ҳеч гап эмас: Сизнинг лугавий бойлингиз ва баён услугингиз Григорьевникига нисбатан жуда яхши. Ниҳоятда равшан; лекин доимий хотиржамлик тусига эга эканлиги билан Сизнинг мақолаларингиз мавхумдай таассурот пайдо қиласди. Керакли ўринларида ҳаяжонланиш ҳам, муросасизлик ҳам керак, ҳатто долзарб жиҳатларни бандма-банд кўздан кечириш лозим. Бу мақолага ўта муҳим зарурийлик тусини беради ва ўқувчини ҳайратлантиради.

Мен воқеликка (санъатдаги) ўзгача нуқтаи назардан қарайман ва аксарият фантастик ва фавулодда туслага эга деб ҳисобладиган ҳолатларни одатий ҳолат, деб биламан. Одатий воқеалар ва уларга нисбатан сийқа муносабат, менимча, реализм эмас, ҳатто унинг акси. Газеталарнинг ҳар бир сонида ўта ҳаётини ва ғоят оқилона далилларга оид ҳисботларни кўрасиз. Адибларимиз учун улар мўъжиза; улар мазкур ҳолатлар моҳиятини англашни ўйлаб ҳам кўрмайдилар; ҳолбуки улар чинакам воқелик, рад қилиб бўлмайдиган ҳаётини далиллар. Ким уларни пайқайдиу батафсил тушунтиради? Улар фавқулодда эмас, балки оний ва кундалик туслага эга. Лекин адибларимиз ғояларининг теранлиги айнан ғоялари қамрови тавсирида ўз ифодасини топмаса, масалан, (Гончаров асарининг қаҳрамони) Райский каби, бундан не фойда? Райский қандай сиймо? Азалий сийқа сохта рус кишисининг тимсоли; ҳаммасини инсон бошлайди, катта ниятлар билан ишга киришадиу ҳатто энг майдаларини ҳам уддасидан чиқа олмайди. Минг йиллик сафсата! Сариқ чақага ҳам арзимайдиган фикр, боз устига нотўғри! Белинский шоҳиддилигида русларнинг феъл-атворига нисбатан маломат. Воқеликни акс эттиришда ҳам нуқтаи назар ўта юзаки ва қабих. Фақат бир қозиқ атрофида айланади. Бу тарзда бутун воқеликни эътибордан қочирамиз. Даилларни ким қайд этадиу моҳиятини кўрсатиб беради? Тургеневнинг қиссаси ҳақида гапирмайман: нималиги фақат Худога аён! Менинг қаламимга мансуб мўъжазавий «Телба» нимаси билан чинакам ҳаёт, боз устига одатий турмуш эмас! Дарвоқе, заминдан узилган жамиятимиз тоифаларида айни шундай феъл-атвор эгалари айнан ҳозир бўлиши керак, – мазкур тоифалар

ҳақиқатдан ҳам ноёб бўлиб бораётир. Ортиқча гапга не ҳожат! Романинг қатор ўринлари шошма-шошарлик билан ёзилган, чўзилган талай ўринлари рисоладагидек эмас, лекин муваффақиятли чиқсан жиҳатлари ҳам бор. Мен ўз романимни ёқламоқчи эмасман, балки айни асар воситасида илгари сурилган ғояни ҳимоя қилмоқчиман. Фикрингизни ёзинг, албатта ёзинг ва имкон борича ошкора ёзинг. Қанча кўп танқид қиласангиз, Сизнинг самимиятингизни шу қадар юқори баҳолайман.

ФРИДРИХ НИЦШЕ

Файласуфнинг сирли олами

Фриðрих Ницше узоқ яшамаган. Йигирма йиллик қизгин ижодий фаолияти давомида бир неча минглаб мактублар ҳам ёзган, лекин бу XIX аср алломалари учун фавқулодда ҳолат эмас. Лекин Ницше мактуботи умрининг қимматли қатор йиллари мобайнида қариндошиуруглари, дўсту ёрларию ҳамкасабаларидан олисда, жамоатчилик учун сирли тарзда кечган қисматининг, ботиний ва зоҳирий оламининг кўзегуси сифатида бебаҳо. Бу мактублар ёғишанишин қисмат шаҳодати бўлиб, олим ижоди билан чамбарчас боғлиқлиги боис Ницшенинг муҳим асарлари жумласига киради.

Файласуф бир ярим йил мобайнида, маънавий таназзулга ва телбаликка йўлиқиши арафасида ёзгани учун ҳам сўнгги мактублари алоҳида қимматга эга.

Ницше 1888-1889 йиллар оралигида Туринда йўлиққан маънавий таназзул ижодига барҳам берганидан қатъий назар файласуф ижодиёти билан шу қадар уйғун, шу қадар кўп қирралики, шунчаки қайд этиши билан киғояланиб бўлмайди. Бу ҳолатни ўзига хос тарих сифатида ҳикоя қилиши, муаммо сифатида ўрганиши зарур.

«Файласуф, бир томондан, ўзи учун, бошка томондан – ўзга файласуфлар учун яшайди. Инсон ёлгиз ўзи учун яшай олмайди, чунки бошқалар билан муқаррар муюмалага киришиади: боз устига файласуф бўлса, бундай муносабатлар яна ҳам жиiddий тус олади. Менимча: файласуф ҳатто хонанишинликни қатъиян ихтиёр этган ҳолда ҳам, айни шу хислати билан сезиларли таъсир кўрсатади, бошқалар учун намуна аллома вазифасини ўтайди. Қай асно турмуши кечиришидан қатъий назар файласуфона ҳаёт тарзи ҳамиша башарият томон йўналади. Файласуф фаолияти самараси – ҳаёти (асарларига нисбатан ҳам муҳим аҳамиятга молик). Файласуф ҳаёти санъаткорона яратган асари саналади. Ҳар қандай санъат асари – даставвал

санъаткорга мансуб бўлгани ҳолда пировард натижада башариятга тааллуқли». Ницие қадимиятга хос соддалик билан йўғрилган бу фикрларни 1873 йилда, Базелда филология профессори сифатида ёзган. Лекин айни фикрларда файласуф ҳаётининг бадиий асар сифатидаги моҳияти наинки олдиндан башорат қилинган, балки режалаширилган. Ўшанда оила қуришини мўлжаллаган, дўстлари ва маслакдошлиари билан келгуси режалар тузганидан қатъий назар хилватнишинликни танлайди. Ўн беш йил мобайнида эллик китоб яратишни ният қилганидан қатъий назар Ницие ҳаётини («Асарларимдан топиб бўлмайдиган қисматли жиҳатлар сийратимда мујассам») асарларидан устун билади. Унинг доҳиёна парадокслари, шубҳасиз, бебаҳо, лекин муҳими шундаки, «фаолият тартиби пухта мулоҳаза қилинган ва якун муқаррар». Бу Ницие учун ҳам таалуқли бўлиб, уни қалбан ҳис этади.

Ницие қисматининг у ёки бу ҳолатлари «ҳаёти режасига кириши» хусусида бир неча марта мулоҳазалар билдирган. Бинобарин, ҳаётининг сўнгги беш йили, эҳтимол, кўпроқ қисмини кўздан кечирсан, файласуф ҳаётининг шодиёна-ихтиёrsиз режасидан муқаррар ҳалокат ҳам жой олгани ойдинлашиади.

Ницие ҳалокатни олдиндан, 1870-йилларнинг охирларидан англай бошлиайди. Лекин 1887 йил поёнида, чамаси, узлатга чекинишига бутун фикру зикри билан чоғлана бошлиайди. Бу қайсиdir жиҳатлари билан Лев Толстойнинг Ясная Полянадан бадар бои олиб кетишини эслатади.

«Мени кашф қилгач, қалбимни заҳматсиз англадинг; мендан ҳалос бўлиш – навбатдаги машаққатли вазифа». Брандесга йўлланган сўнгги мактублардан бирида шундай хитоб қиласди.

Игорь Эбонидзе.

МАКТУБЛАР

Базель, Франц Овербек¹га
Каннобно, Бадиа вилласи,
1887 йил 14 апрель

Муҳтарам дўстим,

3 апрелдан бўён шу ерда, Лаго-Мажордаман, пуллар вақтида етиб келди, ҳамма пулни юбормаганинг ҳам мамнун этди, чунки ҳатто айни паллада ҳам ёэни қаерда ўтказишимни аниқ билмайман. Кўхна

¹ Франц Овербек (1837-1905) – илоҳиётшунос, черков тарихчиси, Ницшенинг қадрдон дўсти.

Зильс-Марияни, қолаверса Ниццани ҳам ҳар қанча оғир бўлмасин унутишга тўғри келади. Бу ҳар икки жойда ҳам мен учун сув ва ҳаводай зарур ёлғизлик, хилватнишинлик, ҳар қандай монеликлардан холилик, фароғатли осойишталик етишмайди, ҳолбуки айни шундай шароитсиз муаммолар қаътига шўнгий олмайман (чунки, сендан яширадиган сирим йўқ, мен фавқулодда теран шахсман ва айни теран фикр-мулоҳазаларсиз ҳаёт зарбаларига бардош бера олмайман). <...> Назаримда, одамларга нисбатан ўта сертакаллуф, бағрикенгман, қолаверса: қаерда яшамайин, одамлар мени ўз доиралари ва юмушларига шу даражада жалб қиласидиларки, пировард натижада улардан қандай қилиб ҳимоялансан экан, деб бошим қотади. Айни мулоҳазалар, дейлик, Мюнхенъ¹ масаласида таваккалчилик қилишдан мени тийиб турибди, Мазкур шаҳарда шоду хуррамликлар гирдоби йўлимга мунтазир ҳамда менга сув ва ҳаводай зарур шарт-шароитларга ҳурмат-эҳтиром билан муносабатда бўладиган ёхуд уларни таъминлаш йўлида жонбозлиқ қиласидиган зоти шариф йўқ. Ўзингга нисбатан талабчан қатъиятлилик билан муносабатда бўлаётганингни ошкора намойиш қилиш одамларнинг ўта ғашига тегади, чунки ўзлари бундай даражага юксала олмаган. <...> Назаримда, токи кўнглимни англамас эканлар, қолаверса, башарти мўлжалларим ва тахминларим панд бермаса, 1901 йилгача бу борада бирон-бир ўзгариш бўлиши даргумон. Ўзимга оид мулоҳазаларимни баён этсам, мени телба, дея овоза қилишларига ишончим комил. Қисматимнинг мавхумлигини эътибордан соқит қилмаган ҳолда, «инсонпарварлигим»ни намоён этаман: аксинча барча қадрдон дўстларим менга нисбатан тексари тўнини кийиб олади ва ҳаммасининг ихлосини қайтараман.

Муҳим ишим шу бўлдики, аввалги асарларимни таҳрир қилдим ва янги матнини тайёрладим. Башарти яқин вақт ичида куним битса – дунёдан бош олиб кетиши истагим кучайиб бораётганини яшиromoқчи эмасман, – ҳар ҳолда нимадир қолади: бу ўзига хос маданият маҳзани бўлиб, маълум давр мобайнида муайян қимматга эга бўлиши шубҳасиз. (Ўтган қиши мавсумида Европа адабиётини кўздан кечирдим ва эътироф эта оламанки, фалсафий нуқтаи назаримни дадиллик билан ўзига хос йўналиш деса бўлади – бу шу даражадаки, мен ўзимни бир неча минг йилликлар вориси деб биламан. Тафаккурим ва жисму жоним қанчалар даҳшатли муаммолар узра чарх уриб айланаётгани, қандай муаммолар доирасига боғланганим борасида замонавий Европа тирноқча ҳам тасаввурга эга эмас – ва мен билан биргаликда ҳалокат яқинлашаётир, унинг номини биламан, лекин ошкор қилмайман.) <...>

¹ «Менга йирик кутубхонага эга шаҳар зарур», дея изоҳлайди Ницше.

Мете фон Салис ауф Машлинсга

Зильс-Мария, 1887 йил 14 сентябрь, чоршанба.

<...> Менинг китобларимни ўқиётганингиздан эндиликда деярли безовта бўлаётганим йўқ; шахсий ўзаро яқинлик бегона кимсанинг фикр-мулоҳазалари ва қадр-қимматлари билан китоб воситасида танишишга тузатишлар киритади; айни ўзаро яқинлик орқали бегона шахсиятни анча хотиржамлик билан идрок қилиш ва хулосалар чиқариш мумкин (нашрий каломлар эса киноядан холи бўлмагани учун безовта қиласди). <...>

Базель, Карл Шпittтелер¹га

Зильс-Мария, 1887 йил 17 сентябрь

Марҳаматли жаноб,

Сафар тадоригини кўраётганим боис Сизнинг мақолангизга оид муҳтасар фикр билдиримоқчиман.

Таҳририятлар ва нашриётлар Сизни ғазаблантиради – бу, авф этасизу, мени Сизга бироз қарши қилиб қўяди! Оммавий ҳашаки асарлар ёзадиганларнинг нафис адабиётга бефарқ муносабати учун халқни руҳлантирадиган асарлар яратувчи жавобгар эмас. Бундай бефарқлиқ қаршисида уларнинг «ваҳимага тушишларининг» ҳам, «сотқинлик кўchasига» киришларининг ҳам ҳожати йўқ.

Бундай ҳолатни устунлик аломати деб билиш зарур (ўз тажрибамдан келиб чиқяпман) ва барчасидан қатъий назар тишини тишга босиб, бардош бериш керак. Кўп кулган охири йиглайди, деб бежиз айтишмаган.

Ниҳоят – иқтидорим эвазига хонлардай давру даврон сураман, деган хомхәёлга берилмаслик керак (фавқулодда салоҳият соҳиблари бундан истисно, албатта).

Самими тилаклар билан

камтарин қулингиз

проф. доктор Ницше. <...>

¹ Карл Шпittтелер (1845-1924) – швейцариялик адиб, Нобель мукофоти соҳиби (1919). Мазкур мактуб йўлланиши арафасида Ницше ҳақида танқидий мақола эълон қилган.

Наумбург, Франциска Ницшега 1887 йил 18 октябрь, Венеция

Мехрибон онажон,

Мактубингизни таваллудим куни олдим, сизни мамнун этадиган иш билан банд эдим: жанубий америкалик Лама¹га хат ёзаётгандим. Фақат сиздан самимий тилаклар билдирилган мактуб олдим, бу кейинги пайтда қўлга киритган «мустақиллигим» хусусида бинойидек таассурот пайдо қиласди – файласуф учун хилватнишинлик, узлат сув ва ҳаводай зарур, ахир. Олмонларнинг менга оид мулоҳазаларини² не чоғлик самимий хушнудлик билан Сизга баён қилганим эътиборингизни тортган бўлса керак, – улар билан танишиш мени ҳақиқатдан ҳам қувонтириди, чунки одамзот феъл-авторини бинойидек биламан, бинобарин эллик йилдан кейин менга оид мулоҳазалар шу даражада ўзгарадики, сизнинг ўғлингизнинг исми шарифи шону шуҳратга бурканади. Ҳолбуки айни хусусиятлар боис ҳозирга қадар майна қилиб, шаънимга маломат тошларини ёғдириб келаётирлар. Эсимни танибманки, моҳияттан теран ва ҳамдардлик билан йўғрилган бир оғиз калима эшитганим йўқ, – пешонам шундай қора экан, ва бундан ҳеч қачон шикоят қилмаганман... сизни хотиржам қилиш учун бир гап айтаман: зиддиятли ҳолатим аслида насронийликка муносабатим билан боғлиқ бўлса керак, деб тахмин қилаётган бўлсангиз керак. Асло! Сизнинг ўғлингиз бу қадар «мўмин-қобил» эмас, муҳтарам ғанимларим ҳам «қўй оғзидан чўп олмаган» хокисорлар эмас. Сизга ҳавола қилинган мулоҳазалар барча-барчаси ва алоҳида ҳар биттаси чёрковдан ташқари доиралардан келиб чиқсан: булар илоҳиятшунослар фикр-мулоҳалари эмас. Деярли ҳар битта шундай танқид (уларнинг аксарияти бинойидек билимдан танқидчилар ва

¹ Лама – файласуфнинг синглиси Элизабет Фёрстер-Ницшени болалигига эркалаб шундай чақиришган (кутилмаганда пайгамибарона башорат бўлган, чунки ламалар Жанубий Америкада бор бўлиб, Элизабет 1886 йилда эри билан шу мамлакатга жўнаб кетганди).

² Нищие 1887 йил 10 октябрда ёзган эди: «Сўнги китобим хусусида олмон журнallарида мужмаллик ва ёқтираслик билан йўғрилган аллақандай муддиши була-миқни эслатадиган фикрларга кўзим тушди. Китобим гоҳ «бемаъни сафсата»га, гоҳ «иблисона маккорлик» намунасига айланади, гоҳ эса улар боис бошимни танамдан жудо қилишса ҳам кам экани шама қилинади... баъзан эса «юнкер аслзодалар файласуфи» сифатида алқайдилар, баъзан эса иккинчи Эдмунт фон Хаген дея овоза қилиб, асабимга тегишида, баъзан XIX Фаусти тариқасида ҳамдардлик билан қарашади, баъзида «бомба» ва «газанда» ёрликларини ёпишишиб, бир четта суриб қўйишидаи. Камина хусусида шундай «билимларга» эга бўлишлари учун уларга қарийб ўн беш йил керак бўлди; ҳолбуки дастлабки асарим - «Трагедиянинг яралishi»ни бироз бўлса-да англаганларида, у ҳолда ўшандаёк мендан Азоззилдек кўркувга тушиб, аллақачон юз ўтиришар эди. Бироқ у кезларда аслиятим ҳарир парда ортида пинҳон бўлгани боис олмон гўрсўхталари мени ҳам гўё ўзларининг гумашталари сифатида эъзозлар эди».

олимларнинг фикрлари) негизида ўзларини шубҳа-гумондан соқит қилишга уриниш сезилади, менинг асарларим гёё аллақандай хавф-хатар манбай сифатида талқин қилинади, шу боис мени «черков каламушлари ва қабристон қузгунлари» хомталаш қилишларини истайдилар. Мен билан боғлиқ антогонизм ўта радикал хусусиятга эга, шунинг учун ҳам исталган диний масала ва диний конфессиялар билан боғлиқ нозикликларга жиддий диққат-эътибор беришнинг ҳожати йўқ.

Ортиқча батафсил чекиниш учун маъзур тутинг, лекин: ниҳоят-да зукко олимлар менга нисбатан ҳалигача янгилиш фикр билдири-гандарини қайд этар эканман, бундан англайлариди, қария Пиндер¹ улардан бирор-бир аҳамиятли жиҳати билан фарқ қилмайди. Барчасидан ёлғиз ўзлаштиргани шуки, унинг ва менинг нуқтаи на-заримиз – бир-бирига ўхшамайди, ва бундан афсусланишини қайд этади.

Парагвайга оид хабарлар ҳақиқатдан ҳам қувонарли, бироқ ак-силсемит күёвим² яқинига илгаригидек мутлақо йўламоқчи эмасман. Иккимизнинг мулоҳазаларимиз бир-бирига ўхшамайди, бун-дан пушаймон эмасман.

Сафар жомадоним тайёр бўлай деб қолди; индин кечки пайт ёки эрталаб йўлга тушаман. Кўзим панд беряётганини айтмаганда, сало-матлигим умуман чакки эмас. Менинг манзилим бундан бўён Ниц-ца. <...>

Данциг, Карл Фукс³га
Ницца (Франция) 1887 йил 14 дек.
Pension de Geneve

Муҳтарам ва қадрдан дўстим

Сизнинг мактубингиз айни вақтида етиб келди. Гап шундаки, мен ўзим истамаган ҳолда, бироқ шафқатсиз зарурият тақозосига кўра, ҳамма-ҳаммаси билан ҳисоб-китоб қилиб, жамики «ўтмишим»га хулоса ясаш жараёнини бошдан кечиряпман. Ҳозир қилаётган иш-ларимнинг деярли барчаси якун чиқаришдан иборат. Сўнги барча йиллар мобайнида ботиний эврилишлар беқиёс кўлам касб этди; ва эндилиқда, янги ва юксак даражага ўтишим керак бўлган паллада, менга даставвал янгидан покланиш, ўзига хос олий қиёфасизлик за-рурп. Бу борада айнан қайси қадриятлар ва қай тахлит сиймо сийра-тимда қолажагини билиш моҳиятан жуда-жуда муҳим.

¹ Вильгельм Пиндер (1844-1928) – Ницшенинг болалик дўсти.

² Бернхард Фёстер (1845-1889) – Ницшенинг күёви, Парагвайдага немис колонияси-нинг («Нузва Эрмания» асосчиси)

³ Карл Фукс (1838-1922) – олмониялик мусиқашунос.

Қанчалик қаридим? Билмайман, ёшлик куч-ғайрати қачонгача қанот бўлишидан ҳам бехабарман...

Германияда менинг «эксцентризм»дан ҳаддан ташқари зорланишади. Бироқ менинг марказим айнан қай нуқтада эканини билмаганлари боис ҳалигача қаерда ва қаочон «эксцентрист» бўлганимни англаб етишлари даргумон. Масалан, филолог сифатида фаолият юритарканман, мен ўз марказимдан ташқарида бўлганиман (бу, бахтимга, ёмон филолог бўлганимни мутлақо исботламайди). Худди шундай айни кезларда ҳам вагнерпараст бўлганим учун «эксцентрист» сифатида маломат ёғдирмоқдалар. Бу ҳол фавқулодда хатарли тажриба бўлганди; эндиликда, ана шундай ҳолатда нобуд бўлмаганим учун шукrona айтар эканман, буларнинг барчаси мен учун қандай аҳамиятга молик экани ҳам равшанлашади: ўша кезларда феъл-авторим жиiddий синовдан ўтди. Тўғри, пинҳоний сир-синоат барчамизни яна бир тану бир жон этади; номини топиш жуда қўп фурсат талаф қиласиган эҳтирос ҳам, зиммамизга юкланганд юксак бурч масъулияти ҳам бизларни жамики оғишлар ва паришонхотирлиқдан халос этади. <...>

Асуньсон, Элизабет Фёрстерга

Ницица, 1887 йил декабрь охри

(коралама)

Жаноб доктор Фёрстер аксилсемит ҳаракат билан алоқасини ҳали ҳануз узмаганини батафсил исботлаб беришди. Эндиликда бу вазифани лейпциглик олифта тўнка (хотирам панд бермаса, Фриц) зиммасига олган: қатъий қаршилигимга қарамасдан ҳалигача аксилсемит хат-хабарларни узлуксиз юборди (ҳаётимда бундан жирканч ҳеч вақо ўқимаганман). Ўшандан буён сенга аввалгидек меҳр ва ҳаяжон билан муносабатда бўлишга қийналаман, ҳолбуки оқибатли қариндошлик ришталари бизларни узоқ вақт боғлаганди, иккаламиз ўртамиздаги ихтилоф шу асно бемаъни тарзда аста-секин намоён бўлди. Ёки дунёда нима учун яшаётганимдан тамомила бехабармисан?

Менинг мулоҳазаларимга қарши фикрлар жамулжами билан танишмоқчимисан? Уларнинг барча-барчасини турмуш ўртоғингнинг «Парсифалга оид мулоҳазалар»идан топасан; улар билан танишиш асносида хаёлимга даҳшатли фикр келди, Сен менинг хасталигимдан ҳам, аччиқдан-аччиқ ва ҳайратомуз тажрибамдан ҳам ҳеч вақони уқа олмагансан – мен барчадан азиз билиб, эъзозлаган кимса қиёфасини ҳазар қиласи даражада ўзгартиргану мен дунёда ҳаддан ташқари нафрлатланадиган ҳолатга тушган – ахлоқий ва насроний муқаддас қадриятларни найрангбозлиқ воситасига айлантирган. Эндиликда

аҳвол шу даражага етдики, иблисона аксилсемит сифатида қорала-масликлари учун бор куч-қувватим билан ҳимояланишим зарур; бў туғишиган синглимнинг, собиқ синглимнинг, эндиликда эса Видеман-нинг ҳам тасаввур қилиш мумкин бўлган ёвуз хатоликларга туртки берганининг оқибати. Аксилсемит хат-хабарларда ҳатто З^{<ардушт>} исмига ҳам кўзим тушгач, сабр-бардошим тугади – энди мен Тур-муш ўртоғингнинг фирмасига қарши мустаҳкам ҳимояланишга ўтдим. Лаънати аксилсемит қовоқбошлар муқаддас қадриятларимга қўлининг учини ҳам тегиза олмайди!!

Турмушга чиқишинг биз учун қимматга тушди – эндиликда но-мимиз мазкур ҳаракат билан бирга тилга олиняпти, шу боис бошимга не савдолар тушмади! Кейинги олти йил мобайнида нима қилиш ва на қиласлик кераклигини тамомила унутдинг..

Ф^{<айласуф>} сифатида давримга нисбатан қандай мавқеда эканим борасида Сени бирон-бир мулоҳзага эга, деб ҳеч қаҷон умид қилмаганман. Камина бундан бўён опа-сингилларим ҳақида бамисоли Шопенгауэр сингари хуносага келганман: уларнинг мутлақо кера-ги йўқ, турган битгани бош оғриғи.

Маъсум хомхәёллардан кутилганим кейинги ўн йилнинг якуни эканидан ҳузурланаяпман; гўё қандай ахволда эканимни кимдир биладигандай. Йиллар мобайнида ўлимнинг совуқ нафасини туйиб яшадим, бунинг боисини бирор-бир кимса ҳатто тасаввур ҳам қила олмайди. <...> Эндиликда қадам-бақадам мазкур ҳақиқатни англаб етяпман (мен ҳақимда ҳеч ким ҳеч вақо билмайди), ва бунинг яхши жиҳати шундаки, буни тушуниб етганимдан эътиборан ўзимни эркинроқ, ҳар бир одамга нисбатан хайриҳоҳ сезяпман.

Ҳозир шундай аҳволдаманки, илгари ҳам айни ҳолатга ўзимни «хукм қилинган» ҳисоблардим (истайманки, бундан бўён қариндош-уругларим мени тинч қўйсинлар), боз устига, айни ҳолатда менинг мақомимнинг, муаммоларимнинг, масалани янгича талқин қилишмининг бутун моҳияти намоён бўлди.

Венеция, Генрих Кёзелиц¹га

Ницца, 1888 йил 1 февр

Муҳтарам дўстим,

Мазкур бутун давр мобайнида Сиз менга жуда яқин бўлдингиз! Гоҳ ҳуд, гоҳ бехуд хаёлимдан қандай фикрлар кечмади, барча-барча-сида Сизнинг тимсолингиз йўлчи юлдуздай порлади. Бунга қойилмақом баҳона ҳам бор эди: Ниццада лотереяning сўнги ўйини, – бош ютуқ менга насиб этади, дея камида ярим соат мобайнида ўзимни

¹ Генрих Кёзелиц (1854-1918) – бастакор, Ницшенинг дўсти ва шогирди.

саробий хаёллар билан мамнун этдим. Мазкур ярим миллион сармоя билан талай хайрли ишларни уddyласа бўларди; йўқ деганда, ҳар иккимиз турмушнинг бемаънилигига ўта киноя билан, тамомила бўлак мавқе-мақомдан назар ташлаган бўлардик. Дарҳақиқат, Сиз билан биз уддалаётган вазифаларни рўёбга чиқариш учун, уларни рисолагидек ва илоҳий амалга ошириш учун, моҳияттан, фақат ва фақат киноя зарур (бинобарин, ярим миллион – киноя нархи; заминий мантиқ ҳосиласи шу).

Саломатлик, сармоя, ҳурмат-эҳтиром, меҳру оқибат, муҳофаза тақчил даҳри дунда вайқаси фожианависларга айланмаганимиз, – бу ҳозирги ҳолатимизнинг чинакам парадокси, муаммоси. Менинг кўнглим сурункали яраланадиган ҳолга тушган, шу боис мунаввар лаҳзалардан унумли фойдаланишга уринаман – лекин кўзланган натижа ҳамиша ҳам насиб қиласвермайди, бу, моҳияттан, шафқатсизлик эксцесси. Бунинг далили – менинг сўнги асарим. Бироқ барчасидан қатъий назар ҳамма-ҳаммасига покиза руҳшунос сифатида бардош бераман ва заррача ҳам аҳлоқан қораламайман; менинг ҳолатимдек радикал ахволда умргузаронлик қилиш қанчалар ибратли-а! Мен фақат айни паллада мозийни идрок қиляпман, тарихни – сўнгги ойлардаги сингари – ҳеч қачон бу қадар теран тушунмаганман. <...>

Берн, Йозеф Виктор Видман¹га

Nицца, Pension de Geneve, 1888 ийл 4 февр

Қимматли жаноб доктор,

Жаноб Шпиттeler асарларимни таҳдил қилганидан жуда мамнун бўлдим. Жуда ақлли! Бундай замон донишмандидан дакки-дашном эшитишнинг ҳам ўзгача гашти бор! Маълум сабабларга кўра, деярли шакл масалалари билан чекланган: тафаккур негизидаги амалиёт моҳияти, эҳтирос, ҳалокат, манглайды битилгани, мақсад сари интилиш унинг шунчаки эътиборидан четда қолган – бундай муносабатни жону таним билан маъқуллашимни таърифлашга ожизман, бу борада ўзига хос delicatezza² – назокатли андиша бор. Шошма-шошарлик билан айтилган юзаки мулоҳазалар ҳам истаганча топилади. Асарларимни биринчи марта ўқиб чиққани (аксарият қисмини эса ўқимагани) яққол кўзга ташланади. Айни шу боис турли китоблар шакли билан улар яратилган даврлар ўртасидаги келтирилган фарқ хусусидаги қатъиятли нозик қузатишлар янада ҳайратлантиради. «Эзгулик ва ёвузликдан холи тарафда» асарим ҳисобга олинмагани-

¹ Йозеф Виктор Видман – Швейцариядаги «Беревр бунд» журнали муҳаррири.

² Деликатлилик (итал.)

дан жуда афсусландим: оқибатда кейинроқ чоп этилган «Памфлет»¹ асарим ҳақида мулоҳаза юритиш учун зарур заминга эга бўла олмаган.

Асарларим мураккаблиги шундаки, меъёрий эмас, аксинча камдан-кам учрайдиган ва янги руҳият ҳолатлари уларда устунлик қиласди. Айни шундай қайд қилинмаган ва аксарият қайд этиш даргумон руҳий ҳолатларни акс эттиришга уринаман, назаримда, бу – менинг кашифиётим. «Халоскор услугуб кучи» менга тамомила бегона, бунга, агар янгилишмасам, жаноб Шпittелер ишонади. Адиб ўз асарини яратиш устида бош қотирар экан, даставвал ўзига хос услугуб яратиш хусусида бош қотирмайдими? Менимча, агар адиднинг дастлабки режалари ўзгарса, айни тарзда услубни ҳам тубдан ўзгартириш зарур. Мен, масалан, «Эзгулик ва ёвузиқдан холи тарафда» асаримни яратишда шундай йўл тутганиман, унинг услугини аввалги асарларимдан фарқ қиласди: тамомила бошқа масалага урғу берганман. «Памфлет»да ҳам шундай йўл тутганиман: «Эзгулик ва ёвузиқдан холи тарафда» асаримга хос бетарафлик ва суст илгарилаш ўрнини Alltgro feroce ва эҳтиросли пие, crue, verte² эгаллайди. Жаноб Шпittелер бизни ишонтиришга ҳар қанча зўр бермасин, жаноб Ницце аксарият даражада артист экани эҳтимолдан холи эмас...

Камоли эҳтиром ва самимий қутловлар билан
Сизнинг Ницше.

**Базель, Карл Шпittелерга,
Ницца, 1888 йил 10 февраль,
(Pension de Genève)**

Қимматли жаноб,

«Бунд»нинг янги йил иловасини кўрган бўлсангиз керак. Мазкур илова учун «Бунд»нинг беназир муҳарририга ўз-ўзидан мътлумки, киноядан холи бўлмаган миннатдорчилигимни аллақачон изҳор этдим.

Жаноб Шпittелер – жуда назокатли ва зиёли шахс, лекин айни ҳолатда, менимча, феъл-авторига бегона мавзуга қўл урди. У эстетика масалаларидан бўлак ҳеч вақони кўрмайди ва ҳеч қандай мавзуда гап очмайди: менинг муаммоларим, жумладан камина ҳақида ҳам, деярли ҳеч қандай гап йўқ. Мени таърифлайдиган бирорта ҳам банд тилга олинмаган. Ниҳоят, шаклларга оид мулоҳазаларда ҳам мақтовлар керагидан ортиқ бўлгани ҳолда хатоликлар ва шошма-шошарлик билан билдирилган фикрлар истаганча топилади. Маса-

¹ «Ахлоқ генеологияси хусусида»

² Яланғоч, қўпол, кескин (франц.)

лан, <...> «ҳикматларни жуда қийналиб ёзади» (мен галварс эса, бани башар пайдо бўлганидан бўён мағзи тўқ ҳикматомуз иборалар ёзиш борасида каминанинг олдига тушадигани йўқ деган фикрда эдим: «Зардушт таваллоси» – бунинг исботи). Ниҳоят, менинг памфлетим услуги ҳам жаноб Шпіттерернинг эътирофича, баркамолликдан олис: мен гўё хаёлимга нимаки келса, ҳатто ўйлаб ҳам кўрмасдан ёзаверар эмишман. Бу, тъбири жоиз бўлса, қуруқ тухмат (бошқача таърифлаб бўлмайди, ахир); мен дунёда мавжуд учта муаммо ҳақида қизиқонлик ва жасорат билан мулоҳаза юритганман, булар айнан каминанинг маҳрига тушган мавзулар бўлиб, айни ҳолатларда олий тартиб-интизом талаб қилганидек, на бирон-бир кимсанни ва на ўзимни аяган эмасман; боз устига – мазкур барча жиҳатлардан янги мавзулар учун янги лисоний услуг топганман – тингловчим эса аввалгидек услубдан ўзга ҳеч вақони эшитмайди, услубимни яроқ-сизга чиқаргани камдай, Ницшедан биноидек адид чиқади, деган умидларим оқланмайдиган кўринади, дея надомат чекади. Наҳотки мен аллақандай «сафтабоз ёзғувчи»га ўхшасам? Чамаси, мазкур жаноб учун «Зардушт таваллоси» ҳам аҳамиятсиз иборалар яратиш йўлидаги қойилмақом машқдан бўлак ҳеч вақо эмас. <...>

Сўнгти масала: «Эзгулик ва ёвузиликдан холи тарафда» асарим ҳақида нима учун бир оғиз ҳам гап йўқ. Бу китоб таъқиқлагани менга яхши маълум, лекин бундан қатъий назар мазкур асар воситасида мени файласуф сифатида кашф қилса бўлади. <...>

Камина, сиз, қиммматли жаноб олдида бурчорман, ва умид қиласманки, бундан бўён ҳам лутфу марҳаматингизни дариф тутмагайиз,

Фридрих Ницше.

**Қоҳира, Рихард фон Зайдлицга,
Ницца, 1888 йил 12 февраль,
(Pension de Genève)**

Қимматли дўстим,

кейинги пайтда деярли ҳеч ким билан суҳбатлашмаяпман, бунинг боиси «мағруона сукут сақлаш» эмас, аксинча изтироб че-каётган кимсанинг сабр-тоқатга йўғрилган сукунати бўлиб, айни аламзада азобу изтиробларини кўз-кўз қилишдан андиша билан йўғрилган. Хасталанган йиртқич гордан бошпана топади – файласуф la bete¹ шундай йўл тутади. Дўстона ҳамдардликка зорман. Ҳозир ёлғизман, якка-ёлғиз барча-барчасига қарши бешафқат пин-ҳоний кураш олиб бордим (бу курашимнинг шиори – «Жамики

¹ Жонивор (франц.)

қадриятларни қайтадан баҳолаш»), бунга ҳали ҳозиргача ҳурмат ва эҳтиром билан муносабатда бўлдилар, лекин шу асно ўзим аллақандай форга – сир-синоатга, ҳатто астойдил бел боғлагандা ҳам топиб бўлмайдиган мавҳумиятга айландим. Бироқ айни мавҳумиятни топишга, кашф этишга ҳеч ким жазм этмаяпти... Учаламиз¹ аро айтганда, мен даврнинг буюк файласуфи, эҳтимол, икки минг йиллик миёнасидаги бирмунча йирик мақомга эга сиймо бўлишим ҳам мумкин. Бундай фавқулодда ҳолат учун мунтазам товон тўлаш талаб қилинади – ёлғизлигим тобора кучайиб, тобора совуқлашиб, бир четга чиқариб қўймоқда. Қимматли немис биродарларимизчи!.. 45 ёшга кирганимга ва тахминан ўн бешта китоб чоп эттирганимга қарамасдан Германияда лоқал биронта китобим мухоқкамасига оид атиги биронта ҳам уриниш қилингани йўқ. Ҳозир «эксцентрик», «патологик», «психиатрик» сингари атамалар билан қуролланиб олишган. Менинг шаънимга аламзода таъна тошлири ва бўхтонлар ёғдириляпти; илмий ва ноилмий журналларда тизгинсиз ғанимлик руҳи хукмрон – ҳаммасидан алам қиласидиган жойи шундаки, бунга эътиroz билдирадиган мард топилмаяпти, устимдан кетма-кет мағзава ағдарилаётганига ҳеч ким парво ҳам қилмаяпти. Йиллар мобайнида шу ахвол – на бирон-бир таскин-тасалли, на инсонийликдан ном-нишон, на бир пайса меҳр-оқибат!

Ниццада шу вазиятда кун кечиришга мажбурман. <...> Бу гўша тонгининг нафосатини таърифлашга ожизман; бундан ҳам гўзал қишини кўрмаганман. Ниццанинг камалақдай ранг-бўёклари-чи! Уларни сенга юбормоқчиман. Барча бўёқлар ёрқин нуқра билан йўғрилган, – нафис, беназир, асосий ранг-тусларнинг бўртиб кўзга ташланиши кузатилмайди. Алиссо билан Ницца оралиғидаги мазкур бир энлик соҳил – ранг-туслар, наботот олами ва қуруқ ҳаво туфайли Африкани эслатади: бундай манзара Европанинг бошқа жойида йўқ.

Ҳозир Сену Сенинг муҳтарама жуфти ҳалолинг билан гомерона-феакия осмони остида жон деб суҳбат қурган бўлардим... бироқ феъл-авторимга жануб ҳавоси тўғри келмайди (орадан ҳеч қанча фурсат ўтмай кўнглим шимолий, нисбатан оддий манзараларни туслай бошлайди). Қачон яна Мюнхенга келасан, яна бир марта менга ёзиз юбор, ва мазкур дилгирлик билан йўғрилган мактубимни маъзур туттайсан.

Садоқатли дўстинг, Ницше.

¹ «Учаламиз» деганда барон фон Зейдлицнинг хотини Ирен назарда тутилган бўлиши мумкин, лекин «Зардушт таваллоси» руҳида, мазкур номани битаётган ёки пинҳоний Ницше деган маънода бўлиши ҳам мумкин.

Ажабо! Сен меҳмонга келиб қоларсан дея уч кун кўз тутдим. Мюнхендан меҳмонлар келиши кутилаётганди, улар кимлар эканини айтмоқчи эмасдим. Ёнимдаги столда икки жойни бўшатишди – мана, сенга керак бўлса! Булар уччига чиққан қиморбозлар ва монткарлисталар экан, афсуски уларни жиним суймайди...

Венеция, Рихард фон Зайдлицга

Турин, 1888 йил 7 апрель

Қимматли дўстим,

мактубингизни олиб, тилла топгандай қувондим! Бу ерда мени дастлаб Сизнинг қутловингиз кутиб олди, Ниццада ҳам насиб этган сўнги қутловни Сиздан олгандим. Қанчалар қувончли, дилкаш муждалар-а! Квартетингиз аллақандай каллиграфик дурдона сифатида рўпарангизда ҳозир нозирлигидан бошим осмонга етди, бинобарин унинг шарофати билан Сиз эндиликда мазкур фасли замҳарирни ҳам шарафлай оласиз. Ўз қўлинг билан яратган асарларинг токи кафолат ўрнига ўтар экан, беихтиёр ижодкор диди юксалади. Хусусан, шу асно дуч келган кимсанинг кўнглини топиш истагидан халос бўласан: ўта жиддий эканингни улар сезади. Ўз асарларини эъзозловчи ижодкор ҳаддан ташқари жиддий, бамаъни, мулоҳа-загўй бўлади...

Қадрли дўстим, Сизга мактуб ёзиш учун фавқулодда қизғин саёҳатнинг дастлабки осойишталигидан фойдаланяпман, балки бу осойишталик менга бироз бўлса-да хотиржамлик ва барқарорлик бахш этар, чунки шу пайтгача жуда безовта эдим. Бу қадар ноқулай шароитларда ҳеч қачон саёҳат қилмаганман. Душанбадан шанбагача шу қадар бемаъни савдоларга дуч келганимга ақл бовар қilmайди! Ҳаммаси бошдан бошланди: икки кун тобим қочиб ётиб қолдим, қаерда денг? Сампьердаренда. Мени у ерга боради деган нияти бор бўлса керак, деб ўйламанг. Ёлғиз жомадоним кўзланган манзил – Туринга етиб борди; қолган барча нарсалар, хусусан қўлимдаги юқ ва каминаи камтарин бошимиз оққан томонга кетаверибмиз. Йўлкиранинг қимматлигини айтмайсизми! Бойлик орттириш учун мендай қашшоқнинг сўнги сарик чақаларини ҳам шилиб олишибди! Бундан бўён ёлғиз сафар қилишга ҳақиқатдан ҳам ярамайман; бундай саёҳатлар ҳаддан ташқари ҳаяжонлантиради, шу боис нимагаки қўй урмай, кутилган натижага эриша олмайман. Бу ерда ҳам аввалига шундай бўлди. Сурункасига бир неча кун ухлай олмадим, боисини англай олмай бошим қотди. Сиз билан яна учрашганимизда Савонда содир бўлган воқеани сўзлаб бераман, шу воқеа асосида ажойиб фельетон ёзса бўлади. Лекин мен бечорани тинкамни қуритиб, бетоб қилиб қўйди.

Генуя бўйлаб ёрқин хотиралар оралаб соя каби кездим. у ерда илгари, беш ёхуд олти йил муқаддам менга жуда манзур бўлган жойлар эндиликда яна ҳам мафтун этди – улар бекиёс гуллаган олижаноблик ва Ривьера ваъда қиласётган барча нарсаларга нисбатан фоят гўзал бўлиб туюлди. Декаданслик йилларида мазкур ғамбода шаҳарни манглайимга битгани учун тақдирдан миннатдорман – башарти улардан халос бўла олсан, бу ҳар гал ўзингни ўзинг енгиш билан баробар, ироданг яна кенгликларга талпинади, натижада ниҳоят журъатсизлик иллатидан қутиласан. Генуяда дарвешона ҳаёт кечирганим учун жуда-жуда мамнунман.

Бироқ Турин! Қадрли дўстим, шу ўринда мен Сизни муборакбод этаман! Сиз айни кўнглимдагини таклиф қилдингиз! Бу эндиликда менга ҳақиқатдан ҳам зарур шаҳар! Дастребки лаҳзадан бунга имон келтирдим: бу жойда дастребки кунлар нақадар даҳшатли кечганидан қатъий назар <...>

Данциг, Карл Фуксга

Турин, 1888 йил 14 апрель

Мұхтарам, қимматли жаноб доктор,

бу ерда, Ниццада бўлганидек, столда рўпарамда Сизнинг портретингиз турибди: Сиз билан ҳасратлашиш иштиёқим қанчалар кучли эканини билсангиз эди? Ниҳоят, Сизга мактуб битишга киришдим. Макон ичра бундай бемаъни тарқоқликнинг (бу, файласуфлар айтгандек, айни улар томонидан қашф этилган) нима кераги бор, дея ўзимга савол бераман, бу бир-бирига бирон фикр айтадиган саноқли сиймолар орасидаги айрилиқ макони.

Туринда бўлганимисиз? Мен севадиган ягона шаҳар. Осоишта, бир оз тантанавор. Нигоҳлар учун ҳам, пойи қадам учун ҳам роҳати жон (кафтдай текис кўчалар ҳамда сариқ ва қизил-кўнғир гул-чечаклар барча-барчаси яхлитлик касб этган). Афсунгар XVIII аср мўъжизаси. Мұхташам қасрлар қалбга улуғворлик баҳш этади, – ренессанс даврига оид бирорта ҳам қалъя йўқ. Шаҳар марказидан Альп тоғларининг қорли чўққилари чорлайди! Кўчалар чўққиларга бошлиб борадигандай! Ҳаво қуруқ, жуда-жуда тиниқ. Шаҳар кундуз оғушида шунча гўзал қиёфа касб этиши етти ухлаб тушимга кирмаган.

Эллик одим нарида – маҳобатли визави палацдо Карињяно (1670). Яна эллик одимда эса – Карињяна театри, бу кошонада «Кармен» маҳорат билан саҳнага қўйилмоқда. Баъзан кўчалар қўйнида ярим соатлаб юксак равоқлар пойида одимлайсан. Мазкур шаҳри азимда ҳаммаси кент ва эмин-эркин, айниқса майдонлар, бинобарин шаҳар марказида ўзингни эркин қушдай сезасан.

Дарду ҳасратим ва фалсафам билан дўкон-дастгоҳимни айни шу шаҳри азимга келтирдим. То июнгача жазира машина тортмайман. Шаҳар биқинида қад ростлаган азим тоғлар куч-қувват баҳш этади, ҳатто аллақандай мақсадлар сари сафарбарликка чорлайди. Ниҳоят, навбатда, кўхна ёзги қароргоҳим – Зимльс-Мария: Юқори Энгадин, ҳаёт долгаларидан олис, гайриоддий қадрдан она табиат қучоги... Шундан сўнг бир ой Венецияда – мен учун нурафшон маскан, бугунги кунда ақлга сифмайдиган мусиқаларни айни камина учун яратадиган ягона бастакорнинг қароргоҳи (ёхуд, таъбир жоиз бўлса, қамоғи) – қонун-қоидаларга мос баркамол эркинлиги или самимий, қуёшли шаҳарда бўламан.

Қаердадир ўқидим-а, Германиянинг фақат саноқли шаҳарларида Шопенгауэр юбилейи¹ нишонганмиш. Данциг тилга олинган. Шу заҳоти Сизни ўйладим.

Буларнинг барчасидан нақадар олисдаман! Янада йироқлашиб бораётгандайман! Шунчалар ҳам осудалик бўладими! Қаёққа назар ташламайин бирор-бир таниш чехра учрамайди. Синглим Жанубий Америкада. Мактублар ҳам камайиб боряпти. Ҳолбуки қариб-чурриб қолганим йўқ!! Шунчаки файласуфман! Шунчаки мулоҳазагўй! Шунчаки ўзини ўзи аёвсиз фош қилувчи!

Кутилмаган янгилик: ҳозиргина Даниядан юборилган газетани олдим. Маълум бўлишича, Копенгаген университетида «om den tueske filosof Friedrich Nietzsche»² туркум оммавий матъузалар ўқилаётган экан. Матъузачи – приват-доцент доктор Георг Брандес. <...>

Венеция, Генрих Кёзелицга

Турин, 1888 йил 31 май

<...> Айни кезларда француз тилига таржима қилинган Ману қонунлари жилди қўлимга тушиб қолди. Мазкур манбаҳа Ҳиндистонда тайёрланган ва ҳинд олимлари ҳамда олий рутбали илоҳиёт пешволари томонидан батафсил келишилган. Ведаларга ва касталарга асосланувчи мазкур қадимий муқаддас ахлоқий қомус тўлаттўқис орийлар томонидан яратилган, – бошдан-оёқ диний руҳ билан йўғрилганидан қатъий назар пессимистик кайфиятдан холи, – дин билан боғлиқ тасаввурларимни кутилмаган тарзда бойитди. Назаримда, буюк этник қонунчиллик ҳужжатларидан бизларгача етиб келган қолган барчаси тақлид ва ҳатто карикатурадай... ҳатто Афлотун ҳам барча асосий жиҳатлари билан яхшигина таълим-тарбия олган брахманга ўхшайди. Шу нуқтаи назардан яхудийлар чандала ирқи-

¹ Таваллудининг 100 йиллиги.

² «Немис файласуфи Фридрих Ницше ҳақида» (дат.)

ни эслатади. Улар ўз ҳукмронлари қўли остида шундай қоидаларни ўзлаштирадиларки, айни қоидалар воситасида муқаддаслилик ҳокимиятни эгаллайди ва улусни уюштиради... Чамаси, хитойликлар ҳам мазкур мумтоз қадимий қонун китоби таъсири туфайли Конфуций ва Лао-цзи таълимотини яратган. Ўрта асрларга хос тартиб-тузумлар эса қадимги ҳинд-орийлар жамияти таянган барча тасаввурларни кўр-кўрона тиклашга ҳайратомуз уринишдай туолади. Лекин ирқларнинг таназзули боис уларга пессимистик хусусият баҳш этилган.

Яхудийлар, афтидан, бу борада ҳам шунчаки «воситачи» вазифасини бажарган – улар ҳеч вақо қашф қилмаган. <...>

Эвансвилл (Индиана) Карл Корнцига

Зильс-Мария, Юқори Энгадин,
1888 йил 21 июнь (Швейцария)

<...> Назаримда, айни бой психологик тажрибаси, хатарли ва яланғоч самимиятдан тап тортмаслиги туфайли асарларим ҳақиқатдан ҳам беназирдай туолади. Турли қиёфалар касб этиш ва санъаткорона маҳорат кўрсатиш борасида ҳам камтарлик қилмаганман. Немис тили билан азалий мұхаббат, сирли қондошлик, теран эҳтиром бир тану бир жон айлади. Айни тилда ёзилган деярли барча бошқа китобларни ўқимаслик учун мазкур асослар етарли. <...>

Базель, Франц Овербекга

Зильс, Энгадин, 1888 йил 4 июль

<...> Туринни тарқ этганимдан бүён ҳолим танг. Узлуксиз бошим оғрийди, кўнглим айнииди; сурункали хасталиклар хуруж қилаётir, асабий ҳолсизланганим оқибатида бирон-бир ишга ярамаяпман. Важимали хаёллардан деярли қутула олмаяпман. Тўғрироги, умумий ҳолатим аниқ, афсуски ижобий жиҳатдан эмас. Нафақат саломатлик панд берәётir, аксига соғайиш иштиёқи ҳам йўқ; адойи тамом бўлгандайман. Камида ўн йиллик бой беришлар ўрнини тўлдириш даргумон – боз устига ҳеч вақо харид қилмасдан шахсий «захирар» ҳисобига кун кечирдим. Бу тарзда қашшоқлашиш шубҳасиз. Танамизда йўқотишлар ўрнини тўлдириб бўлмайди, физиология масалаларига оид мuloҳазаларни инглиз Гальтондан¹ ўзлаштирганман. Қулай шарт-шароитда фавқулодда эҳтиёткорлик ва омилкорлик эвазига омонат мувозанатга эриша оламан; лекин мазкур қулай шарт-шароит бўлмаса, ҳар қандай фавқулодда эҳтиёткорлик ҳам, омилкор-

¹ Фрэнсис Гальтон (1812-1911) - инглиз сайёхи ва адиби, евгеника асосчиси, Лондондаги Антропология институти президенти.

лик ҳам наф бермайди. Туринда шундай қулай шарт-шароитлар бор эди, Зельсда эса, афсуски, анқонинг уруғи. Бу ерда тунд ва безовта қишига дуч келдим, Базелдаги кўнгилсиз февраль ҳавосидай салбий таъсир қиляпти. Об-ҳаво таъсирига бундай ҳаддан ташқари боғлиғлик, албатта, яхшилик аломати эмас: бу умумий дармонсизликдан далолат, айни шу камина дучор бўлган балойи оғат ҳисобланади. Бош оғриғиу ва бошқа хасталиклар – у ёхуд бу даражадаги симптом оқибатлар, холос. Базелда бошимдан кечган энг оғир даврда ва Базелдан кейин ҳам айни мушкулотлардан қутула олмадим, фақат (ёки битта фарқи шундаки) у кезларда тамомила гафлатда эдим, шу боис шифокорларга тури хасталикларни аниқлашларига рухсат бердим, бу эса ўлганнинг устига тепган билан баробар бўлди. Очигини айтганда, менинг бошим ҳам, меъдам ҳам хаста эмас, бироқ асабий ҳолдан тойиш оқибатида (қисман отамдан мерос қолган – отам ҳаётий куч-кувватнинг умумий етишмаслиги, қисман эса орттирилган хасталиклар оқибатида вафот этган) барча кўринищдаги хасталиклар юзага чиқаётир. Ўша кезларда мижозимга тўғри келадиган ягона даволаш усули Вайра-Митчеллнинг америкача усули бўлиб, унга кўра қувват бахш этадиган ноёб укол қилишдан иборат эди (бунда яшаш жойи, ён-атрофдаги кишилар, қизиқишлиарни ҳам тубдан ўзгартириш талаб қилинарди). Амалда эса гафлатда қолиб, бунинг аксини танлабман: тамомила ҳолдан тойиш оқибатида Генуядা нима учун завол топмаганимга ҳали ҳам ақлим бовар қилмайди.

Базель, Франц Овербекга

*Зильс-Мария, 1888 йил 20 июлдан кўп ўтмасдан
<қоралама>*

Қимматли дўстим,

сенга муҳтасар мактуб йўллаяпман, лекин бу гапларнинг ҳаммаси фақат иккаламизга тегишли бўлиб, ўртамиизда сир бўлиб қолгани маъқул. Бутун борлиғимни тоғ каби эзib турган фурсат чексиз, бироқ унинг манбаи Сен ва бошқа дўстларим қидираётган жойда эмас. Буни тушунтиришим қийин. Бироқ «Зардушт таваллоси»ни эълон қилганимдан бўён ўзимни қайта-қайта ярадор қилинаётган йиртқичдай сезаяпман. Бирон бир муносабат, бирон бир акс-садонинг йўқлиги аҳволимни тобора танглаштираётir. Бу китоб четга чиқиб қолди, демоқчиманки – барча китобларга нисбатан ёлғизлатиб қўйилди, шу боис ҳам унинг муаллифи сифатида ўзимни қўйгани жой тополмаяпман. Ёлғизлигим ва яккалаb қўйилганим учун юрагим ёриладиган даражага келиб қолдим; бошқа жиҳатдан, ҳеч ким бирон бир фикр билдирганини ҳали ҳамон каминага етиб келмаганини ҳам жуда яхши англайман... Хулосам шуки: барҳаёт асар яратганинг

учун ҳалокатта юз тутишинг ҳеч гап эмас, – чунки бу ишни уддалаганинг учун ҳар дақиқа ўз жонинг билан товон тўлашинг зарур. Бу феъл-авторга ҳам, дидга ҳам, саломатликка ҳам путур етказади. Ҳолбуки, мазкур асардаги лоақал олти сатрнинг моҳиятини англаш ва ботинан ҳис этиш – назаримда, ҳар қандай бандай осийни ҳатто етти ухлаб тушига кирмаган юксакликларга олиб чиқа олади. Бироқ мазкур асарнинг бутун ранг-баранг оламини – ҳали ҳануз кўз кўриб, қулоқ ёшитмаган ўта залворли оламни жамики теранликлари ва кенгликлари билан юракда олиб юриш, кейин эса уларнинг юкидан ҳалос бўлиш учун ким биландир дардлашишга чоғланганда тошдан ҳам қаттиқ ёлғизликка рўбарў бўлиш – бундай чорасизликни душманимга ҳам раво кўрмаган бўлардим.

Мазкур кечинмаларнинг исканжасидан нажот топиш мақсадида бутун маҳоратимни ишга солаяпман. Кейинги асарларимни шу мақсадда ёздим: шу пайтгача ёзган асарларимга нисбатан уларда эҳтирос кучлироқ. Эҳтирос дардни енгиллаштиради. Бу наф келтираяпти, дардларимни унтиши имконини бераяпти... Бундан ташқари, маълум маънода актёрлик салоҳиятим ҳам йўқ эмас, ўзимни овутиш учун хаёлимда турли сиймолар яратаман. Жумладан, айримлари қайсарликлари билан таскин беради. Ҳозир мусиқа мавзусидағи памфлет¹ чоп этилади: уни бир ўқигандаёқ қанчалик хуш кайфият билан ёзилгани сезилади: шоду хуррамлик ҳам дардни енгиллаштиради. Мана шундай асарларни яратиш асносида кайфиятим ҳамиша кўтаринки бўлади.

Кифоя қиласидан даражада таъсир кўрсатадиган кўнгилхушликларни топиш тобора қийинлашашапти. Ўқтин-ўқтин юрагим шундай сиқиладики, асти қўяверасан.

Энгадин, Нейеввиль Зильс,

Карл Шпиттлерга,

1888 йил 25 июль,

<...> Сизнинг саволингизга жавобан айтмоқчиманки, Германия матбуоти билан муносабатимни қандай таърифлашга ҳам ҳайронман. Матбуот менинг қай хислатимдан чўчийди, тушуна олмайман. Мен обрўйи тушиб кетишидан хадиксирамайдиган саноқли кишилар тоифасиданман: бундайлар ўта хатарли зирва ҳисобланади. Аслида эса бинойидек қадр-қимматим бор ва китобхонларим доираси тобора кенгаймоқда. Овропанинг энг мустақил ақл-идро-ки соҳиби бўлиш – ҳаммага ҳам насиб этавермайди. Ҳар бир шаҳарда, ҳатто Балтиморда ҳам муҳлисларим тўгараги бор. Миллат

¹ «Вегнер билан бўлган ҳодиса»

ўзини-ўзи узлуксиз кўкларга кўтариш билан машғул паллада Германия «таълим тизими»га ҳужум уюштирганим мени иззат-хурмат қилишларини узул-кесил кафолатлаш йўлида мен қилган жуда муҳим иш бўлди. <...>

Тан олмасдан ўзга иложим йўқ: мендан ҳайиқишилари ҳикматдан холи эмас, чунки бундай муносабат исталган лаҳзада эъзоз-эҳтиромга айланиши ҳеч гап эмас. Ҳалигача шахсий душман ортирганим билан фахрлансан арзиди.

«Жамият диққат-эътиборини қозониш йўлидаги дастлабки қадам – дуэль», дейди Стендаль. Буни билмаган ҳолда шундай қилган эканман. <...>

Мете фон Салис ауф Маршлинсга

Зильс-Мария,

1888 ийл 7 сентябрь

<...> Кейинги пайтларда жуда қунт билан ишладим – шу даражада жонбозлик қилдимки, «ёзни беҳуда ўтказганимга оид» олдинги мактубда ёзган фикрларимдан воз кечмоқчиман. Шунчалик сергайрат бўлишиб ҳатто ўзимнинг ҳам хаёлимга келмаган... Тўғри, бунинг оқибатида ҳаётимда тартибсизлик юзага келди. «Илҳом париси»-нинг дъавти билан кечаси, соат иккилар атрофида бир неча марта уйғониб, пишиб етилган мулоҳазаларимни қофозга туширдим. Кейин уй соҳиби, жаноб Дуришнинг эшикни эҳтиёткорлик билан очгани эштилиди ва ташқарига чиқади – тоғ кийиги овлаш мақсадида. Эҳтимол, менинг саъй-ҳаракатларим ҳам тоғ кийиги овлашдай иш бўлгандир...

Учинчи сентябрь ажойиб кун бўлди-да! Эрталаб «Барча қадриятларни қайта баҳолаш» асаримга муқадимма ёздим, ҳозиргача бунақа мағруронга муқаддима ёзилмаган. Шундан сўнг кўчага чиқиб, билансми, нимага кўзим тушди? Энгадинда бундай гўзал кунни кўрмагандим. Бутун борлиқ шабнамга чайиб олингандай, кўл ва осмон ложувард, ҳаво ҳам чиннидай тоза – ақл бовар қилмайди... Табиат гўзаллиги қошида бошқалар ҳам ҳайратга тушди. Этакларигача оппоқ қорга бурканган тоғлар табиат гўзаллигига ўзгача чирой баҳш этганди.

<...> 15 сентябрда Туринга йўл оламан. Дунёда ягона ҳурфиксали китоб – «Барча қадриятларни қайта баҳолаш» асаримни нашрга бериш масаласини кейинги йилларда ҳал қиласман. Бунга оид қарор етилиши зарур! Даствлабки китоб, дейлик, «Антихрист» деб номланади.

Бухвальд, Генрих Кёзелицига
Турин, 1888 йил 27 сентябрь

<...> Сафар оғир кечди, сабр-тоқатим яна бир марта жиiddий синовдан ўтди: фақат ярим кечада Миланга етиб олдим. Комода сув босган жойдан түсін ташлаб қылинганаң энсизгина күпприқдан кечаси, машъалалар ёруғида жонимизни ҳовуchlаб, минг азоб билан ўтдик! Бундай мاشаққатли йұлни мендай шабкүр учун атайлаб тайёрлаб қўйишгандай! Ломбардиянинг дим ва бадбўй ҳавоси тамомила ҳолдан тойдирди, аранг Туринга келдим. Йўл давомида тортган азобларим бехуда кетмади. Олтин куз фасли оғушидаги Турин шахри мени бағрини катта очиб кутиб олди. <...>

Базель, Франц Овербекга
Турин, 1888 йил 18 октябрь

Қимматли дўстим,

Кеча Сенинг мактубини ушлаган ҳолда Турин атрофларида одатдагидек сайр қилдим. Бегубор октябрь ҳавоси оғушида яйрадим. Деярли По дарёси бўйлаб узанган ажойиб ўрмон сўқмоғида салкам бир соатча сайр қилдим – мазкур ўрмонда ҳали куз нафаси унча сезилмайди. Ҳозир дунёдаги энг олийжаноб инсонман ҳамда фақат ва фақат ижобий маънода айни куз фаслига хос кайфиятдаман: тўкин ҳосил йигадиган фурсатим етиб келди. Ҳамма-ҳаммаси осонлик билан қўлга кирайпти... Дастребки «Барча қадриятларни қайта баҳолаш» асарим нашр қилиш учун тайёр, – бу хушхабарни сенга етказишдан қанчалар мамнун эканимни баён этишга ожизман. Жами тўрт китоб бўлади – ҳаммаси алоҳида-алоҳида чоп этилади. Бу гал, устамон замбаракчи сингари ўз тўпларимни намойиш қиласман: менинг замбаракларим зарбаларидан инсоният тарихи тенг иккига бўлиниб кетади, деган хавотирдаман. Олдинги мактубимда тилга олинган асаримни яқинда тутгаллайман... «Инсонийлик, ўта инсонийлик»дан сен йўллаган парча айни мавридида келди-да, уни асарим матнига киритдим. Бу асар ошкора уруш очишдан иборат, ҳатто акс-садоси тоғлардан ҳам эшитилади. Унда немисларга қарши ялпи ҳужумга ўтганман: «киноялардан» шикоят қилишингга ҳеч бир ҳожат йўқ. Бу шу даражада масъулиятсиз ирқки, маданиятга қарши оламшумул барча жиноятларни содир этган, тарихнинг барча ҳал қилувчи паллаларида ҳамиша аллақандай бемаъниликлар маҳлиёси бўлган (Англия ва Францияда илмий мушоҳада юритиш услуги минг мешаққат билан қўлга киритилган бир паллада – Уйғониш даврида реформацияга зўр берган, Кант фалсафаси билан майдонга чиққан; Европани сиёсий ва иқтисодий жиҳатдан бир бутун қилиш

борасида ягона құдратта эга Наполеон пайдо бўлганда «халоскорлик урушлари» байрофини кўтартган), – ҳозир эса, қадриятлар ҳақидаги буюк масалалар биринчи марта кун тартибидан жой олган паллада, мазкур миллатнинг фикри-зикри «рейх» билан банд, бу партикуляризм ва маданий атомизмни кескинлаштиришдан бўлак ҳеч вақо эмас. Бундай муҳим тарихий фурсат ҳеч қачон бўлмаган, лекин буни ким қадрлайди? Бутун биз шоҳиди бўлиб турган тушунмовчилик жуда-жуда табиий ҳол: шу пайтгача кузатилмаган маънавий эҳтирос юксаклиги ва эркинлиги инсониятнинг олий муаммосига ёпишиб олган ва унинг тақдирига нисбатан ҳукм чиқаришни талаб қилаётган бир пайтда, – айни шундай паллада ялпи пасткашлик ва жоҳиллик яққол намоён бўлиши керак. Менга нисбатан душманлик аломатлари ҳозирча заррача ҳам кўзга ташланмаяпти: хуллас тарафдорлар ҳам, қаршилар ҳам йўқ...

<...> Навбатдаги уч йил мобайнинда жуда катта миқдордаги босмахона сарф-харажатларини қоплаш учун ҳозир имкон борича тежамкор бўлишим керак... 20 ноябргача шу ерда қолишни мўлжалляяпман... Кейин Ниццага йўл олмоқчиман. <...>

Рим, Мальвида фон Мейзенбуттга

Турин, 1888 йил 20 октябрь

Мухтарама қадрдоним,

Сизни безовта қилаётганим учун маъзур тутасиз, бу энг охирғиси. Аста-секин барча билан муносабатларимга деярли барҳам бердим. Ҳафсалам пир бўлгани бежиз эмас: мени бор ҳолимча эмас, балки ўзгача бир шахс сифатида талқин қилаяптилар. Ниҳоят, навбат Сизга келди. Йиллар мобайнинда асарларимни Сизга тақдим этиб келаяпман – ниҳоят сабр косангиз тўлиб, ҳақоний равишда соддадиллик билан: «Бу асарлардаги ҳар бир калима мени даҳшатга солади» деб ваҳима қиласмикансиз деган умиддаман. Шундай қильсангиз, тўғри йўл тутган бўлардингиз. Чунки Сиз «идеалист»лар сирасига кирасиз, мен эса идеализмни ҳис-туйғуларга чирмашиб олган диёнатсизлик, мавжуд воқеликни тан олмасликка интилиш деб биламан; асарларимдаги ҳар бир калимаю ибора идеализмга нафрат билан йўғрилган. Бутун инсоният тарихида мазкур интеллектуал тубанликдан ортиқ инсоғиззик бўлмаган; «идеал олам»ни ўйлаб топишлари натижасида жамики воқеликлар қиммати сариқ қақага ҳам арзимайдиган бўлиб қолди... Менинг вазифам Сиз учун тушунарсизми? «Барча қадриятларни қайта баҳолаш» деганда нимани назарда тутаётганим ҳам мавҳумми? Фазилатли кишиларни Зардўшт нима учун ўта хатарли тоифа ҳисоблайди? У нима учун аҳлоқ-обод қоидаларини чиппакка чиқариши керак? Зардуштнинг:

«Раҳмдил ва тақводорларни ер билан яксон қилинг!» деган даъватини Сиз унутдингизми?

Менинг «Аъло одам» атамамни Сиз яна ўзингизча бузиб талқин қилдингиз, бу «марҳаматингиз» учун Сизни ҳеч қачон кечирмайман. Айни пайтда асарларимнинг ҳар бир жиддий мухлиси билиши керак: мен нафлатланмайдиган инсоний тоифа – мозийдаги меҳрибон сиймоларнинг тамомила акси, Исои Масиҳга нисбатан Чезар Борджиага юз бора яқин. Ҳузуримда Микеланджело исмини ва Вагнер сингари тубан кимсанинг исмини оғзингиздан бол томиб тилга олар экансиз, Сизни ҳам, ўзимни ҳам туйғуларимга ҳаққоний баҳо бериш мастьулиятидан холи қиласман. Уларнинг ҳар бирига нисбатан бутун ҳаётингиз давомида сохта тушунчаларни шакллантиргансиз. Айни Сизга ишонгандлари учун менинг ҳаётимда ҳам талай кўнгилсизликлар рўй бермоқда, – чунки Сизнинг мулоҳазаларингиз ҳеч қандай асосга эга эмас. Ниҳоят Вагнер қаердаю, Ницце қай маконда эканини ҳам унтутиб қўйдингиз!.. Ҳар қандай андишли шахс сифатида бундан ўн йил муқаддам Вагнердан нафрат билан юз ўтирганим боисини Сиз ҳали ҳамон англай олганингиз йўқ. Вагнер мусиқаси ўлати қандай тарқалаётгани, созандаларни қай асно йўлдан оздираётганини барча соғдил мусиқашунослар каби кузатишим моҳияти ҳам, таассуфки, Сизга аён эмас. <...> менинг бирорта каломимни, бирон бир қадамимни Сиз ҳеч қачон англамансиз: қўлимдан нима ҳам келарди, лекин мазкур аҳволга ойдинлик киритиш зарур – «Вагнер ҳодисаси» айни шу нуқтаи назардан менга жуда қўл келди.

Фридрих Ницше.

Венеция, Генрих Кёзелицга

Турин, 1888 йил 30 октябрь

Қимматли дўстим,

ҳозиргина кўзгуга қарадим – ҳеч қачон шу асно рисоладагидай бўймаганман. Кайфиятим аъло, қоматимрасо – нақд ўн ёш яшаргандайман. Не баҳтки, Туринни қароргоҳ сифатида танлаганимдан бўён ўзимга муносабатим ижобий томонга кескин ўзгарди: жумладан, қўлигул чевар ҳузурига ташриф буюраман, яъни ҳамма жойда мени мартабали ажнабий сифатида эъзозлашларига алоҳида эътибор бераман. Ишонасанми, бу ишни қойиллатаяпман! <...> Ниццаға нисбатан Турин шунчалар хушманзараки, рангпар Ривьера ялангликлари эсимга тушгани сайин у кўнгилсиз жойларда узоқ қолиб кетганим алам қиласди... Бу ерда эса табиий баркамоллик ва нурафшон офтоб ром айлайди: заъфарон боғлар зарҳал юритилгандай кўзни қамаштиради, осмон ложувард ва кўм-кўк дарё, но-

расида нафасидай бегубор ҳаво – баайни Клод Лоррен¹ мўйқалами билан яратилган мўъжиза!

Об-ҳаво шу қадар ажойибки, қимматли асар яратиш учун ҳеч қандай монелик йўқдай. Туғилган кунимда навбатдаги янги асар ёза бошладим, ўйлайманки, барчага манзур бўлади, дарвоқе, унинг учун аллақачон салмоқли бўнак олдим. Номланиши «Ecce Homo», ёки «Ўзликни англаш асрори». Мазкур асарда шахсиятим ва асарларим ҳақида дадил фикр юритилади; шу асно нафақат омма олдида ўзлигимни намоён қилмоқчиман, ўзлигимни ҳайратланарли шахсий қайта баҳолашдан олдин эркин матбуот тўғрисидаги немисларга хос тасаввур нималарга гирифтор қилиши мумкинлигини синааб кўрмоқчиман. «Қайта баҳолаш»нинг дастлабки китоби қонуний ва асосли равишда зудлик билан мусодара қилинади, деган гумоним бор. «Ecce Homo» воситасида мустаҳкам негиз тайёрламоқчиман, бу оқилона тасаввур доирасида бошқаларга нисбатан мен учун алоҳида имтиёзлар яратилишини таъминлаган бўларди. Дарвоқе, ўзим ҳақимда тасаввур қилиш мумкин бўлган психологик «мугомбирлик» ва хушёрлик билан мулоҳаза юритяпман – одамлар олдида пайғамбарона, даҳшатангез ва аҳлоқий қўриқчи мақомига даъво қилиш менга йўл бўлсин. Китоб шу нуқтаи назардан ҳам наф келтириши мумкин: мени айни зиддим билан чалкаштиришга монелик қилса, ажаб эмас. <...>

Элизабет Фёрстерга

Турин, 1888 йил ноябрь ўрталари
(коралама)

Қимматли синглим!

Мактубингни олдим, бир неча марта ўқигач, Сен билан видолашибим зарур деган жиддий хulosага келдим. Тақдирим ҳал бўлган айни паллада Сенинг менга нисбатан айтилган ҳар бир калиманг юз баробар оғир таъсир қиласди: қандай сиймо ва қандай қисмат соҳиби билан яқин қариндош эканингни Сен заррача ҳам тасаввур қила олмайсан, ҳолбуки, айни менинг тимсолимда минг йиллик жумбоқлар ечим топди, гапнинг индаллосини айтганда, инсоният истиқболи ихтиёrimda... Мен яшаётган муҳит тамомила бегона бўлгани боис айнан Сен салкам менга қарама-қарши томон қочишга мажбур эканингни тушунаман, албатта. Фақат битта ҳолат кўнглимга таскин беради: Сен ўз наздингда ҳаётингни тўғри изга солдинг, қисматинг кимлар биландир боғлиқ, Сен кимгадир кўнгил бергансан ва кимдир Сени севади, имкониятларинг ва куч-куватинг етадиган

¹ Клод Лоррен (1600-1682) – француз тасвирий санъат устаси.

вазифаларни уддалаш зиммангга юклатилган; ниҳоят, бу масалани четлаб ўтмоқчи эмасман, айни зиммангдаги вазифа Сени мендан олисларга улоқтириди, шу боис айни паллада бошимга тушиши эҳти-молдан холи бўлмаган дастлабки кўнгилсизликлар Сенга ҳеч қандай зиён-заҳмат етказмайди. Сенинг манфаатинг йўлида айни шуни хоҳ-лайман; мен ҳозир эълон қиласидиган асарларга дўстона, ҳатто айни ҳолатда қалтис қизиқувчанлик билан муносабатда бўлмасликни ва ўқимасликни Сендан ўтинаман. Улар кўнглингни ҳаддан ташқари қолдириши ҳеч гап эмас... Шу нуқтаи назардан Вагнер ҳақидаги аса-римни Сенга беҳуда юборганимдан афсусланаман...

Мамнуният билан айта оламанки, кайфиятим аъло, умрим мобайнида бу қадар қатъиятли ва сабр-тоқатли бўлмаганман; қай бир ишга қўл урмай қанча мураккаб бўлмасин, осон ҳал бўлаётир. Зиммамга юкланган вазифа – қисматим амри, менга ато этилган саодатни айни ҳозир теран англайпман. Мен шундай харсанг-қоялар билан юзма-юз келаяпманки, улар билан олишув исталган ўзга банда учун ҳалокатли бўларди... Илло, мен уддалашим зарур вазифа – ҳар жи-ҳатдан даҳшатли; мен айрим кимсагагина қарши эмас, балки бутун инсониятга ўта даҳшатли айб тақаяпман: ва қандай ҳукм чиқари-лишидан қатъий назар – менинг фойдамгами ёки менга қаршими, – ҳар иккала ҳолатда ҳам сон-саноқсиз кўнгилсизликлару кулфатлар менинг номим билан боғлиқ бўлади... Шу боис мактубимни шафқат-сизлик сифатида эмас, балки олдиндаги кулфатлар миқёсини камай-тирадиган чинакам инсонийлик сифатида қабул қилишини Сендан чил дилдан ўтинаман.

Сенинг оғанг?

Дрезден, Фердинанд Авенариусга

Турин, 1888 йил 10 декабрь

<...> Танқид қилганингиз учун Сиздан чин дилдан мамнунман... ўзингиз билмаган ҳолда кўнгилга хуш ёқадиган фикрларни билди-рибсиз. Зиммамга ҳайратомуз вазифа юкланган – барча қадрият-ларга қайтадан баҳо беришим керак; баайни башарият қисматини елкамга олганман, ва бу борада масхарабоз, ҳажквчи ёки, Сиз таъ-рифлагандек «фельветончи», дарвоқе бу хислатим «Вагнер билан бўйлан ҳолат» асаримда намоён бўлган, сифатида ҳам фаолият юрита олсам, булар нақадар салоҳиятли эканимни яна бир бор ис-ботлайди. Ниҳоятда теран ақл айни пайтда маълум маънода юзаки-роқ бўлиши керак – бу, эътиборингиз учун, камина фалсафасининг қоидаси. <...>

Байройт, Козима Вагнерга
Турин, 1889 йил 3 январь

Менинг севиклим, қиролича Ариаднага, одам эканим хурофотдан бошқа ҳеч вақо әмас. Лекин одамлар орасида бир неча марта яшаганман ва уларнинг қисмати менга аён. Ҳиндлар орасида Будда, Юнонистонда – Доинис бўлганман, Александр ва Цезарь сиймосида ҳам яшаганман, Шекспир устози лорд Бэкон тимсолида ҳам умргузаронлик қилганман. Ниҳоят, Вольтер ва Наполеон, балки Рихард Вагнер ҳам бўлганман... Бу гал Заминни тўйхонадай безатувчи муз-заффар Дионис сифатида келажакман... Етарли фурсатим бор деб айттолмайман... Шу жойда эканимдан Самовот йирамоқда... Ҳа-я, мени чормихга ҳам тортишган...

Чормихга тортилган.

Иосиф БРОДСКИЙ БИЛАН СУҲБАТ

Мусофирилик изтироблари

Мириам Гросс, «Observer» газетаси, 1981 йил 25 октябрь.

М. Гросс: – Сизга нисбатан 1964 йилда ҳукм ўқилган ва қамалгансиз, кейин эса сургунга юборилгансиз. Ўшанда кўнглингиздан нималар кечган?

И. Бродский: – Бунга анча йиллар бўлди. Лекин ўшанда ҳам имкон борича барчасини кўнглимга яқин олмаганман. Чунки, биринчидан, менга нисбатан жиноий иш ғирт уйдирма бўлган. Психологик жиҳатдан эса буни ўзим бир пайтлар ўқиган Кафканинг «Жараён», Буковскийнинг «Қалъа қуриш» асарларидаги каби сафсата ҳисобланман...

М. Гросс: – Ўша пайдаги ҳукумат сизга нисбатан нима учун бундай йўл туттган? 1972 йилда эса нима учун Россиядан бадарга қилишид?

И. Бродский: – Мен ҳукуматнинг бу қарори хусусида жиддий бош қотирмаганман, чунки уларнинг қора ниятларини англаш даргумон. Бунинг бир неча сабаблари бўлса керак. Энг аввало: ҳар бир адаб-шоир ёки санъаткорга СССР Давлат Хавфсизлиги комитетида хуфиёна жиноий иш очилади, у билан боғлиқ ҳужжатлар тўплаб борилади. Яъни:

*Назоратда ҳар бир ижодкор киши,
Доим қўлнимизда жиноий иши!*

Бу жиноий иш янги саҳифалар билан доим тўлдириб борилади. Жиноий иш белгиланган даражага етгач, тегишли хонада албатта бирон чора кўриш керак, деган қарорга келинади. Жазолаш органлари сизни сўроқ қилиши, калтаклаши, ишлаётган жойингиздан бўшатиб юбориши, кейин эса текинхўрлик, ишёқмаслиқда айблашлари, қамаб қўйишлари, кейин эса жиннихонага тиқишилари ёки аксинча йўл тутишилари ҳеч гап эмас. Менга келсак, 1972 йилга келиб юқоридаги чораларнинг барчаси ишлатилиб бўлинганди – шу боис навбатдаги чорани қўллашган.

Бунга ўзига хос шуҳрат қозонганим сабаб бўлган бўлса керак: мен совет ҳукумати советлар мамлакатидан чиқариб юборган дастлабки одам бўлганман. Айни ўша иили АҚШ президенти Никсон СССРга келган, шу боис ҳамма ёқни тозалашга зўр берилганди.

Яна бир сабаби ҳам бўлиши мумкин. Давлат хавфсизлиги хизмати бирон ижодкорни зимдан назорат остига олар экан, расмий ижодий уюшмалар ҳам бу ишга жалб қилинади – ижодий уюшмалар баъзида бунда ташаббускор бўлади. Ижодкорлар, баъзида, шу асно бир-бирига ҳасад қилиб, ўч олади. Хуллас, мени мамлакатдан чиқариб юборишларидан олдин Ёзувчилар уюшмасида буни олдиндан билган одам бўлган, лекин мени хабардор қилишни хоҳла-маган.

М. Гросс – Кимлигини айта оласизми?

И. Бродский – Евтушенко.

М. Гросс – Сиз ўзингизни диссидент ҳисоблайсизми?

И. Бродский – Йўқ. Бу аҳмоқона тамғалардан бири. Адабиёт деган тушунчнинг қадрини ерга уриш учун давлат маҳкамалари-га мана шундай маломатлар керак. Гап шундаки, сиёсатга нисбатан адабиёт катта таъсир кучига эга: адабиёт «шунчаки санъят» эмас, адабиёт халқ онгига жуда ҳам жиддий таъсир кўрсатади. Башарти, инсониятнинг жониворлардан бирон-бир фарқи бўлса, бу фарқнинг биринчиси – тил, инсоннинг сўзлашув қобилияти, иккинчиси эса – шеърият. Шеърият, ўз навбатида, тилнинг олий кўриниши, шеърият – биологик тур сифатидаги тараққиётимиз воситаси, унинг антропологик мақсади. Бинобарин, кимки шеъриятни, бадиий адабиётни «санъят» ҳисобласа, инсониятга, энг аввало ўзига нисбатан жиноят содир этган бўлади.

Пировард натижада, ҳозирги даврда адабиёт, эҳтимол, тарих ҳам, – ягона ахлоқий тарбия воситаси. Давлат сиёсий норозиликка нисбатан, бадиий асарлар давлат негизларига кўпроқ путур етказади деб ҳисоблар экан, бу атиги атавистик муносабат саналади: чунки сиёсий норозилик ўёки бу даражада баҳсли бўлса, шеърий шаклдаги норозилик расмий эътиrozларга нисбатан очиқ ва равшан лингви-нистик устунликка эга.

Адабиёт, яъни шоирлар ва адиллар давлат манфаатларига хизмат қилиши керак дейдиганларни кечириб бўлмайди: давлат маҳкамаси тарихда ташкил топган дастлабки кунлардан эътиборан халқни маънавий ва ақлий ахта қилиш билан машгул.

М. Гросс – Сиз ўзингизни неча ёшдан шоир ҳисоблай бошлаган-сиз?

И. Бродский – Ҳеч қачон бундай фикрда бўлмаганман. Лекин бошқа ишларга нисбатан кўпроқ шеър ёзиш билан машғул бўлаётганим эътиборимни тортган.

Лекин ҳаётимда ўзига хос кечинмалар бўлган. Нева дарёси бўйлаб сайр қиласар эканман, ҳаво кафтларим орасидан сувдай ўтиб бораётгандай туюлган. Албатта, бу фавқулолда кечинма эмас, бироқ ўша соҳилда ҳозир ҳам мен каби фикрлайдиган одам бормикан, деб ўйлайман. Шу асно руҳиятимда жиддий эврилишлар кечаётганини ҳис қилганман.

М. Гросс – Ёшлигингида кўп шеърлар ўқиганмисиз?

И. Бродский – Ҳа. Совет мактабларида ўқувчилар кўп шеър ёд оларди. Ўқитувчимиз бирорта шеърни ёддан айтишимни сўраганда жуда хурсанд бўлиб кетардим, айрим асарларни иштиёқ билан ёд олганман.

М. Гросс – Мақолаларингиздан бирида шундай ёзганмисиз: биринчи марта мактабга борганимда бемаънилиқдан бўлак ҳеч вақо ўрганмаслигимни олдиндан билардим. Бу билан нимани назарда тутгансиз?

И. Бродский – Совет давлатида таълим тизими муайян қолипга солинганди. Дейлик, тарих Карл Маркс таълимоти, синфий кураш нуқтаи назаридан ўрганиларди. Қадимий Рим, Ўрта асрлар ёки энг янги тарих эмас, балки қулларнинг қулдорларга, дехқонларнинг заминдорларга, ишчиларнинг капиталистларга қарши кураши ўргатиларди. Ҳатто тарихда ҳақиқатдан ҳам шундай бўлганига қарамай бундай таълим тизими жуда зерикарли эди.

М. Гросс – Мактабни ўн беш ёшда ташлаб кетгансиз?

И. Бродский – Ҳа, ортиқ сабрим чидамаган. Ўзим мустақил жуда кўп китоб ўқир эдим, шу боис мен учун мактабнинг қизифи йўқ эди. Ҳеч кимга қарам бўлишни истамасдим, ота-онамга ҳам кўмаклашгим келган. Отам яхудий миллатига мансуб бўлгани боис денгиз флотида ишдан бўшагач, иш топа олмаган, онамнинг маошига кун кўярардик, онам эса одамлар яшайдиган кўп қаватли уйлар маҳаллий идорасида бухгалтер бўлиб ишларди.

М. Гросс – Дастрлаб нима иш қилгансиз?

И. Бродский – Мен уйдан бош олиб чиқиб кетиб, заводда фрезаловчи бўлиб ишлай бошладим. Бу ҳаётимдаги оғир даврлардан бўлган, бироқ Маркс тасвирилаган йўқсил ишчилар ҳаётини ўз кўзим

билин кўрдим. Уч сменада ишлайдиган ишчилар битта хонада ухларди, битта ҳожатхонага навбатга турардик ва ҳоказо. Бундай турмуш тарзини анча ўргандим. Хрушев раҳбарлиги даврида ахвол сал яхшиланди.

М. Гросс – Хрушевнинг Сталинни фош қилиши сизни ҳайрон қолдирганми?

И. Бродский – Йўқ, ўша пайтда ўн олти-ўн етти яшар бўлган бизнинг авлодни ҳеч нарса ҳайрон қолдира олмасди. Ҳамма ёқда ёлғон, мунофиқлик, шафқатсизлик ҳукмронлигини билардик, ўзимиз ҳам ёлғон гапирадрдик. Бизни ҳайрон қолдириш учун Сталиннинг вафтидан ҳам кучлироқ нимадир рўй бериши керак эди. Венгрия воқеалири – шундай ходиса бўлган.

М. Гросс – Заводдан бўшагандан кейин нима қилгансиз?

И. Бродский – Маҳаллий шифохонанинг ўликхона бўлимига ишга кирганман. Аксарият яхудийлар каби мен ҳам шифокор бўлишни орзу қиласдим, шу боис бу касбнинг машаққатларини олдиндан билгим келган. Бироқ кўп ўтмай у ердан ҳам бўшадим: отам инфаркт бўлиб қолди, моргда санитар бўлиб ишлаётганимнинг ўзиёқ отамни ғашини келтиради.

М. Гросс – Врач бўлишингизни отангиз хоҳламаганми?

И. Бродский – Йўқ, отам менга тазиик ўтказмаган; фақат мени ҳамиша ишёқмас, такасалтанг ҳисоблаган. Анча қаттиқкўл бўлган, аслида ҳар бир ота фарзандларига талабчан бўлиши керак; яхши одам эди.

М. Гросс – Ота-онангиз яхудий динига қаттиқ берилганмиди?

И. Бродский – Йўқ, асло. Мен яхудий дини талабларига биноан тарбия олмаганман, лекин яхудий бўлиш осон эмаслигини ҳис қилганман. Одамлар ошкора «жухуд» деб ҳақорат қиласди; ирқпарастлик шиорлари тинчлик бермайди; ўзингни якаланиб қолгандай сезасан. Лекин, эҳтимол, бунинг яхши томони ҳам бор: нималарга қодир эканлигинга тезроқ ишонч ҳосил қилишга ҳам ундейди.

Кейинчалиқ, заводда, қишлоқда ишлаганимда, қамоқда ўтирганимда антисемитизм ҳолатларига деярли дуч келмадим. Антисемитизм изходкорлар, зиёлилар орасида кўпроқ кўзга ташланарди.

М. Гросс – Яхудий эканлигиниз ҳақида ўйлаганмисиз?

И. Бродский – Бу ҳақда деярли ўйламайман. «Ирқ» ёки «миллат» каби тушунчалардан юксакроқ туришга уринаман. Бошқача айтганда, рисоладагидек «яхудий» эмасман. Чинакам русман ҳам дея олмайман. Яхши америкалик эканим ҳам даргумон. Тўғриси, қандай бўлсан шундайман, мен асосан – шоирман.

М. Гросс – Тузум ҳақидаги гапларингиздан қатъий назар, сизнингча, кўпгина одамлар эркин танлаш, аниқроғи, эркинлик масъу-

лиятини ўзларидан соқит қилиш учун кимларнингдир ҳукмронлиги остида бўлишни хоҳламайдиларми?

И. Бродский – Кўпчилик шуни хоҳлайди. Совет тузумининг барқарорлиги ҳам шунда эдики, бу тузум инсониятнинг азалий орзусини амалга оширганди: одамларнинг бегам яшашини кафолатлаганди. Улар бунинг эвазига арзимаган ён бериш қилганимиз деб ҳисобларди. Фақат жуда тадбиркор ва салоҳиятли одамларгина кўп нарсалардан маҳрум эканини биларди, бироқ бундай одамлар жамиятда ҳар доим озчиликни ташкил қиласди.

Қамоқдан чиққанимдан кейин одамларга фақат битта гапни айтардим: қамоқ сира ҳам кўрқинчли эмас, фақат маҳбусликнинг машиқатлари бор, бироқ бу машиқатлар қамоқдан кўрқиб, ҳақиқатни айтмай юравериш учун баҳона бўла олмайди. Лекин гапларим таъсир қиласди, одамларнинг у қулогидан кириб, бу қулогидан чиқиб кетарди.

Одамлар Farbda ўз эркинлигидан қандай фойдаланаётганига ҳам бир назар солинг: улар эркинликка таянган ҳолда хавфсиз ҳаётларини таъминлаётириш, катта-катта иморатларда умргузаронлик қилаётириш, қатор-қатор янги енгил машиналар сотиб олаётириш.

М. Гросс – Сизнингча, эркинликдан қандай фойдаланган маъқул?

И. Бродский – Эсли-хушли одамга кўп нарсанинг кераги йўқ. Менимча, одамзотга эркинлик кутубхонада кўпроқ вақтини ўтказиши учун берилади.

М. Гросс – Англия ва Америка адабиётига шу қадар теран шўнгишингизнинг боиси нимада? «Джон Доннга элегия» ва «Т.С. Элиот вафоти»га шеърларингизни назарда тутаяпман – буларни ҳали Россияда яшаётганда ёзгансиз.

И.Бродский – Чунки бу – буюк адабиёт. Рус тилида ўқиган кўплаб китобларим орасида айни мамлакатлар адабиёти менга кўпроқ манзур бўлган. Америка адиллари адабиётга янгича нуқтаи назарни олиб кирди, ва буни фавқулодда муҳим ҳисоблайман. Улар адабиётта янгича рух бахш этди, бу рус китобхонларини жуда кучли оҳанрабодай ром қилди. Дейлик, Россияда Достоевскийдан кейин Толстой катта майдонга чиқди, бу гўё бошқа томонга оғишдай бўлди; Америкада эса тамомила ўзгача ҳолат – ўзгача услугуга эга Фолкнер катта саҳнага чиқди.

Масалан, Роберт Форст мени қанчалар лолу ҳайрон қилганини яхши эслайман. Роберт Форст даҳшатни тамомила янгича талқин қила олган. У фожиавий шоир бўлмаган, Кўхна дунё фожиани етарли даражада яхши ўзлаштирган; Форст эса даҳшат-ваҳималар шоири бўлган. Қолаверса, фожиа-трагедия якунига етган жараён, даҳшат эса давомли тусга эга. Инсон турмушининг даҳшатли тусга эга

эканини ифодалай олгани боис Форст, менимча, ҳатто Элиотдан ҳам йирик шоир ҳисобланади.

Россия ўзига хос тарихи ва жуғрофий жойлашуви туфайли Farb-га ҳамиша маданият манбаи сифатида хайриҳо бўлиб келган. Бу навқирон миллат хусусияти, зотан унинг тарихи унчалик катта эмас, тарихий коллизияларнинг етишмовчилиги эса, – йигирманча асрда эмас, балки олдинги асрларда – фарибликтай туюлади. Farb маданиятига бизнинг иштиёқимиз жуда катта. 1911 йилда Мандельштамдан акмеизм нима деб сўрашганда, «жаҳон маданиятига ташналиқ» деб жавоб берган. Айни шу ташналиқ бизга қувват баҳш этиб, муттасил олдинга интилишга ундейди, натижада батъзан ўзимиз интилган маррдан ҳам ўтиб кетганимизни билмай қоламиш...

М. Гросс – Ўз ватанингиздан, она тилингиздан тамомила узилган қувғинда, бегона мамлакатда қандай яшапсиз? Бу ердагилар сизнинг шеъларингизни фақат таржимада ўқий олади-ку?

И. Бродский – Бу қайсиdir маънода аламли вазият, лекин ҳаётимда абсурд ҳукмронлигига кўнишиб қилганман. Ҳатто, назаримда, ҳаммаси аслида шундай бўлиши керак. Қанчалар хатарли ва бемаъни бўлса, шунчалар менга матькул. Рўй берадиган воқеаларга шундай муносабатда бўлишни Россияда яшаётганимдаёқ одат қилганман. Россияда ижод столидан туриб, кўчада сайр қилас эканман, аксарият руҳан менга тамомила бегона одамларга дуч келардим: Бразилияда ҳам шундай ёлғизликни ҳис қилганман, улар ҳам ўзга олам одамларидаи бегона эди. Уларнинг барчаси менга бегона бўлган, барчамиз битта тилда гаплашишимиз эса вазиятни яна ҳам мушкуллаштирган. Россияда яшаган, асли россиялик одам ўзга мамлакатда яшар экан, бирон янгиликдан ҳайрон қолиши жуда қийин.

М. Гросс – Америкалиқ бўлиш қийин эмасми? Америка қадриятлари асосида яшашга қийналмаяпсизми?

И. Бродский – Кўпам қийналалаётганим йўқ. Бинобарин, бизнинг авлод одамлари аввалбошданоқ қайсиdir маънода «америкалиқ» бўлган. Биз 50-йилларда вояга етган авлодмиз ва мен ҳам индивидуалликни, ҳар бир шахс бетакор бўлиши кераклигини том маъноду тушунганман. Америка жамияти, қандай нуқсонлар бўлишидан қатъий назар, бу ерда ҳар бир инсоннинг индивидуаллиги ҳамон етакчи фоя ҳисобланади. Бошқа бирорта мамлакатда бу ҳолат кузатилмайди. Айни фоя менга ҳам тегишли эканидан фаҳранаман.

Бироқ ўзга мамлакатда бемалол яшаш учун ундаги бирон-бир нарсага, дейлик, маданияти, сиёсий тизими ёки фойда орттириш имкониятига, жуда бўлмагандаги табиати ёки иқлимига кўнгил қўйиш керак. Мен эса иқлимга парво қилмайман, фойда орттиришга, бой бўлишга қизиқмайман, – лекин бутун жамият ҳаётининг негизини ташкил қилувчи ана шу фояни муҳим ҳисоблайман. Айта оламанки,

ҳаётда ўзимни биринчи марта гражданин ҳис қилдим, – шу маънодаки, мазкур фоянинг амал қилиши, қисман бўлса ҳам, каминага ҳам боғлиқ.

Америка гражданлигини Детройтда олганман. Эрталаб, ёмғир ёғарди, суд биносида етмиш-саксон одам тўпллангандик, барчамиз жўровоз қасамёд қилганмиз. Булар Миср, Чехославакия, Зимбабве, Филиппин, Лотин Америкаси, Швеция каби мамлакатлардан келиб Америка жойлашиб қолган одамлар эди. Маросимда иштирок этган ҳакам қисқа нутқ сўзлади. Унинг гаплари ҳамон ёдимда: сиз қасамёд қилар экансиз, олдинги ватанингиз билан ришталарни асло узмайсиз; собиқ ватанингизга сиёсий жаҳатдан ортиқ мансуб эмассиз, лекин маданий ва инсоний алоқаларни сақлаб қолсангиз, Америка Қўшма Штатлари бундан яна ҳам қудратлироқ бўлади. Бу гаплар ўшанда мени жуда ҳаяжонлантирган, қолаверса ҳозир эслаб яна бир бор ҳаяжонландим.

М. Гросс – Фарбдаги Совет давлатига хайриҳоҳ одамлар ҳақида нима дея оласиз?

И. Бродский – Ўз тузумининг сиёсий барқарорлигини мустаҳкамлаш учун олтмиш миллион одамнинг бошини еган жамиятга фақат ўта аҳмоқ одамгина хайриҳоҳ бўлиши мумкин. Замондан орқада қолган кимсагина шундай фикрлайди.

М. Гросс – Улар қайси нуқтаи назарга амал қиласиди? Ахир бундайлар зиёлилар доирасига мансуб.

И. Бродский – Фикрингизга қўшилмайман. Аслида бу ҳам ўзига хос мезон бўлиб, одамнинг мулоҳазакорлигини кўрсатиб беради; энг муҳими сизнинг ахлоқий дараҷангизни белгилайди. Улар қандай нуқтаи назардан келиб чиқади? Ўйлашимча, бунинг бир неча сабаблари бор.

Биринчидан, Россия сарҳадлари жуда катта давлат, бинобарин, бу давлатда хукмрон тузумни жирканч деб ҳисоблаш – дунёнинг аксарият қисмida ёвузлик хукмронлик қиласиди деб эътироф этишдай гап. Бу эса фақат шундай ўйлайдиган кимсалар зарарига хизмат қиласиди. Ёвузликни қудратли куч деб эътироф этишлари эса уларнинг заифликларини фош этади. Айни шу боис улар ўз нигоҳларини аҳволни ўнглаш мумкин бўлган минтақаларга қаратадилар: Лотин Америкаси ёки Осиёга юзланадилар, айни шу минтақаларда кутилган натижаларга эришса бўлади. Бу амалдаги воқеликка чап беришнинг бир шакли, мўйловдор полковниклар ва генераллар эса – балогардон кимсалардан ўзга ҳеч ким эмас.

Ниҳоят – ҳар биримизнинг кўнглимиизда азалий хуфиёна шубҳа борки, унга кўра инсон ҳәётини сариқ чақага ҳам олмаймиз, барчани баравар хом сут эмган банда деб биламиз, гуноҳлар учун жазо йўқ деб ўйлаймиз, ахлоқ ҳақидаги насиҳатларнинг барчасини эса

болакайларга мўлжалланган эртак санаймиз. Худо кўрсатмасину башарти шундай бўлса, ҳалокат гирдобида қоламиз. Афуски, бундай тушунчалар яқин келажакда бутун дунёни қамраб олиш хавфи йўқ эмас, аҳолининг ҳаддан ташқари кўпайиб кетгани бунга биринчи сабаб бўлиши мумкин, Совет Иттилоғи эса келгусида бизларни нималар кутаётганидан огоҳлантирувчи дастлабки давлат ҳисобланади. Бинобарин, замондан ортда қолмаслик учун нима учун Совет Иттилоғига «кучоқ очмаслигимиз керак»? Бироқ гўё келажак сари шитоб интилаётган бу поезд канцлагерларда ёки газ камералари рўпарасида тўхтаб қолаётир.

Эркинликнинг ҳам қайгули жиҳатлари йўқ эмас – эркинлик ҳам қайсиdir маънода боши берк кўча: эркинлик шароитида ортиқ ҳеч вақони талаб қилишга ҳожат қолмайди, ҳеч вақога интилишнинг кераги бўлмай қолади. Натижада одамларда ўзлари кўнижкан шартшароитларга ташалик йўқолиб боради, бинобарин, башарти Маркс мухлислари мазкур ташаликни аҳоли ҳисобига қондирмасалар мен бунга ҳеч қандай эътиroz билдиrmаган бўлардим.

Ўйлашимча, яна бир жиҳат бор: бизларнинг барчамиз тамаддун томонидан қўйилган тузоқлар исканжасидамиз. Онамиз, бувимиз ёки яна кимdir бизларга болаликдан ҳаёт – гўзал, одамзот – азиз, эзгулик ёвузликни енгади, қонхўр йиртқич эса сенга ҳеч қачон хавф солмайди, деб онгимизга сингдирган. Бироқ ҳаётда жирканч бирон ҳолатга дуч келганимиз заҳоти кўнглимиздан дастлаб шундай фикр кечади: бундай бўлиши мумкин эмас, аллақандай хатолик рўй берди – ўзимиз, тўғрироғи кимdir шундай хатога йўл қўйди. Бинобарин, оналар «инсон умрининг teng ярми мобайнида йиртқич қонхўрга дуч келади ва унинг кўриниши бизлардан деярли фарқ қилмайди», деб фарзандларига уқтиrsa, мақсадга мувофиқ бўларди.

М. Гросс – Фарбга келгандан кейин сизни кимнингdir сотиши, изингиздан хуфёна кузатишидан ниҳоят халос бўлганингизни ўйлаб, жуда енгил тортганмимиз?

И. Бродский – Жуда унчалик эмас. Тўғриси, Фарбга самолётда учеб келаётганимдаёқ муайян физиогномик ва вербал андозаларга кўнишиб қолганим боис янги мухитда одамлар билан тил топиша олармиканман, деб хавотирланганман. Россияда бирон одам билан икки оғиз гаплашсангиз бас, унинг қандай одам эканини, ортида нималар турганини, келгусида яна неча марта алданиши мумкинлигини дарров билиб оласиз. Мен қаттиқ регламентация ва бараварлаштиришдан холи Фарбда барчаси бутунлай бошқача бўлса керак, деб ўйлагандим. Бу ерда икки йил яшагандан кейин эса тафовут унча катта эмас, деган хуносага келдим ва эндилиқда одамлар билан танишар эканман, башарти Россияда яшаганларида улар ўзларини қан-

дай тутган бўларди, деб чамалашга уринаман. Баъзида жуда антиқа жавоб оламан.

М. Гросс – Уларнинг аксарияти ўзларини қандай тутган бўларди?

И. Бродский – Янглишмасам, уларнинг кўпчилиги мавжуд тузум талабларига мослашиб олган бўларди. Табиат бизга ато этган ақлий файрисоффидлик, ақлий ландавурлик каби қобилияtlарни бироз ку чайтириб, бунинг учун зарур жуда содда талабларни уddyласа бўла ди. Токи адабиётнинг ёки бизни ҳайратлантирадиган бирон шахснинг ижобий тъсиридан холи эканмиз, қайд этилган тузоқларга осонгина илинаверамиз.

М. Гросс – Солженицин Фарбда ўқиётган маърузалар ҳақида нима дея оласиз?

И. Бродский – Булар фавқулодда зарур маърузалар, лекин ҳар бир одам ўз қарашларини зўр бериб ўтказиши керак деган фикрга ҳар доим ҳам қўшилавермайман. Бироқ Солженициннинг асосий вазифаси шундаки, у ёвузлик босқинидан огоҳлантираётir ва бунга тўла-тўкис ҳақли. Фарбда буни кўпчилик тушунмайди, шу боис улар Солженицинни имкон қадар камситишга уринадилар.

Улар Солженицин ҳеч нарсага арзимайдиган ёзувчи, дея барчасини эстетикага боғламоқчи бўлишади, бу ерда эса эстетик мезонларни қўллаб бўлмайди. Аслида Солженицин эпик, яъни қўламдор адаб бўлиб, унинг асарларида исталган жанр намуналарини топса бўлади. У ўзи учун энг мақбул адабий жанрда ижод қиласи, бино барин унинг ижоди ром қиласи. Ўйлашимча, барчамиз, Фарбагилар ҳам, Шарқдагилар ҳам унинг олдида бурчлимиз.

М. Гросс – Надежда Мандельштам ҳақида хотиralарингизда: айниқса дорилфунунда донишмандликни осон ўргатса бўлади, деган тасаввур билан баҳслашасиз. Сизнингча, аслида одам қандай қилиб донишманд бўлиши мумкин?

И. Бродский – Назаримда, донишмандлик, одатда, одам бошдан кечирган руҳий таназзулнинг натижаси. Агар таназзул сизни бутун лай яксон қила олмаса, ишонсизлик ва надоматни келтириб чиқаради, донишмандликнинг отаси ҳам, онаси ҳам айни мана шу кечинмалар ҳисобланади. Аслида фақат азоб-уқубат, изтироб чекиши орқали дониманд бўлиш мумкин деб ҳисобламайман: ҳар қандай қоидада ҳам истиснолар бўлади ва мен, баҳту саодат туфайли ҳам донишманд бўлиш мумкинлигини кўрганман. Бироқ бу камдан-кам рўй беради.

М. Гросс – Бошқалардан ўрганиб донишманд бўлиш мумкин эмасми?

И. Бродский – Адабиёт, бадиий асарлар воситасида ҳам ўрганса бўлади, бироқ таълим – ўта содда дедуктив жараён эмас. Бу сиз ҳаётда бошдан кечирадиган таназзулнинг таркибий қисми. Чинакам билим ўрганиш эса таназзулни бошдан кечиришни тақозо этади. Ле-

кин нима бўлишидан қатъий назар, донишмандлик илми борасида билимдон эмасман; тўғриси, бу масала билан жиддий шугулланманганман.

Мен учун донишмандликка энг яқин йўл Оден шеърияти – ҳар қандай нарциссизмдан холи шеърият, – бу шеъриятда ёлғиз сиймо камдан-кам кўзга ташланади ва Оденинг шеърлари ҳайратомуз холислик кайфиятини антиқа тарзда баҳш этади. Ҳатто инглиз тили сизнинг она тилингиз бўлмаса ҳам унинг шеърларида наинки шоирнинг ўзини кўрасиз, балки инглиз тили қудратини ҳам ҳис қиласиз, айни шу боис унинг шеърияти ўзгача сехру афсунга эга. Оденинг шеърлари наинки шоирона гўзаллиги, балки лингвистик, яъни лисоний жозибадорлиги билан ҳам хотирага муҳрланиб қолади.

Мен Оденни XX асрнинг энг ажойиб шоири деб биламан. У билан шахсан таниш бўлганимдан фахрланаман, ўтмишда яшаган барҳаёт шоирлардан бирини шахсан таниганимда ҳам, балки, худди шундай фахрланган бўлардим.

ШОИР МАСЪУЛИЯТИ

Иосиф Бродский билан Чеслав Милош сұхбати

Бродский 1989 йил кузда Чеслав Милош билан сұхбат уюштиради. Сұхбат эълон қилинмаган, лекин матни шоирнинг Нью-Йоркдаги архивида сакланган. Бродский мазкур сұхбатга пухта тайёрланади: рус тилидаги саволлар рўйхати архивида мавжуд – мазкур саволлар ҳаммаси Милошга берилган.

Иосиф БРОДСКИЙ: Мазкур саволларда тартиб йўқдай туюлиши мумкин. Лекин аксинча, ва умид қиласманки, саволлар маълум мантиқ асосида тузилгани сұхбатимиз ниҳоясида ойдинлашади – шу боис уларнинг тартиби сизни ажаблантирмайди, деган умиддаман.

Чеслав МИЛОШ: Жуда соз.

И.Б.: Шундай қилиб, мантиқий нуқтаи назардан бошлайлик. Абсурд адабиёти, хусусан Беккет ҳақида қандай фикрдасиз? Абсурд феномени, умуман абсурд фалсафасига оид мулоҳазаларингиз қандай? Замонавий инсоният онгидаги абсурд ўрни ёки, аниқроқ айтганда, тўйгуларнинг табиийлиги ҳақидаги фикрларингиз. Ва башарти, бу саволга жавоб беришни истасангиз, абсурд ўртасидаги, кечинмалар ўртасидаги, қолаверса қадимий ҳиссиёт, нисбатан азалий кайфият

сифатида абсурд ва нигилизм ҳиссиёти ўртасидаги алоқадорлик ҳақида нималарни айта оласиз?

Ч.М.: Абсурд руҳидаги адабиётларни қўлга олганда, айрим нокулайлик сезаман, бунинг боиси қуйидагича: мен абсурд асарларни ҳам, нигилизмни ҳам жуда-жуда нозик ҳис қиласман, лекин бу борадаги, таъбир жоиз бўлса, маънисизликни ярашмайдиган хусусият деб биламан.

И.Б.: Бемаъниликми?

Ч.М.: Ҳа.

И.Б.: Қирқинчи йиллар, айниқса эллигинчи йиллар ва олтминчичи йилларнинг талай қисми абсурд адабиёти – Ионеско, Беккет ва бошқаларнинг ғолибона юриши даври бўлгани сизга маълум. Ва абсурд адабиётини ҳисобга олмасдан шеърий ёки насрый асар ёзиш мумкин эмас, дея нафақат талай вақт мобайнида ҳисбланди, балки даъво ҳам қилинди. Бундан қатъий назар биз, айниқса сиз ижодий йўлингизни давом эттирадингиз.

Ч.М.: Дарвоқе, шундай. Будапештда ёзувчилар конференциясида Рабгрийе сўз олиб, Франция адабиётини назарда тутиб, адабиёт таназзулга юз тутганини эътироф этганидан қатъий назар айни таназзулга асосланган ҳолда яшаётганини қайд этди.

И.Б.: Бу, албатта, Гегелга хос нуқтаи назар. Умуман, немис фалса-фасига хос талқин.

Ч.М.: Башарти, таназзул даври ҳукмрону ҳамма-ҳаммаси остин-устун бўлган экан, бу табиий равишда абсурд адабиётига олиб келади. Бу фикрларга кўнглимда кескин эътироуз пайдо бўлди. Адабиёт таназзул даврини бошдан кечираётир, лекин шундай ҳолат рўй беришини ўн тўққизинчи асрда Ницше ҳам, Достоевский ҳам олдиндан кўра билган.

И.Б.: Клод Лоррен ва бошқа адиларни ҳисобга олмагандан...

Ч.М.: (кулади): Йўқ, маънавий маънодаги таназзул...

И.Б.: Тушундим. Ҳазил.

Ч.М.: Ҳа-я. Буни Фридрих Ницше башорат қилган, Европа нигилизми ўзига хос эканини таъкидлаган, ва мен ўша пайтдаёқ шундай фикр қилдим, яъни биз, Европанинг манглайимизга битилган қисмида даҳшатли тарихий тажрибаларни бошдан кечириб, эзгулик ва ёвузлик, ҳақиқат ва бўхтон фарқи хусусида муайян асосий хуносалар чиқарганимиз, ва бу ўринда бизнинг вазифамиз фақат эмпирик усул билан юзага чиқадиган ҳодисаларни кашф этишдан иборат.

И.Б.: Бошқача айтганда, абсурд тажрибасига эга эканимизга қарамай эзгулик ва ёвузлик тушунчаси ҳамон кун тартибидан олинган эмас.

Ч.М.: Шубҳасиз.

И.Б.: Бу тушунчаларни абсурд йўққа чиқармайди.

Ч.М.: Йўқ, албатта. Чунки, юқорида айтганимдай, абсурд ва ни-тилизм туйғуси айни пайтда ҳәётий тажрибамизнинг аксарият қис-мини ташкил этади, лекин асосий инсоний қадриялар тушунчаси ҳам мавжуд. Европанинг бизга мансуб қисми адабиёти айни шу нуқ-таи назардан Фарбий Европа адабиётидан фарқ қиласди.

И.Б.: Жуда яхши, бу мавзуга яна қайтамиз...

Ч.М.: Айрим фикрларни қўшимча қўлмоқчиман. Менимча, адабиёт – Фарб оламида, Фарбий Европада умуман илмий технология инқилоби таъсири остида тафаккур бошдан кечираётган эври-лишларга дуч келмоқда. Асосий негизлар, тамал тоши вазифасини ўтайдиган қоидаларнинг қайта талқин қилиниши – нигилистик на-тижаларга асосан мана шу сабаб бўлди. Бу даврда Европанинг бизга мансуб қисми – Польшани назарда тутаяпман, лекин бу фикр бошқа мамлакатларга ҳам тегишли – ўзгача маром билан яшади, Фарб адабиёти ёки шеърияти сингари нигилистик изланишлар билан шу-гулланиш учун фурсат ҳам, имконият ҳам бўлмаган, чунки уфқда колективизм машъали порлагани боис коллективизмга, жамоатчи-ликка нисбатан доимий мажбурият ҳамон устунлик қилди. Шу боис асосий эпистелеологик саволлар юзага келмади, ва айни жиҳатдан айрим орқада қолишимиз фақат наф келтирди, чунки Фарб адабиётига нисбатан шеъриятимиз, адабиётизга эъзозга муносиб.

И.Б.: Абсурд адабиёти, дарвоқе абсурд тажрибаси ҳақида сўнгги савол. Сизнинг ижодингиз ҳақида айтиш мумкинки, назаримда, аб-сурд тамоили ижодингизнинг бир қиррасини ташкил этади, яъни услугуб жиҳатдан, стилистик ривожланиш масаласида ҳал қилувчи аҳамиятга эга эмас. Шу фикрга қўшиласизми?

Ч.М.: Албатта.

И.Б.: Жуда соз.

Ч.М.: Беккетга нисбатан тамомила қарама-қарши қутбдаман.

И.Б.: Яхши. Марҳамат қилиб айтсангиз – жавобни қисман биламан, лекин шунда ҳам сўрамоқчиман – дунёқарашингиз шаклланиши ва камол топишида рус адабиёти қандай ўрин тутган? Иккин-чидан, бадиий дидингиз камол топишидаги мухим жиҳат нимадан иборат?

Ч.М.: Рус тилини стилистик нуқтаи назардан ҳеч қачон ўрганма-ганман, чунки болалигимда, Биринчи жаҳон уруши давридаёқ русча гаплаша бошлаганман. Рус тилида ўқишини кейинчалик ўргандим. Лекин рус шеъриятининг азбаройи шайдоси эдим, ва айни пайтда биз тилларимизда рақобатли фарқ бўлгани учун рус шеърияти рит-ми, яъни оҳангидан ҳадиксирар эдим; рус тилида урғу кучли, поляк тилида эса – кучсиз. Бинобарин, шеърий ямб усули менга тамомила

бегона. Айни пайтда рус насрый адабиёти дунёқарашибимга кучли таъсир кўрсатган.

И.Б.: Айниқса ким? Шубҳасиз, Достоевский...

Ч.М.: Ҳа. Достоевский асарларидан жуда кўп нарса ўргандим; мен Достоевский ижоди ҳақида дарс берганман, зарурият юзасидан, рус зиёлилари тарихи билан танишганман. Рус зиёлилари тўғрисидаги барча энг муҳим китоблар кўлимдан ўтган. Шу асно XX аср рус файласуфларини ҳам қўшиб ҳисоблагандা, жуда кўп нарса ўргандим.

И.Б.: Лев Шестов асарларини ҳам?

Ч.М.: Албатта.

И.Б.: Шестовнинг Достоевский тўғрисидаги фикри ёдингиздами? Унинг эътирофича, Достоевский жамики интилишлари ва мақсадлари билан эзгулик, насронийлик қадриятлари ва ҳоказоларнинг асосий ҳимоячиси ҳисобланади, лекин унга синчилкаб назар солинса, агар қунт билан муртоала қилинса, дейди Шестов, у ҳолда ғалати ҳиссиёт пайдо бўлади, эҳтимол, Ёвузликнинг ундан-да яхши ҳимоячиси, оқловчиси бўлмаган. Гап шундаки, Достоевский одил судлов қоидаларига биноан, мумтоз анъаналарга амал қилган. Бошқача айтганда, эзгулик фойдасига хизмат қиласидан мулоҳазаларни баён этишдан аввал унинг муҳолифи сифатида ёвузликка жамики далилларни рўйчилик имконини берган.

Ч.М.: Мен, албатта, буни биламан ва Достоевский ижодининг диалектик хусусиятини ҳам англайман; лекин бундан қатъий назар, мен унинг ижоди билан таниша бошлагач, ўзини алдаётганидан ҳайратландим (кулади). Жуда ғалати!

И.Б.: Ўзини алдаш деганда, нимани назарда тутаяпсиз?

Ч.М.: Масалан, жамики зиддиятлар. Достоевский билан Томскда сургунда бўлган поляк маҳбусларининг унга оид эсдаликларига эгамиз. Сургунда эканидаёқ империявий қарашларни илгари сурган. Унинг инсонпарварликка эҳтиросли даъватлари ва, айни пайтда, Россия манглайига йирик империя давлати бўлиш қисмати битилгани, унинг, дейлик, Польшадаги қўзғолонларга муносабати. Билмадим, ҳа-я, Ставрогин ўзига қандай таъриф бергани ёдингиздами?..

И.Б.: Мазкур мавзуда сўз очилган экан, рус мессианлиги, нафақат Польшага нисбатан, балки дунё бўйлаб силжишга интилишлари ҳақида қандай фикрдасиз? Польша кўплаб мисоллардан биттаси, холос, у Россияга ҳудудий жиҳатдан яқин, қўшни мамлакат миссия хизматини ўташи муаммо эмас. Умуман, мессианлик ғоясига, руслар – Тангри лашкари ҳисобланувчи халқ, ёки уларнинг талқинидаги ҳақиқат Farb рационолистлари тарғиб қиласидан қарашларга нисбатан Парвардигорга яқинроқ эканига оид мулоҳазаларга қандай баҳо бerasiz?

Ч.М.: Достоевскийнинг қурол кучи, рус қуроли воситасида сингдириладиган Исои Масиҳга оид ғоясини сиз, ахир, яхши биласиз... Бундай мессианликнинг польякча талқини ҳам, албатта, мавжуд, фикримча, бундай ақида русча талқинда ҳам, польякча муқобилда ҳам ўта хатарли.

И.Б.: Яна Достоевскийга оид савол. «Жиноят ва жазо» ҳақида гапира туриб, Анна Ахматова ёвузлик ҳақида барча ҳақиқатни Достоевский билмаганини қайд этганди. Адид ўйлашича, инсон қари кампирни ўлдиради, уйига қайтгач, виждан азоби исканжасида қолади. Бизнинг давримизда эса, деганди А.Ахматова, эшитишмизча, одам бир кунда шунчаки хизмат вазифасини бажариб, ўнлаб одамлар кушандаси бўлган ҳолда уйда сочини рисоладагидек турмакламагани учун хотинига дакки бериши мумкин. Бу борада нима дейсиз? Яъни, тез-тез тилга олинадиган рус адабиётига хос теранлик хусусида XX аср тажрибаси билан қиёслаган ҳолда қандай фикрларни айта оласиз?

Ч.М.: Биринчидан, Раскольников виждан азоби сабабли эмас, балки ижтимоий тазиқ остида изтироб исканжасида қолганини унутмайлик. У қилмишига фақат жамоатчилик нигоҳи билан назар соглани учун пушаймон бўлади, ва, албатта, ахлоқий нуқтаи назардан эмас, балки айни шу боис айбига иқрор бўлган жиноятчими фақат даҳо адаб юзага чиқара олган. Кейинчалик, Сибирда Раскольников ўзгаради, лекин бу бутунлай бошқа масала. Шу боис Анна Ахматованинг Достоевский биринчи галда ахлоқий гумонлар туфайли изтироб чекаётган жиноятчими акс эттирган деган фикрига қўшилмаган бўлардим.

И.Б.: Лекин хавфсизлик органларида ишлаган одамлар тўғрисидаги фикр...

Ч.М.: Унга, албатта, қўшиламан.

И.Б.: Бу борада виждан азобидан қийналиш ҳам, жамият томонидан ахлоқий тазиқ ҳам бўлмаган.

Ч.М.: «Жиноят ва жазо»га хос айни жиҳатга эътибор берилганидан хурсандман, чунки, Сталин ва нацист тузумлари даврида бўлгандек, жамият совуққонлик билан содир этилган қотилликларга хайриҳоҳлик билдиргандай бефарқ бўлса, у ҳолда жиноятчилар қонли вазифаларини гўё вижданан бажарадилар.

И.Б.: Афсуски, шундай. Чунки ижтимоий манфаат нуқтаи назаридан иш тутадилар. Бу эса даҳшатли қопқон!

Ч.М.: Албатта.

И.Б.: Яхши. Шеъриятга қайтамиз, бироқ аввал эзгулик ва ёвузлик тушунчаларига яна бир бор оз тўхталишга ижозат берсангиз. Айтингчи: ёвузлик ҳақида фикрлашнинг ўзи Ёвузликнинг, ёки

жузъий ёвузынинг тантанаси каби туюлмайдими, чунки одамзот тафаккури бошқа, таъбир жоиз бўлса, метафизик категорияларга нисбатан ёвузын мавзусида осонлик билан атрофлича мулоҳаза юритади. Илло, ғаним атроф-муҳитни истисно қилганда ҳам Одам Ато ва Момо Ҳавво содир этган гуноҳ ҳосиласи ҳисобланувчи одам учун аксарият нопок вижданли осий бандада ёвузын ҳақида осонгина мулоҳаза юритади.

Ч.М.: Ҳа, албатта.

И.Б.: Чунки бу одми мавзу, тўғрими?

Ч.М.: Ҳа-ҳа, шу ўринда жуда муҳим масалани тилга олдингиз. Биласизми, айрим танқидчилар мени адабиёт иши соҳасидаги ва шеъриятдаги ахлоқ-одоб асосчиси, насиҳатгўй деб атайди. Мен насиҳатгўй бўлмоқчи эмасман, лекин назаримда, ахлоқий мезон – шеъриятга, адабиётга анънавий ёндошишнинг таркиби қисми. Балки бу Farb адабиётидаги постнилигистик даврга хос эмасдир. Лекин бизларнинг мамлакатларимизда шундай ҳолат ҳамон ҳукмрон ва биз унга амал қилишимиз керак. Уруш йиллари ва ундан кейинги даврда, таъбир жоиз бўлса, ахлоқий қаҳру ғазаб натижасида ёзилган шेърларимни унча қадрламайман, лекин ўйлашимча, ахлоқий нуқтаи назарга амал қилиш қобилияти – муайян маданиятга хос ҳусусият. Поляк адабиётида теран илдизга эга ахлоқий мезонлар ифодачиси ва жарчиси сифатида ёлғиз эмасман. Рус адабиёти ҳақида ҳам шундай деса бўлади.

И.Б.: Бугунги кун адабиётидаги ахлоқийлик ҳақида гапирганда, айниқса Farb жамиятидаги шунга оид масалага тўхталганда, умумий ҳусусият...

Ч.М.: Нима демоқчи эканингизни тушундим.

И.Б.: ... Farbда эстетика ҳақида ортиқ мулоҳаза юритмайдилар, асосан этика ҳақида гапирадилар – афтидан, этика масалаларида ҳар бири ўзини мутахассис ҳисоблайди.

Ч.М.: Ҳа, мен қўшимча қилмоқчиман. Варшавада ҳарбий ҳолат эълон қилинганда ва «Бирдамлик» ҳаракати бостирилганда, шеърият – давлат, ҳусусан Ярузельский тимсолидаги ёвузынкка қарши «Бирдамлик» тарафида туриб, бошдан-оёқ ахлоқий тус олди. Лекин ўшандай «Sziachetnosc niestety» сарлавҳали мақола ёзиб, ўз хавотирларимни билдирганман.

И.Б.: (кулади): Ҳа, ҳа.

Ч.М.: «Афсусланарли олийжаноблик».

И.Б.: Афсусланарли олийжаноблик!

Ч.М.: Мен ҳақ бўлиб чиқдим, чунки ўша пайтда ёзилган асарларнинг жуда оз қисми долзарблигини сақлай олди. Шу боис фикрингизга тўла қўшиламан.

И.Б.: Умуман, адабиёт оламида рўй берадиган ахлоқий мавзуда-ги баҳс-мунозара ёки айни мавзуга ургу берилиши – адабиёт имко-ниятларини торайтиради.

Ч.М.: Албатта, бу борада ҳамфиркимиз.

И.Б.: Яхши. Навбатдаги масала. Ҳозир 1989 йил, ўн бир йилдан кейин янги аср бошланади, лекин, тахмин қиласиз – сиз мазкур асрни олдиндан умумий таърифламоқчисиз – сизнингча, адабиётга ёки, таъбир жоиз бўлса, тамаддун хазинасига ким энг салмоқли ҳисса қўшди? Аслида жуда оддий савол. Асримизни англаш – ёки баҳолаш – учун мажбурий тартибда қайси ижодкорларнинг асарларини ўқиши маслаҳат берган бўлардингиз, деб сўрамоқчиман. Қайси адиб, назарингизда, ҳақиқий роман намунасини яратди, ёки, кам деганда, айнан мана шундай ижод қилиш керак, деган тасаввурни яратади? Мен Пруст, Музиль, Фолкнер, Кафка, Джойс сингари адилларни назарда тутяпман.

Ч.М.: Саволингиз икки қисмдан иборат. Иккинчисига нисбатан биринчисига жавоб бериш осон. Дастребки савол – қандай адабиёт, қайси йўсундати асарлар. Тобора шундай хулосага келяпманки, адабиётнинг қадри бадиий сўз воситасида илғаб олинган воқеликнинг кўламига бевосита боғлиқ. «Реализм» атамаси шаънига айтилган барча ҳақоратлар, даҳшатли маломатлардан кейин бундай даъвони илгари суриш бемаъниликтай туюлади. Бироқ, ўйлашимча, асри-миздаги воқеликларнинг арзимаган қисми бадиий сўз воситасида ўз аксини топди. Мен бадиий асарларни, назмий ёки насрый асар бўлишидан қатъий назар, айнан холисона воқеликнинг ҳаётий акс этиши мезонига кўра баҳолайман.

Бу саволнинг биринчи қисми хусусида. Иккинчиси – қайси муаллифлар? Бу мураккаб масала. Мен унга жавоб бера олмайман, чунки асарларни ўқиш учун саралашимиз аксарият аллақандай муҳим, субъектив сабаблар билан боғлиқ. XX аср адабиётини баҳолаш жуда мушкул. Баъзан сиз қай асно мутолаа қилишинингизга у ёки бу даражада боғлиқ бўлган ҳолда мулоҳазалар шаклланади. Сизни билмадиму мен баъзан китоб дўйконларида энг яхши асарларга дуч келаман. Бирон саҳифа эътиборимни тортган бўлиши эҳтимолдан холи эмас.

И.Б.: Кутимаган асарлар ҳақиқатдан ҳам кучли таъсир кўрсатади (кулади).

Ч.М.: Қайси муаллифлар? Худо ҳаққи, бу саволга дабдурустдан қандай жавоб беришга ҳам ҳайронман. Шундай рўйхат тузиш ҳеч хаёлимга келмаган...

И.Б.: Сиздан рўйхат сўраётганим йўқ, ахир.

Ч.М.: Тушуниб турибман...

И.Б.: Саволни ўзгартирамиз: Пруст сиз учун бирон қимматга эгами? Унинг вақт оқимини секинлаштириш, айни шундай вақтни ҳис этиш билан боғлиқ қоидасидан бирон наф кўрганмисиз?

Ч.М.: Йўқ, шарт ҳам эмас. Ўйлашимча, Пруст асарларини илк марта асосан дунёқарашиб шакллангандан кейин ўқиганман. Устига-устак аслиятда эмас, балки поляк тилига таржима қилинган асарини ўқиганман. Хуллас, кучли таъсир қилмаган. Менга чинакамига кучли таъсир қилган адаб – Томас Манн, унинг «Афсунгар тоғ» асари. Ёшлигимда кўлдан қўймай ўқир эдим.

И.Б.: Албатта. Ёшлигингизда яна қандай романлар ўқигансиз? Яъни, пан Чеслав, демоқчиманки, мен Прустни қанчалик қадрласам, гарчи XX аср адаби бўлмаса ҳам, Стернни ҳам шунчалик эъзозлайман. Қайси адабнинг насрый асарига хос нафосат, оламнинг ғаройиб талқин қилиниши сизга таъсир қилгани мени қизиқтиради. Анънавий қиссаҳонлик услубидан фарқ қиласидан услубда яратилган ўзига хос бирон насрый асарни назарда тутаяпман. Бошқа модернистлар ҳақида қандай фикрдасиз? Масалан, Джойс – унинг асарлари таъсирини сезганмисиз?

Ч.М.: Йўқ. Унинг асарларини ҳам дунёқарашиб шаклланётганда эмас, кейинчалик ўқиганман.

И.Б.: Кафка?

Ч.М.: Йўқ.

И.Б.: Наҳотки? Менга ёқаяпсиз! Музиль?

Ч.М.: Уни ҳам ёшим анчага борганда ўқиганман. Музиль анча кейин, тўла шаклланганимдан кейин адабиёт майдонида пайдо бўлди.

И.Б.: Майли, бошқа модернистларни билмайман. Сиз эслай олазизми? Мен эслай олмаяпман (кулади). Лекин улар анча кўп...

Ч.М.: Биласизми, йил ўтган сайин ўқиш учун фурсат топиш мушкул тус олиб боради.

И.Б.: Табиий.

Ч.М.: Одам беллетристик, яъни оммабоп асарларни умрининг маълум даврида ўқиуди, ҳаётимнинг ана шундай даврида абсурд оқими, йигирманчи йиллар абсурд адабиёти намояндалари асарлари омма орасида машхур эди.

И.Б.: Албатта. Бу асрнинг йигирманчи йилларида, дарвоҷе барча мамлакатларда энг яхши бадиий асарлар яратилган.

Ч.М.: Польяк адабиётида, масалан, Станислав Игнац, Виткевичнинг романларини айтиш мумкин. Ҳа, Карел Чапек ҳам.

И.Б.: Беназир адаб.

Ч.М.: Чапек – шубҳасиз улкан адаб. Польшада ўша йиллари нашр қилинган асарларнинг ҳаммасини ўқиганмиз. Йигирманчи йилларда жуда кўп совет адабларининг асарлари поляк тилига таржима

қилинган. Ёшлигимда Сайфуллин, Пильняк, умуман, ўша даврнинг барча адиблари асарларини ўқиганман. Илья Эренбург асарларини ҳам, ўша кезларда у муҳожир эди...

И.Б.: Унинг дастлабки асарлари ниҳоятда гўзал. Замонавий адабиёт, замонавий наср манзараси чакки эмас, мен йигирманчи йиллар насрини, Дос Пассос, Фолкнер... каби адибларни назарда тутяпман.

Ч.М.: Дос Пассоснинг полякчага таржима қилинган асарларини ёшлигимда ҳақиқатдан ҳам ўқиганман. Фолкнерни – йўқ.

И.Б.: Ҳа, бу урушдан кейинги йиллар. Бошқача айтганда, айта оласизми, ёки айтолмайсизми (сухбатимиз суд жараёнини эсга со-лаяпти), XX аср адабиётини ўқиши асносида аллақандай оптимистик ғоялар, қандайдир стилистик қоидаларни ўзлаштириш, композиция нуқтаи назаридан мавзуга қандай ишлов бериш борасида бирон бир тасаввурга эга бўлганимисиз?

Ч.М.: Ҳа, албатта. Айниқса, бевосита йигирманчи йиллар адабиёти хусусида шундай дейишим мумкин.

И.Б.: Йигирманчи йиллар. О’кеу.

Ч.М.: Менинг дунёқарашим 20- ва 30-йиллар оралиғидаги ўн йилликда шаклланган ва айтишим керакки, «Скамандра» гуруҳига мансуб шоирлар авлодидан бизнинг авлодимиз фарқ қиласарди. Александр Ват, масалан, ўз гуруҳини «безовталар» шўъбаси деб атаган, уларнинг акси катта авлод, яъни, «Скамандра» гуруҳидаги шоирлар давр нуқтаи назаридан акмеистларга яқин бўлиб, ҳамон тўла-тўқис барқарор оламда яшаб келардилар. Биз эса тамаддун инқизозини даҳшатли ҳис қиласардик. Бу менинг шахсий инқизозим эди. Шунинг учунми, мени фожеанавис дейишарди.

И.Б.: Ҳа, биламан. Услугба доир сўнги савол. Сиз, асосан йигирманчи йиллар адабиёти ҳақида гапирияпсиз. Назаримда – бу даврнинг ўзига хос хусусиятлари умумлаштирилса, – бу мўъжаз роман, яшин тезлигидаги ҳужумга ўхшайдиган техника, ҳамма-ҳаммасини зудлик билан адо этиш, шундайми? Бу, ўйлашимча, шоирга илҳом баҳш этмаса ҳам беназир дастуриламал вазифасини ўтай олади.

Ч.М.: Жуда тўғри. Ниҳоятда аниқ хулоса. Ва, албатта, кино...

И.Б.: Бу навбатдаги савол. Кино. Кино сизларнинг авлодингизга, дарвоқе бизнинг авлодимизга ҳам шундай таъсир кўрсатганки, кино шарофати билан бизлар шоир сифатида – ҳатто шуурсиз даражада бўлса ҳам – шеъриятнинг асосий қоидаси ҳисобланувчи умумлаштириш хоссасини ўзлаштириб олмадиким?

Ч.М.: Шубҳасиз.

И.Б.: Инглиззабон шоирлардан қайси бири – таъсир кўрсатган демоқчи эмасман, бинобарин нимаики муроала қилмайлик, бавоси-

та ёки бевосита таъсир кўрсатади, – умуман Қўшма Штатларга кўчиб келишингиздан олдин XX асрнинг инглиз тилида ёзган шоирларидан қайси бири сиз учун қимматли бўлган?

Ч.М.: Мен инглиз тилини Варшавада, уруш даврида ўрганганман...

И.Б.: Жуда қулай жой! (кулги.)

Ч.М.: Ростдан ҳам қулай. Ўшандаёқ Томас Стернз Элиотнинг «Бепушт замин» асари таржимасига киришдим ва ниҳоясига етказдим.

И.Б.: Қайси йили?

Ч.М.: Қирқ тўртинчи йилда.

И.Б.: Қойилман.

Ч.М.: Варшава, ижод нуқтаи назаридан ҳақиқатдан ҳам (кулади) ўша кезларда ақлбовар қиласа шаҳар эди. Ва Элиотни буюк шоир сифатида жуда қадрлар эдим.

И.Б.: У билан шахсан ҳеч учрашмаганимисиз?

Ч.М.: Йўқ, учрашганман. Урушдан кейин Лондонда бўлганимда Faber@Faber нашриёти идорасида кўришганмиз. Унинг шу нашриёт биносида ўз хонаси, мўъжаз ижодхонаси бўларди.

И.Б.: Уруш йилларида «Бепушт замин» достонини таржима қилганингизни унга айтдингизми?

Ч.М.: Ҳа, албатта.

И.Б.: Сизга нима деди?

Ч.М.: Кўнглидан қандай фикр кечганини билмайман. Эҳтимол, таржиманинг сифати ҳақида муайян тасаввурга эга бўлмаган. Устига-устак, у пайтда жуда ёш эдим, ёш кўринардим, ва Элиот мен ҳақимда ҳеч вақо билмасди, шу боис бу борада аниқ гап айтишим қийин... Лекин жуда самимий, дўйстона сухбатлашдик. Дарвоқе, Варшава таржима учун ҳақиқатдан ҳам муносаб шаҳар эмас эди. Чунки «Бепушт замин» – асосан сатирик, яъни ҳажвий достон.

И.Б.: Дарҳақиқат.

Ч.М.: Ва бу Farb тамаддунининг ғариб аҳволи хусусида. Вайроналар ҳақида ҳикоя қиласиди.

И.Б.: Ҳа, ҳа.

Ч.М.: Мазкур достон мен учун Станислав Игнац Виткевичнинг фожиаси ва ҳалокатли тимсолларининг жуда яхши давоми вазифасини ўтади. Мени ҳайратлантиргани шуки, ўша пайтда Лимбеда истиқомат қилган Элиот вафотидан кейин, буюк шоир вафотида қандай бўлиши керак бўлса, шундай воқеа рўй берди: унинг вафоти муносабати билан фақат битта, рус шоири марсия ёзди...

И.Б.: Мени назарда тутаяпсизми?

Ч.М.: Ҳа-да (кулги.)

И.Б.: Навбатдаги савол. Дунёқарашингиз шаклланишида замонавий илм-фан ютуқлари қандай аҳамияга эга бўлган? Нисбийлик

назарияси, ёки умумий майдон қоидаси, ёхуд квант механикаси, ё астрофизика соҳасидаги ҳозирги замон кашфиётлари сизга қандай таъсир кўрсатган? Бу кашфиётлар ҳар қандай одамнинг, айниқса сиз сингари Ньютон маслакдошининг дунё тўғрисидаги тасаввурига у ёки бу даражада таъсир қилиши, шубҳасиз.

Ч.М.: Мени Ньютон маслакдоши дедингизми?

И.Б.: «The Land of Ulro» муносабати билан.

Ч.М.: Йўқ, йўқ, мен Ньютон мухолифиман.

И.Б.: Биламан. Ҳазиллашдим.

Ч.М.: Дарвоқе, франциялик адашим Оскар Милошнинг илмий асрлари менга кучли таъсир кўрсатган. Ҳайратланарлиси шундаки, у дастлабки метафизик рисолани 1916 йилда, Эйнштейн...

И.Б.: Мўъжаз назарияси устида қатъият билан ишләётганидан бехабар ҳолда ёзган...

Ч.М.: Эйнштейн маърузасининг дастлабки нусхаси, янглиш-масам, ўша иилиёқ эълон қилинганди. Нисбийлик назарияси янги даврни – илм-фан, дин ва санъат ўртасидаги ўзаро уйғунликдан иборат даврни бошлаб беришига Оскар Милошнинг ишончи комил бўлган. Чунки Ньютон талқинидаги олам ўз моҳиятига кўра тасаввур, санъат ва динга нисбатан адоватда бўлган. Мен айни йўналишида мулоҳаза юритиб, ажойиб ҳолатга дуч келдим: Уильям Блейк ҳам гарчи нисбийлик назариясидан бехабар бўлса-да, шунга ўхшаш foялар билан шуғулланган, яъни ўз физиковий назариясини яратган. Гёте ҳам ўн тўққизинч аср фанининг йўналишига қарши инстинктив норозилик билдирган ҳолда илм билан шуғулланган.

И.Б.: Рационалистлар билан мунозарасига шама қиласяпсизми?

Ч.М.: Ҳа. Бу алломалар нисбийлик назариясидан тортиб, квант назариясигача фанга янгича ёндошувни олдиндан ҳис қилган. Агар Ньютон учун макон ўзгармас ва моддий тусга эга бўлса, замонавий физика ва Оскар Милош учун ҳам бундай тушунча умуман йўқ, чунки ҳамма-ҳаммаси ҳаракат, материя, замон ва макон уйғунлигидан иборат.

И.Б.: Шу нуқтаи назардан, масала моҳиятидан бироз чекиниб, тахмин қилишга журъят қиламан: бошқа халқлар, менинг халқим, яъни руслар бундай вазиятдан чиқишининг оқилона йўлини топган. Ренессанс ҳақида гапирмаймиз, чунки у замонларда мутафаккир сифатида қатъиян айганда, ном-нишонимиз ҳам йўқ эди, – лекин Маърифат, классицизм даврида, илм-фан кўпдан-кўп масалаларни кун тартибига қўйганда, – бу Фарбда илоҳий ироди, илоҳийлик foясидан, Худодан, бошқа азалий қадриятлардан юз ўгиришга олиб келди, – Россияда эса бу илмий далиллар қарама-қарши хуносалар, тескари натижалар келтириб чиқарди. Яъни руслар – бу

борада ёлғиз Ломоносовни эслаш кифоя – илмий даиллардаги зиддиятлар Худо мавжудлигини англатади, деган эътирофни илгари сурди. Бу айни йўналишдаги рус халқига хос йўл. Лекин бу қўштириноқ ичида.

Фалсафий ёки диний антик таълимотларнинг ёхуд бошлангич насронийлик таълимотларидан қайси бирини эътиборга молик ҳисоблайсиз? Манихейлик сингари таълимотларни назарда тутаяпман.

Ч.М.: Мураккаб савол, чунки бир томондан гностик таълимотларга платонизмнинг муайян таъсири кузатилади, бошقا томондан эса – кейинчалик, Каббала таълимотида шундай ҳолат қўзга ташлаиди. Каббала платонизм билан боғлиқ...

И.Б.: Ҳақиқатдан ҳам...

Ч.М.: Чамбарчас боғлиқ. Менда манихейликка майл ҳамиша жуда кучли бўлган. Бу, албатта, хатардан холи эмас, чунки ўзингиздан қолар гап йўқ, Византиядан Булғористон, Адриатика, Шимолий Италия орқали Францияда альбиғойлик хурофотигача қамраб олар экан, анчагина катта ҳудудда хукмонлик қилган. Бу Европадаги бутпарастлик тамойилиги ўхшайди, ва башарти манихейлик устунлик қилганда, ҳозир бизда ўзгача олам, ўзгача тамаддун бўларди. Унинг асосий хусусияти – ёвузилик билан боғлиқ муаммо, азоб-уқубатта, жаҳоний ёвузиликка ўта кескин муносабат бўлиб, бу борада асосан Яратганга тана қилинади. Ёвузилик Тангрисига бокира Ёруглик шоҳи тимсоли қарши қўйилади. Мен манихейликка амал қилганман, деб даъво қилмоқчи эмасман, лекин асримиз даҳшатлари оқибатида бошимидан кечган азоб-уқубатлар айни йўланишга мойил қилганидан ҳам кўз юмолмайман. Бундай ҳаёт-мамот муаммолари устида бош қотирмасликнинг имкони йўқ ва бу борада ғозлару жўжалар сўйилишига Парвардигори олам нима учун йўл қўяди деган савонни беш яшарлигимда кўндаланг қўйиб, дунёнинг метафизик мураккаблигигини кашф этган Исаак Башевис Зингерга ўзимни ўхшатаман.

И.Б.: Моҳияттан, бани башар илдизи ягона ахир. Лекин икки хил нуқтаи назар, дунёга икки хил ёндошув мавжуд. Ёхуд башарият ўзлигини англашнинг икки усули бор – бири, шарқона англамга биноан инсон ўзини фоний, баайни хоки туроб ҳисоблайди, бутпарастлик. Индуизм каби таълимотга амал қилувчилар шундай мулоҳаза юритади, улар Яратган васлига етиш учун ўзликдан воз кечиш шарт деб ҳисоблайди ва бу бутпарастликда энг олий саодат саналади. Иккинчиси – бизнинг ғарбона анъана ёки ғарбона муносабат, бунда «мен», яъни шахс – муҳим аҳамиятга молик, бинобарин, шахс изтироблари ҳам муҳим – нимани назарда тутаётганимни англаган бўлсангиз керак? Мен башарият табиатига хос икки қутбни назарда тутаяпман.

Ч.М.: Дарҳақиқат, шундай.

И.Б.: Буларнинг қайси бирини – жуда мос бўлмаганда ҳам нисбатан диққатга сазовор ҳисоблайсиз?

Ч.М.: Бу борада мантиққа зид жиҳат бор, бинобарин биз шоирлар, умуман ижодкор сифатида шубҳасиз иккиланамиз.

И.Б.: Жуда тўғри.

Ч.М.: Дастрраб, нимадир яратиш учун, биз муайян оралиқ масофага риоя қилишимиз лозим, ифодали айтганда, объект қаршисида шахсиятимиздан воз кечамиз.

И.Б.: Қўшиламан.

Ч.М.: Ҳудди шундай бутун ижод назариясини йўққа чиқаришимиз керак, менимча, энг яхши санъат назариясини Шопенгауэр яратган – чунки энг муҳими – фақат предмет ва оралиқ масофа. Булар барчаси бизларни табиатан дунёни бутпарастларга хос талқинга ёки дастрлабки бутпарастларга яқинлаштиради. Лекин бошқа томондан, биз шоир ва ижодкор сифатида ўта шуҳратпарастмиз ва ўз индивидуаллигимизни бошқаларга зўр бериб сингдиришни хоҳлаймиз. Бу – парадокс.

И.Б.: Парадокс. Жавоби ҳам антиқа. Санъат моҳияти, унинг барча даъватлари ҳар иккисини уйғунлаштиришга қаратилмаганми?

Ч.М.: Албатта.

И.Б.: Айни шу боис санъат, бинобарин адабиёт – беназир.

Ч.М.: Ҳар қандай ҳолатда инсон ва санъаткор бўлганимиз ҳолда яхлит шахсмиз.

И.Б.: Биз бу жиҳатдан – манманлик маъносида айтиётганим йўқ – лекин бизлар, асосан санъаткор-ижодкормиз, ва айни шу боис биз яратган бадиий асарлар инсоният учун жуда қимматли бўлиши керак, –лоақал айни зиддият, айни парадоксни ҳал қилгани учун.

Ч.М.: Албатта.

И.Б.: Акс ҳолда бир қисм бошқаси ҳисобига эътироф этилади.

Ч.М.: Жуда топиб айтдингиз.

И.Б.: Бу, таъбир жоиз бўлса, муҳим санъат моҳиятларидан бири.

Ч.М.: Шундай.

И.Б.: Ижозатингиз билан шундай савол берсам. Иккинчи жаҳон уруши даҳшатларининг тувоҳи сифатида айтингчи, бир неча мустабидлар...

Ч.М.: Бир неча?..

И.Б.: Мустабидлар. Дунё қозонида қайнадингиз ва қисмат найранглари сизга аён. Ҳаётий тажриба келажакни башорат қилиш имконини беради, лекин сизга башорат қилинг, демоқчи эмасман. Бироқ айтингчи, кейинги икки уруш – Биринчи ва Иккинчи жаҳон уруши – башариятнинг насронийлик, насронийлик маданиятига

қарши исёни, уни маҳв этишга қайсиdir маънода уринишдай туюлмайдими? Жадал ўзгараётган демографик жараёнлар ҳамда атамаларда тафаккурга доир ижобий амалиёт эквивалентини ахтариш сингари уринишларда кўзга ташланаётган ҳолатлару барча мазкур стенфордона мавзулар нуқтаи назаридан қараганда, инсониятда норозилик кайфиятлари етилаётгандай, насронийлик динидагига нисбатан бўлакча, эҳтимол, одмироқ, ёки янада ҳам шафқатсиз қадриятлар ва тушунчалар мажмуи томон оғиш кузатилмаяптими?

Ч.М.: Ўйлашимча, шундай.

И.Б.: Саволни мураккаблаштириб юбордим, шекилли, соддлаштиришга ҳаракат қиласман. Назаримда, барчамиз учун қимматли қадриятлардан холос бўлиш, барча жонли мавжудотни муросага келтиришга қаратилган кенг кўламли демократик тамойил мавжуд. Сизнингча, шундай муросагўйлик зарурми, ёхуд маънавий қадриятларнинг аллақандай иерархияси, яъни даражалари борми? Масалан, мен учун бор. Жумладан, муросасизликка нисбатан, муросагўйлик, сабру тоқат афзал.

Ч.М.: Мен тўла-тўқис қадриятлар иерархияси тарафдориман. Назаримда, иерархия – санъат ва умуман башарий тамаддун негизи. Шу нуқтаи назардан ҳамфирмиз. Асримизнинг даҳшатлари ва вайронгарчилик урушлари хусусидаги фикрим шундан иборатки, булар насронийлик таназзули билан боғлиқ. Ницше ва Достоевский башшоратларини юқорида эслатдим, ва айрим асарларимда давримизни Рим салтанатининг таназзулга юз тутиши ва Римнинг барбод бўлишига қиёслаганман. Бошқа, маънавий жабҳада нималар рўй берадиганидан бехабармиз, бироқ мазкур жараёнларнинг ўзаро алоқадорлиги шубҳасиз. Диний тасаввур, насронийлик тасаввuri таназзулга юз тутиши билан XX асрдаги даҳшатли урушлар, тоталитар тузумлар ўртасида ҳақиқатдан ҳам алоқадорлик мавжуд.

И.Б.: Бошқача айтганда, бироз илгарилашга ижозат берсангиз, асримизнинг тажрибаси, умумий якунлари шундай таассурот пайдо қиласдики, айни меҳру шафқат тушунчасидан йироқлашиш билан бир вақтда инсонларо нисбатан қадрланмайдиган муносабатлар сари интилиш кузатилаётир. Буни қарангки, сухбатимиз аввалида абсурдизм мавзусини тилга олгандик.

Ч.М.: Дарҳақиқат.

И.Б.: Бу антиқа, бинойидек стилистик тажриба бўлди, лекин амалда жамиятда – ижодкор ва жамият нуқтаи назаридан – шу бўлдики, сон-саноқсиз адиллару шоирлар янгича стилистика билан қуролланиб, абсурд ўяси билан яна ҳам илгарилаб кетди. Абсурд ўз ҳолиҷа, дейлик муйайян адаб ижоди учун чакки услуб эмас, лекин айни асримиз бемаънилигию тутуриқсизликлари оқибатида

боши берк күчага кириб қолган ижод оламидан йироқ қўшиннинг кўнглига йўл топиш борасида мазкур адабий усул ҳамиша ҳам қўл келавермайди. Бундан англашиладики, стилистик идиомаларнинг экзистенциал идиомалар билан уйғуналашуви ижодкорни ҳайратлантиради. Бинобарин, абсурд усулининг тантанасидан руҳланган адиб ўзини ҳатто реалист дейишгача боради. Сизнингча, мурасагўйлик, сабру тоқат, меҳру шафқат сингари асосий қадриятлари билан насронийлик яқин келажакда, дейлик, келгуси асрда яшаб қоладими?

Ч.М.: Насронийлик яшайди. Абсурд борасида бўлган воқеани айтиб берсан. Парижда Беккетнинг «Годони кутиб» пъесасининг дастрлабки намойишларидан бирида қатнашганман. Томошибинлар ҳам ўзига хос, асосан санъат ва адабиётдаги янги оқим муҳлислари. Мазкур пъеса аксарият абсурднинг таркибий қисми – шафқатсиз ҳажв негизига қурилган, лекин Поццо Лакига нисбатан шафқатсизлик қиласидиган лавҳаларни ҳам томошибинлар бир тану бир жон бўлиб, хандон отиб томоша қилишди. Бу мени ғазаблантириди. Томошибинларнинг мазкур бемаъни шоду хуррамлигию каминанинг ғазбланиши қайсиdir маънода саволингизга жавоб бўла олади.

И.Б.: Насронийлик қадриятларига садоқатингиз мақтовга лойиқ. Омма диди ҳақида бирон фикр билдиришга ожизман. Майли. Навбатдаги савол. «Ars Poetica» рисолангизнинг бошланишида бирмунучча муфассал мавзуларга мойил эканингизни эътироф этасиз. Аслида, шеърларингиз ва достонларингизда йирик, одатий мумтоз, баъзида эса теран герметик шаклларни аксарият баравар қўллайсиз. Шеърият, бадиий ижодда пировард натижада қандай самарани кўзлайсиз? Ижод сиз учун одатий изҳори дилми, китобхонлар оммаси идрокига таъсир кўрсатиши, ёхуд шаклий вазифалар даъвати билан қалам тебратасизми?

Ч.М.: Изҳори дил эмаслиги шубҳасиз.

И.Б.: Бунинг, ҳақиқатдан ҳам бошқача усуслари бор.

Ч.М.: Изҳори дил эмас. Эҳтимол, қисман китобхонларга таъсир кўрсатиши, қисман эса... Лекин якуний мақсадим – реал ҳаёт, яъни воқелик. Воқеликнинг таъзиби. Ва, айни вақтда, XX асрнинг муайян адабий оқимларига қарши курашиш.

И.Б.: Ҳайратомуз. Ниҳоят, қайси услубиятни ўзингиз учун энг самарали ҳисоблайсиз? Йирик шеърий шакл, герметик, мумтоз шеърий услуг – қайси бири, ёки буларнинг барчаси масқадингизни рўёбга чиқариш учун қўл келар?

Ч.М.: Барчасидан фойдаланаман.

И.Б.: Ниҳоят, сўнгиси. Деярли сўнгиси. Яна иккита савол бор. Пастернак ҳақидаги мuloҳазаларингиз? Бунга оид фикрларингиз

менга маълум, лекин бевосита ўзингиздан эшитмоқчиман. Умуман, рус шоирлари ҳақида бир неча савол бермоқчиман.

Ч.М.: Ёшлигимда бир дўстим Пастернакнинг «Иккинчи таваллуд» шеърий тўпламини совфа қилган. Тўплам номланиши «марксизм ҳақиқатига нисбатан таваллуд» маъносида эканини ўша кезларда пайқамаганман.

И.Б.: Ҳа, ҳа, ҳа.

Ч.М.: Қолаверса, мазкур тўпламдаги шеърларда санъат, табиат сингари мавзулардан бўлак мулоҳазаларни учратмадим, шеърлар сиёсатдан холи эди. Кўп йиллар кейин бир анжуманда иштирок этдим, унда Пастернакнинг айни тўплами ўзи учун қандай аҳамиятга эга бўлгани ҳақида Коржавин ҳикоя қилди. У шундай деди: «Ўшанда йигитча эдим ва ўйладим: башарти мамлакатимиизда ҳамма-ҳаммаси рисоладагидек экан... Ва Пастернак таъсирида сталинпарастга айландим». Бинобарин, адаб ҳам, шоир ҳам ҳавас уйғотиши, маҳлиё қилиш, ҳатто йўлдан оздириш масаласида масъулиятли. Надежда Мандельштам хотираларида ёзади: шоир шеърияти воситасида кўнглига келган ишни қилишга ҳақли, фақат шеърхонни ҳеч қачон йўлдан оздирмаслиги шарт.

И.Б.: Йетс ҳақида Оден ҳам шунга монанд фикр билдирган. Пастернак хусусиядаги фикрларингизга ойдинлик киритсак, улар эстетик қоидаларга эмас, балки ахлоқ-одоб масалаларига тегишли. Мандельштам ижоди билан танишганмисиз? Сиз учун бирон-бир қимматга эгами?

Ч.М.: Мандельштам ижоди билан жуда кеч танишганман. Илгари шундай шоир борлигини ҳам билмаганман.

И.Б.: Ахматова ва Цветаева хусусида нима айта оласиз? Уларнинг ижоди билан ҳам урушдан кейицинги йилларда танишган бўлсангиз керак?

Ч.М.: Ҳа. Умуман, Ахматова ва Пастернак шеърларини урушдан олдин Юлиан Тувим польяк тилига таржима қилган.

И.Б.: Лекин жуда оз.

Ч.М.: Тўғри.

И.Б.: Афсус. Умуман, бизнинг асримизда рус адабиётида олти ёки еттита беназир шоирлар ижод қилди. Давлат обрў-эътибори, черков қадр-қиммати, фалсафий фикр аҳамияти ҳаминқадар жамиятда шоирлар зиммасига энг юксак инсоний мезон намунаси сифатида фаолият юритиш вазифаси юклатилади. Бу борада йигирманчи аср етакчи рус шоирларидан ибрат олса арзиди. Бирорта рус шоир билан ўзингизни муқояса қила оласизми?

Ч.М.: Албатта.

И.Б.: Айнан қайси билан?

Ч.М.: Мандельштам билан. Ёлғиз афсонавий шахсга айлангани учунгина эмас, чунки Мандельштам ҳам бир қанча босқичларни босиб ўтган.

И.Б.: Ҳеч шубҳасиз.

Ч.М.: Уни авлиёга, озодлик башоратгўйига айлантиришларига кўшила олмайман. Лекин айрим сатрларида метин-мустаҳкам хитобу ҳайқириқ борки, бу борада Мандельштамни тўла қўллаб-куватлайман.

И.Б.: Инглиззабон шеърият жозибаси ҳеч маҳдиё қилганми?

Ч.М.: Уитмен. Унинг шеърияти мен учун беназир илҳом манбаи. Уитмен шеърияти воқелик, ҳаёт кўзгуси. Қолаверса, Оден насрини қадрлайман.

И.Б.: Форст-чи?

Ч.М.: Форст – унчалик эмас. Бу борада сиз билан ҳамфир бўлолмаймиз.

И.Б.: Йўқ, йўқ, йўқ...

Ч.М.: Сиз, ахир, Форст муҳлисисиз.

И.Б.: Бунинг боисини тушунтираман. Чунки бу барча саволларимиз билан алоқадор. Форст шеъриятининг муҳлиси эканимнинг боиси – ҳайратомуз сатрлари билан бир қаторда кўркувни америкаликларга хос тарзда ўзгача ҳис қиласди. У ҳақиқатдан ҳам сескантирадиган шоир. Европа шеърияти эса фожиали хусусиятга эга.

Ч.М.: Тўғри.

И.Б.: Фожиа – моҳиятан ретроспектив жанр. Форст шеъриятида эса аксинча манзара. У кўркувни шеърга солади. Форстни шунинг учун қадрлайманки, у инсониятнинг, дейлик, мен сингари Европа-Осиёга мансуб шоир учун мавҳум жиҳатини кашф эта олган.

Ч.М.: Қаранг-а!

И.Б.: Сўнги икки савол. Биринчиси. Менга ҳар бир шоир ўзини Овидий, Гораций, Вергилий, Лукреций, Проперций сингари антик дунё шоирларидан бирининг издоши деб биладигандай туюлади. Ёхуд бошқа шоирлар «эгизагидек» ҳис этади. Сиз ўзингизни ким билан «туғишгандай» ҳис қиласиз?

Ч.М.: Ўзимни Овидийга ўҳшатаман. Балки сўнги лотин тили курсида унинг асарларини таржима қилганимиз учундир. Лекин Библия, яъни Инжилни польяк тилига таржима қилаётганимни ҳам унутманг.

И.Б.: Хабарим бор. Бундан аён бўладики, ижодингиз Инжил руҳига ҳамоҳанг?

Ч.М.: Шеър тузилиши масаласида – Инжил билан Уитмен шеъриятига ўйғун.

И.Б.: Нихоят сўнгти савол. Деярли сиёсий...

Ч.М.: Худога шукр-э. Хуфтондан ўтиб кетди, ахир.

И.Б.: Бир талай сўнги саволлар. Ҳали вақтингиз кўп-ку.

Ч.М.: Нималар деяпсиз, аллақачон кетишим керак эди.

И.Б.: Келишдик, сўнгги савол. Шарқий Еврупадаги жараёнлар хусусида. Назаримда, мазкур воқеалар аҳамияти мўғул-татар истибдодидан халос бўлиш билан тенг. Тарихчилар коммунизмни ҳақли равишда айни истибдод билан қиёслайди. Мазкур икки муҳим тарихий ҳодисани қамраб олинган минтақалар нуқтаи назаридан қиёсласа бўлади. Сизнингча – келажак кутилмаган хусусият касб этиши мумкинми ёки жуғрофий ҳолат тарих учун бир неча муқобил имкониятлар бермайдими? Европа жуғрофиясини назарда тутаяпман. Қудратли Германия ва ...

Ч.М.: Мен иккиланаяпман...

И.Б.: Оптимизм, яъни некбинлик ва...

Ч.М.: Асосий икки муносабат ўртасида. Биринчиси, анъавий: қудратли Германиядан ҳадисираш. Ва иккинчиси – айни анъавий йўлда янги имкониятлар ишга солинмайди, деган умид. Мазкур икки мулоҳазадан қайси бири тарафдори эканим ҳозирча равшан эмас...

И.Б.: Чунки, англашимча, келажак бирмунча бисмаркова тус олайти. Айни ўша кўҳна масала, айни ўша замин узра Германиянинг ўрнига оид даъват янграётгандай.

Ч.М.: Ҳарбий эмас, иқтисодий экспанцияси, яъни ҳукмронлик масаласи.

И.Б.: Лекин қўшни мамлакатлар учун бу, пировард натижада, у ёки бу маънода баравар тусга эга. Мен хавотирдаманки, Европада 1905 йилда ҳукмронлик қилган ҳолат 1995 йилга бориб яна тикланаидигандай.

Ч.М.: Олдиндан бирон гап айтиш қийин...

И.Б.: Шундай хавотиру хадик бор, ахир?

Ч.М.: Бор, бор.

И.Б.: Буни ёлғиз мен эмас, сиз ҳам сезаяпсиз?

Ч.М.: Албатта.

И.Б.: Миннатдорман.

*Манба: И.Бродский,
«Книга интервью», Изд четвертое, исправ-
ленное и дополненное,
М., »Захаров», 2007 г. Стр. 476-498.
«Жаҳон адабиёти» журналида 2010 йил, 7-
сонда босилган.*

АЛЕКСАНДР ГЕНИС

XX асрнинг етакчи услуги

XX асрда бутун маданият тарихида тамомила янги услуг, яъни давр тақозосига биноан «модернизм» кенг кўламли атамаси атрофидаги бирлашувчи хилма-хил адабий мактаблар ва йўналишлар пайдо бўлди. Ўтмиш меросини синчилкаб кўздан кечирап эканлар, XX аср ижодкорлари ўзлари учун зарур мавзу – тил ва маданиятнинг бирикуви натижаси «обектив воқелик» ғойиб бўлганига гувоҳ бўлишиди. У билан биргаликда инсон шахс сифатида тарих саҳнасида ғойиб бўлганди. Маркс ва Фрейд илгари сурган таълимотларга биноан инсон шахсиятига синфий қарама-қаршиликлар воситаси, ботиний кечинмалар исканчасидаги маҳлуқ сифатида қарай бошладилар.

Ижод жараёни қақшатқич зарбага учради. Бироқ бадиий ижоднинг қудрати шундаки, у бамисоли Самандар қуш янглиғ култепада яна қад росттайверади. Шу асно модернизм юзага келди: модернизм ҳеч қандай таназзул эмас, балки дастлабки умумбашарий маданиятнинг андозаси, мислиз уйғунлик тажрибаси бўлди.

Бадиий фоя, деб ёзганди Алберт Шветсар, ягона-яхлит бўлгани ҳолда турли воситалар орқали инъикос этади: шоир сўзлар воситасида, мусаввир бўёқлар, бастакор эса оҳанглар воситасида ўз фикр-мулоҳазаларини ифода этади.

Модернизм – ўтган асрнинг етакчи ижодий фояси сифатида – ниҳоятда салоҳиятли, айни пайтда бир-бирига асти ўхшамайдиган даҳолар ижодида яққол акс этди. Бу даҳолар орасида – Матисс, Пикассо, Брак, Томас Манн, Пруст, Жойс, Кафка, Гессе, Фолкнер, Валери, Элиот, Паунд, Рилке, Лорка, Уилес Стивенс, Стринтберг, Пиранделло ва бошқалар бор.

Россияда ҳам модерн адабиётининг ўзига хос намояндалари мавжуд. Адабиётимизнинг Кўмуш даври намуналари, шиддаткор рус шеърияти айни пайтда рус шеъриятининг энг яхши намуналари ва ниҳоят рус модернизмига якун ясовчи Иосиф Бродский ижодини ҳам шу жумлага киритиш мумкин.

Тарих вақт билан ҳисоблашмайди, бироқ бизлар солномага назар солмай иш юрита олмаймиз. Ортга назар ташлар эканмиз, тарихнинг қайси палласидан модернизм бошланганини билиб оламиз.

Лондондаги машҳур икки бадиий музей жамоаси яқинда ана шундай муаммога дуч келди. Улар ўз хазиналаридаги санъат асарларини ўзаро тақсимлаб олишларига тўғри келди: натижада Миллий галерияга мумтоз тасвирий санъат асарлари, Тейт галериясига эса замонавий ижодкорларнинг асарлари насиб этди. Бу борада 1900-йил чегари чизиги вазифасини ўтади. Бу чегара чизиги ҳар қанча

баҳсли ва шартли бўлмасин, нафақат тақвимий, балки мантиқий ҳақиқатга яқинлиги билан ҳам эътиборни тортади. Биз модернизмни ўтган аср билан тенгдош ҳисоблай туриб, ҳам тарихан, ҳам бадиий жиҳатдан адолатли иш тутган бўламиз.

Юз йил аввал рўй берган воқеаларни хаёлдан кечирар эканмиз, XIX ва XX аср оралиғида Farb бадиий тафаккурида минглаб йиллар мобайнида чуваланиб келаётган анъана, услугубарнинг қўққисдан узилганинг гувоҳи бўламиз.

Тараққиётнинг жадал одимлари билан илгарилаб кетиши мана шундай кутилмаган вазиятни юзага келтирган эди. Сон-саноқсиз илмий-техникавий инқиlob шоҳидлари ва қатнашчилари бўлган сиз билан бизлар ўзларимизни мана шу инқиlob қаҳрамонлари, қурбонлари деб ҳисоблашга кўникиб қолганимиз. Бироқ аслида юз йил муқаддам инсон турмуш тарзини, қолаверса, унинг қалби ва шакл-шамойилини, тақдирни ва феъл-авторини тамомила ўзгартириб юборган чинакам жаҳоншумул кашфиётлар ва ихтиrolарнинг меросхўрларимиз, холос.

Аэропланнинг дарчасидан замин қандай кўринишига гувоҳ бўлгач, кубистлар тасвирий санъат асарларининг моҳиятини оламни янгича идрок этиш тарзини шакллантириди. Биргина авлоднинг ҳаёти давомида шунчалар сон-саноқсиз ўзгаришлар содир бўлдики, бундай кашфиётлар ўтмишда ҳам қилинмаган ва яқин келажакда ҳам қилиниши даргумон. Телефон ва телеграфнинг ҳаётилизга кириб келиши, овоз ёзиб олиш ва радионинг кашф қилиниши, авиаатсия ва кинонинг тантана қилиниши ё шу сингари сон-саноқсиз техникавий янгиликлар турмуш тарзимизнинг асрлар давомида шаклланган андозаларини ўзгартириб юборди: ҳаётилиз кутилмаган шиддат касб этди, аксарият аҳоли зич ва гавжум шаҳарларда истикомат қила бошлади, дунёning у чеккаси билан саноқли дақиқаларда боғланиш имконияти пайдо бўлди, ҳатто тафаккурнинг шакл ва йўналишлари ҳам бошқача бўлиб қолди.

XX асрда дунё тамомила ўзгача қиёфа касб этди. Сипо сармоядорлар ва чамбаракли кенг юбка кийган хонимларнинг одми фотосуратларига алданмай қўя қолайлик. Азалий анъаналар мудраб ётган ана шундай ибтидоий мухитда ижодкорларнинг шиддатли санъати майдонга келди. Модернизм раҳнамоси, американлик буюк шоир Эзра Паунднинг «Дунёни янгилайлик!» деган даъватига «лаббай» деб жавоб берган бу ижодкорлар олдиларига қўйилган вазифани шараф билан уddeлай олдилар.

«Икки аср оралиғида илгари ҳатто тасаввур ҳам қилиб бўлмайдиган кашфиётлар қилинди. Марконининг симсиз алоқа билан боғлаш сингари кашфиётлари одамларни шошириб қўйди. Мана шу сингари

таройиботларнинг эстетик аҳамияти ҳам бор эди: модомики ахборотни бириманзилдан бошқа бир манзилга симсиз ҳам узатиш мумкин экан, инсоннинг руҳий ҳолати ҳам электр қувватига боғлиқ бўла олади, у билан ўзаро алоқага кириша олади ҳам. Бу эса шоирлар ва ижодкорларни бефарқ қолдирмайди. Чунки улар технологик инқи-лобнинг фақат техника билан чекланиб қолмайдиган ялпи оммага вақтингчалик номаълум мазмун-моҳиятини ботинан идрок қила билган эдилар. Бирон бир масофани фақат от ёрдамидагина эмас, бошқа воситалар кўмагида, боз устига ақл бовар қилмас тезликда босиб ўтиш мумкин экан, ижод майдонига ҳам бошқача андозлар билан ёндашмоқ керак деган тушунчалар пайдо бўлди. Ана ўша йиллари Фрейд ўзига хос тушлар таъбирини кенг жамоатчиликка ҳавола қилганди. Бу эса кўплаб ижодкорларни ҳаётта янгича нигоҳ билан қарашга ундей бошлади. Инсоннинг ботиний оламига илк йўлак очилганди. Азалий тушунчалар, анъаналар чилпарчин бўлиб кетганди » (Норман Мейлер.«Пикассонинг ёшлиги»).

Икки аср туташган бир паллада техникавий тараққиёт бутун бадиий ижод тарихида ўта инқилюбий тўнтириш учун замин ҳозирлари. XX аср ўзига хос бадиий ижод услубини – модернизмни юзага келтирди. Модернизмнинг аввалги бадиий услубдан фарқи, ҳаттоқи, мажусийлик ва насронийлик маданиятлари фарқидан ҳам каттароқ бўлганини ҳозирги авлод кишилари тасаввур қилишлари қийин. Қадимда ҳайкалда ким акс этганидан қатъий назар – олимпияғолиби ёки азоб чекаётган азиз авлиё бўладими – ҳамма-ҳаммасининг оёқ-қўли жой-жойида бўлиб биноийдек одамнинг айнан ўзгинаси бўларди. Лекин модерн рассоми асаларида тасвиirlанган сиймолар ҳақида бундай деб бўлмайди. XX асрнинг дастлабки буюк тасвирий санъат асари – эндиликда модерн суръатларининг дурдонаси дея таън олинган Пикассонинг «Авинонлик қизлар» асари анъанавий тасвирий санъат асаларидан тубдан фарқ қиласи эди.

Навқирон Пикассо янги мусаввирликнинг инқилюбий қоидаси: объектнинг айнан ўзини эмас, балки унга нисбатан ҳис этилган кечинмаларни акс эттириш қоидасини шакллантирди. Мавжуд воқелик Пикассо учун кўзгудан бўлак ҳеч вақо эмас, у бутун оламни айнан ўша кўзгуси орқалигини кўради ва идрок этади. Унинг портретларида сиймолар гўё аъзойи баданларидан тўлиб тошадиларда, теварак-атрофдаги анжомлар – диван, оромкурси ва гулқоғозларга сачрайдилар. Ҳайратланарли замонавий тасвирий санъат натюртморт шаклидаги портретлар шу асно вужудга келди. Ҳамма нарсани ўта соддалик билан акс эттиришга ҳамиша интилиб келган Пикассо айни шундай ижодий услуг воситасида бу борада шаклла-наётган андозаларни таомилдан чиқариб юборди. Ҳолбуки, фақат мана шундай синчковлик билангина объект-воқеликнинг юзаки, эҳ-

тимол сохта шакл-шамойилини эмас, балки унинг ботиний мазмун-моҳиятини кўриб, идрок эта олиш мумкин.

Модернизм дастлабки кезларда романтик тусда эди. Бу янги услуб жамики янгилик сингари дастлабки қадамлардан бошлабоқ дунёни буғ ва электр қуввати билан бундан бўён ҳам улуғворлик ила забт этиб бораверишга чоғланган маҳобатли тараққиётнинг қотиб қолган қолипига қарши чиқа билди. Яхлит ҳақиқатни ташкил қилувчи айрим ҳақиқатлар жамулжамига, даврий жадвалга, қомусларга, маълумотномаларга, топшириқномаларга, дарсликларга XIX асрда астойдил ишонардилар. Мана шундай содда ишонувчанликни айни замонда бизлар ҳам қумсаймиз, бироқ XIX асрда туғилиб вояга етганларга ўз замонасининг тартиб-қоидалари-ю, анъана-қадрятлари ёқмай қолганди. Улар ўз замонасининг жозибасини йўқотган, ақида-параст «ғилофбандаси» тариқасида назар-писанд қилмасдилар.

XIX аср ҳақиқатининг шартли ва чекланганлигини англаб етган XX аср ижодкорлари дунё-борлиқни бевосита эмас, балки бавосита, яъни ақдан эмас, аксинча қалбан идрок эта бошладилар. Натижада воқелик-объектнинг ранг-баранг ботиний олами жилва қилиб, кўзларни қамаштира бошлади. Эскирган ақидалардан зада янги аср ижодкорлари маънавий мавҳумликни бирдан ёритиб юбора оладиган ботиний зиёни топа олдилар. Бундай янги ижодий услугуб шаклий мураккабликларга қарши чиқароқ нисбий соддалик – ақл-идрок эмас, аксинча воқелик-объектнинг мазмун моҳиятини акс эттирувчи янгича тасвирий воситалар билан ижод қилиш одат тусига кирди.

Ҳамиша бўлганидек, соддалик, оддийлик томон қадам ташлашнинг ўзи бўлмайди. Модернизм санъатини идрок этиш осон эмас. Бизлар роппа-роса бир аср мобайнидаги модерн руҳидаги асарлар қуршовида яшаб келаётган бўлсак-да, унинг лолу ҳайрон айлагувчи услуги моҳиятини ҳали-ҳамон тўла англаб ета олганимиз йўқ. Бу борада мусаввирлар айбдор эмас. Модернизм санъатда Коперникка хос бурилиш қилди: модернизм объект билан эмас, балки субект билан астойдил шуғуллана бошлади.

Услубий модернизм тарихда алоҳида ўрин тутади. Одатда санъатдаги бирон-бир йўналиш ва мактаб янгиладиган бўлса, воситаларни алмаштириш билан кифояланиб қўя қолинарди, модернизм эса тадқиқ қилинаётган объектнинг ўзини тамомила янгилади. Реалистик санъатнинг анъанавий шакллари воситасида ҳақиқатдан йироқ, сохта воқеликни бир бутун ва яхлит эмас, балки лахтак-лахтак ҳаётни акс эттиришга ҳаракат қилиб келинди. Модернизм эас нафақат воқеликни акс эттириш мумкинлигига шубҳа билдириб қолмасдан, устига-устак ўзи ҳам мавжудми деган масалани ҳам кўндаланг қўйиб қўйди. Ницшенинг «Ҳеч қандай фактлар мавжуд эмас, балки улар-

нинг талқини, инъикосигина бор» деган ақидасини дастак қилиб олган модернизм муаллифнинг тасаввурдиагина мавжуд воқеликнинг турли тадқиқлари, дунёни турли субъективизмларнинг кураш майдони сифатида акс эттира бошлади.

Модернизм томошабиннинг теварак-атроф тўғрисидаги тасаввурлари доирасини кенгайтиришга эмас, балки бизларнинг ҳиссиётларимизга олам манзарасини шакллантирувчи тасаввуримиз қувватига таъсир кўрсатиш учун зўр бериб ҳаракат қилди.

Мана шунинг учун модернизм мураккаб санъат. У томошабиндан оддий томошабинликни эмас, балки фаол ҳамкорликни талаб этади. Мусаввир тайёр маҳсулот эмас, балки сиз билан бизнинг идрокимиз, тасаввуримиз заминида униб, ҳосил берувчи хосиятли уруғ таклиф этади.

Ижодкор мавжуд воқеликни ўзгартириб ўтиrmайди, балки уни яна ҳам қуюкроқ ранглар билан тасвиirlайди. Модернизм шу жиҳатдан олганда реализм ўрнини эгаллагани йўқ, аксинча, уни чинакам, тўғри йўналишга буриб юборди. Ба бу замонавий ижодий услугуда ижод қилган ҳар бир даҳо санъаткорнинг асарлари бизларга ўзига хос кутилмаган таъсирини кўрсатди.

Хоҳ мусаввир, хоҳ ёзувчи-шиоир, хоҳ бастакор бўлсин, ўзларига хос янги дунёни кашф этар эканлар, уларнинг ҳаммаси модерн ижодкор дея тилга олинади. Инқилобий фаолликлари ўзларининг тор ижодий доирасидан кенг ижтимоий кўламга кўчганидан кейин эса уларнинг ҳаммаси авангардист номини олдилар. Назарий фарқ ҳатто айтишга ҳам арзимайди, бироқ амалий тафовут осмон билан ерча бор. Бу, айниқса, XX аср рус ижодкорлари асарларида яққол кўзга ташланади.

Фарб модернчилари ижодий услуг деб билган нарсани рус авангардистлари турмушни тубдан ўзгартириш йўлидаги қадам дея талқин қилдилар. Футуристлар рус жамиятининг ўта изчил ва ўта кескин кайфиятдаги инқилобчилари бўлишган. Улар бу борада соддалик ва яхлитликни зўр бериб ахтаришга қаратилган рус маданиятидаги марказий foялардан бирини мантиқий якунга етказа олдилар. Хусусийдан умумийликка, арифметикадан алжабрга томон ташланган қадам россияда азалдан тараққиёт сифатида қараб келинган. Тараққиёт – тарқалиб кетган унсурларнинг асл макони – коинотга қайтиши демак. Шу боис нисбатан, эгри чизикни айнан рус мусаввирлари тўғрилаганликларига ажабланмаса ҳам бўлади.

Футуристлар Октябрь инқилобини жаҳон инқилоби йўлидаги дастлабки қадам деб билишарди. Уларга жамоат қурилишнинг айрим жиҳатлари эмас, балки ижтимоий тузилишнинг муқаррар мураккабликлари монелик кўрсатди. Футуристлар пировард натижада Россияда ниманинг уddасидан чиқа оларди? Моквадаги сон-саноқ

сиз кўчалардан атиги биттасини мовий рангга бўяди, холос. Инқи-лоб ва санъаткор кўламаларининг миёслари масаласида чиқиша олмадилар. Инқи-лоб жаҳон миқёсида ғалаба қилажагини даво қилса, санъаткор ижодкор Бунёдкор таҳтига даъвогарчилигига қолаверди. Шу боис уларнинг зўрма-зўраки никоҳининг умри жуда қисқа бўлди. Коммунизм тетапоялигига ёки силлиқ касаллигига чалиниб, айни шу касалликни келтириб чиқарувчиларни шафқатсизларча қатағон қила туриб, анъаналар силсиласига эргашаверишдан қайтмайдиган кайфияти ҳам йўқ эмасди. Тоталитаризм авантгардизмдан соддалаштириш, оддийлаштиришни ўрганди, холос. Утопия сохта, сийқаси чиқсан зўравонлика айлануб кетди.

Авангардизм тарафдорлари ижтимоий лойиҳаларнинг барбод бўлганилиги «XX аср даҳшатли тарихи»нинг энг унумли саҳифаларидан бири. Умуман, инсоният устидан фавқулотда тажрибалар ўтказиб бўлмаслиги аён бўлди. Жаннатдагидек фаровон турмуш кечириш foяси айрим кишиларнингтина орзуси бўлиб келган ва ҳамон шундайлигига қолаётир. Жамият эса ўзининг манфаатпарастлигига мақсадларига етиши йўлида ўта қалтис foяларни ҳам қўллаш имкониятини ҳамиша топа билган.

Шафқатсиз ҳаёт ижодкорни оломон издиҳоми ила юзма-юз қолдириб довдиратиб қўйди. Шоир фақат бадиий тафаккурнинг хаёл етмас уфқларни қучоғидагина ўзини бамисоли Яратган Эгамдай ҳис этиши, бамисоли сайёралардай хаёл етмас кенгликлар бўйлаб сайру саёҳат қила олишим мумкин. Буюк авантгардистлар бири Владимир Маяковский энг муваффақиятли шеърларида ана шундай бепоён кенгликларни куча олганди.

Модерн адабиётининг кескин кайфиятли намояндалари бўлмиш авантгардизм тарафдорлари санъатда ақл-идрок, тафаккур хукмон-лигининг ўзгартиришга зўр бердилар. Улар айни мана шу йўлда тоталитар тузумнинг шафқатсиз зарбаларига дуч келдилар.

Тоталитаризм Ҳақ-адолатга таъзим бажо келтирувчи ақл-идрок муболагасидир. Авангардизм тарафдорлари ҳам азалий қадриятларнинг тантанасига ишонардилар. Улар дунёни аввалдан аён йўналишга сола билиш андозаларини қидириб топмоқчи бўлди. Нафақат Малиевичнинг фазовий кўламларидаги суперматизм, балки Кандинскийнинг нарса-ашёларсиз абстракционизми ҳам турмушдаги бошбошдоқликни маълум бир тартиб-интизомга солиш, янги ва мангу уйғунликка келтиришга уринишдан иборатдир.

Инсон қалбидаги айни мана шундай тўлқинланиш-тебранишлар янги тасвирий санъатнинг ҳаммага тушунарли ифода воситаси бўлиб қолиши керак эди. Авангардизм тарафдорлари бўлган мусавиirlар замонавий санъат саҳифаларига ўз асарларини битиш ўрнига унинг луғатини тузишга берилиб кетдилар.

Авангардизм поэтикаси машина атрофида шаклланди. Авангард утопия бамисоли машинанинг эҳтиёт қисмлари сингари бир-бirlари ўрнини босиб кетаверадиган ўй-фикрларию турмуш тарзлари ҳам якранг бўлган оломон учун яратилганди.

Тез фурсатда модернизмнинг севимли санъатга айланган биринчи жаҳон урушигача бўлган даврдаги кино санъати айни шундай қусурга эга эди. Жумладан, Дзиги Вертовнинг фильмларида хоҳ телефончининг қўллари хоҳ, папирос доналарини қадоқловчининг бармоқларини хоҳ, спортчининг оёқлари бўлсин, буларнинг табиий хатти ҳаракатларигина суратга олинганди, холос. Яъни инсон бамисоли машина сингари тиним билмай ҳаракат қилгандагина қадрлидир, деган ақида илгари сурилади. Авангардизм учун машина инсонни сифатловчи восита, дунёни ижтимоий-муҳандислик нуқтаи назаридан мислсиз қайта қуришнинг пировард натижаси ҳисобланади.

Моҳиятан олганда, авангардизм санъати боши-кети йўқ «ишлаб чиқариш романи» бўлиб шу оқим намоёндалари бу асарни модернизмнинг «Илоҳий комедия» сига айлантириша уриндилар. Афсуски, бундай бўлмади.

Туғма иллати – ҳаммабоблиги авангардизмнинг бошига етди. Авангардизм тафсилотларига ҳамиша нафрат билан қараб келди. Авангардизм барпо этишга уринган тафсилотлардан холи дунё бамисоли ожиз кимсанинг бащарасидай нуқсонли эди. Ҳаётда бирламчи ва иккиламчи нарсалар мавжудлигига астойдил ишонган авангардизм намоёндалари кўр кўрона иккиламчи нарсаларни энг муҳим бирламчи нарсаларга қурбон қилдилар. Оқибатда бу оқим тарафдорлари мангуликка дахлдор асарларни яратса олмай, келажакдан қарзларини уза олмадилар.

Авангардизм бундай сакталиклари модернизмнинг буюк ютуқларини йўққа чиқармайди, балки эстетика, нафис санъатда худосизлик қандай аянчли оқибатларга олиб келиши мумкинлигини намойиш этади. Авангардизм ўзининг салойи намунасида ботиний идроксиз инсон зоти бўлмаганидек, бадиий асарлар ҳам сир-синоатсиз бўлмаслигини исботлаб берди.

Моденизм XX асрнинг фожеавийлигини ўта теран идрок этиб, янги Уйғониш даври сари чиқиши йўлларини қидира бошлади. Европани Шпенглер башорат қилган муқаррар ҳолатдан айни модернизм қутқариб қоладигандай эди.

Фарб бадиий тафаккури ўз маданияти учун янги маънавий негизни зўр бериб излай бошлади. айни шу фожеавий даврда Уйғониш foяси юзага келди. Модернизм айни янги уйғониш давридагина илм-фанни дин билан, ўтмишни келажак билан боғлаш мумкин деб ҳисоблаганди.

Янги Уйғониш даври ақл-идрокни инкор этиб әмас, балки у билан бақамти равишда Яратган парвардигор сари юзлана бошлади.

Янги Уйғониш даври Фарбнинг янги қиёфасини кашф этди. У кундан-кун гуллаб-яшнаб бораётган ранг-баранг ҳаётини насронийлар афсоналари илиа яна ҳам ранг-баранг қила билди. Янги Уйғониш даври бутун оламни ягона қолипга солиб, яхлит-ягона уйғунликни вужудга келтира олди, XX аср айни мана шундай уйғунликка ғоят ташлайди. Бердяев қайд этганидек, машина қулига айланиш учунгина табиат устидан ғалаба қозонган инсон қисмати давримизнинг фожеасидир.

Модерн санъат тарафдорлари тараққиётiga маънавий-маърифий мазмун-моҳият берил, турли кўчаларга кириб кетган дунё бошини бириклира оладиган замонавий ривоят яратишни ўз олдиларига асосий мақсад қилиб қўйган эдилар. Улар мана шу эзгу мақсад йўлида сув келса симиришга, ҳатто ўт-олов ичидан ўтишга ҳам тайёр эдилар. Янги Уйғониш даврининг жозибадор сароби модерн санъат намоёндадарини чорлай бошлади.

Ҳар қандай тоталитар тузумнинг санъаткор учун ҳалокатли томони шундаки, бундай тузум сиёсий ҳаётнинг маънавий ҳаёт билан уйғунлигини ваъда қилгани ҳолда пировард натижада санъатнинг дунёни яхлит манзараси сари интилишини қаноатлантирувчи йирик бадиий услугни юзага келтиради.

XX асрнинг ўттизинчи йилларида демократлар томонидан на эътироф этилган ва на қабул қилинган модернчилар томонидан эстетик дастурини амалга оширишда кучли ҳокимият жуда асқотади, деган илинж билан гоҳ фашизм, гоҳ коммунизм томон оға бошладилар.

Модернизмнинг барча янгилишлари сингари дунёни фожеавий идрок этишинг саба илдизлари ҳам XX асрнинг ўта йирик хатоси – Биринчи жаҳон урушига бориб тақалади. Модернчилар бу урушни яна ҳам даҳшатлироқ иллат – асрлар мобайнинда яхлит маданият маскани бўлиб келган Фарбнинг парчаланиб кетиши даракчиси сифатида қабул қилдилар. Тарихий фожеалар, дер эдилар улар, сиёсий сабаблар оқибатида әмас, балки ички қадриятларнинг емирилиши оқибатида рўй беради: фаровонлик ва гўзалликни унутган дунё маънавий мезонлардан маҳрумлик, маърифий жиҳатдан ўта қашшоқ тараққиёт қурбонига айланади. Янги давр янги миллатларни: яхлит ва ягона тил, маданият ва диндан маҳрум янги миллатларни юзага келтиради, бундай ўзаро гўё етти ёт-бегона миллатлар кўр-кўронада бир-бирларини қирғин – барот қилишга маҳкум эдилар.

Модернизмнинг энг машҳур достони – Элиотнинг «Бепушт замин» достони мана шу салмоқли мавзуга бағишлиланган. Ниҳоятда кенг қамровли, шаклий жиҳатдан ҳам жуда ранг-баранг, айни пайт-

да талқин этиш жуда мураккаб бу асар Жойснинг «Улисс» романи билан бир йилда – 1922 йили чоп этилган. «Бепушт замин» достони модернизмнинг энг юксак чўққиси, унинг ўнлаб кинояли ва фожеали якуни бўлди.

Элиот орадан ўнлаб йиллар ўтгач, Гарвард дорилфунунида шеъриятнинг моҳияти тӯғрисида сўзлаган маърузаларидан бирида машҳур достони хусусида тўхталиб шундай деган эди:

«Шеърият нуқтаи назаридан олиб қараганда, бизлар яшаётган даврни олдинги даврларнинг ҳеч бирига қиёслаб бўлмайди: ҳозир эътиқод қўядиган нарсанинг ўзи йўқ, афсуслар бўлсинки, эътиқоднинг ўзи ҳалокатга юз тутган. Мен ўз достонимда бундай вазиятта қаршилик кўрсатишга даъват этмаган ҳолда давримизнинг фожеали қиёфасини акс эттиришга ҳаракат қилдим».

Элиот «Бепушт замин» достонида модернизм учун марказий ақида: «XX асрнинг фожеаси- ҳаммабоп, башарий ривоятнинг йўқлигидир, бутун инсониятнинг бошини бириктирувчи бундай ривоятсиз маънавий қалбимиз қашшоқлашиб, маънавий жиҳатдан ёввойилашмоғимиз муқаррар».

Ривоят – ҳаётда ўзига хос йўл кўрсаткич бўлиб, ҳар бирикимизнинг йўлумизни машъала – маёқдай ёритиб туради. Ривоятлар бағрига синдирилган оламнинг идрок этиш, у билан ҳамнафас яшаш мумкин. Маданиятни ривоят-афсоналардан маҳрум этиш одамларни умумий ўзаро англаб этиш воситасидан маҳрум қилиш, уларни парокандаликка учратиб, якка-яккалиқда ҳалокатга маҳкум этиш билан баробардир.

Шундай хуносага келган XX асрнинг кўплаб санъаткорлари, қолаверса сиёсатдонлари ҳам янги афсона-ривоят яратишга зўр бердилар. Элиот бундай қашшоғлар жумласидан эмаслиги маълум бўлди. У ҳаётбахш янги афсона – ривоят яратилишига астойдил ишонмагани учун ҳам айнан ўзи яловбардори бўлган инқилобий модернизмдан пировард натижада юз ўгириб, динга эътиқод қўйди ва анъанавий тарзда ижод қилишга киришди. Жеймс Жойс эса бошқача йўл танлади. У янги Одиссеяни яратиб, даврнинг демократик солномасини ижод қилди. Жойс она юртига қайтиб келган «Улисс» асарини яратиш учун Жойс янтича ҳикоя усулини яратди. Жойс мана шу шоҳона асарида ҳикоянависликнинг афсонавий усулини қўллаб, замонамизни яна санъат учун яроқли қилиб берди.

Гомер асарларидан сўнг ниҳоят «Улисс» романида биз тўлақонли ҳаёт билан юзма-юз бўламиз. Жойс яратган оламда ҳамма нарса баробар муҳим ва муқаддас, айни шундай ҳеч қандай қимматга эга эмас. Шу жиҳатдан олганда Леопольд Блум роман қаҳрамонигина эмас, у – янги давр адабиётида дастлабки тўлақонли шахс ҳисобланади. «Улисс»нинг энг катта ютуғи – ижтимоий, миллий ва диний

исканжалардан холи эканлигидадир. У бирон бир давлат ёки бирон бир фоя, ёхуд айрим миллат манфаатларига таяниб эмас, балки «табиат гултожи» – ҳазрати инсоннинг талаб-эхтиёжларидан келиб чиқсан ҳолда ҳаёт тарихини тузиш тўғрисида таълим беради.

1989 йили «Улисс» нихоят «Иностранный литература» журналида чоп қилинганида журнал обуначилари сони кескин камайиб кетди. Бунинг натижасида Жойс ижодидан ҳамиша ҳайратланиб келган адабиётчилар ҳам сал бўлмаса уни иккинчи даражали ижодкорлар сирасига қўшиб қўяёздилар. Ҳолбуки, «Улисс» романи ҳамма даврлар ва ҳамма инсонлар учун ҳамма замонда долзарб мавзуда ва тарзда яратилган шоҳона асар ҳисобланади.

Жойснинг «Улисс» романи модернизмнинг ўта қизиқонлик хусусиятига эга асари дунёга келишига сабаб бўлди. Бу Эзра Паунднинг эпоси бўлиб, у асар кенг қамровли экани ва мураккаблиги билан одамни асабийлаштирадиган «Сантос» узундан-узун, якунланмаган шеърлар туркуми ҳисобланади.

Паунд йигирманчи асрни ҳалокат чоҳидан фақат замонавий эпос қутқара олади, деб ҳисобларди. Бу маданят соҳасида мумомала вазифасини ўтай оладиган тил лугати ҳисобланмиш эпос бўлмоғи даркор. Айни шундай эпос миллатлар ва элатларнинг бошини бириктира олади.

Паунд Фарбни Шарқ билан ижодий маънода бирлаштириб, яхлит ва ягона қилгани ҳолда мозий улуғворлигини қайтариб, макон ва замон сарҳадларини ҳам йўққа чиқара оладиган эпос яратишни орзу қилганди. Шу нуқтаи назардан келиб чиқсан ҳолда у ўзининг «Сантос» асарини «қабила қўшиқлари», тарихни бор бўйича қамраб олувчи поэма» деб аталади.

Бу асарда тарих мавзуси ҳақиқатан етакчи ўрин тутади, бироқ шеърият кўзгусида аке эттиришдан аввал тарихни жонлантира билмоқ даркор. Паунднинг пешқадамлиги унинг тамомила янги шеърий услугуб яратганида эмас, балки адабиётшунослярнинг совуқ назари остида ҳолдан тойган шеърият анъаналарига қайтадан жон бағишлий олганидадир. Дарвоқе, Паунд адабиётдаги янги оқимлардан бири футуризмни юзаки услугуб дея назар-писанд қиласди. Шеърий сатрларда товушларнинг уйғун жарангдорлиги фойдалими ёки муайян имлонинг ўзига хос хусусиятларидан усталик билан фойдаланганидами, Паунд кўхна анъаналарга жон бағишлиб, уларни мангуликка даҳлдор этишни мақсад қилиб олганди.

Паунд ҳар қандай воқеа-ҳодисани ифода эта оладиган рамзий иероглиф имлоларга таянуви ҳаммабоп умумбашарий тил яратишни орзу қилди. Инжили шариф, «Одиссея» ёки Конфутсийнинг канонлари сингари унинг «Сантос» асарида ҳам инсониятнинг бутун тажрибасини ўзида жамлаган образлар силсиласи кўзга ташланади.

Башарий ва янги мавзуларни тараппум этган ҳолда бу асар «қабила қўшиғи»га айланиши даркор эди.

Паунд жаҳоний маданиятни қамраб олишни ва шунинг натижасида заминдаги ҳар бир киши учун тушунарли ва қадрли достон яратиш ниятига, афсуски, ета олмайди. Оқибатда замонавий эпос яратиш нияти ҳам амалга ошмади.

Рус адабий модернизми, умуман, йигирма аср дастлабки чораги рус бадиий асарлари тўққизинчи аср илм-фанининг, таъбир жоиз бўлса, маънавияти қашшоқлигига қарши ўзига хос исён бўлди. Андрей Белий шундай деб айтганди:

«Яқин-яқинларгача ҳам дунё тўла-тўқис ўрганилиб бўлинди, деб ҳисоблар эдилар. Оқибатда, уфқлардаги оҳанрабо жозибадорлик фойиб бўлди. Дунё гўё яланг ва ғариб биёбонга айланди-қолди. Истикболга ундовчи, илҳом баҳш этувчи азалий қадриятлар ҳам фойиб бўлдилар. Ҳеч нарсанинг қадр-қиммати қолмади».

Воқеликни қамраш доирасини кенгайтиришга интилиб, барча модернистлар мумтоз романчилик асосини ташкил этувчи яхлитликдан воз кечдилар. Бунинг ўрнига образларнинг мураккаб тизимидан фойдалана бошлидилар. Рус ижодкорлари ҳам парокандаликка юз тутган дунё бошини айни мана шу негизда биринтиришга уриндилар. Бу борада нафақат ажойиб шеърий туркумлар, балки фалсафий рисолалар ҳам яратган Осий Мандельштам, айниқса, мақтovга лойиқ теран модерн ютуқларини кўлга киритди.

Мандельштам шеъриятидаги мантиқий яхлитлик ва давомийлик фақат лисоний хусусиятга эга. Унинг шеъриятда мантиқий фикрлар бир-биридан келиб чиқмайди, балки ёнма-ён муқобил тарзда келади. Унинг шеърларини мазмун-моҳият эмас, балки маҳорат билан қўлланилган сўзларнинг ўзига хос хусусийстини бирлаштириб туради. Мандельштам бутун бир яхлит маданиятлар ва даврларни қамраб олувчи шоирлар сирасидан. Унинг шеърияти мана шу хусусияти билан Эзра Паунднинг юқорида тилга олинган достонига жуда-жуда ўҳшайди. Модерн адабиётнинг мана шу икки буюк вакили бир-бирларидан бехабар ҳолда ўтмиш ва келажакни антиқа равишда мангу ҳозирги даврга айлантиришга зўр бердилар. Мандельштам ижодининг дастлабки кезларида ёз олдига мана шундай мақсад қўйганди:

«Айни лаҳза асрлар тазиқига бардош бериб, яхлитлигини сақлаган ҳолда «барҳаёт» бўлиб қолади.Faқат ана шу «мангу лаҳза»ни давр заминидан илдизларига заха етказмай сугуриб ола билмоқ даркор, акс ҳолда ҳаётлигини йўқотиб, нобуд бўлади».

Ижодий етилган кезларида Мандельштамнинг шеърларидағи ҳар бир калима ўзига хос рамзий ифода воситасига айланади. Уларнинг ҳар бирида нафақат бир-бирига яқин, балки баъзида зиддиятли маз-

мун-моҳиятлар яширинган бўлади. Ҳар бир сўзниң семантик ўзагини бамисоли буултдай чулғанган мазмун-моҳияти ярқ этиб кўзга ташлана қолмайди. Унинг шеърларини ташкил этувчи сўзларни эса алоҳида, одатдаги тарзда қабул қилиб бўлмайди, чунки улар шоирнинг қалби қозонида қайнаб, ўзгача тус, мазмун-моҳият касб этган. Шунинг учун ҳам Мандельштам шеърларидағи ҳар бир сўз, сўз биримасини бевосита эмас, балки бавосита тушунишга, ҳар бирига яширинган мазмун-моҳият сир-асорини зийраклик билан қайтадан кашф этишга тўғри келади.

Грамматик мантиқ мана шундай ўзига хосликларнинг ҳаммаси учун торлик қиласди, шу боис синтаксис шеъриятнинг дастлабки ғамини. Синтаксис сабаб-оқибат алоқадорлигига алоҳида эътибор беришни муаллифга зўр бериб тикиштираверади. Ҳолбуки янги даврнинг янгича ижодий тартиб-қоидалари айни мана шундай анъанавийлик доирасидан ёриб чиқишига даъват этади.

Мандельштам анъанавий синтактик узвийлик ўрнига давр замондан холи композицияни таклиф этади. Шеърият осмонида шоирларнинг ҳаммаси бир-бирлари билан бевосита замондош, бу антиқа, илоҳий маънода на тараққиёт, на эвалюция, на мозий на келажак бор, аксинча, замон ва макондан холи айни палла мавжуд бўлиб, унинг оғушида барча давр ва халқларнинг давр ҳукмини енга олган бадиий асарлари мангалик билан ҳамнафас яшайдилар.

Мандельштам муаллифни шеърхон билан бирлаштириш учун мана шу ўзига хос оламда тўғридан-тўғри айтмайди, балки китобхоннинг ўзи уқиб оладиган қилиб ишоралар воситасида айтади. Натижада китобхон ҳам муаллиф билан биргаликда ижод қила бошлайди, яъни муаллиф бошлаган мавзуни пировард натижасига ижодий ёндашган ҳолда етказади. Мандельштам ўз шеъриятининг хусусиятлари ҳақида тўхтаталар экан, айни шундан келиб чиқсан ҳолда ўзини қиёслайди: Мана шундай шоир-дирижёр кашфиётчи эмас, балки тарқалиб кетганлар бошини қайтадан бирриктирувчидир. У ўн тўқизинчи аср парчалаб ташлаган оламга яна қайтадан ягона яхлит тарзда бирлаштиришида кўмаклашувчи бир бутунликнинг ҳаммуаллифи ҳисобланади. Ниҳоят бир бутун ва яхлит тус олган дунё муштарақ мангалик касб этади. Элиот ва Паунд сингари кўплаб бошқа модерн адиллар сингари Монделштам ҳам «Илоҳий комедия»ни манна шундай муштаркликтининг ягона намунаси деб билар эди. Дарвоқе, Мандельштам «Данте тўғрисида мулоҳазалар» рисоласида ўрта асрларда яшаб ўтган буюк шоир ҳақидагина эмас, балки ўзи ҳақида ҳам ҳикоя қилган эди.

Мандельштам модернизм эстетикасини мана шундай ақл бовар қилмайдиган улуғвор тимсол ила таърифлайди. Фақат мана шундай тасаввурлар доирасида чинакам санъат асари яратиш мумкин.

Мандельштамнинг таърифлашича, шеърлар – воқеликнинг ўзига хос инъикоси бўлиб, айни улар воситасида дунёнинг яхлитлигини ботинан ҳис этамиз. Шеърлар – уммон узра юксалган тошлар бўлиб, зийрак нигоҳлар ана шу тошларни синчилаб кўздан кечирав эканлар, уммон тубида яшириниб ётган қитъанинг қай ҳолатда эканини тўла тасаввур қиласдилар. Йигирманчи аср билан видолашар эканмиз, Мандельштамнинг нидосига диққат билан қулоқ тутмоғимиз лозим. Зеро, ўтган асрнинг шикаста, айни пайтда исёнкор ва улуғвор руҳини айни Мандельштам бошқаларга нисбатан ёрқинроқ акс эттира олҳан бўлса, ажаб эмас.

Модернизм санъати аниқлик ва теранлик касб эта бориб, тафаккур чегарасигача етиб боргач, ифода қилиб бўлмайдиган сарҳадда фожеона сукут сақлай бошлади. Замонавий санъаткор манна шу сарҳадни айланниб ўтар экан, тилга олинмаган нарсаларни тушунтириб ўтирумайди, аксинча, уларга ишора қиласди, у тушуниб бўлмайдиган нарсаларни ифодалашга ҳаракат қиласди, нарсалар ҳақида уларнинг ўзлари тилидан ҳикоя қиласди, у дунёни тасвиrlашга эмас, балки ўзлигини тамомила унугиб, олам билан бир бутун бўлиб кетишга, унинг қаърига сингишга ҳаракат қиласди. Санъат тилнинг қобигини ёриб чиқиб, бизларга сўзлар, иборалар воситасида эмас, балки ана шу сўзлар ва иборалар юзага келтирган таъсир кучи воситасида тиллашади. Айни шу боис аср санъатида, Набоков таъбири билан айтганда, мазмун-моҳиятга нисбатан аҳамият устунлик қиласди.

Бизлар модерн санъаткорлар ижодини пухта ўрганганимиздан кейингина замондош санъаткорларнинг асарларини тўла англаб ета оламиз. Модерн санъаткорлар билан изма-из бораётган замондош санъаткорлар бизларни маданият воситасида эмас, балки она табиат заминида бирлаштирадиган ўзига хос даражага олиб чиқишига уринаётирлар.

Модернизм тажрибаси ҳозирги даврдаги барча санъат турлари қандай йўналишдан бориши кераклигини белгилаб берди. Дарвоқе, бугунги кун санъаткорлари гоҳ азбаройи шиддат, гоҳ фожеали тушкунлик билан олам ва аҳли башар бирлаштиришнинг янги усулларини қидираётir, зеро санъат инсониятни ягона ҳамда яхлит осмон остида бирлаштирувчи илохий восита бўлиб келган ва бундан кейин ҳам шундай бўлиб қолаверади.

ВИКТОР ГОЛИШЕВ

«Ҳиссиётлар ғалаёни»

1970 йил йирик журналлардан бирининг таҳриятига таниқли таржимон кириб келади. Таржима билан анчадан бўён шуғулланайтганидан қатъи назар у олиб келган роман таржимасини қабул қилиши майди. «Ижтимоий аҳамияти борми?» – деган саволига рад жавобини олган муҳаррир: «Бундай асарнинг бўзга кераги йўқ», – дега таржимоннинг ҳафсаласини нир қиласди.

Бу ўринда Торитон Уайлдернинг «Авлиё қирол Людовигнинг кўпрги» романи хусусида гап бораётган эди. Виктор Петрович Голишев бу асарни ҳеч ким билан олдиндан келишимасдан таржима қилган, умуман аксарият асарларни буюртма асосида эмас, балки ўз хоҳиши билан таржима қиласди. Хусусан, Роберт Пенн Уорреннинг «Қирол лашкарлари», Уильям Фолкнернинг «Август шубъласи» ва «Жон таслим этганимда», Кен Кизнинг «Какку қуши уяси узра», Уильям Стайроннинг «Ўйни ёқиб юборди», Жорж Оруэллнинг «1984» романи каби асарларини ўз ихтиёри билан таржима қилганди...

– Виктор Петрович, мағкуравий таъкиқ барҳам топган айни замонда қандай асарларга ҳожат йўқ деб ўйлайсиз?

– Ҳозир, менимча, ҳиссиётларга ҳаддан ташқари зўр берилаётир. Назаримда, бу борада қуюшқондан чиқиб кетилаётир. Павич, Кундер, Эко сингари адиларнинг инсон қалбини маънан бойитадиган асарларини, менга қолса, кўпроқ таржима қилган бўлардим. Ҳиссиёт, эҳтирослар зўр бериб тасвирланган асарларга ружу қўявермаган маъқул.

Умуман, назаримда, адабиёт олами қандайдир тушкунлик, таназзул даврини бошдан кечираётир. Жўмладан, рус адабиёти ҳам. XX аср адабиёти ўзидан аввалги давр адабиёти даражасига чиқа олмади. Ҳолбуки, йигирманчи асрнинг йигирманчи-ўттизинчи йилларида жуда кўп йирик қаламкашлар, жумладан, Андрей Платонов ижод қилди. Лекин Платонов жаҳон аҳамиятига молик салмоқли адига айланса олмади. Ҳолбуки, Достоевский ёхуд Толстой ана шундай юксак даражага кўтарила олгандилар.

Биринчидан, XX асрда қалам тебратган ижодкорларимизнинг тажрибаси маҳаллий урф-одатлар доираси билан чекланиб қолди.

Чет элликлар йигирманчи аср бадиий адабиётига айни шу нуқтаи назардан ёндошдилар. Иккинчидан, Платонов асарларини бошқа тилларга таржима қилишнинг имкони йўқ. «Ҳандак», «Бахтиёр Москва» асарлари шундай тил билан ёзилганки, уларни бошқа тилларга таржима қилиб бўлмайди. Муҳаббат мавзууда-ку, деярли ҳаммага тушунарли тил билан ёзган... унинг асарларини сўзма-сўз, албатта, таржима қиласа бўлади. Инглиз тилига ўтирилган асарларини ўқийдиган бўлсанг, аслиятда адид нималаргадир шаъма қилганини илғаш мумкин. Бироқ инглизларда Платонов асарларида тасвирланган антиқа турмуш тарзининг ўзи йўқ.

Энг муҳими, XX аср кишилари бутунлай бошқача кишилар эдилар – асаб тизими тамомила бошқача тузилган, онг-шууридаги ботиний маромни ҳам ўн тўққизинчи аср кишиларига таққослаб бўлмайди. Бир-биридан тубдан фарқ қилувчи жараёнлар. Аввалги аср кишилари ҳамма нарсани нисбатан тез илғаган, идрок қила билган бўлишилари ҳам эҳтимолдан холи эмас, бироқ даврни, замонни ботинан тамомила ўзгача идрок қилиш одат тусини олганди. XX асрнинг бошларида вақтнинг ўтиши кутилмагандан шиддатли тус олди, ҳаммани саросимага солиб қўйди. Ҳозирги даврга ҳам шундай хусусият хос. Бизларни узоқ йиллар мобайнида бойлик, молпарастлика нафрат руҳида тарбиялаб келдилар-да, кутилмагандан бадавлат бўлиш зарурлигини зўр бериб уқтира бошладилар. Бундай фавқулодда ўзгаришдан ақлдан озиш ҳеч гап эмас. Бундай вазиятда икки минг йил мобайнида қандай воқеа-ҳодисалар рўй бергани хаёлингдан беихтиёр кўтарилади, яъни кишилик тарихини боғлаб турувчи ришта узилади. Тарихий яхлитликка жиддий путур етади ва ўзинг ҳам сезмаган ҳолда шахсий кечинмаларингни ифодалашга зўр бера бошлайсан. Мана шундай ўта тор миллий биққиқликни бошқа миллиатлар қабул қилиши қийинроқ кечади... Мана, масалан, Россияда ҳозир уюшган жиноятчи гурухлар тўғрисидаги фильмлар кўпайиб боряпти. Ҳаётимизнинг асосий жиҳатини гўё айни шундай жирканч жиноятчи гурухлар ташкил қиладигандай. Менимча, меҳр-муҳаббат, Ватанга садоқат ёки хиёнат каби мавзулар ҳамиша энг асосий мавзулар бўлган ва бундан кейин ҳам шундай бўлиб қолаверади.

Лекин сиз ўн тўққизинчи аср адиларининг асарларини таржима қилмайсиз, ахир...

Давр ҳамда тил – тубдан фарқ қилувчи омиллар бўлиб, юз йил муқаддам ўзгача тартибга эга эдилар. Бизлар ахир умумий ҳовлиларда вояга етганмиз, шу боис ўн тўққизинчи аср кишилари сўзлашган тил бизлар учун бегона... Мен шу боис XIX аср адилари асарларини таржима қилмайман. Масалан, айrim ўринларда керакли сўзни эслай олмайсан, қолаверса бундай сўз ўша кезларда муомалада бўлганми-бўлмаганми, деба иккиланиб ҳам қоласан. Аслиятга бирорта

ортиқча жумла қўшиб юбормаслиқдан ҳадиксираб таржима қиласан. «Пушкин лугати»ни титкилайсан, қидирасан... Мен таржимани шубҳали, мужмал иш деб биламан, бошқа бир давр адиби асарлари ни таржима қилишни эса икки ҳисса мужмал иш деб ҳисоблайман.

– XX аср адибларидан қайси бирининг асарларини таржима қилишга қийналгансиз?

– Шербуд Андерсон асарларини айниқса қийналиб таржима қилганман. Ишим ҳа деганда юришавермагач, Андерсонга замондош ўз адибларидан бирортасининг асарларига бирров кўз юргутиришга қарор қилдим. Одатда, ҳеч бундай қилмайман. Бироқ бу гал мажбур бўлиб, Бунин асарларига мурожаат қилдим. Ва Бунин асарларига нисбатан Андерсон асарларининг бадиий тили қанчалар соддалиги кўнглимдан кечди. Фақат шундан кейингина Андерсон инглиз насрода ўзигача амал қилиб келган бадиий услубни тамомила ўзгартириб юборганини англаб етдим. У янгича бадиий ифода усулини яратгани йўқ, балки насрга янгича ёндашиб жуда кўп қоидалар, жумладан, услубий талаблардан ҳам воз кечади. Айни шу боис шогирдларининг асарлари бир-бирига сира ҳам ўхшамайди. Ҳолбуки, Вульф ҳам, Хемингуэй ҳам, ҳатто Фолкнер ҳам Андерсонни устоз адиб сифатида тилга олганлар.

Бироқ таржима асносида асосий жиҳат кўпинча эътибордан четда қолади – қора терга ботиб, жумла кетидан жумлани таржима қилиб кетаверасан. Таржимон бошқа бир адид яратган асарни қайтадан тиклайди, холос. Китоб мутолааси асносидаги воқеалар ривожи, қаҳрамонлар феъл-авторидан таъсирланиш мумкин. Таржима жараёнида эса асарни аслиятта нисбатан чўзиб юбормасликка ҳаракат қиласан. Аксинча, тўлақонли таржима бўлмайди. Шу боис айниқса бадиий асарларни сўзма-сўз эмас, балки мазмун-моҳиятига кўра таржима қилиш катта аҳамият касб этади.

– Сиз кинофилмлар ҳам таржима қилгансиз. Қандай фильмларни ёқтирасиз?

– Ўзим таржима қилган фильмлардан фақат иккитаси маъқул бўлган. Биринчиси – Аллан Пакуллинг «Клют» фильмни. Бу фильmdа Сазерленд ижро этган рол айниқса таъсирли чиққан. Нихоятда йирик истеъодод соҳиби бўлгани ҳолда кейинги пайтларда у нима учундир безорилар ва савдои телбалар ролида кўринмаяпти. Кинофильмларни таржима қилиш асносида фақат унинг матни, балки ролларни қайси актёрлар ижро этгани ҳамда фильмларнинг моҳияти ҳам алоҳида аҳамиятга эга эканлигига фаҳмим етиб қолди. «Клют» фильмни гарчи саргузашт жанрда суратга олинган бўлса-да унда одамнинг юрагини эзиб юборадиган қандайдир гусса, қайғу-ҳасрат бор. Асосий роллардан бирини Дастин Хоффман ижро этган «Ёмғирда қолган одам» фильмни эса ортиқча таърифга муҳтож эмас.

– Виктор Петрович, сиз И.Бродскийнинг энг яқин дўстларидан бири эдингиз. У «1972» йил сарлавҳали ниҳоятда кучли шеърини сизга бағишилагани маълум. Кейинги ўн йилликда қалам тебратган қатор шоирларни эсдан чиқариб юборишиди. Бироқ Бродский ҳамон китобхонлар назаридан тушгани йўқ... Умуман, Бродский тўғрисидаги фикрларингиз...

– Бродский ўзи яшаган тузум, ўша кезларда ҳукмрон давлат билан курашибгина қолмасдан, янада юксак мақсадларни олдида қўйган ҳолда ижод қилди. Замонаси билан чиқиша олмаганидан қатъий назар буни ўзи учун майда мавзу деб билди. Ҳозирги йигирма ёшлилар учун собиқ шўролар даврининг ҳеч қандай қадр-қўмммати йўқ. Бродский тафаккурида тушкунлик кайфиятларининг устунлик қилиши эса ҳозирги ёшлар кайфиятига мос тушяпти. Бродский одамзот рисоладагидай эмас, шу боис ҳаёт яхши бўлишининг ҳожати ҳам йўқ деган ақидаларга кўра яшаб ижод қилди. Шўро даврида одамлар қанчалар оғир шароитда яшашга мажбур бўлганликларини Бродский шеърлари руҳидан англаса бўлади. Қолаверса, шўролар салтанати таназзулга юз тутаётганини Бродский ҳам ўша кезлардаёқ некбинлик или пайқаган – бу кайфият бизларга ҳам ўтган эди. Унинг шеърларида ҳиссиётлар галаёни ҳукмронлик қиласди...

– Нима бўлганда ҳам Бродский юмшоқроқ қилиб айтганда, шўролар ҳокимияти, давлати билан кескин муносабатда бўлди. Лекин бу хусусида, чамаси, эслашни ёқтирасди. Нима учун?

– Қандайдир ўйинларга киришганинг ҳамоно, қаердадир, кимлар биландир мажлисбозликлар қилиб, жамоанинг аъзоси тариқасида давлат манфаатларидан келиб чиққан ҳолда иш кўра бошласанг, – мувозанатни йўқотиб қўясан. Бродский бундай кўчаларга киришни хаёлига ҳам келтирмаган. Бродский шўролар мамлакати билан ҳам, бирон жамоа билан ҳам ўзини ҳамнафас, ҳамфикр хисобламаган. Шу боис ҳам ҳеч қачон хато қилмаган. Россияяда яшаган кезларида барча мулоҳазакор юртдошлари сингари Америкага талпиниб кун кечирди. Шўролар собиқ иттифоқдан қувгин қилганларидан сўнг Америкада бамайлихотир яшай бошлади. Собиқ Иттифоқда сиёсий қарашлари учун эмас, балки айни шоир бўлгани сабабли суд қилишгани Америкада унга жуда аскотди. У ҳаётнинг шўролар давлатида кечган даврига афсусланиб, нафрат билан қарап, шу боис ҳам эсга олишни ёқтирасди.

– Бродский ўзи хоҳламагани туфайли Россияга қайтиб келмади, деган эдингиз. Бунинг, албатта, сабаблари бўлган...

– Унинг ўзи бунинг жуда кўп сабаблари бор дер эди. Россияга бориш бир пайтлар ажрашган хотининг билан қайта қовушишдай бир гап деган пайтлари ҳам бўлган. Қолаверса, оғир паллани бошдан кечираётган мамлакатга саёҳатчи сифатида калондимоғлик билан

келишни ҳам хоҳламасди. Бродский ўта мулоҳазакор шахс эди. Дейлик, Америкада кимнидир мақтагудек бўлишса, буни ниҳоятда назоқат билан қилишади. Америка фуқаролари мутлақо дахлсиз тарзда ҳаёт кечирадилар. Бундан қатъи назар Нью-Йоркда Бродскийнинг жуда яқин кишилари: бири рус, бири инглиз қўшни аёллар бўлиб, уларни туғишган опа-сингилларидаи қадрлар эди... Юртига қайтиб келгудай бўлса, маломатга қолишини у яхши биларди. Дейлик, кишиларнинг олтмиш фоизи кўкларга кўтариб мақтагани ҳолда қирқ фоизи ундан нафратланажагини ҳам англар эди. Бродский бундай шароитда яшашни тасаввур қила олмасди...

– 1987-йили АҚШ га биринчи бор боргансиз...

– Дарвоқе, мени инглиз тилидаги адабиётлар таржимони сифатида таклиф қилишмаган. Бродскийнинг бир оғиз гапи билан ўша йили Америкага бориш менга ҳам насиб қилганди. Америка адиллари асарларини таржима қилиш билан чорак аср мобайнида шугулланганим боис биринчи марта кўраётганимдан қатъий назар бу ўлка мени деярли ҳайратга солмади. Айниқса, Америка шимолининг табииати Россия кенгликларининг байни ўзи экан. Фақат Америкада ҳеч қандай маҳзунлик кайфиятини ҳис этмайсиз. Россия кенгликларида, ўрмонларида эса нафақат куз, балки ёз фаслида ҳам вазмин ғусса кайфияти ҳукмронлик қиласди. Нью-Йорк қанчалар гавжум шаҳар бўлмасин, ўзимни шунчалар эркин сездимки... Москвада, масалан, кўлингдан олишлари, бирон-бир танбех беришлари, бехосдан туртиб юборишлари ҳеч гап эмас. Нью-Йоркда эса юзингта бирон-бир кимса ҳатто қиё ҳам боқмайди. Бу мен учун айни муддао бўлди...

– Бостон дорилфунунининг муалими сифатидаги фаолиятингиз қандай кечди?

– Бостон дорилфунунининг рус факультети эмас, балки инглиз факультетида тўрут ой хизмат қилдим. Ахир мен адабиётшунос эмас, шунчаки таржимонман холос – шунинг учун қандайдир маърузалар ўқигандай бўлдим... Шу боис семинарни «Совет Иттифоқида Фарб беллетристикаси» деб номладим. Унинг режасини эса машғулотлар тутаганидан сўнг туздим. Талабаларим катта ёшдаги ҳамда ярми билимдон кишилар бўлгани учун аввалбошданоқ «сизларга нисбатан ақлли эмасман, ёшим катта, холос», деб очиғини айта қолдим. Биз Томас Вульф, Мелвилл сингари бир неча адилларнинг асарлари хусусида баҳс юритдик. Баъзида Кафканинг «Эврилиш», М. Булгаковнинг «Ит юрак» сингари асарларни ҳам муҳокама қиласдик. М. Булгаковнинг бу асарини америкаликлар тамомила ўзгача қабул қилишар экан. Бу воқеа қандай негиззга эга эканлигини бизлар яхши биламиз. Америкалик талабалар эса: Шариков мени одамга айлантиришгандек экан, марҳамат қилиб, бошпана билан таъминлашсан-да, сингари гапларни ай-

тишади. Мен ўша талабадан фақат: Сиз у билан битта хонада яшашга рози бўлармидингиз, деб сўрадим. У эса нима учун у билан бирга яшашим керак экан, дея саволимга савол билан жавоб қайтарди...

– Исталган мамлакатга икки жумла билан тъъриф бериш бемаънилиқдан бошқа нарса эмас. Бундан қатъий назар америкаликларнинг ботиний дунёси тўғрисида ҳам шаҳарларининг кўчаларида чироқлар ва осойишта кўринувчи табиати тўғрисида гапиргандай bemalol гапирса бўладими?

– Америкада шундай қоидага амал қилинадики, мабодо фаровон ҳаёт кечирсанг, нисбатан ғарибларига бирон-бир ҳиммат кўрсатишинг шарт. Россияяда бундай қоидани ҳеч қачон қабул қилишмаган, ҳозир ҳам англаб етганларича йўқ, ўйлайманки, бунинг оқибатида яна ўзимиз азиат чекамиз. Бизлар Америка тамаддунига маънавий жиҳатдан эмас, балки нафси ҳакалак отган маҳлуклардай шармандали нафсимиз нуқтаи назаридан ёндашайтганимиз алам қилади. Ҳолбуки, Американинг маънавий дунёси ниҳоятда ранг-баранг. Насроий ахлоқ-одобини бунга яққол мисол қиласа бўлади...

– Сиз қайсиdir сухбатингизда таржимон шахсан ўзига дахлдор китобни танлайди, деган эдингиз. Ёхуд аксинча, асарини ким таржи-ма қилишини муаллифнинг ўзи ҳал қилади. Шу жиҳатдан олганда, сизни бадиий услуги бир-биридан тубдан фарқ қиласидан муаллифлар «танлагани» аён бўлади. Масалан, Фолкнер билан Оруэлл мутлақо қовушмайдиган адиллар сирасига киради. Бу адиларнинг асарларини таржима қилиш асносида қандай кечинмаларни бошдан кечирдингиз?

– Оруэллнинг «1984» романини таржима қилганимдан сўнг нақд бир йил давомида бошим касалдан чиқмади. Фолкнер романини таржима қилганимдан кейин бу яна такрорланди. Оруэллнинг асарларини таржима қилиш асносида заҳарланасан. Фолкнерда эса йўқ. Оруэллни таржима қилиш нисбатан осон. Лекин муаллифнинг чизган чизигидан чиқа олмайсан, бирон бир кучли ёки чиройлироқ сўзни ишлата олмайсан. Унинг услуги шу дараражада аниқ ва содда бўлгани учун фақат бетараф ва ўта оддий сўзларни кўллашга тўғри келади. «1984» роман азбаройи реалистик асар бўлгани учун таржима асносида киноя ҳам, ачиқланиш ҳам аслиятдагидан мутлақо фарқ қиласлиги керак. Фолкнер мутафаккир адил, лекин асарлари ни эркинроқ таржима қилиш имконияти бор. Унинг асарларида гоҳ бирон кимсанинг танасидан бошини жудо қилишса, гоҳ бадбўй жасадни ўн кунлаб қандайдир манзилга элтадилар, умуман, мана шундай даҳшатли манзаралар кетидан шоирона саҳифалар келадики, беихтиёр кўнглинг ёришиб кетади. Оруэлл асарларида бундай шоирона таърифу тавсифлар йўқ, бутун дунё китобхонининг кўнглини айнитадиган дараражада жирканч тасвирланган. Унинг қаҳрамонла-

ридан бирортаси ичимлик ичгудек бўлса, албатта, аччиқ-аччиқ кекиради, ошхонага эса иркит бир алфозда кириб келади.

Мария Феодоровна Лорие Фолкнер яратган оламда бир йил ҳам яшай олмаганим учун ҳам унинг асарларини таржима қила олмайман, деб эътироф этганди. Унга Фолкнернинг олами даҳшатли туюлибди – аслида Оруэлл асарларида тасвириланган дунё даҳшатлироқ.

– Бу билан Оруэлл асарларида ижтимоийлик кучлироқ демоқчи мисиз?

– Демоқчиманки, Фолкнернинг қаҳрамонлари фавқулодда феълатворгага эга эркин шахслар. Оруэллнинг асарлари эса... Унинг «1984» романини биринчи марта 60-йилларнинг охириларида ўқигандим. Кейин эса кун бўйи бутунлай узиб қўйиш ва бирор бир кимса сухбатларимни хуфиёна тинглай олмаслиги учун телефон аппаратимни тешиб, тумблер ўрнатганман. Аксига, пармалаб тешадиган асбобим йўқлиги учун тумблер ўрнатиш учун жез-темирни тешиш мақсадида бигиз ва қайчи билан кун бўйи уннаб азоб чекканман. Бу асар одамни ана шундай савдоий қилиб қўяди. Америкалик бир аёл: «Қайси асарни таржима қиляпсиз?» – деб сўраганида Оруэллнинг «1984» романини таржима қилишга киришмоқчиман, деганимда: «Шунаقا бемаъни асарни-я...» – деб ажабланган эди. Мен эса буни бинойидек роман деб билардим, яна ҳам аниқроғи бу асарда айни шўро даврида кечган ҳётимиз тасвириланган эди. Тоталитар тузум қандай бўлиши, қатафонлар, бош-кети йўқ урушларни Оруэлл ёзувчиларга хос зийраклик ва некбинлик билан ботинан идрок қила олгани эҳтимолдан холи эмас. Бироқ Англияда яшаб ижод қилаётган адаб, собиқ шўролар иттифоқида соқол қиритишлайдиган оддий лезвия тақчиллиги рўй беражагини қандай қилиб олдиндан башорат қила олганини ҳеч ақлимга сифдира олмайман. Ахир, Таруса шаҳрида биттагина лезвия учун чайқовчилар отасининг нархини сўрагани ҳали-ҳали эсимдан чиқмайди...

– «1984» романини таржима қилиш чоғида муаллиф ўйлаб топган янги тилни русчада ифодалаш жуда қийин бўлмадими? Оруэлл тасвирилаган давлатда тил ягона мақсадга: аҳоли онги устидан назорат ўрнатишга хизмат қилиши керак эди. Шўролар даврида ҳам айни шундай сиёsat юритиларди...

– Урушдан олдин Америкада оқим мавжуд бўлган. Бу оқимнинг раҳнамоси Альфред Кажибский эди. У жуда кўп ижтимоий хасталиклар тилдан нотўғри фойдаланганимиз учун келиб чиқади, деб ҳисоблаган. У шундай теша тегмаган гапларни айтадики, Оруэллнинг романи умуман ана шундай маталнома жумлалардан иборат. «1984» романидан кўзланган асосий мақсад шуки, тил фуқаролар жамулжамидан иборат жамоа – жамиятга тўла-тўқис сингдирилиши даркор. Аҳолининг бир қисмини қўрқитиш, авахта-қамоққа ташлаш

сингари жисмоний усуллар билан давлатга бўйсиндирса бўлади. Бироқ бутун аҳолини фақат онги устидан назорат ўрнатиш орқалигина муте қўлга айлантириш мумкин. Тўғри, бундай қилинганда назоратчи хукмронлар ҳам ўзлари яратган тизим-тартиботнинг қулларига айланадилар. Лекин моҳиятан олганда бутун мамлакат аҳолисини зўравонлик билан асоратда сақлаб бўлмайди, аввало кишиларнинг онгини заҳарлаш керак. Кажибскийнинг «Белгилар ва руҳий саломатлик» китобида бу ҳақида топиб айтилган жумлалар бор: «Биз рамзий, семантик жонли мавжудотлар туримиз. Рамзлар устидан назоратни ўз қўлларига олганлар бизларга хукмронлик қиласидилар». Дарвоқе, пул ҳам рамзлар сирастага киради... Бутун аҳолининг фикри фақат ягона рамзга қаратилган тузумда барқарорлик хукм суради. Ижтимоий тартиботлар равон измидан чиқариб юборилган мана шундай мамлакатларда демократик жамиятлардагига нисбатан осоишишталик мавжуд бўлади. Қўёнга нисбатан қозиқдай қоқиб қўйилган устуннинг қилт этмаслиги ҳаммага ҳам яхши маълум. Аслида эса бундай жамиятда ривожланиш ва муайян талабларга муносаб тарзда мослашиш қобилияти бой берилган бўлади. Иккинчи жаҳон уруши арафасида, қолаверса, уруш йилларида ҳам Гитлер немис халиқини ана шундай асоратга солиб қўйган эди. Бутун аҳоли мустабид хукмроннинг ҳар бир буйруғини сўзсиз адo этадиган, итоатгўйлик турмуш тарзига айланган, қатъий тартиб-интизом ўрнатилган Гитлер давлати гёй узоқ йиллар яшashi керакдай эди. Афсуски, бундай жамиятда ривожланишни таъминловчи ижодий ишчанлик руҳи ўлиб бўлади. Сиқилган газ бирон бир вазифани бажариши мумкин, зичлашган сув, яъни муз бунга қодир эмас... Гитлер тузумини ичдан емирилиш эмас, балки тартиб-интизомга ҳаддан ташқари зўр берилиши, яъни темир интизом ўрнатилиши оқибатида мафкуранинг кучайтириб юборилиши ҳамда сароб мақсад сари интилиш барбод этди. Собиқ шўролар тузумида ҳам аҳолининг онги устидан мафкуравий хукмронлик ўрнатилган эди. Шўро кишиларинг фаҳм-фаросати, тафаккури қанчалар заҳарлангани бугун тобора равshan бўлаётir. Бироқ айrim парокандаликлар мавжудлиги шўролар тузумнинг умри нисбатан узунроқ бўлишини таъминлади.

– «1984» романи ҳам аҳолининг онгини заҳарлаш тўғрисидами?

– Оруэлл бу романда мазкур масалани қисман ёритган. Умуман, асар асосан муҳаббат мавзуида, бироқ бунга ҳеч ким аҳамият бермайди. Тил – инсоннинг эс-хушуни бутунлай ўғирлаши даркор – Оруэлл муомалага киритмоқчи бўлган янги тилнинг вазифаси шундан иборат. У олимдан фарқли равиша янги тил дарслигини эмас, балки ижодкор сифатида янги тилнинг тимсолини яратади. Лекин яратган янги тил тимсоли негизини албатта, инглиз тили ташкил этади. Рус тили эса тамомила бошқача ички тузилишга эга, бизларда

сўз ясаш таржимасига илмий ёндашишга тўғри келди. Ҳатто муайян сўзларнинг лугатини ҳам тузиб чиқдим.

– Айнан қандай сўз, сўз бирикмаларини таржима қилиш қийинроқ кечди?

– Турли даражалардаги сиёсий ташкилотлар номи билан боғлик бирикмаларни нисбатан осонроқ таржима қилдим. Масалан, мухмин – мұхаббат министирлиги... Ёхуд Оруэллнинг романида шодлик лагери бор – уни ҳам осон шодлаг тарзида ўтириб қўя қолдим. Оруэллнинг асарида тасвирланган тузум мана шундай қисқартма сўзларни қасддан қўллади. Дейлик, «Коммунистик интернационал» дейилганида бир йўла коммунизм ҳам, халқлар дўстлиги ҳам тушунилади. Бу бирикмани қисқартириб, «Коминтерн» дейилганида эса ёлгиз халқаро ташкилот англашилади, холос. Қолаверса, Оруэлл инглиз тили имкониятларидан фойдаланиб, бир сўздан ҳам эга ҳам феъл, ҳам кесим сифатда фойдаланишга ҳаракат қиласди. Рус тилида эса бундай имконият йўқ. Шу боис инглиз адаби асарининг руҳини имкон борича тўлароқ беришга уриниб янги сўзларни ўйлаб топишга ҳам маъжбур бўлдим. Ҳолбуки, алаҳсираётган одамгина оғзига келган сўзларни пала-партиш айтиб юбораверади.

...Инглиз тилида нотўғри феъллар жуда кўп. Оруэлл асарида эса одамлар муллоҳаза юритишига ҳожат қолмаслиги учун нотўғри феълларнинг ҳаммасини тўғрилаб чиқиши керак, деган фоя илгари суриласди. Буни рус тилида ифода этиш учун айнан рус тили хусусиятларига мос тушадиган бошқача усуслни ўйлаб топиш – масалан, дейлик барча феълларни ўзгарувчан қилиш талаб этилади. Фаол, келажак сари илдам одимлаётган мамлакатни таърифлаш учун бу жуда қўл келади. Масалан: «Ўқувчи вертолётни ғизиллатиб учирди», жумласи сингари. Дарвоҷе, яқинда бир газетани варақлар эканман «ғизиллатиб» эмас, ҳатто «чирпирак қилиб учирди», деган жумлага кўзим тушди... Ҳолбуки, кимдир байроқни чирпирак қилди, дея олмаймиз ахир. Ундан қатъий назар, газеталаримизни варақлайдиган бўлсак, Оруэллнинг қовушмаган, чалакам-чатти, кинояли, савдойи, илмоқли бирикмаларини эсга соладиган жуда кўп жумлаларни ўқишимиз табиий. Хуллас, кимдир шошма-шошарлик қилса, кимдир тил масаласида саводи говлаганини мана шу асно фош этади. Мана, масалан, Россияда, энг ийрик самолётни «Антей» деб номлашди. Ғалати-да, айни шу сўзниң маъносидан келиб чиқадиган бўлсак, бу «ҳавога кўтарилишидан олдин ерга зарб билан уриладиган самолёт» деган маъно келиб чиқади.

Умуман, таржима жараёнида одамни жиркантирадиган тил на-мунасини яратиш вазифаси олдимда кўндаланг бўлиб турарди. Оруэлл аллақандай бемаъни, қовушмайдиган тил яратади. Янгича сўзлар айрим ўринларда ҳазиломуз мазмунга эга бўлиши керакли-

гини ҳам Оруэлл ёддан чиқармаган. У айниқса коммунистик шиорларнинг бемаънилигини фош этишда ана шундай ҳажвиётта мойил жумлалар тузади. Унинг мақолаларидан бирида фикримизга яқол мисол бўла оладиган жумла бор. Адиб шуролар давридаги оммавий шиорлардан бирини масхаралаб, «Капиталистик саккизоёқ видолашув марсиясини кўйлаб бўлди», – дейди. Бироқ инглиз адабининг енгил юморини таржима қилиш асносида меъёрдан чиқмаслик талаб этилади. Аксинча, ажойиб бадиий асар таржимада фельветонга айланади. Жаҳон адабиётида эса Оруэллнинг «1984» романи каби асарлар камдан-кам учрайди...

Меъёри билиш керак? Давр одимларининг зарбини ҳис қила билиш даркор. Насрий асарнинг ички оҳангини илғаб олиш лозим. Мазмун кайфиятини ҳам сеза билиш керак. Бундай талабларнинг сон-саноги йўқ, чунки ҳаёт ҳар биримизнинг олдимизга ўта юксак талабларни қўймоқда. Ҳамиша шундай бўлиб келган.

Эҳтимол, буларнинг ҳеч бир ҳожати йўқдир? Балки ҳаёт ҳар биримиздан арзимаган нарсаларнигина талаб қилар? Ахир насрий асарни таржима қилишда унинг ички оҳангини пайқамаслик, ҳатто шундай оҳанг борлигини тасаввур ҳам қилмаслик мумкин-ку. Бирон асарни таржима қилар экансан, унинг муаллифи сингари ҳар бир қаҳрамоннинг ўй-кечинмаларини ҳаётдагидай бошдан кечириб, гоҳ қувониб, гоҳ қайтуга ботмасдан, гёё машинадай шунчаки таржима қилиб қўя колса ҳам бўлаверар. Бирон бир кинофильмни таржима қилишда эса арзимаган сўзлар йиғиндиси билан кифояланиб кўя қолиш ҳам ҳеч гап эмас. Алам қиласидиган жойи шундаки, ҳар иккала ҳолда ҳам жиддий фарқни жуда камдан-кам кишиларгина пайқайдилар, холос...

Кенг китобхонлар оммаси қандай қабул қилиши билан ҳисоблашмасдан азбаройи ишчанлик билан таржима қилувчилар, афсуски, саноқли даражада оз. Бундай таржимонлар аксарият кишилар ҳаёлига ҳам келтирмайдиган талабчанлик билан тер тўқадилар. Дарвоқе, ҳеч кимни мажбуран ишлатиб бўлмайди. Айниқса, бадиий таржима сингари мураккаб, мashaққатли соҳага бутун умрини баҳшида этган фидойиларгина азбаройи талабчанлик билан сидқидилдан меҳнат қиласидилар. Аксинча ҳам меҳнат қилиш мумкин деган фикр эса бундай фидойилар учун гуноҳи азим.

МУНДАРИЖА

Шарқ шеъриятидан	3
Тожик шеъриятидан	42
Қозоқ шеъриятидан	50
Озарбайжон шеъриятидан	57
Грузин шеъриятидан	59
Арман шеъриятидан	60
Рус шеъриятидан	62
Англия шеъриятидан	115
Перу шеъриятидан	157
Грек шеъриятидан	162
Жуброн Халил Жуброн	181
Игорь Гарин	191
Лев Толстой	207
Фёдор Достоевский	214
Фридрих Ницше	228
Иосиф Бродский билан сұхбат	252
Александр Генис	279
Виктор Голишев	292

Адабий-бадиий нацир

Абдуҳамид ПАРДА

ТАНЛАНГАН АСАРЛАР

ІІІ ЖИЛД

ТАРЖИМАЛАР

Муҳаррир Жавлон Яхшибоев

Бадиий муҳаррир Камолиддин Нурманов

Саҳифаловчи Иномжон Ўсаров

Нашриёт лицензияси: АI №299, 2017.22.05.

Теришга берилди: 24.04.2021 й.

Босишига рухсат этилди: 15.07.2021 й.

Офсет қофози. Қофоз бичими: 84x108 $\frac{1}{32}$.

Minion гарнитураси. Офсет босма.

Хисоб-нашриёт т.: 9,37. Шартли б.т.: 15,9.

Адади: 50 нусха.

Буюртма №

«OYDIN» нашриёт компьютер
марказида саҳифаланди.

Манзил: Тошкент шаҳри, Юнусобод тумани,

Амир Темур кўчаси, 25 уй.

Тел.: (+99871) 209-38-43, (+99890) 959-58-60